







# শিবাচার্য ঠাকুর ।

( কবিতা )

---

শ্রীশ্রীশচন্দ্র চট্টোপাধ্যায়

প্রণীত ।

---

কুম্ভলীন প্রেস :

কলিকাতা, ৫নং শিবনারায়ণ দাসের লেন হইতে

শ্রীপূর্ণচন্দ্র দাস কর্তৃক মুদ্রিত ও প্রকাশিত ।

---

১৩১৪ সাল

(All rights reserved.)

মূল্য ১/- একটাকা মাত্র ।





মাতঃ !

তোমার কোটি কোটি সন্তানের মধ্যে আমি একজন  
অকৃতী ও নগণ্য । ষোড়শোপচারে তোমার অর্চনা করিব  
এরূপ সঙ্গতি আমার নাই । তবে তুমি স্নেহময়ী জননী  
বলিয়াই এই সামান্য নৈবেদ্য যাহা বহুকক্ষে আহরণ করিতে  
পারিয়াছি, তোমার করকমলে অর্পণ করিতেছি ; দয়া  
করিয়া গ্রহণ করিও, এই ঐকান্তিক প্রার্থনা । ইতি—

তোমার সেবক

শ্রীশ্রীশচন্দ্র চট্টোপাধ্যায়



## ভূমিকা ।

বহুদিন পূর্বে কোন বিশিষ্ট তান্ত্রিকের মুখে শিবাচার্য ঠাকুরের কাহিনী ও কোলধর্ম সম্বন্ধে মোটামুটি যাহা অবগত হইয়াছিলাম, তাহারি উপর ভিত্তি স্থাপন করিয়া এই গ্রন্থের অবতারণা করিয়াছি, সত্য মিথ্যা ঈশ্বর জানেন । যদি যথার্থই শিবাচার্য ঠাকুর নামে কোন মহাপুরুষের অভ্যুদয় হইয়া থাকে, তাহা হইলে তাঁহার অদ্ভুত কীৰ্ত্তি জনসাধারণে প্রচারিত হইল, আর যদি না হইয়া থাকে একটী কাব্যোপন্যাস হইল । পাঠকপাঠিকাগণ নিজ নিজ ধারণা অনুযায়ী বুঝিয়া লইবেন । ফলতঃ, ইহা পাঠ করিয়া তাহারা কিঞ্চিন্মাত্র আনন্দ অনুভব করিলেই গ্রন্থকার শ্রম সফল মনে করিবে । ইতি—

বিনীত -

দৈবশাখ, ১৩১৪ ।

শ্রীশ্রীশচন্দ্র চট্টোপাধ্যায়



# সূচী পত্র ।

## প্রথম সর্গ ।

### গুরু শিষ্য সংবাদ ।

বিষয়	ছন্দ
প্রস্তাবনা ... ..	১—৫
শিবাচার্য ঠাকুরের সমসাময়িক কাল ও তাহার জন্মভূমি বিধূলি গ্রামের অবস্থিতি নির্ণয় ...	৬—৯
বিধূলি গ্রামের বর্ণনা ... ..	১০—৩৩
শিবাচার্য ঠাকুরের বাল্যাবস্থা ... ..	৩৪—৩৭
তঁাহার তরুণ অবস্থা ও হৃদয়ে ধর্ম্যভাব উদ্দীপন	৩৮—৪৭
পিতামাতা কর্তৃক উদ্বাহ বন্ধনে আবদ্ধ হইয়া শিবাচার্য ঠাকুরের সংসারে মনোনিবেশ, পিতামাতার লোকান্তর এবং তজ্জনিত হৃদয় ভগ্ন ও পুনরায় ধর্ম্য- ভাব জাগরুক ... ..	৪৮—৬০

শিবাচার্য ঠাকুরের তত্ত্বে আস্থা এবং গুরু অব্বে- ষণ, উপযুক্ত গুরু না পাওয়ায় মনের চাঞ্চল্য, তঁাহার স্ত্রী ও স্নহৃদ শিষ্য বিরূপাক্ষের তঁাহার প্রতি সাস্তুনা বাক্য, ক্রমে ব্যগ্রতার উপশম এবং মহাদেবী ধ্যানে চিস্তা নিয়োগ । ... ..	৬১—৭৪
--	-------

পথিক ব্রহ্মানন্দ স্বামীর আচার্য্যকে দেখিয়া  
তঁাহাতে যোগের লক্ষণ বুঝিয়া তঁাহার আশ্রয়ে অতিথি

বিষয়	ছন্দ
হওন, আচার্য্যের ব্রহ্মানন্দ স্বামীর সহিত কথোপ- কথন এবং তাঁহাকে গুরুত্বে বরণ ।	৭৫—১৩৫
ব্রহ্মানন্দ স্বামীর আচার্য্যকে শিষ্য কারিতে স্বীকার, তাঁহার আলয়ে অবস্থিতি, সম্বন্ধীক তাঁহাকে তারা- মস্ত্রে দীক্ষিত করণানন্তর সাধন পদ্ধতি শিক্ষা দেওন, শেষে ক্রমদীক্ষা করিয়া ত্রিশূল কপালপাত্র ও মহাশঙ্খ প্রদান	১৩৬—১৬০
ব্রহ্মানন্দ স্বামী ও আচার্য্যের স্ত্রী কমলার দেহ- ত্যাগ, বিরূপাক্ষের সহিত পরামর্শ করিয়া আচার্য্যের লোকালয় তইতে দূরদেশে শ্মশান-সন্নিধ ভাগীরথীগর্ভে সাধনমন্দির নিৰ্ম্মাণ, সাধনমন্দির বর্ণনা	১৬১—১০০
সাধনমন্দিরে আচার্য্যের পোষ্যবর্গ, যোগোত্তানে আচার্য্যের নিত্যকৃত্য	২০১—১১৪
এইরূপে যোগোত্তানে পঞ্চবর্ষ অতীত হইল তত্রাচ শবের যোজনা না হওয়ায় একদিন সায়াংকালে আচার্য্যের বিরূপাক্ষ শিষ্যের নিকট নৈরাশ্র সূচক বেদনা প্রকাশ	১১৫—২৩৭
অধীর হইয়া আচার্য্যের মহামায়াাকে স্তব	১৩৮—১৮০
তদনন্তর আচার্য্যের তুষণীভাব ধারণ, শূত্রে গুরু- দর্শন এবং তুচ্ছানিত উৎসাহে রোদ্রভাব, বিরূপাক্ষের পরিচর্য্যায় আচার্য্যের শাস্তুভাব ধারণ এবং পুনরায় বিলাপ, তদদর্শনে বিরূপাক্ষের জ্ঞানগর্ভ কথায় তাঁহাকে সাক্ষী প্রদান	২৮১—৩০৮

## দ্বিতীয় মর্গ ।

### উদ্যোগ ।

বিষয়	ছন্দ
জ্যৈষ্ঠ মাস, মেঘাচ্ছন্ন ঘোর কৃষ্ণত্রয়োদশী নিশা, ভয়ঙ্কর হুর্যোগ ... ..	১—৫
বিলম্বমূলে বসিয়া আচার্য্যের প্রকৃতির গতি নিরী- ক্ষণ এবং জগতের হিত বুঝিয়া উল্লাস প্রকাশ, সহসা সে ভাব বিলীন হইয়া শবচিন্তা হৃদে জাগরুক এবং তর্জ্জনিত চিন্তের বৈকল্য, পরে বিরূর কথা স্মরণ হওয়ায় শাস্তিলাভ ... ..	৬—১৭
আসার পতন হ্রাস, আচার্য্যের বিরূর আগমন প্রতীক্ষা এবং তাহার গুণ কীর্তন, বিরূর শ্রীপুর গ্রামে খাজনা আদায় করিতে যাইবার কথা, তাহার আসিতে বিলম্ব দেখিয়া নানারূপ কুচিন্তা ও উদ্বেগ- বর্দ্ধন ... ..	১৮—৩৪
অনন্তর বীর বেশে কুকুর সহ বিরূর ভবনে গমন, নিদ্রাতুরা বিরুমাতাকে জাগ্রত করিয়া তাঁহার সাহিত কথোপকথন, বিরূপাক্ষ প্রত্যাবৃত্ত হয় নাই জানিয়া সাতিশয় চিন্তাবিহীন, বুদ্ধার বচনে বিরূ এই রাত্রেই অবশ্য ফিরিবে এরূপ আশ্বাস পাইয়া প্রত্যাবৃত্ত হওন, পথে আসিতে পল্লীপ্রান্তে আঙুড়িয়া সন্ধান লওন, ভগ্নমনোরথ হওতঃ উজ্জানে আসিয়া বিঘোর চিন্তায় মগন ... ..	৩৫—২০



বিষয়

ছন্দ

নিশার মাহাত্ম্য কথন, বিরূপাক্ষের বিপদ গণিয়া  
আচার্যের শ্রীপুর গ্রামে যাইবার কল্পনা এবং ভগবতীর  
নিকট তাহার মঙ্গল প্রার্থনা ... ৯১—১১০

মধ্যাহ্নের প্রচণ্ড রৌদ্র, আচার্যের হিতার্থে  
কর্তব্য বিধায় বিরূপাক্ষের শ্রীপুর গ্রামে যাত্রা, শ্রীপুর  
সীমায় পুষ্করিণীর ধারে লোকের জনতা, তদদর্শনে  
সেখানে গিয়া জনৈক চণ্ডাল শিশুর জলমগ্ন বৃত্তান্ত  
শ্রবণ, মহাজাল ফেলিয়া শিশুকে জীবিত অবস্থায়  
জল হইতে উত্তোলিত করণ, বৈত্থের যত্নে শিশুর  
সংজ্ঞা লাভ, আত্মীয়েরা শিশুকে লইয়া গৃহে গমন,  
বিরূপাক্ষের শিশুর বিষয় ভাবিতে ভাবিতে জনৈক  
প্রজার বাটীতে প্রবেশ ... ১১১—১৪০

রাজস্ব আদায় হইলে বিরূর শিশুর সংবাদ লওন,  
শিশু ঘোর বিকার প্রাপ্ত শুনিয়া মৃত্যু অবধারিত  
বুঝিতে পারিয়া শব হস্তগত করিবার উপায় চিন্তন,  
মুসলধারে বৃষ্টি, জল ঝড় থামিলে প্রজার বাটী হইতে  
নিষ্ক্রান্ত হইয়া বিরূর নিষাদভবনাভিমুখে গমন,  
পথে যেতে ক্রন্দনধ্বনি শ্রবণ, শিশু মৃত জানিয়া  
সমস্ত তত্ত্ব অবগত হইবার মানসে বিরূর প্রবালয়  
সন্নিহিত ভগ্ন ঘাটে প্রবেশ ... ১৪১—১৬০

মাতার পুত্রশোকে আর্তিনাদ পরিণেমে শ্রাস্ত  
হইয়া নীরব হওন, পঞ্চজন সমভিক্যাহারে গৃহে  
প্রত্যাবর্ত্ত হইয়া নিষাদের শিশুকে গঙ্গাতীরে লইয়া

বিষয়

ছন্দ

যাইবার প্রস্তাব, সর্বজন মতে বিরিক্ষি শ্মশানে গিয়া  
শবদাহ করা স্থির ... ১৬১—১৭৩

সমস্ত বার্তা শুনিয়া শব উদ্ধারের যুক্তি উদ্ভাবিত,  
দ্রুতপাদ বিক্ষেপণে বিরুর গৃহে প্রত্যাগমন, ত্বরায়  
ভোজন করিয়া উদ্ধানে গমন, আচার্য্যাকে শববৃত্তান্ত  
জ্ঞাপন, তৎক্ষণাৎ গুরু শিষ্যের শ্মশান উদ্দেশে যাত্রা,  
পথে ভয়ঙ্কর হুঁসোং, বহু কষ্টে দৌহে শ্মশানে  
উপস্থিত ... ১৭৪—১৯৯

বিরিক্ষি শ্মশানের অবস্থিত এবং বীভৎস দৃশ্য  
বর্ণন, শববাহীগণের আতঙ্ক এবং বৃষ্টিহাসের প্রতীক্ষা-  
করণ ... ২০০—২১৮

বিরূপাক্ষের পিশাচবেশ ধারণ করিয়া শববাহী-  
দিগকে ভীতি প্রদর্শন, ভূত ভাবিয়া তাহাদের শব  
ফেলিয়া পলায়ন, বিরূপাক্ষ কর্তৃক শব হস্তগত,  
আচার্য্যের মহোল্লাস, গুরু শিষ্যের শব সহ গৃহাভিমুখে  
যাত্রা, পথে বিভীষিকা দর্শন, উদ্ধানে আসিয়া শবের  
সৎকার, পরদিনে দৌহে রজনীযোগে শব-সাধনের  
জন্ত আবশ্যকীয় দ্রব্য আহরণে লিপ্ত: ... ২১৯—২৪৬

## তৃতীয় সর্গ ।

শব-সাধন ।

কৃষ্ণচতুর্দশীর সন্ধ্যা, কোন্ শ্মশানে গিয়া শব-  
সাধন করা উচিত আচার্য্যের বিরূপাক্ষের সহিত

বিষয়

ছন্দ

পর্যামর্শ, বিরিক্ষি শ্মশানই উপযুক্ত স্থান ধার্যা হওন,  
গুরু শিষ্যের একত্রে মদিরা সেবন, মদিরার মাহাত্ম্য  
কথন ... ..

১—১০

সুধায় বিভোর হইয়া গুরু শিষ্যের শব ও  
আবশ্যকীয় দ্রব্যাদি লইয়া বিরিক্ষি শ্মশানে গমন,  
ঈশান কোণেতে দৌহার বৃত্ত নির্মাণ, বৃত্তমাঝে  
উপুড় করিয়া শবস্থাপন এবং তদোপরি আচার্য্যের  
উপবেশন, হোম সমাপনান্তে প্রাণায়াম করিয়া  
মহাদেবীকে ধ্যান, চেতনা পাইয়া শবের চিৎ হওন  
সুধা ও চর্কণ সেবন এবং অসিদ্ধি জ্ঞাপক খিল খিল  
হাসি, আচার্য্যের সপ্তমাংশ-সজ্জা জপ সমাপন ...

১১—২০

ক্রমে গাঢ়তর নিশা, হিংস্র জন্তুর ভয়ঙ্কর আরাব,  
সাধন পণ্ড হেতু পশ্বাকারে ভূতগণের সমাগম বুঝিতে  
পারিয়া বিরূপাক্ষের আচার্য্যের প্রতি উৎসাহ বাক্য,  
ভূতগণের প্রবেশ এবং আচার্য্যের গণ্ডী ঘিরিয়া  
তঁাহাকে ভীতি প্রদর্শন, বিফল মনোরথ হইয়া বিরূকে  
আসিয়া বেঠন ও বিবিধ উৎপাত করণ, বিরূপাক্ষ  
কর্তৃক পশুরূপী ভূতগণ বিতাড়িত এবং তদর্শনে  
আচার্য্যের উল্লাস ... ..

২১—৩০

পুনরায় শবের স্পন্দন মুখব্যাদান করিয়া মদিরা  
সেবন এবং সেইরূপ হাসি, তদর্শনে শিবের ভাবনা  
এবং সুধাপানে বিভোর হইয়া মহাদেবীকে ধ্যান  
ও স্তন্য হইয়া জপে মনোনিবেশ, ক্রমে দ্বিপ্রহর

বিষয়

ছন্দ

গভীর যামিনী, আচার্য্যের অর্দ্ধাধিক জপ সাক্ষ এমন  
সময়ে গগনস্পর্শী কোলাহল শ্রুত, স্বীয় বেশে ভূত-  
চমু আসিতেছে জানিয়া বিরূপাক্ষের আচার্য্যকে  
প্রভূত উৎসাহ দান, ভূতচমুর প্রবেশ, ভূতদিগের  
রূপ বর্ণন

৩১—৪৫

দেবযোনি কর্তৃক ভয়ঙ্কর উৎপাত ও কোলাহল,  
জপে বিয় দেখিয়া আচার্য্যের ভূতচমু প্রতি স্ততিবাদ,  
তাহাতে ভূতগণের বিজ্ঞপ, কাদম্বরী যোগে বিভোর  
হইয়া আচার্য্যের জপে দৃঢ়প্রতিজ্ঞ হওন, ব্যর্থকাম হইয়া  
প্রতিঘ অস্তরে ভূতচমু কর্তৃক বিরূপাক্ষের বৃত্ত বেষ্টন  
ও ষণ্মরোনাতি উৎপাত করণ, বিরূপাক্ষের স্তব  
তাহাতে তাহাদের দ্বিগুণ উত্তমে উৎপাত, তাহাদের  
ঈদৃশ ধ্বংস ও অসদব্যবহার দেখিয়া শিব-ইষ্টকামে  
বিরূপাক্ষের মহাদেবকে স্মরণ, ধূর্জটির আবির্ভাব  
এবং বিরূপাক্ষের দেহে প্রবেশ, বিরূপাক্ষের ভূতচমু  
প্রতি পরুষ বাক্য প্রয়োগ, আক্রোশ ভরে ভূতগণ  
দীর্ঘভুজ হইয়া বজ্রনির্ঘোষে বিরূপাক্ষকে ধরিতে উদ্যত,  
রুদ্রবলে বলীয়ান বিরূপাক্ষের বীরদাপে অরিকুল-  
দিগকে লক্ষ্য করিয়া ত্রিশূল উত্তোলিত করণ ও শূলাগ্র  
হইতে বিদ্যুৎক্ষরণ, তাহাতে উদ্ধত ভূতগণের অঙ্গ  
দধ, তদদর্শনে এবং বিরূপাক্ষ দেহে শিবজ্যোতিঃ  
নিরীক্ষণ করিয়া ভূতচমুর পলায়ন, বিরূপাক্ষের জয়নাদ  
এবং আচার্য্যের মহোল্লাস

বিষয়

ছন্দ

সপ্তমাংশ মাত্র জপ অবশেষ হেনকালে আবার শবের রূপান্তর, ঘোরতর বিঘ্ন সম্ভব বুঝিয়া আচার্য্যের কাদম্বরী যোগে মহাদেবীকে ধ্যান, বিরূপাক্ষের শঙ্করকে ধ্যান, উভয়েই ধ্যানে তন্ময়, চেতনা পাইয়া বিরূপাক্ষ কর্তৃক স্বর্গের অলৌকিক দৃশ্য দর্শন, রহস্ত বুঝিতে পারিয়া বিরূপাক্ষের আচার্য্যের প্রতি উৎসাহ বাক্য, বিদ্যাদারীগণের প্রবেশ, প্রধানা অম্বরার আচার্য্যকে পতিত্রে বরণ, আচার্য্য কর্তৃক তিরস্কৃত হইয়া বিরূপাক্ষের নিকট আসিয়া বিদ্যাদারীগণের কুহকজাল বিস্তার, যুগায় বিরূপাক্ষের তাহাদের প্রতি পরুষ বাক্য প্রয়োগ এবং শাস্তি দিবার ভয় প্রদর্শন, বিরূপাক্ষের রুদ্র মূর্তি দেখিয়া অম্বরগণের পলায়ন, বিরূর দেহ হইতে শিবের অন্তর্দান, বিরূপাক্ষের সংজ্ঞা-  
লোপ ... .. ৬৭—৯১

জপ সাক্ষ, উপুড় হইয়া শবের চেতনা লুপ্ত, পুনরায় শ্মশান দৃশ্য এবং আচার্য্যের দেবী আগমন প্রতীক্ষা, আগমন সূচক কোন চিহ্ন না দেখিতে পাইয়া হতাশ্বাসে আচার্য্যের মর্মান্তিক খেদ এবং আত্মঘাতে উদ্ভূত হওন, সহসা আকাশ আলোকিত ও দেবগণের অভ্যুদয়, মঙ্গল ধ্বনি সহ তাহাদের আচার্য্যের উপর পুষ্প বরিষণ, দেবীর উদয় ক্রমে প্রতিমার ভূতলে  
অবতরণ ... .. ৯২—৯৭

## চতুর্থ সর্গ ।

### যোগভ্রম্য ।

বিষয়

ছন্দ

মহাদেবীর সন্নিধানে ঋষিবরকে দেখিয়া দেবগণের  
আশঙ্কা, তারামূর্তির তত্ত্ব নিরূপণ, তারামূর্তি  
নিরীক্ষণ করিয়া আচার্য্যের হৃদয়ে ভয়ের সঞ্চার,  
পুনঃপুনঃ সন্দর্শনে মহাভীতি ক্রমে জ্ঞান লুপ্ত ...

১—৮

ভয়েতে বিহ্বল দেখিয়া মহাদেবীর স্বীয় শক্তি  
বিন্দু আচার্য্যের দেহে সঞ্চার, আচার্য্যের চেতনা  
কিন্তু ঘোর দৃশ্য সহিতে না পারিয়া নয়ন মুদিত  
করণ, দেবীর আচার্য্যের প্রতি সাস্থনা বাক্য এবং  
ভীতাকে বর প্রার্থনা করিতে আদেশ, প্রাণভরে  
বিগ্রহ দর্শন এবং শ্রীচরণে পুষ্পাজলি অর্পণ করিতে  
না পাওয়ায় আচার্য্যের মহা আক্ষেপ, তদর্শনে  
দেবীর আচার্য্যের ইচ্ছানুরূপ মূর্তি ধারণ করিতে  
অভিলাষ প্রকাশ ...

৯—১৩

শিবানী সেবক কথোপকথন শুনিয়া দিবিশদগনের  
মজ্জনা এবং ছুট্টা সরস্বতীকে যুক্তি কহিয়া সাধক  
সকাশে প্রেরণ, কোন মূর্তি দর্শন করিলে তৃপ্তি পাইবে  
আচার্য্যের তোলাপাড়া এমন সময়ে ভারতীর আবেশ,  
দেবী কর্তৃক প্ররোচিত হইয়া আচার্য্যের মোহিনী  
মূর্তি দর্শনের অভিলাষ ব্যক্ত, তচ্ছব্দে দেবীর ভৎসনা  
এবং অগ্র বর যাচঞা করিতে আদেশ, আচার্য্যের •

বিষয়

ছন্দ

অভিমান এবং অগ্র প্রার্থনা নাই এতেক কহিয়া  
তুষাভাব ধারণ ... ..

১৪—১৮

ভক্তের মনোবাঞ্ছা পূর্ণ করিতে মোহিনী মূর্তি  
ধারণ অনিবার্য্য বুঝিয়া অলৌকিক মায়াজাল বিস্তার  
করতঃ দেবীর দিবিষদগণের দৃষ্টিরোধ, 'ছুষ্ঠা' সরস্বতীর  
পলায়ন, কুতূহলী অমর মণ্ডলীর ভগ্ন মনে স্ব স্ব স্থানে  
প্রস্থান, দেবীর মোহিনী মূর্তি ধারণ, মোহিনী মূর্তি  
বর্ণন, পুনঃপুনঃ অসামান্য রূপরাশি দর্শন করিয়া  
মোহে আচার্য্যের স্তম্ভন ... ..

১৯—২৮

শ্রীখণ্ড গ্রামের অবস্থিতি এবং তথা উমাপতি  
নাম নিষাদ ও তাহার পরমা সুন্দরী ভক্তিমতী কন্যা  
স্বর্ণপ্রভার বিবরণ, কন্যা দ্বাদশ বৎসরে পদার্পণ  
করিলে নিষাদের পাত্র অন্বেষণ এবং জামাতাকে  
আনিয়া গৃহে রাখিতে মনস্থ করণ, উপযুক্ত  
পাত্র না পাওয়ায় অন্বেষণে নিরস্ত হওন, কন্যার  
উত্তরোত্তর শিবপূজায় গাঢ়তর মনোনিবেশ, ত্রয়োদশ  
বৎসর পূর্ণ হইলে একদা কন্যার স্বপ্নে অলৌকিক  
দৃশ্য দর্শন এবং তদবধি যোগিনীর বেশ ধারণ,  
তদর্শনে মাতার আক্ষেপ, স্বপ্নদৃষ্ট ছবি ভাবিতে  
ভাবিতে ক্রমে কন্যার উন্মাদ দশা প্রাপ্তি, বদ্ধ পাগ-  
লিনীর নিত্যকর্ম্ম কখন ... ..

২৯—৪৪

আজি কৃষ্ণচতুর্দশী তিথি পাগলিনীর বয়স এখন  
পঁচিশ বৎসর, আজ সারা দিন পাগলী অনশনে

বিষয়

ছন্দ

শিবপূজার আয়োজনে ব্যস্ত, আরাত্রিক বেলা গতে  
পাগলিনীর পল্লীপ্রান্তে যজ্ঞেশ্বর মন্দিরে গমন,  
তন্ময় হইয়া শিবপূজা, মহাদেবের প্রত্যাদেশ, আদেশ  
মত সরনীরে অবগাহন, শিবলিঙ্গ হইতে বিছাৎ  
আলোক ক্ষরণ, স্নানান্তে উঠিয়া স্ববর্ণপাত্রে বহুমূল্য  
বসন ভূষণ ও আহারীয় দ্রব্য দেখিয়া বিস্ময়, আনন্দে  
শিবদত্ত বসন ভূষণ পরিধান পূর্বক ভোজন করতঃ  
পাগলিনীর বিরিক্ষি শ্মশান উদ্দেশে যাত্রা, তথায়  
স্বপ্নদৃষ্ট আচার্য্যের মোহন রূপ দর্শন করিয়া প্রভূত  
আনন্দ এবং প্রেমোচ্ছ্বাসে স্তম্ভন, আচার্য্যের মুহুমুহ  
মোহিনী মূর্ত্তি দর্শনে ধৈর্য্যচ্যুতি এবং হৃদয়ে কামতাব  
জাগরুক, মন্মথ পীড়নে অধীর এবং হতজ্ঞান হইয়া  
আচার্য্যের মহাদেবীর নিকট প্রেম ভিক্ষা

...

৪৫—৫৪

## পঞ্চম সর্গ ।

প্রকৃতির পূর্ণতা এবং অলৌকিক সৌন্দর্য্য কখন,  
ললনার মোহিনী শক্তি, কণ্ঠার শৈশব ও কুমারী  
অবস্থা, মুগ্ধাবস্থা এবং বিবাহিতার তরুণ অবস্থা কখন

১—৮

অবিবাহিতা তরুণীর আখ্যা, অকস্মাৎ পবিত্র  
বিনিময়, তখন উভয়ের যেরূপ মনের স্পৃহা এবং  
প্রেমোচ্ছ্বাস তাহা বর্ণন, উভয়ের উভয়কে পরীক্ষা,  
শুভ সন্মিলন এবং পরিশেষে পরিণয়

...

...

৯—২৫



বিষয়

ছন্দ

প্রেমের মাহাত্ম্য কথন, তরুণীর মাতরাবস্থা,  
রমণীর প্রোঢ় ও বৃদ্ধাবস্থা, বক্ষ্যাপ্ত অবীরার কথা,  
রমনীর হৃদশা, ডাকিনী ও শাকিনী রূপে মানবী,  
শিক্ষাই স্মৃথ হুঃখের মূল ... ..

২৪—৪০

মহামায়ার অলৌকিক মায়াজাল এবং তাঁহার  
ক্রিয়া কলাপের দুর্ভেদ্য রহস্য কথন, শিবাচার্য্য প্রেম-  
ভিক্ষা চাহিলে মাতঙ্গসুতার স্তম্ভন মুক্ত ও তাহার  
দেহে স্বীয় আকর্ষণী শক্তি বিন্দু সঞ্চারিত করিয়া দেবীর  
অন্তর্দ্বান, নিষাদ তনয়ার আচার্য্যের প্রতি মুহুমূর্ছ  
কুটিল কটাক্ষ, ঈশ্বরী মায়ায় আচার্য্যের আত্মবিস্তৃতি  
কিরাত ললনার নিকট তাহার পরিচয় জিজ্ঞাসা ও  
প্রণয় যাচ্ঞা, বামার পরিচয় দান কিন্তু লজ্জাবশতঃ  
স্বীয় ভাব গোপন, প্রেমোন্মত্ত হইয়া আচার্য্যের  
নিষাদকণ্ঠকে পল্লীতে আহ্বান, বামার অক্ষুট  
সন্মতি দান, প্রেমভরে আচার্য্যের আসন হইতে  
উত্থান এবং বামাকে আলিঙ্গন করিতে উদ্যত হওন,  
ভীত হয়ে বামার পলায়ন ... ..

৪১—৬৫

আচার্য্যের পশ্চাদ্ধাবন, কিরাত ললনার অরণ্যে  
প্রবেশ এবং নির্ঝরগীর কূলে শ্রান্তিদূর হেতু উপবেশন,  
প্রকৃতির শোভা সন্দর্শনে বামার মত্ততা আচার্য্যের  
প্রতি অমুরাগ বৃদ্ধি এবং স্বীয় কুকর্ম্মজনিত খোদোক্তি,  
আচার্য্যের প্রবেশ এবং কাতরে বিদায় যাচ্ঞা, বামার  
প্রেমোচ্ছ্বাস এবং অপরাধ জ্ঞাত ক্ষমা প্রার্থনা,  
উভয়ের গুণত সম্মিলন ... ..

৬৬—৭০

বিষয়

ছন্দ

হেথা শ্মশানে বিরূপাক্ষের নিদ্রাভঙ্গ, আচার্য্যকে  
না দেখিতে পাইয়া বিশ্বয় এবং তাঁহার জ্ঞাত সাতিশয়  
চিন্তা, মদিরাই অনিষ্টের মূল জানিয়া তাহার প্রতি  
মন্ত্যাস্তিক ঘৃণা এবং জন্মের মত উহা পরিত্যাগে  
সঙ্কল্প, শবদাহ করিয়া বিরূপাক্ষের গুরু অন্বেষণে  
নিষ্ক্রমণ, বিরিক্ষির সমুদয় স্থল চতুর্দিক প্রান্তর ও গ্রাম  
সমূহ তন্ন তন্ন করিয়া পর্য্যবেক্ষণ, কোথাও সন্ধান না  
পাইয়া ভগ্ন হৃদয়ে দিবাবসানে গৃহাভিমুখী হওন ...

৭৪—৮

## ষষ্ঠ সর্গ ।

উদ্ধার ।

নিদ্রার মাহাত্ম্য কথন, গভীর রজনী গ্রাম সুদূর  
ঘোর নিদ্রায় অভিভূত কেবল বিরূপাক্ষ মাতা জাগ্রত,  
গুরু শিষ্যের মঙ্গল কারণ শ্রীগোবিন্দ ইষ্ট নাম জপ  
এবং তাহাদের সিদ্ধিলাভ জ্ঞাত কায়মনোবাক্যে প্রার্থনা,  
তৃতীয় প্রহরান্তে অবশ হইয়া নিদ্রাগত, বিরূ গুরুর  
সন্ধানে ছুটিয়া বেড়াইতেছে প্রভাতে এইরূপ স্বপ্ন  
দর্শন, সচকিতে জরতীর গ্রাতোথান এবং প্রাতঃকৃত্য  
সমাপনান্তর হরির চরণ ধ্যানে উপবেশন কিন্তু কোন  
মতে চিন্তা নিবেশ না হওয়ায় ঘোর অমঙ্গল বুঝিয়া  
দাসীয়ে যোগোক্তানে প্রেরণ, উদ্ভ্রমে কেহ নাই  
দাসী কর্তৃক অবগত হইয়া শিব যোগভ্রষ্ট হইয়াছে  
এইরূপ স্থিরীকরণ ...

১—১০

বিষয়

ছন্দ

ক্রমে মধ্যাহ্ন গত এবং বেলা অবসান তথাপি  
বিক্র আসিল না দেখিয়া জরতীর অধীরতা এবং না-  
না প্রকার চিন্তা, চণ্ডীমণ্ডপে মহামায়ার নিকট মাথা  
খুঁড়িয়া বিক্রর জন্ত প্রার্থনা, চিত্তের স্থিরতা, বিক্রর  
কোন অমঙ্গল ঘটে নাই এবং শিব জীবিত আছে স্থির  
জানিয়া বিক্রর আগমন প্রতীক্ষায় গৃহদ্বারে উপবেশন,  
প্রহরার্ক নিশা গতে ঘোর চিন্তাবেশে ধূলায় ধূসরিত  
বিক্রর প্রত্যাগমন, পুত্রের জ্ঞান মুখ দেখিয়া তাহার  
জন্ত পানীয় ভোজনের উদ্যোগ

...

১১—১৮

বণিতার প্রবেশ, ভর্তার ঈদৃশ অবস্থা দেখিয়া  
শোকে ও অভিমানে যৎপরোনাস্তি তিরস্কার, স্নানাহার  
সমাপ্ত হইলে স্বামীর শুশ্রূষা তাহাতে বিক্রপাক্ষ হুরায়  
নিদ্রাগত, প্রত্যুষে উঠিয়া সজ্জাপে মায়েরে সমস্ত বার্তা  
জ্ঞাপন, তাহা শুনিয়া আচার্য্য অবধারিত যোগভ্রষ্ট  
হইয়াছে কিন্তু প্রাণে বেঁচে আছে এতক कहিয়া জর-  
তীর পুত্রকে আশ্বস্ত করণ, মায়ের কথায় বিক্রপাক্ষের  
শাস্তি লাভ

...

...

...

১৯—৩০

সেথা গহন কাননে নবীন দম্পতি আমোদ  
প্রমোদে রত, এইরূপে মধ্যাহ্ন পর্য্যন্ত অতিবাহিত  
করিয়া স্রোতঃস্বর্তী নীরে স্নান এবং ফল মূল ভক্ষণ  
করতঃ বটবৃক্ষ মূলে বিশ্রাম কারণ আশ্রয় লওন ও  
বিঘোর নিদ্রায় অভিভূত হওন, নিদ্রাভঙ্গ হলে যামিনী  
আগত দেখিয়া এবং স্বাপদসঙ্কুল বনে বিপদ সূক্ত

বিষয়

ছন্দ

বুঝিয়া যুমন্ত স্বামীকে জাগ্রত করিয়া আচার্য্যজায়ার  
 ত্রীখণ্ডাভিমুখে যাত্রা, যজ্ঞেশ্বর মন্দিরে উপনীত হইয়া  
 কি প্রকারে স্বামীকে গৃহে লইয়া যাইবেক তাহার  
 যুক্তি জিজ্ঞাসা, সহসা সেরূপ বিদ্যাৎ আলোক হওন,  
 তদৃষ্টে দৌহার দেউল পশ্চাদ্দেশ গমন, অদ্ভুত  
 আলোক দেখিয়া জনৈক নাপিতের প্রবেশ, উহাদিগকে  
 ভূত ভাবিয়া ক্ষুরীর মহাভীতি, তদর্শনে আচার্য্য  
 জায়ার তাহাকে সাঙ্ঘনা এবং স্বামীর কেশ ও শ্মশ্রু-  
 রাজি মুণ্ডন করিতে অনুরোধ, ক্ষৌরকার্য্য সমাধা  
 কবিয়া নাপিতের দ্রুতবেগে পলায়ন, নিজের বসন  
 ভূষণ ও স্বামীর যজ্ঞসূত্র রুদ্রাক্ষের মালা প্রভৃতি  
 সরসীর জলে নিক্ষেপ, স্নান করিয়া গত রাত্রের ত্যক্ত  
 বসন খণ্ড করতঃ দৌহার পরিধান, আলোক নিৰ্ব্বাণ,  
 কিরাত ললনার স্বামী সহ গৃহাভিমুখে যাত্রা, অমাবস্তার  
 ঘোর ধ্বাস্তময়ী দ্বিপ্রহর নিশি গৃহদ্বারে বসিয়া প্রব  
 পত্নী সহ তনয়ার লাগিয়া দারুণ চিন্তায় মগ্ন হেন কালে  
 পতি সহ কণ্ঠার প্রবেশ ... ..

৩১—৪৫

দম্পতি কর্তৃক কণ্ঠা ও জামাতার সমাদর, প্রবন্ততা  
 সোনার বিবাহ বার্তা প্রভাতে নগরে বিঘোষিত,  
 পুরাজনাগণের জামাতাকে দেখিতে প্রবালয়ে আগমন  
 এবং দেখিয়া প্রশংসাকরণ, সাধু অধিষ্ঠানে নিষাদ-  
 ভবনে সমৃদ্ধি, আচার্য্যের জায়া প্রতি অসাধারণ  
 অনুরাগ, তদর্শনে দম্পতির মহোল্লাস এবং কণ্ঠাকে

বিষয়

ছন্দ

আশীর্বাদ, এইরূপে মহামুখে ছুই বৎসর অতিক্রান্ত,  
 দেশব্যাপী মহামারী, প্লেব এবং প্লেবপত্নীর এই রোগে  
 মৃত্যু, বিষয়ের অধিকারিণী হইয়া প্লেবমৃত্যুর আচার্য্যকে  
 নানা কাজে নিযুক্ত করণ, নির্জন আবাস পাইয়া  
 দিন দিন আচার্য্যের জায়া প্রতি অনুরাগ বৃদ্ধি এবং  
 মস্তমুগ্ধ প্রায় আচরণ, এইরূপে আরও তিন বৎসর  
 অতিবাহিত ... ..

৪৬—৬১

গ্রহণী রোগে প্রমদার আক্রান্ত হওন, যথাসর্ব্বশ্ব  
 ব্যয় করিয়া আচার্য্যের চিকিৎসা, কিরাত ললনার  
 লোকান্তর, আচার্য্যের তুর্কিসহ শোক ও পুরবাসীগণের  
 তাঁহার প্রতি সান্ধনা বাক্য, সৎকারের জন্ত শব বিরিক্তি  
 শ্রমানে নীত এবং আচার্য্যের অনুগমন, আজি সেই  
 জ্যৈষ্ঠ মাস কৃষ্ণচতুর্দশী তিথি, আচার্য্যের সাধনা স্থল  
 শবদাহ জন্ত নির্বাচিত, চিতা প্রজ্জলিত হইলে কবন্ধের  
 বীভৎস দৃশ্য, মহাভীতি সনে শববাহীগণের পলায়ন,  
 একলা বসিয়া আচার্য্যের মর্শ্বেভেদী বিলাপ ...

৬২—৭৬

হেথা বিরূপাক্ষের যোগোত্তানে গিয়া সকল  
 বৃত্তান্ত বিশ্বস্ত ভৃত্যকে জ্ঞাপন, শুনিয়া ভৃত্যের বিলাপ,  
 যোগোত্তান নিয়ত পরিষ্কার পরিচ্ছন্ন রাখিতে কহিয়া  
 সবৎস গাভীদ্বয় ও সারমেয় সহ বিরূর গৃহে প্রত্যা-  
 গমন, অনবরত গুরুর সন্ধান, আজি অধীর হইয়া  
 অনশনে বিরূর বিষমূলে বসিয়া মহাদেবীকে ধ্যান,  
 বিক্টিষ্টি শ্রমানে চিতায় অনিন্দ্য রূপসী বামাদেহ

জলিতেছে এবং অদূরে বসিয়া আচার্য্য বিলাপ করিতে-  
ছেন ইত্যাকার দৃশ্য ধ্যানেন্তে দর্শন, তদর্শনে বিরর  
উত্তরসাধক বেশে শ্রাশানে গমন, সত্য সত্যই  
আচার্য্যকে দেখিয়া মহোল্লাস, আচার্য্যের বিরকে  
দেখিয়া কোন দেবতা আনুকূল্যে অঙ্গসিয়াছে ভাবিয়া  
তাহার নিকট মনোবেদনা জ্ঞাপন, তচ্ছবণে শিবাচার্য্য  
ঠাকুর নামে সিদ্ধ যোগীর নিকট যাইলে তাহার বনিতা  
অবশ্য পুনরুজ্জীবিত হইবে এরূপ আশ্বাস দিয়া তাঁহার  
শবসাধন বৃত্তান্ত কথন, গুনিয়া আচার্য্যের স্তম্ভন  
মোচন এবং বিরূপাক্ষকে প্রেমভরে আলিঙ্গন, পরে  
দুর্গতির কথা কহিতে কহিতে আচার্য্যের শিষ্য সহ  
উত্থানে প্রত্যাবৃত্ত হওন ...

৭৭—৮৬

## সপ্তম সর্গ ।

### সমাধি ।

মহাশক্তির বন্দনা

...

...

১—৮

বহুদিন পরে উত্থানের শোভা সন্দর্শনে আচার্য্যের  
উল্লাস, প্রভুকে দেখিয়া ভৃত্যের আনন্দ এবং বার্তা  
গুনিয়া বিরূপাক্ষমাতার আচার্য্যকে আশীর্বাদ, আচা-  
র্য্যের বিশ্বমূল সার করণ, ত্বরিতা বহু হালা সেবন ও  
আমিষ ভোজন ত্যাগ এবং মহামায়ার চরণ ধ্যানে •

বিষয়

ছন্দ ।

চিত্ত নিবেশ, মনস্তাপে নিদারুণ চিন্তের বৈকল্য এবং  
দেবীর অদর্শনে গভীর বেদনা ও গাত্রদাহ ...

৯—১৮

বৎসরান্তে আজি পুনঃ জ্যৈষ্ঠ-কৃষ্ণচতুর্দশী তিথি,  
অনশনে একলা বিহ্বমূলে বসিয়া দেবীর দর্শন পাইয়াও  
কেন তাঁহার দুর্গতি ভোগ হইল তবে কোন ধর্ম  
আচরণ করিলে লোকে সিদ্ধ হয় এবং ধর্ম তত্ত্বের  
সারই বা কি ইত্যাদি বিষয়ে আচার্য্যের তোলাপাড়া,  
কিছুই স্থির করিতে না পারায় অধীর হইয়া মহা-  
মায়াকে ধ্যান এবং ভাবিতে ভাবিতে আচার্য্যের  
চেতনা লুপ্ত ...

১৯—৩৩

ধ্যানে শ্মশানছবি দর্শন, ক্রমে তারামূর্তির  
অভ্যুদয়, নয়ন মেলিয়া যথার্থ ই সে দৃশ্য দেখিয়া  
পুলকভরে মহামায়ার চরণে প্রণিপাত পূর্বক অনি-  
মেঘ নেত্রে তাঁহার রূপরশি দর্শন এবং ক্রমে আনন্দে  
মহাভাব, আচার্য্য কর্তৃক মহামায়ার বিশ্বস্তরী মূর্তি  
দর্শন, ক্রমে সৃষ্টিস্থিতি-প্রলয়কারিণী ত্রিবিধ মূর্তি  
দর্শন, সংহার মূর্তি দর্শনে আচার্য্যের মহাভীতি এবং  
সে দৃশ্য প্রত্যাহার করিতে মায়েয় নিকট প্রার্থনা,  
পরে জ্যোতির্ময়ী মূর্তি দর্শন এবং তদর্শনে পূর্ণানন্দে  
সমাধিগত ও মন্দির হইতে নিষ্ক্রান্ত হইয়া সারা রাত্রি  
ইতস্ততঃ পরিভ্রমণ ...

৩৪—৫৮

বিরূপাক্ষের যথারীতি উদ্গামে আসিয়া আচার্য্যকে  
অতুতপূর্বক ধ্যানে তন্ময় দেখিয়া গৃহে প্রত্যাগমন,

বিষয়

ছন্দ

প্রাতে তাই আচার্য্যের সংবাদ লইতে পুনরাগমন,  
নিকটে আসিয়া তাঁহাকে গঙ্গাতীরে দিগম্বর অবস্থায়  
দণ্ডায়মান দেখিয়া দ্রুতপদে তাঁহুর নিকট গমন,  
দূর হইতে বিরূপাক্ষকে দেখিয়া আনন্দে আচার্য্যের  
নৃত্য, কতক্ষণে কথঞ্চিৎ সংজ্ঞা পাইয়া গদগদ স্বরে  
মহামায়ার বিশ্বব্যাপী রূপ তাঁহার অচিন্ত্য লীলা ও  
নিত্যকর্ম্মশীলতা সময়ের মূল্য আসক্তিই দুঃখের মূল  
দেহের নশ্বরতা এবং কর্তব্য পালনই মানবের প্রধান  
ধর্ম্ম ইত্যাদি ব্যাখ্যাকরণ ... ..

৫৯—৭৫

বিমুক্ত হইয়া বিরূপাক্ষের আচার্য্যের জ্ঞানগর্ভ বাক্য  
শ্রবণ, পরে আচার্য্যকে পূর্ণব্রহ্মজ্ঞানে মাতোয়ারা  
দেখিয়া এরূপ অবস্থায় অধিকক্ষণ থাকিলে দেহপাত  
হইবার সম্ভাবনা বুঝিয়া উত্তানে লণ্ডন এবং তাঁহুর  
শুশ্রূষায় নিযুক্ত হওন, সপ্তাহ পরে আচার্য্যকে প্রকৃ-  
তিস্থ দেখিয়া বিরূপাক্ষের গৃহে প্রত্যাগমন ...

৭৬—৮২

একদিন সহসা কি ভাব মনে উদ্ভিত হওয়ায়  
আচার্য্যের সাধনমন্দির ভগ্ন করণ তথায় শাক সজ্জি  
বপন এবং জনাশ্রয়ে প্রাচীরের ধারে পুষ্পবৃক্ষ রোপণ,  
মহামায়ার শ্রীচরণ হৃদয়ে ধারণ করিয়া বৃদ্ধ ভূত্যের  
প্রতি সংসারের লঘু ভার অর্পণ করতঃ আচার্য্যের  
নিরন্তর গুরু কার্য্যে ব্যস্ত রহন এবং সকল কার্য্যের  
উৎকর্ষ সাধিত করণ, অবসর ক্রমে শ্রানাদিকে পরি-  
ভ্রমণ করিয়া মানবপ্রকৃতি ও স্বভাবের গতি নিরী-



বিষয়

ছন্দ

ক্লণ এবং কিসে জগতের হিত সাধিত হইতে পারে  
মনে মনে তোলাপাড়া করণ, তজ্জনিত চিত্তের  
বৈচিত্র্য, প্রত্যাবৃত্ত হইয়া মহালয়ের সহিত লয়  
মিশাইয়া ধ্রুবপদ গানে মগ্ন হওন ...

৮৩—৯৫

একদা সায়াংকালে জাহ্নবীর, তীরে বসিয়া অপর  
জগতের ব্যাপার দেখিতে কুতূহলী হওন এবং সে  
কারণে মহামায়াকে আহ্বান, দেবীর রূপায় মঙ্গল ও  
বুধ গ্রহ পরিদর্শন করিয়া প্রত্যাবৃত্ত হওন এবং বিক্র-  
পাক্ষের নিকট আহাৰ নিদ্রা ও মৈথুন প্রাণীর ধর্ম  
ব্যাখ্যাকরণ এবং মহামায়ার অচিন্ত্য মহিমা বুঝিয়া  
মহাভাবে মগ্ন হওন ...

৯৬—১০৫

একদিন প্রাতঃকালে একাদশীর উপবাসী পারণ-  
প্রয়াসী জনৈক সন্ন্যাসীর আচার্য্য ভবনে অতিথি হওন,  
রাত্রে তাঁহার সহিত ধর্ম্মশাস্ত্র আলোচনাস্তর মনুষ্যের  
একাধারে ত্যাগী ও ভোগী হওয়া চরম সাধন তাহার  
ব্যাখ্যাকরণ, সন্ন্যাসীর উহা কোনমতে হৃদয়ঙ্গম না  
হওয়ায় আচার্য্যের তাহাকে তিরস্কার ...

১০৬—১১৩

ক্রমে অত্র একদিন প্রাতে প্রাস্তুর পরিভ্রমণাস্তর  
গোবিন্দ মন্দিরের পথ দিয়া ফিরিবার সময় মন্দিরের  
তৎকালিক মুনোহর দৃশ্য দেখিয়া ভক্তিরসে আর্দ্র  
হওতঃ সন্নিহিত বটবৃক্ষতলে আচার্য্যের উপবেশন,  
এমন সময়ে জনৈক বৃদ্ধ যবন সন্ন্যাসীর আগমন এবং  
তুধ্যাক্ষের নিকট বিগ্রহ দেখিবার অভিলাষ ব্যক্তকরণ,

বিষয়

ছন্দ

তচ্ছবণে অধ্যক্ষের সন্ন্যাসীকে তাড়না, সন্ন্যাসী  
ব্যথিত হইয়া গমনোদ্ভূত হইলে আচার্য্যের তাঁহাকে  
নিবারিত এবং অধ্যক্ষকে তিরস্কৃত করিয়া ঈশ্বর সর্ব-  
ব্যাপী এবং কতু সীমাবদ্ধ নহেন ইহা ব্যাখ্যা করণ ও  
দরবেশকে সঙ্গে লইয়া বিগ্রহ প্রদর্শন, ঠাকুরকে  
প্রণাম করিয়া আনন্দে সন্ন্যাসীর গন্তব্য পথে প্রয়াণ  
এবং আচার্য্যের স্বীয় ভবনে গমন ...

১১৪--১২৩

এইরূপে আর একদিন প্রাতে রাজবস্ত্রধারে  
তিস্তিড়ীতলে জনতা দেখিয়া আচার্য্যের সেই স্থানে  
গমন, তথায় বৃক্ষমূলে জনৈক পাত্ৰকে পীড়িত অবস্থায়  
দর্শন, আর্ন্ত মলবাহী বলিয়া কেহ তাহাকে স্পর্শ করিতে  
ইচ্ছুক নয় দেখিয়া দায়ার্দ্ৰ চিত্তে পঞ্চভূত নিশ্চিন্ত  
জড়দেহ সবার সমান কেবল কৰ্ম্মজনিত লোকে উত্তম  
ও অধম পদবী পায় এবং যথাযথ দান অথবা বিধান  
মানবের কর্তব্য কৰ্ম্মের অগ্রতম সম্যক বুঝাইয়া দিয়া  
আতুরকে অবিলম্বে আশ্রয়ে লইতে আচার্য্যের তাহা-  
দিগকে অনুরোধ, কুসংস্কারাপন্ন কাহারও সে প্রবৃত্তি  
হইতেছে না দেখিয়া আচার্য্যের আতুরকে পৃষ্ঠদেশে  
তুলিয়া গৃহে আনয়ন তাহার চিকিৎসা ও সেবা  
শুশ্রূষা করণ পরিশেষে আরোগ্য লাভ করিলে ধন  
বস্ত্র দিয়া তাহাকে গন্তব্যে প্রেরণ ...

১২৪--১৩৩

একদা উষ্ণার বৈকালে ভদ্রপল্লী দ্বিয়া যাইতে  
পুষ্প ফল সহ এক বৃহদায়তন কদলীবৃক্ষ দেখিয়া

বিষয়

ছন্দ

আচার্য্যের তৎপ্রতি দৃষ্টি আকর্ষণ, বৃক্ষমূলে সারকুড়ের  
খর চলিয়া পড়ায় তাহার তেজোবৃদ্ধির কারণ ও অপর  
বৃক্ষের সহিত বিস্তর প্রভেদ দেখিয়া উৎকর্ষ সাধন  
মানবের প্রধান ধর্ম্য তাহা গৃহস্থামীকে ব্যাখ্যাকরণ,  
মানুষ যত অনুসন্ধিৎসু হইবে ততই তাহার মহাশক্তির  
উপলব্ধি হইবে শক্তির উপলব্ধির সহিত জ্ঞানের বর্দ্ধন  
জ্ঞানবৃদ্ধির সহিত কশ্মের উৎকর্ষ হইবে ইত্যাকার  
বুঝাইয়া দিয়া অকারণ বিস্তর জমী পতিত আছে  
তাহাতে বৃক্ষ লতা দিলে গৃহস্থের পোষণ এবং অর্থের  
সুসার হয় এতেক কহিয়া আচার্য্যের গন্তব্য পথে  
গমন ... .. ১৩৪—১৪০

কিয়দিন পরে একদা জ্যোৎস্নাময়ী রজনীতে  
বহির্গত হইয়া, আচার্য্যের গ্রামপ্রান্তে সরসীর তীরে  
উপনীত হওন, দূর হইতে তাঁহাকে দেখিয়া কতিপয়  
যুবকদিগের যাহারা বাঁধা ঘাটে বসিয়া বারাজনা সহ  
মত্তপানে রত ছিল বামাকে বৃক্ষান্তরালে যাইতে কহিয়া  
এবং যজ্ঞাদি লুক্কায়িত রাখিয়া সাধু হইয়া উপবেশন,  
জিজ্ঞাসিলে সমীর সেবনে আসিয়াছে জ্ঞাত করণ,  
শুনিয়া আচার্য্যের তাহাদিগকে ভৎসনা এবং সত্য-  
বাক্ মানুষের প্রধান ধর্ম্য ঔষধার্থ ব্যতীত মদিরা সেবন  
অনুচিত্ৰ' কাম ক্রোধাদি মনোবৃত্তি হইতে চিত্ত রক্ষা  
করা মানবের কর্তব্যতার অন্ততম বারনারী অম্পশীয়া  
সুসন্তান খেতু দারপরিগ্রহ এবং নরনারীর যাবৎ

বিষয়

ছন্দ

উৎপাদিকা শক্তি বিত্তমান তাবৎ যুগ্ম থাকা বিধেয়  
ইত্যাদি সম্যক বুঝাইয়া দিয়া আচার্য্যের তথা হইতে  
প্রস্থান ...

১৪১—১৫৪

এইরূপে এক দিন প্রাবৃট্টে সায়াছে জনৈক ঘরা-  
মীর গৃহের দুরবস্থা দেখিয়া বহুবৃষ্টিপাতে গৃহ ভূমি-  
সাৎ হইবার সম্ভাবনা এবং তাহাতে বিপদ ও অকারণ  
অর্থনষ্ট হইবে জানিয়া তাহার দুর্বুদ্ধি হেতু ভৎসনা  
করতঃ সর্বতোভাবে দেহ এবং বিত্ত রক্ষা মানবের  
প্রধান কর্তব্য কৰ্ম্ম বিশিষ্টরূপে বুঝাইয়া দিয়া অবি-  
লম্বে গৃহ সংস্কার করিতে বলিয়া আচার্য্যের স্বীয়  
নিকেতনে প্রত্যাবৃত্ত হওন ...

১৫৫—১৬০

একদা জনৈক গৃহস্থের বাটী সন্নিধানে বহুলোক  
সমাগম দেখিয়া বিস্ময়ে আচার্য্যের তথায় গমন,  
সেখানে উপনীত হইয়া ভদ্রবংশজাত দুই সহোদরকে  
জমীর সীমা লইয়া অমানুষী দ্বন্দ্বে রত দেখিয়া ক্ষুণ্ণ  
হৃদয়ে আচার্য্যের তাহাদিগকে সামঞ্জস্য করিয়া লইতে  
অনুরোধ করণ, তাহাতে দৌহার আপন আপন পক্ষ-  
সমর্থন, তচ্ছবণে যাহাতে ভেয়ে ভেয়ে সম্প্রীতি থাকে  
এরূপ করাই যুক্তিযুক্ত বিবেচনা করিয়া আচার্য্যের  
তাহাদের পুনরায় মাপিয়া বিভাগ করিয়া লইতে কহন,  
তাহাতে কনিষ্ঠ “বিনা যুদ্ধে সূচাগ্র দিব না” এতেক  
অবজ্ঞাসূচক বাক্য প্রয়োগ করিলে বলাৎকার হইতে  
বিত্ত রক্ষা মনুষ্য ধৰ্ম্ম কিন্তু পরাপহরণ কোনমতে নর-

বিষয়

ছন্দ

ধর্ম হইতে পারে না এবং কৌরব পাণ্ডবের দৃষ্টান্ত দিয়া  
 গৃহবিবাদ সর্বতোভাবে পরিহার্য্য এবং যে জাতির  
 কোটি কোটি লোককে ভিন্ন দেশীয় মুষ্টিমেয় প্রাণী  
 নিয়ত শাসাইতেছে তাহাদের মুখে “বিনা যুদ্ধে স্চাগ্র-  
 মেদিনী দিব না” ইত্যাকার শৌর্য্যবীৰ্য্য বাণী বাতুলতা  
 মাত্র এবং পরিশেষে গভীর বেদনায় মহাক্রোধভরে  
 যে জাতির আত্মরক্ষা বোধ নাই যাহারা মর্য্যাদাহীন  
 এবং উৎকর্ষের দিকে যাহাদের মতি ধাবিত হয় না  
 তাহাদের নিধনই শ্রেয়ঃ এতেক কহিয়া উগ্র ভ্রাতা-  
 দ্বয়কে ষৎপরোনাস্তি তিরস্কার করতঃ আপনার ভাবে  
 বিভোর হইয়া আচার্য্যের সে স্থান পরিত্যাগ ...

১৬১—১৭৮

কিয়দূর গিয়া জনৈক নিষ্কর্ম্মা ব্রাহ্মণ যুবাকে  
 বিরলে ভাবিতে দেখিয়া বাটীতে কেহ তাড়না করি-  
 য়াছে বুঝিতে পারিয়া সমর্থ হইলে যে কোন সত্বপায়ে  
 অর্জন করা এবং কাহার প্রত্যাশী না হওয়া মনুষ্যের  
 প্রধান কর্তব্য কহ্ম আচার্য্যের তাহার নিকট ব্যাখ্যা-  
 করণ এবং লেখা পড়া না শিখিলে যে লোকে কহ্মশীল  
 হইতে পারে না ইহা মহা ভ্রম সম্যক বুঝাইয়া দিয়া  
 অচিরে যে কোন কার্য্যে ব্রতী হইতে উপদেশ দিয়া  
 স্বীয় গন্তব্য পথে গমন ...

১৭৯—১৮৩

রজনীমুখে প্রত্যাহৃত হইলে জনৈক সঙ্গীতজ্ঞের  
 ছাত্রদিগকে অধ্যাপনা কালৈ কোথাও মূর্ছনায়  
 স্তম্ভপ্রাণ দেখিয়া যোগীর থমকিয়া তথায় দণ্ডায়মান

বিষয়

ছন্দ

হওন এবং গায়ককে সমুদায় গান গায়িতে অহুরোধ করণ, গায়নের নানা কর্তব্য দেখাইয়া গান আবৃত্তি করণ, তাল মান সহ পূর্ণ বিকশিত রাগে মধুর সঙ্গীত শুনিয়া আচার্য্যের আনন্দ প্রকাশ কিন্তু শিক্ষাদান-কালে গায়কের কপটাচরণে ক্ষুব্ধ হইয়া অকপট চিত্তে বিজ্ঞাদান করা মনুষ্যের প্রধান কর্তব্য কর্ম্ম যদ্বারায় বিজ্ঞার দিন দিন উন্নতি হয় কিন্তু গুরু অংশটুকু বাদ রাখিলে উত্তরোত্তর অবনতি হইয়া ক্রমে তাহা ধ্বংস-প্রাপ্ত হয় এতেক সম্যক বুঝাইয়া দিয়া আপনার ভাবে বিভোর হইয়া গৃহে প্রত্যাগমন ...

১৮৪—১৮৯

ক্রমে একদিন প্রভাতে ভাগীরথীর উপকূল বহিয়া যাইতে অদূর শ্মশানে লোকের জনতা দেখিয়া আচার্য্যের তথায় গমন, উপনীত হইয়া সহমৃত্যু হইতে আনিতা এক বোড়শী অনিন্দ্য রূপসীর প্রতি স্বজনগণের নৃশংস অত্যাচার দর্শন, ললনার আদৌ সহমরণে ইচ্ছা না থাকায় বলপ্রয়োগ হইতেছে দেখিয়া স্নেহে দ্রবীভূত হওতঃ যাহার ইচ্ছা হইবে সে স্বামীর সহিত যাইবে কিন্তু যাহার ইচ্ছা নাই তাহাকে জীয়েন্তে অনলে নিক্ষেপ করা মহা অধর্ম্ম যে মঙ্গলদায়িনী ললনার দ্বারায় সংসার পালিত তাহাদের দুর্দ্দশা যেখানে সেখানে কখনও কল্যাণ নাই অকালমরণ সর্ব্বত্রই আছে কিন্তু এরূপ বিধবা পীড়ন কোথাও য়হ না আর যখন পুরুষের পুনর্ব্বার দার পরিগ্রহের

বিষয়

ছন্দ

ব্যবস্থা আছে তখন বিধবারও পতাস্তরে হওয়া উচিত এবং অবিলম্বে এ পাপ পদ্ধতি নিবারিত হওয়া আবশ্যক ইত্যাদি খেদোক্তি ও কাকূতি মিনতি সহ এ পাপ কার্য্য হইতে আচার্য্যের তাহাদিগকে নিরস্ত হইতে কহন, আচার্য্যের কথায় কর্ণপাত না করিয়া সহকারীগণের জীবন্ত মূর্ত্তিকে জলন্ত চিতায় নিক্ষেপ, অবিলম্বে কনক মুরতি ভস্মীভূত হইলে শোকভরে আচার্য্যের গৃহে প্রত্যাবৃত্ত হওন এবং মহাগায়ার নিকট দেশের কল্যাণের জন্ত কামনা করণ ...

১৯০—১৯৮

আর একদিন নিশামুখে গৃহে ফিরিবার সময় জনৈক ধনাঢ্যের আলায়ে উচ্চৈঃস্বরে বালকেরা পারসী ভাষার অনুশীলন করিতেছে শুনিয়া আচার্য্যের গৃহ-স্বামীর নিকট উপস্থিত হওন এবং রাজভাষা অবশ্য শিক্ষণীয় কিন্তু তাহাতে এমন কোন গ্রন্থ নাই যাহাতে সম্যক জ্ঞানার্জন হয় অতএব বালককাল হইতে তাহাতে আস্থা রাখিলে কেবল গোলামি বৃদ্ধি হইবে প্রকৃত শিক্ষা কিছুই হইবে না আর শৈশব অবস্থা হইতে রীতিমত শিক্ষা না হইলে যুবকালে অবসর হয় না আর একবার প্রকৃতির গঠন হইলে তাহা সংশোধিত হওয়া দুঃসাধ্য এবং যে শিক্ষার দ্বারায় লোকের হৃদয়ে ঈশ্বরানুমিতি পরস্পরের প্রতি প্রীতি ও দেহের নব্বরতা উপলব্ধি হয়, যাহাতে লোকে অনাসক্ত কর্ম্মপরায়ণ সত্যবাদী উৎকর্ষ সাধনে উদ্যুক্ত

বিষয়

ছন্দ

ও কর্তব্যতায় দৃঢ়প্রতিজ্ঞ হয় এবং যাঁহার গুণে দেহ  
বিন্ত ও চিত্ত সুরক্ষিত এবং তদ্রক্ষার্থ বহু পারমিত  
প্রয়োজনীয় বস্তু উৎপাদনের শক্তি জন্মায় সেই  
শিক্ষাই যথার্থ শিক্ষা এইরূপ ব্যক্ত করণ ...

১৯৯—২০৪

এইরূপে তেইশ বৎসর ঐতস্তুতঃ ভ্রমণ করিয়া  
আচার্য্যের অবস্থা-সঙ্গত উপদেশ দেওন, ভৃত্য এবং  
বিরূপাক্ষমাতা পরলোকগত, দেখিতে দেখিতে আচা-  
র্য্যের বায়ান্তর বৎসর পূর্ণ, আজি রাখীপূর্ণমাসী আচা-  
র্য্যের জন্মদিন, প্রাতঃকৃত্য সমাপিয়া ঋষির শিষ্যভবনে  
গমন এবং বিভাবরী শেষে দেহ রাখিবেন ইতি জ্ঞাত  
করিয়া সমস্ত বিষয় বিরূপকে অর্পণ, প্রত্যাগত হইয়া  
গৃহদ্বারে বসিয়া মহাদেবীর ধ্যানে মগন, জগতের মঙ্গল  
কামনা করিতে করিতে অচিরে যোগীর নির্বিকল্প-  
সমাধি প্রাপ্ত ...

২০৫—২১৪

হেথা রোগের কোন লক্ষণ না পাইয়া আচার্য্যের  
চিত্তভ্রংশ ঘটয়াছে বিরূপাক্ষের তাই ধারণা করণ,  
কিন্তু বিরূপাক্ষের সন্দেহ হওয়ায় ভোজনানন্তর উভয়ের  
আচার্য্য সদনে গমন, আচার্য্যকে যোগাসনে নিম্পন্দ  
নিথর দেখিয়া দৌহার বিস্ময়, আচার্য্যের নিশ্বাস  
প্রশ্বাস উৎপাদনে বিরূপ যথাসাধ্য প্রয়াস, সর্ব্বৈব  
বিকল দেখিয়া তাঁহার দেহ রক্ষা করতঃ দৌহার  
সময় প্রতীক্ষা, উষাগমে ব্রহ্মরক্ষ ভেদ করিয়া আচা-  
র্য্যের প্রাণবায়ু নিঃসরণ, দিনের দিনে বিরূপাক্ষের,



বিষয়	ছন্দ
কাকালী ভোজন এবং তাহাদিগকে অন্ন বস্ত্র দান, গুরুর জীবন আদর্শ এবং তাঁহার উপদেশ হৃদয়ে প্রস্থিত করিয়া বিরূপাক্ষের পত্নী সহ যোগোক্তানে আসিয়া অবস্থিতি ...	... ২১৫—২২২
হংসচূড়ামণি মহাবুদ্ধ শিবাচার্য্য ঠাকুরের উপদেশের সার মর্ম্ম ...	... ২২৩—২৪৫

শিবাচার্য ঠাকুর ।



# শিবাচার্য্য ঠাকুর ।

## প্রথম সর্গ ।

কোথায় অনন্ত কোটি বিশ্ব-প্রসবিনী  
ইচ্ছাময়ী আত্মশক্তি অনন্ত বরণা  
বিস্তারি' অসীম মায়া জগৎ মোহিনী  
রেখেছেন জীবগণে বিলোল বিমনা । ১

কোথায় বৃদ্ধ সম মনুষ্য জীবন  
ক্ষুদ্র অল্পমতি তাহে সদাই চঞ্চল  
দেহদত্ত দ্বন্দ্ব যা'র নিত্য আলম্বন  
সতত বিষয়-মদে বিভোর বিহ্বল । ২

হেন যদি ক্রীণ বুদ্ধি তবে কেন ধায়  
লভিতে পরমা বিজ্ঞা নিত্যসুখকরা  
যোগে জ্ঞানে প্রেমে যা'র অন্ত নাহি পায়  
চতুর্বিংশতস্বাতীত দেবী পরাংপর । ৩

প্রকৃতি যে মনোলোভা নাচিছে খেলিছে  
 আবরি' ব্রহ্মাও রঙ্গে নিত্য প্রিয় সনে  
 পাইয়াছে আভা সেই তাইতে ধায়িছে  
 নানা পথে মহোন্মাদে সমাহিত মনে । ৪

অতি অলৌকিক গাথা জ্ঞান-উদ্দীপনী  
 তান্ত্রিক অগ্রণী শিবাচার্যের আখ্যান  
 নাহিক প্রচার তেঁই বদ্ধ পুরাতনী  
 হয় কভু মহাচক্রে যাহার বাখান । ৫

যবে সূধী মহাতপা আচার্য-ঠাকুর  
 লভিলা অদ্বুত সিদ্ধি শিবানী প্রসাদে  
 বিলোড়িত বঙ্গভূমি আপ্রান্ত স্রুদূর  
 গৌরঙ্গ সেবিত ধর্ম্মে মত্ত প্রেমোন্মাদে । ৬

নাহি ছিল আস্থা তন্ত্রে সবে অঙ্কুরিত  
 জঘন্ত ভৌতিক জ্ঞানে ঘৃণ্য সবাকার  
 সে কারণে শিবকীর্্তি নহে বিকশিত  
 পটহ নিনাদে যথা বীণার বন্ধার । ৭

চুরিশত বর্ষ এবে হ'বে গত প্রায়  
 আছিল বিধূলি গ্রাম ভাগীরথী তটে  
 আধুনিক বর্দ্ধমান প্রদেশ সীমায়  
 স্রসমৃদ্ধ কাটোয়ার অতি সম্মিকটে । ৮

নাহি কোন চিহ্ন তা'র এবেসে নিহিত  
কালক্রমে কুলভ্রংশ গর্ভে জাহুবীর  
উদ্বেল তটিনী তীরে যথা উপহিত  
শবভূমে ভস্মীভূত মানব শরীর । ৯

ছিল মধ্যবিত পুরী অতি স্নশোভন  
সমাকীর্ণ ময়টাদি হর্ষ দেবালয়ে  
দীর্ঘিকা বিপণি আর নানা উপবন  
প্রশস্ত বীথিকা আদি বাঞ্ছিত বিষয়ে । ১০

ঋত্বিক ভিষক আর ক্ষৌরী কৰ্ম্মকার  
স্বর্ণকার মোদকাদি রজক কুমার  
বহুবর্ণাশ্রিত পল্লী সূতের আগার  
দৈনন্দিন কৰ্ম্মে নাহি ছিল অন্তসার । ১১

নাহি ছিল জর জালা ব্যাধি সংক্রামক  
বলবান সৌম্যতনু যত পুরবাসী  
বর্ষিষ্ঠ অনীতিপর ছিল না অল্লক  
উৎসাহী কৰ্ম্মঠ সবে, কা'র না প্রত্যাশী । ১২

ছিলনাক হাজা গুকা দৈন্ত মনস্তর  
হইত সুবর্ষা সম, শস্ত্রশালী ধরা  
বল্লী তরুরাজি ফল দিত বহুতর  
মৎস্তাকীর্ণ খাত, গাভী তুখী-পয়োধরা । ১৩

স্বল্পকর জমী, রাজা পরম বৎসল  
 বিস্তীর্ণ গোচর ছিল রাজস্ব রহিত  
 কৃষি-জীবী তেঁই ভূমি গবাদি সকল  
 রক্ষিয়া করিত সেদা সুখে কালাতীত । ১৪

ছিলনাক ঈর্ষা ঘেষ কলহ বিবাদ  
 কদাচিৎ কা'র প্রতি হ'লে অত্যাচার  
 গ্রামস্থ প্রবীণজন ভদ্র পূজ্যপাদ  
 করিতেন নিরপেক্ষ ভাবে সুবিচার । ১৫

ছিল না কুষীদবৃত্তি হ'লে অনটন  
 আপদ বিপদ কিম্বা সুভ অনুষ্ঠানে  
 ধনাঢ্য হিতার্থী করি' অভাব মোচন  
 লইতেন দেয় মাত্র পারগ বিধানে । ১৬

সে হেতু দারিদ্র্য নাহি হ'ত অনুমিত  
 পুরবাসী ধনী হুঃখী জাতি-নির্বিশেষ  
 যথাযোগ্য পরস্পর হ'য়ে উপকৃত  
 সংসার যাত্রায় তৃপ্তি লভিত অশেষ । ১৭

বিধবা কচিৎ বৃদ্ধা, সবে সীমস্তিনী  
 সতীদাহ প্রথা হেতু কুলপুরাঙ্গনা  
 গৃহিণী সুনীলা শিষ্টা পতিসোহাগিনী  
 দেব দ্বিজে ভক্তিমতী ধর্মপরাঙ্গণা । ১৮

রাজকার্য্য ব্যবসায় লব্ধ ধনাগমে  
বিবিধ বহুল ফলে ভূমির উর্বরা  
স্বাস্থ্য শোভা রক্ষণের সুচারু নিয়মে  
ধন ধাত্র পূর্ণা পল্লী ছিল মনোহরা । ১৯

কাম্যক্রিয়া লক্ষ্মীপূজা শ্রামা শারদীয়া  
ঐশিক দোলাদি যাত্রা, শ্রাদ্ধাদি পিতৃক  
কথা হোম স্বস্ত্যয়ন মাস্তলিক ক্রিয়া  
উপবীত বিবাহাদি নিত্য-নৈমিত্তিক ;

পুণ্যকর্ম্ম প্রতিষ্ঠাদি দেব জলাশয়  
অনন্ত সাবিত্রী আদি ব্রত প্রীতিকর  
অনুষ্ঠানে সুপবিত্র ক্রিয়া সমুদয়  
হ'ত গ্রাম নানাবিধ উৎসব আকর ॥ ২০-২১

প্রাতঃকালে গীতাভ্যাসী নরনারীগণে  
পুণ্যতোয়া জাহ্নবীর নীরে কৃতস্নান  
বিধূনিত তাহাদের স্তোত্রগান স্বনে  
মেলাপূর্ণ নদীকূল হ'ত শোভমান । ২২

ভোজনান্তে লঘুকর্ম্মা যত পৌরজন  
দাবা পাশা তাস আদি বিগুহ্ব ক্রীড়নে  
নানা নম্বে অপরাহু করিত ক্ষেপণ  
মুহুমুহু তাম্রকূট ধূম্রপান সনে । ২৩



সন্ধ্যা সমাগমে, গেলে অস্তে দিনমণি  
 নীড়-সমায়াত নানা বিহগ কুজন  
 ললনার মান্বলিক সান্ধ্য শঙ্খধ্বনি  
 ধূপ ধূনা সৌরভিত মৃদল পবন ;

প্রজ্বলিত স্নতদীপ মণ্ডপ অলিন্দে  
 হৃন্দুভি কঁাসর ঘণ্টা সম্পৃক্ত আরতি  
 প্রত্যাগত বৎসকামা হৃষ্টা ধেনুগৃন্দে  
 হ'ত পুরী প্রমোদিতা সুখদৃশ্যা অতি । ২৪-২৫

কোথা অন্তঃপুরে মিলি' যত শিশুগণ  
 আইমা বৃদ্ধারে ঘিরি' শ্রবণে তৎপর  
 ভীতি প্রীতি হাস্যোদ্দীপ কথা অগণন  
 পরিশেষে গড়াগড়ি নিদ্রায় কাতর । ২৬

মঞ্জীর মৃদঙ্গ সহ সুর লয় তানে  
 কোথায় যুবকবৃন্দ নৃত্যগীতে মন  
 ধ্রুবপদ খেয়লাদি উচ্চ-অঙ্গ গানে  
 সুললিত টপ্পা ঠুংরি চিত্তবিমোহন । ২৭

কোথা গ্রাম্য প্রৌঢ়জন সমবেত হ'য়ে  
 করিতেন গবেষণা অশেষ প্রকার  
 ভদ্রাভদ্র সমীচীন সংসার-বিষয়ে  
 প্রতিবেশী আপনার অপর সবার । ২৮

কোথা বা সমাপ্ত করি' সন্ধ্যাদি বন্দনা  
দেউল প্রাক্ষণে বসি' বর্ষীয়সগণ  
করিতেন সুগভীর ধর্ম-আলোচনা  
গীতা শাস্তি পুরাণোক্ত সাংখ্যাদি দর্শন । ২৯

গ্রীষ্মকালে পাঠশেষে বালকের দল  
জলক্রীড়া সন্তরণে রত বহুক্ষণ  
মস্থিত করিয়া গঙ্গা সরসীর জল  
গ্রামের মধ্যাহ্ন শোভা করিত বর্ধন । ৩০

রাখালেরা নিদাঘের প্রচণ্ড কিরণে  
ব্যবহিত বাপীতীরে বট অশ্বথের  
সুশীতল ছায়া লাভে দীর্ঘ গোচারণে  
করিত না ক্লান্তিবোধ মধ্যে প্রান্তরের । ৩১

বরিষায় অম্বুপূর্ণ নদী জলাশয়  
সুকোমল তৃণরাজি শ্রামল প্রান্তর  
কৃষির আনন্দ গীত মৎস্যের সঞ্চয়  
উৎসাহিত ক্রমে গ্রাম হ'ত ফুল্লতর । ৩২

পুঞ্জীকৃত ধাত্র খড়ে শোভন প্রাক্ষণ  
প্রাগাতপে শ্রেণীবদ্ধ জন শীতাতুর  
ফল মূল সমাকুল স্থলী উপবন  
শিশিরে ঈদৃকৃ দৃশ্য হ'ত সুমধুর । ৩৩

## শিবাচার্য ঠাকুর ।

এবম্বিধ গণ্ডগ্রামে ঐশ্বর্যে মণ্ডিত  
জনমিলা শিবাচার্য ধার্মিক স্মরীর  
কাশ্যপ ব্রাহ্মণ কুলে তান্ত্রিক পূজিত  
পুণ্যলোক মহাযোগী সাধকপ্রবীর । ৩৪

একমাত্র স্নসন্তান হেতু দম্পতির  
যুক্ত স্নেহে সম্বর্দ্ধিত শিশু শিব-ধন  
ছিলেন অঞ্চল নিধি সাধবী জননীর  
বৈষ্ণব পিতার প্রিয় হৃদয়রঞ্জন । ৩৫

স্নেহময়ী জননীর অটুট যতনে  
আগ্রহে কর্তব্যপর পণ্ডিত পিতার  
বলিষ্ঠ স্নন্দর দেহ দিব্য কান্তি সনে  
হইল তাঁহাতে বহু গুণ সমাহার । ৩৬

বালক শিবের শ্রীল সহাস্র বদন  
স্বভাব বিনীত শান্ত স্নন্দর গঠন  
দয়া দাক্ষিণ্যাদি ক্ষমা অমিয় বচন  
করিত সবার আশু চিত্ত আকর্ষণ । ৩৭

মহামতি শিব দিয়া বিদ্যার্জনে মন  
সাহিত্য দর্শন স্মৃতি বিজ্ঞান সঙ্গীত  
নীতি গ্রাম শাস্ত্র-আদি করিয়া শীলন  
হইলেন তরুণেই বিখ্যাত পণ্ডিত । ৩৮

অতীব প্রশান্ত শিব অপ্রগল্ভমতি  
মানি' রত্নাকর সম অগাধ বিছায়  
ছিলেন একান্ত শ্রোতা তর্কদ্বেষী অতি  
থাকিতেন মগ্ন সদা প্রগাঢ় চিন্তায় । ৩৯

ভাগীরথী উপকূলে বসিয়া কখন  
গভীর নিশীথে যবে হ'ত পৌর্ণমাসী  
স্বর্ণাভ বিম্বিত লোল স্ন্যধাংগুকিরণ  
পয়োনিধি অভিযুথ দ্রুত জলরাশি ;

তমোদ্রোহ, ক্ষীণপ্রভ তারা অগণন  
আদিগন্ত নীলাশ্বর, নিষুতি নগরী  
হ'য়ে পুলকিত তনু করে' নিরীক্ষণ  
ধোরাবেশে যাপিতেন স্নিগ্ধ বিভাবরী । ৪০-৪১

প্রাস্তস্থিত বাপীতীর-মহাদ্রুমমূলে  
দাঁড়াইয়া কভু হেরি' ভাবে গদগদ  
ক্ষেত্র, শ্রাম, হেমনিভ পূর্ণ ফলফুলে  
ভাস্কর কিরণ জাল, ফুল কোকনদ । ৪২

কভু বা উদ্ভানে পশি' দেখে' তরুরাজি  
কিশলয় ফল পুষ্প কোরক শোভিত  
বিমোহিত, মনোহারী নানা ফুলে সাজি  
বৃন্তচ্যুত শুষ্ক আর ফুল মুকুরিত । ৪৩

রুদন্ত শিশুর প্রতি মায়ের সান্বনা  
 স্তন্য দান, ঘন ঘন বদন চুশন  
 বাল আধহাসি, পরে হর্ষ প্রকাশনা  
 বিস্মিত দেখিয়া মায়া বিশ্ববিমোহন । ৪৪

পবিত্র স্থানে হেরি' বিধ্বংসিত শব  
 উণ্ডিত চিতাশ্মি, শুনি' অশ্রুকলনাদ  
 স্বজন ক্রন্দন রোল, ত্রস্ত শিবারব  
 কত মনে উপজিত বাদ অল্পবাদ । ৪৫

এইরূপে নিরপিয়া গতি প্রকৃতির  
 নিহিত অবশ্যস্তাবী শক্তি মহান  
 আদিতে বিচিত্র এই অনন্ত সৃষ্টির  
 আচার্য্যের বন্ধমূল হ'ল এই জ্ঞান । ৪৬

দেখিয়া অবস্থা হেন আচার্য্যের ক্রমে  
 কেহ বাতগ্রস্ত কেহ বিকৃত মস্তক  
 কেহ বা উন্মাদ কেহ ভূতাক্রান্ত ভ্রমে  
 করিত অবজ্ঞা তাঁ'রে ব্যঙ্গ অনর্থক । ৪৭

চিন্তাশীল আচার্য্যের দেখে' ঐশী মতি  
 কাতর সন্তান স্নেহে জনক জননী  
 সশঙ্কিত পাছে হৃদ্য সংসারে বিরতি  
 উদ্রাহ-বন্ধনে বদ্ধ করিলা অমনি । ৪৮

অচিন্ত্য মান্নার লীলা, বিশ্ব মুগ্ধ বলে  
সংসারে, কি সিতাসিত হয় মুক্ত জীব  
যদি হয় কেহ, বহু সাধনার ফলে  
নবীনে এ হেন জ্ঞান হ্রলভ অতীব । ৪৯

স্তিমিত শিবের এবে জ্ঞানানুশীলন  
নির্ঝাপিত দীপ যথা উগ্র প্রভঞ্জে  
নব বধু পেয়ে সদা রঙ্গ রসে মন  
কিসে সুখী আদরিণী যত্ন প্রাণপণে । ৫০

পতির আদর্শ শিব অনুকূল অতি  
হ'ত না কর্তব্যে তাঁর ত্রুটি কদাচন  
স্ত্রীও ছিল না সামান্য সমগুণবতী  
দৌহার সংযোগ মণি কাঞ্চন মিলন । ৫১

অনুকৃত আচরণে ভার্যা বুদ্ধিমতী  
যথার্থই অর্দ্ধাঙ্গিনী ছিল অভিহিতা  
করিতে গাইন্ত্য স্বীয় কার্য পরিণতি  
নহিত সলজ্জ কভু কিম্বা সঙ্কুচিতা । ৫২

ঘোর গৃহী আচার্যের লব্ধ গুণগ্রাম  
হইয়া জ্ঞাপক ত্বর বহুদর্শিতার  
সাধনে বিবিধ কার্য পরহিতকাম  
তূর্ণ তাঁ'রে শ্রদ্ধাম্পদ করিল সবার । ৫৩

এইরূপে সুখে গত হ'ল বহুদিন  
কিন্তু সুখ দুঃখ ক্রম কালের নিয়তি  
পর্যায়ে জননী পিতা হ'য়ে জরাধীন  
গতান্তু প্রসন্ন চিত্তে রাখিয়া দম্পতি । ৫৪

লোকান্তরে তাঁহাদের ছিল না অপর  
জায়া বিনা আচার্যের যেই নিরবয়  
অধিক আকৃষ্ট হ'য়ে এবে পরম্পর  
শীতোষ্ণ যেমতি বন্ধ প্রেমেতে অব্যয় । ৫৫

সবে মাত্র পুত্র হেতু আদর যতন  
পে'য়েছিল ভাগ্যবান আচার্য যেমন  
এ জগতে অনেকের ঘটে কি তেমন  
স্মরিয়া সে সব কথা হ'ত ব্যস্ত মন । ৫৬

মহাজ্ঞানী শিব, কিন্তু মায়া-কুহকিনী  
কি মোহিনী শক্তি ধরে ভুলায় সকলে  
মনে যবে জাগরিত পূর্বের কাহিনী  
ভাসিত বয়ান তাঁ'র নয়নের জলে । ৫৭

এইরূপে বহুদিন করিয়া বিলাপ  
•পাইলেন শান্তি মনে বুঝিলেন ভেবে'  
কিছু ত আপন নহে কেবলি প্রলাপ  
নশ্বর প্রপঞ্চ, বৃথা অবিজ্ঞায় সেবে' । ৫৮

হারা'লাম মেহময় জনক জননী  
হয় ত হারা'তে হ'বে পত্নী প্রেমময়ী  
এই যে আপন দেহ যা'রে মুখ্য গণি  
ইহার একদা ধবংস হ'বে অবশ্যই । ৫৯

পাইয়া ছর্ভ তবে মনুষ্য জনম  
কেন করি বৃথা কাজে সময় ক্ষেপণ  
চালিত যে শক্তি বলে স্থাবর জঙ্গম  
লভিতে নিগূঢ় তত্ত্ব ধেয়াইব মন । ৬০

মনাবেগ এতাদৃশ হ'লে জ্ঞানার্জনে  
গীতা সাত্ত্ব্য পাতঞ্জল বেদান্ত পুরাণ  
তন্ন তন্ন করি' পুনঃ আয়াস যতনে  
করিলেন পাঠ করে' চিত্ত সমাধান । ৬১

কিন্তু তাঁ'র হ'লনাক কিছু মনঃপূত  
সাপেক্ষ সময় বহু ছরুহ সাধন  
নহে উপযোগী এবে সাধ্যবহির্ভূত  
কলিয়ুগে নরে যেই অত্যন্ত জীবন । ৬২

তস্ত্রে সিদ্ধ হয় ত্বর। গুনি পরম্পর  
অতীব বিরল কিন্তু আঢ্য ধর্মবীর  
কোথা গেলে গুরু পা'ব সাধনে তৎপর  
অনিশ ভাবয়ে শিব হইয়া অধীর । ৬৩



আছিল বিখ্যাত দেশে বামাচারী যত  
একে একে সবাকার লইলা আশ্রয়  
কিন্তু কোথাও না পে'য়ে গুরু অভিমত  
নিবৃত্ত হইলা শিব ব্যথিত হৃদয় । ৬৪

সংগৃহীত ছিল যত গ্রন্থ সমুদয়  
করিলেন আত্মোপাস্ত পাঠ বারম্বার  
হৃজের গুহার্থ হেতু হ'ল অতিশয়  
পশুশ্রম দেখে' ক্ষোভ বাড়িল অপার । ৬৫

নিরখিয়া শিবাচার্য ব্যর্থ মনস্কাম  
হতাশ্বাসে গনিলেন পরমাদ অতি  
ভাবিলেন যোগমায়া তবে বুঝি বাম  
উপদেষ্টা বিনা নাহি দেখি অগ্র গতি । ৬৬

লোকসঙ্গ গৃহকর্ম করিয়া বর্জন  
তাজি' ব্যাক্যলাপ, হ'য়ে নিজ কাজে লগ্ন  
আকুলি বিকুলি ভেবে' সদা উচ্চাটন  
কি উপায় উদ্ভাবনে পূরে মনোরথ । ৬৭

এরূপ বৈকল্য চিন্তে দেখিয়া ভর্তার  
পতিপ্রাণা ক্রিষ্টা অতি বোঝাতেন তাঁ'রে  
উৎসাহ-বচনে যেন অকূল মাঝার  
প্রজাপতি যোগা'লেন ভেলা প্রমদারে । ৬৮

শিবের পরম হৃদয় বিরূপাক্ষ নাম  
ছিল প্রতিবেশী এক ব্রাহ্মণ তনয়  
নিভীক তেজস্বী ধীর সুরূপ সুর্য্যাম  
তরুণবয়স্ক বলী উদার হৃদয় । ৬৯

একমাত্র ছাত্র বিরূ ছিল আচার্য্যের  
আছিল বিদৎকল্প কিন্তু তীক্ষ্ণমতি  
আধার ভাণ্ডার সম স্বরূপ জ্ঞানের  
পরাস্ত আচার্য্য কভু হ'লে উহ অতি । ৭০

নিয়ত আসিয়া বিরূ আচার্য্য সদনে  
বিবিধ দৃষ্টান্তে তাঁ'রে করিত তোষণ  
কহিত “রাখিও আস্থা ও রাজ্য চরণে  
অবশ্য আকাজক্ষা তব হইবে পূরণ” । ৭১

এই ভাবে অতিক্রান্ত হ'ল কিয়দ্দিন  
ঘুচিল ব্যগ্রতা ক্রমে শান্ত হ'ল মন  
বরিষান্তে তরঙ্গিনী যথা উন্মিহীন  
নিত্য ধ্যান হ'ল এবে রাজীব চরণ । ৭২

সকলি ও রাজ্য পায় করিছু অর্পণ  
চিন্ময়ী কর মা কৃপা হ'য়ো না নির্দয়া  
দেহ গুরু মিলাইয়া করি গো সাধন  
সিদ্ধিলাভ বাঞ্ছা মম পূরাও অভয়া । ৭৩

এইরূপে শিবাচার্য নিত্য ভক্তিভরে  
ডাকে অম্বা শিবানীরে বিভোর হইয়া  
দেখে' মাতা একাগ্রতা করুণ অন্তরে  
যোগাইলা মন্ত্রদাতা স্বরিত আনিয়া । ৭৪

উন্মার মধ্যাহ্নে শিব কৃত্যবগাহন  
একদা ধ্যানেন্তে মগ্ন মণ্ডপে বসিয়া  
হেনকালে বৃদ্ধ এক পথিক ব্রাহ্মণ  
উপস্থিত স্বেদাপ্লুত দ্বারেতে আসিয়া । ৭৫

বিস্ময়-অন্তরে বৃদ্ধ আচার্য্যের পানে  
ক্ষণিক স্থবির নেত্রে রহিল চাহিয়া  
সহসা কি ভাব তাঁ'র উপজিল প্রাণে  
পশিলা আগারে তবে পুলকিত হিয়া । ৭৬

বয়ঃক্রম অনুমান সপ্ততি বৎসর  
দীর্ঘ অবয়ব, তপ্ত কাঞ্চন বরণ  
ক্ষুদ্র ছিত গুহ্র কেশ পৃষ্ঠ কলেবর  
প্রশস্ত ললাট, দীপ্ত আয়ত নয়ন । ৭৭

যন মিশ্র কেশ সহ চারু ক্রয়ুগল  
স্থানে স্থানে দীর্ঘ লোম চক্রীকৃত তা'র  
সুমুণ্ডিত শাশ্রবাক্তি নাসিকা সরল  
বিমিশ্রিত তনুৰূহে কিবা শোভা গায় । ৭৮

নাসাগ্রে তিলক কাটা ভালে দীর্ঘ ফোঁটা  
গৈরিক বসন পরা নামাবলি গায়ে  
তুলসীর মালা গলে হাতে লঘু সোঁটা  
তালপর্ণ ছত্র শিরে উড়ে চাট পায়ের । ৭৯

মাথায় উষ্মীষ বাঁধা ঝুলি স্বচ্ছদেশে  
আবশ্রুক দ্রব্য তাহে স্থাপিত যতনে  
“অতিথি” বলিয়া বিপ্র দাঁড়াইলা এসে  
মণ্ডপ সমক্ষে যথা শিব যোগাসনে । ৮০

দেখে’ তাঁ’র সৌম্য বপু প্রফুল্ল আনন  
কমনীয় কান্তি, মুখে হরিনাম গান  
রোগ শোক তাপ শূন্য যোগপরায়ণ  
সংযমী পুরুষ বলে’ হ’ত অনুমান । ৮১

“অতিথি” বচন শিব শুনে’ আচম্বিত  
সসব্যস্তে গাত্রোত্থান করিয়া সত্বর  
দেখিলেন বৃদ্ধ বিপ্রে ধূলি ধূসরিত  
প্রাক্ষণে দণ্ডায়মান সিন্ত কলেবর । ৮২

হেরি’ দ্বিজে তেজঃপুঞ্জ ঋষির আকার  
সসম্বন্ধে কৃতাজ্জলি প্রণমিয়া তাঁ’রে  
জিজ্ঞাসি’ স্বাগত আর গম্ভীরা তাঁহার  
সমাদরে লইলেন মণ্ডপ আগারে । ৮৩

কতই আনন্দ আজি আচার্যের মনে  
 ঋষিতুল্য বিপ্রে' দেখি' অতিথি তাঁহার  
 আহরিয়া ভোগ্য নানা অতীব যতনে  
 যথাসাধ্য ব্রাহ্মণের করিলা সৎকার । ৮৪

পথশ্রান্তি হেতু দ্বিজ ক্লিষ্ট অতিশয়  
 ভোজনান্তে অভিভূত হ'লেন নিদ্রায়  
 শিবাচার্য নানাবিধ ভূদেব বিষয়  
 ভাবিতে লাগিলা বসি' একাকী তথায় । ৮৫

“গোসাঞী বলিয়া এঁরে নহে অনুভব  
 তা' হ'লে স্বপাকভোজী হ'তেন নিশ্চয়  
 বদনে মায়ে'র নাম হ'ত না সম্ভব  
 ক্ষণে ক্ষণে প্রেমোচ্ছ্বাসপূর্ণ নিঃসংশয় । ৮৬

“নাহি দেখি ব্রাহ্মণেতে শৈবের আকার  
 তা' হ'লে শঙ্কর নাম হ'ত অনুক্ষণ  
 শোভিত গলেতে দিব্য রুদ্রাক্ষের হার  
 হ'ত শ্মশ্রু দীর্ঘ কেশ বিভূতি চন্দন । ৮৭

“যদি শক্তি-উপাসক বৈদিক আচারী  
 যত তুলসীর মালা কি হেতু গলায়  
 তবে কি বৈষ্ণব বেশে দ্বিজ বামাচারী  
 নিন্দা-ভয়ে ব্যক্ত নাহি করে আপনায় । ৮৮

“প্রবল ইদানীন্তন বৈষ্ণব সমাজ  
নেহারে ঘণার চক্ষে বীরাচারীগণে  
যা’দের মকার পঞ্চ সাধনের সাজ  
তাই তা’রা দিবাভাগে রহে সংগোপনে । ৮৯

“তান্ত্রিক প্রবর বলে’ হ’তেছে বিশ্বাস  
নতুবা সহসা কেন ভক্তির উদয়  
নিরখিয়া দেবে মম হ’তেছে আশ্বাস  
এতদিনে বুঝি মাতা হ’লেন সদয়” । ৯০

এতেক চিন্তিয়া শিব পুলকহৃদয়  
জানিতে বিপ্রে’র তত্ত্ব আকাঙ্ক্ষিত মনে  
রহিলেন সমুৎসুক হ’য়ে অতিশয়  
প্রতীক্ষায় জাগরিত দ্বিজ কতক্ষণে । ৯১

উঠিয়া স্নানিদ্ৰা গতে বসিলা ব্রাহ্মণ  
ধৌত করি’ নেত্র আশ্রু সহাস্র বদনে  
হেনকালে শিব তাঁ’রে করি’ সম্বোধন  
দীনভাবে সম্ভাষিলা মধুর বচনে । ৯২

“সুপ্রভাত আজি তাত ! তব দরশনে  
না পারি বর্ণিতে কত হ’ল সুখোদয়  
পবিত্র হইল পুরী শুভ অঙ্গগমনে  
যত্ন হই প্রভু ! যদি দেহ পরিচয়” । ৯৩

এতেক বচন শুনি' বারেক ব্রাহ্মণ  
চাহিলা আচার্য্য পানে সতৃষ্ণ নয়নে  
বাৎসল্যে পূরিল হৃদি হেরি' সে বদন  
অনন্তর সস্তাষিলা একুপ বচনে । ২৪

“পাইলাম প্রীতি তব ভকতি যতনে  
কিন্তু দেখে' মুখ তব ব্যথিত হৃদয়  
কহ বৎস ! প্রকাশিয়ে জাগিছে কি মনে  
কি হেন অশান্তি যা'র প্রাণ শূন্যময় । ২৫

“কি কারণে চিন্তাশীল দেখি অনুক্ষণ  
যেন বিদরিছে হিয়া অকথ্য যাতনা  
কালিমা ঢেলেছে গায় বিরস বদন  
দীর্ঘ দেহ কর্ম্মে ভ্রান্তি সদা আনমনা । ২৬

“চাহিতে না পারি আর ও বদন পানে  
নিরখিয়া দশা তব বিগলিত মন  
কি যেন আকর্ষ, তাই বাজিতেছে প্রাণে  
কহ বৎস ! পরে ব্যক্ত করিব আপন” । ২৭

শুনিয়া বাৎসল্যপূর্ণ বৃদ্ধের বচন  
হইল শিবের মনে আশার সঞ্চার  
কাতরে বিপ্রেস্বচ্ছ'টী ধরিয়া চরণ  
• জ্ঞাপিলা প্রাণের গাথা তাঁ'রে এপ্রকার । ২৮

“তব আশীর্বাদে তাত! নিরাময় কায়।  
 ভ্রমেও কখনো নহে কুকর্মেতে রতি  
 যথেষ্ট বিভব মম প্রেমময়ী জায়া  
 নহে কিছু অপ্রতুল মাত্র নিঃসন্ততি । ৯৯

“এ পরিবর্তনশীল বিশ্বচরাচরে  
 দেখি না এমন বস্তু ধ্বংস নাই যা’র  
 তবে দেহে এত মোহ কেন জীব করে  
 ভাবে না অনিত্য কভু একি চমৎকার । ১০০

“যেই শক্তিবলে দেব! অন্ধ বিশ্বজন  
 জানিতে নিগূঢ় তত্ত্ব ব্যাকুলিত প্রাণ  
 করিলাম ধর্মগ্রন্থ কতই মন্তন  
 কোথাও হ’ল না কিন্তু চিত্তপ্রতিধান । ১০১

“শুনিয়াছি তত্ত্বমতে প্রশস্ত সাধনা  
 অচিরে অদ্ভুত সিদ্ধি লভে যোগীনের  
 গুরু অব্বেষণ করি’ বিফল কামনা  
 মিলিল না কস্মিনিষ্ঠ সাধকপ্রবর । ১০২

“সে কারণে স্বতঃ মম মনে উচ্চাটন  
 কোথায় সদগুরু পা’ব চিন্তা অবিরাম  
 বহুদর্শী করিয়াছ বহু পর্যটন  
 কহ দেব ! কোথা গেলে পুরে মনস্কাম” ৭ ১০৩



স্তম্ভিত হইল বিপ্র শিবের বচনে  
 বুঝিলা উন্মাদ ভাব অনুলোম গতি  
 মূলীভূত ব্রহ্মবীজ অঙ্কুরিত মনে  
 প্রাক্তন সংস্কারেতে তুঙ্গপ্রাপ্ত মতি । ১০৪

ভাবিতে ভাবিতে, বৃদ্ধ আনন্দে বিহ্বল  
 তন্ময় হইল চিন্তা মহামায়া ধ্যানে  
 প্রেমাক্রম বহিল প্রাবি' গণ্ড বক্ষঃস্থল  
 রোমাঞ্চিত হ'ল তনু দৃষ্টি শূণ্য পানে । ১০৫

কতক্ষণে প্রকৃতিস্থ হইয়া ব্রাহ্মণ  
 করেছিল ধারণা বা' সত্য নিরখিয়া  
 আনন্দে উৎফুল্ল হ'য়ে স্বগত তখন  
 ভাবিতে লাগিলা হেন শিবে আশীসিয়া । ১০৬

“যোগ্য পাত্রে গুপ্ত বিদ্যা নায়ের আদেশ  
 পরম ধার্মিক শিব পণ্ডিত সৃজন  
 প্রবুদ্ধ সঙ্গী, নাহি গরিমার লেশ  
 ইহাৱেই দিব আমি শ্রমলব্ধ ধন । ১০৭

“ভেবে'ছিলা অবশিষ্ট আছে যে ক'দিন  
 কালীঘাট পুণ্যক্ষেত্রে করিব যাপন  
 কেবা নহে বিশ্ব মাঝে নিয়তি অধীন  
 ভাবে নাহা সদা কি তা' হয় সম্পাদন । ১০৮

“মহামায়া বিশ্বস্তরী জগৎব্যাপিকা  
 পীঠ মহাপীঠ তীর্থ স্তূহান কুস্থান  
 সকলি মনের ভ্রম বৃণি প্রহেলিকা  
 ভাবিয়া দেখিলে নাহি ব্যতীত শ্মশান । ১০৯

“পরান্নগ্রহণ যাহে লুপ্ত হয় গান  
 দেখি মাত্র অন্তরায় করিতে বসতি  
 তবে শিক্ষাদানে বিধি দক্ষিণা আদান  
 সেহেতু থণ্ডিছে দোষ বিক্রয় যেমতি । ১১০

“সমস্ত মায়ের চক্র এখন বুঝিছু  
 নতুবা আচার্য্যে কেন দেখিয়া তন্ময়  
 সহসা আকৃষ্ট হ’য়ে অতিথি হইছু  
 জন্মাবধি কা’র কভু লইনি’ আশ্রয় । ১১১

“হইয়াছি বৃদ্ধ এবে সামর্থ্যবিহীন  
 কি জানি বার্কিক্য হেতু পড়ি কোন ঘোরে  
 তাই বুঝি দয়াময়ী হ’য়ে স্নেহাধীন  
 স্নাত শান্তি নিকেতন দিতেছেন মোরে” । ১১২

এতেক চিন্তিয়া বিপ্র করিলেন স্থির  
 যাপিবেন শিবগৃহে অবশিষ্ট দিন  
 সাময়িক ব্যবস্থায় পুলকশরীর  
 কহিলা আচার্য্যে তবে দেখিয়া মলিন । ১১৩

“ব্রহ্মতত্ত্বে নিয়োজিত হৃদয় তোমার  
করালী মানসপটে হ’য়েছে অঙ্কিত  
অপনীত অহমিকা চিত্ত নির্বিকার  
চরম ঐকান্তিকতা আসঙ্গ বর্জিত । ১১৪

“হ’য়েছে সময় এবিধ জানহ নিশ্চিত  
আপনি হইবে বৎস ! সকল যোজনা  
পাইবে সাধক গুরু হইবে দীক্ষিত  
কর্মকাণ্ড হ’বে শেষ পূরিবে কামনা । ১১৫

“মহাজ্ঞানী বৎস ! তুমি পে’য়েছি প্রমাণ  
বহুদূরগামী তব সাধনা প্রাক্তন  
অচিরে লভিবে সিদ্ধি নাতি ইথে আন  
ফল প্রাণে মহামায়ে চিন্তা অনুক্ষণ । ১১৬

“বামাচারী আমি সত্য অনুমান তব  
তাজিয়া জননভূমি নবীন বয়সে  
দেশে দেশে চক্রে চক্রে কত আর ক’ব  
ভ্রমি’ছি উদ্ভ্রান্ত হ’য়ে সাধন মানসে । ১১৭

“জটিল তত্ত্বের মত গ্রন্থ অগণন  
তাহা হ’তে সার অংশ করিতে সংগ্রহ  
বিশেষ অনধিগত কবিরিয়া সাধন  
পে’য়েছি কতই কষ্ট স’য়েছি নিগ্রহ । ১১৮

“দারপরিগ্রহ ভাগ্যে ঘটে নাই মম  
কিস্ত শক্তি ছিল যোগ্যা অতি বুদ্ধিমতী  
যাহার সহায়ে বৎস ! ক্রিয়া সাজ মম  
অল্পদিন হ’ল তাঁ’র হ’য়েছে সদগতি । ১১৯

“অনুজ্ঞে সম্পদ যাহা বহর’ছি অর্পণ  
বিনিময়ে ভাতা মোরে করে বৃত্তি দান  
ত্রিয়ানুষ্ঙ্গিক ব্যয় ভরণপোষণ  
যোগেযোগে হয় তাহে সর্ব সঙ্কলান । ১২০

“ক্রম-দীক্ষা হেতু হেথা গুরু নাহি পে’য়ে  
আচার্য্যের তরে অতি হইল উতলা  
ফিরি’ মহাপীঠে কত আশাপথ চে’য়ে  
উত্তরিল কুরুক্ষেত্রে যথায় বিমলা । ১২১

“প্রসন্ন হইয়া মাতা উদিল স্বপনে  
আদেশিলা যাও বাছা ত্বর ক্ষীরগ্রামে  
যোগাত্মা সেবক বৃদ্ধ ব্রাহ্মণ সদনে  
হইয়া দীক্ষিত থেক গিয়া পুণাধামে । ১২২

“ইহজন্মে সাজ ক্রিয়া নিয়োগ যেমতি  
হ’বেনাক শবসিদ্ধি দৃঢ় কর হিষ্টা  
বহু যত্নে সঙ্কলিত সাধন পদ্ধতি  
লভিও পরমাগতি যোগ্যপাত্রে দিয়া । ১২৩

“অতি বৃদ্ধ যোগীবর করুণা আধারি  
বহু সমাদরে মোরে করিলা দীক্ষিত  
অর্পিলা কপাল পাত্র মহাশঙ্খ আর  
করিলেন ব্রহ্মানন্দ নামে অভিহিত । ১২৪

“বিধাতার নিরুপণ কে বুঝিতে পারে  
যেন আমা’ লাগি’ বৃদ্ধ ছিলেন জীবিত  
না হ’তে সপ্তাহ শেষ ধ্যায়ি’ অধিকারে  
রাখিলেন দেহভার দেবী সন্নিহিত । ১২৫

“যথাবিধি সাধকের করিয়া সংকার  
তথা হ’তে আঙুড়িছু জন্মভূমি পানে  
পথিমধ্যে শক্তিদেবী ত্যজিলা সংসার  
উদ্ধরিছু এসে স্বরা স্বদেশ বেথানে । ১২৬

“ভাগীরথী পদ্মা হ’তে নিঃসৃত্য যথায়  
তাহার অনতিদূরে জাহ্নবী উপরি  
বহুজনাকীর্ণ পল্লী বসতি তথায়  
স্বর্ণভাগা অভিধেয়া স্তম্ভগা নগরী । ১২৭

“বহুদিনে জন্মভূমি করিয়া দর্শন  
মেলিয়া কুমাস্ত্রীয় বন্ধু সোদরের সনে  
কালীঘাটে গিয়া বাস করে’ছি মনন  
• সে উদ্দেশে বৎস ! আমি পথিক এক্ষণে” । ১২৮

যে রূপ আনন্দে শিব হইলা মগন  
 গুনিয়া বচন তাহা কেমনে বাখানি  
 কণ্টকিত হ'ল তনু বহিল নয়ন  
 আবেগে বদনে আর সরিল না বাণী । ১২৯

অকস্মাৎ দিন-দৈন্ত্র পে'য়ে ধনরাশি  
 কিস্বা নিরুদ্দেশ পুত্রে বহুদিন পরে  
 দেখিয়া যেমতি মাতা হয়েন উল্লাসী  
 তেমতি আশ্রয় ফুল পে'য়ে যোগীবরে । ১৩০

নীরবিলা বুদ্ধ যবে কথা সমাপিয়া  
 ধরিয়া চরণ তাঁ'র ব্যাকুল অন্তরে  
 কি জানি প্রসঙ্গে রুপে ছরছর হিয়া  
 নিবেদিল ভক্তিভাবে গদগদ স্বরে । ১৩১

“শ্রীচরণে শিষ্যভাবে লইলু শরণ  
 দেহ শিক্ষা গুরুদেব ঘুচাও ছদ্দিন  
 বুঝিয়াছ দয়াময় মনের বেদন  
 বিতর করুণা দীনে হ'য়ো না কঠিন । ১৩২

“পরিহর ইচ্ছা দেব কালীঘাটে বাস  
 সিংহ স্নেহবারি থাক অধীন সদনে  
 বেষ্টিত উদাস্ত সহ নির্জ্ঞান আবাস  
 নহিবে ব্যাঘাত কভু সাধন ভঞ্জে । ১৩৩

“পিতৃতুল্য পূজ্য তুমি ভক্তির আধার  
নিমেষে অনুজ্ঞা তব হইবে পালন  
থাকিবে নিযুক্ত সদা সেবায় তোমার  
শিষ্যবধু তব, ত্রুটি নহিবে কিঞ্চন । ১৩৪

“বহু পুণ্যফলে দেব ! পেয়ে’ছি তোমায়  
ছাড়িব না ও রাজীব চরণ ছ’থানি  
গুণনিধি রূপাদৃষ্টি কর অভাগায়  
দেহ পথ বলে’ যা’য় নিকষা ভবানী ।” ১৩৫

শিববাক্য শুনি’ বুদ্ধ অমৃত সমান  
বুঝিলেন প্রেমাধারে জ্ঞানের বিকাশ  
যথার্থ ই মহামূল্য অসি পরশান  
শূর বীর বিনা গুণ নাহিক প্রকাশ । ১৩৬

কহিলা, “বাসনা পূর্ণ হউক তোমার  
থাকিব আবাসে তব যাবৎ বাঁচিব  
বহু ক্রেশে উপলব্ধ তত্ত্ব ধর্ম সার  
অকপট চিত্তে তোমা’ যত্নে শিখাইব” ; ১৩৭

যদ্রূপ উৎকল্ল শিব শুনি’ বিপ্রকথা  
করিতে বর্ণনা শক্তি নাহি লেখনীর  
ল’য়ে পদধূলি গোলা অন্তঃপুরে যথা  
• কমলা মলিনা সদা উদাস্তে পতির । ১৩৮

জ্ঞাপিলা আনন্দবার্তা সহধর্ম্মিনীরে  
 গুনি' সমধিক হর্ষ হ'ল প্রমদার  
 উদ্দেশে নমিয়া প্রেমে পরমা শক্তিরে  
 প্রকাশিলা ধন্য মাতা করুণা তোমার । ১৩৯

ফুলপ্রাণে ব্রহ্মানন্দ করিলা বসতি  
 শিবের আলয়ে স্বতঃ হ'য়ে সমাদৃত  
 সস্ত্রিক আচার্য্যে কার' সম্যক যুক্তি  
 শুভদিনে তারামস্ত্রে করিলা দীক্ষিত । ১৪০

দম্পতির শ্রদ্ধা ভাক্ত সেবা শুশ্রুষায়  
 ব্রহ্মানন্দ যোগীবর হইলা মোহিত  
 ক্রমশঃ হৃদয়পূর্ণ হইল মায়ায়  
 বধু পুত্রে যথা চিত্ত হ'ল আকর্ষিত । ১৪১

একে একে শিখাইলা যত্রে অধ্যাপক  
 মাতৃজারোপমা বিছা গোপনীয়্য অতি  
 দিন দিন অগ্রসর হইল সাধক  
 শক্তিরূপে ছায়াসম সহগামী সতী । ১৪২

সদানন্দ শিব এবে সদগুরু পাইয়া  
 দূরীভূত হ'ল তাঁ'র চিন্তা যোরতর  
 অবিলম্বে পুনপ্রাপ্ত কান্তি কমলীয়া  
 রাহু মুক্তে কলাপূর্ণ যথা শশধর । ১৪৩



পুনরায় বৈষয়িক কর্মে দিলা মন  
কর্তব্য পালনহেতু অনাসক্ত হ'য়ে  
বুঝিলা গ্রামণী সবে করিলা ব্রাহ্মণ  
রোগমুক্ত, তাই সাধ্বী রাখিলা আলয়ে । ১৪৫

দিবসে বৈষ্ণব বেশ কৌলিক আচার  
নিশাযোগে কৌলধর্ম নিভূতে পালন  
অতি সংগোপনে জ্ঞাত নহিত কাহার  
দিবাভাগে নিদ্রাতুর রাত্রে জাগরণ । ১৪৬

ক্রমিক সাধনমার্গে হইলা উত্তীর্ণ  
যতই অভ্যস্ত তত হ'ল সুখোদয়  
এইরূপে পঞ্চ বর্ষ হইল অতীত  
একে একে সঙ্গ হ'ল ক্রিয়া সমুদয় । ১৪৭

অজীবন পেটে বাহ্য অর্জিলা ব্রাহ্মণ  
অন্নায়সে আচার্যের আয়ত্ত দেখিয়া  
পুলকিত ব্রহ্মানন্দ, মঙ্গল কারণ  
কহিলা সম্বোধি' তাঁ'রে বহু আশীসিয়া । ১৪৮

“মায়ের রূপায় হ'ল ক্রিয়া সমাপন  
অতঃপর ক্রম-দীক্ষা মাত্র অবশেষ  
কঠোর নিয়ম বাহ্যে ছুঁহু সাধন  
পরিণত বয়ঃ ভিন্ন আশঙ্কা অশেষ । ১৪৯

“দীক্ষা হ’লে রক্তবস্ত্র বিধি পরিধানে  
ত্রিশূল ধারণে যথা হ’বে অধিকার  
স্বীকৃত করিবে ত্যাগ মাতৃবৎ জ্ঞানে  
আপনি আপন গুরু পূর্ণ নির্বিকার । ১৪৯

“এখনো যুবক তুমি দয়িতা যুবতী  
কি জানি স্থলিত পদ অনঙ্গপীড়নে  
যোগদ্রষ্ট অনুতাপ হ’বে অধোগতি  
রহিবে না খঞ্জ সম শক্তি আরোহণে । ১৫০

“ইচ্ছা ছিল কিয়দিন আর পরখিয়া  
করিব দীক্ষিত পরে বুঝিয়া লক্ষণ  
কিন্তু নাহি লয় মনে রহিব বাঁচিয়া  
বাসর অধিক তাই বিচলিত মন । ১৫১

“হইয়াছি অতি বৃদ্ধ শিথিল শরীর  
অন্তিক অন্তিমকাল সন্ধ্যাত দিবস  
তাবি তাই কার্য্যশেষ চিন্ত হয় স্থির  
দীক্ষা যদি হয় আমি থাকিতে স্ববশ । ১৫২

“আমার অবর্ত্তমানে কি জানি সঙ্কটে  
পড় গুরু লাগি’, বলি সেহেতু তোমায়  
বুঝহ সামর্থ্য তব কহ অকপটে  
বিষম সমস্তা এই দৌহে সম দায় ।” ১৫৩

কহিলা, গুনিয়া শিব আচার্য্য বচন  
 “সতা বটে মনসিজ প্রবল দুর্জয়  
 কিন্তু প্রজাহেতু ত্রায়া দ্বিতীয়া গ্রহণ  
 নহে সম্ভোগের তরে স্বয়ম্ভু নির্ণয় । ১৫৪

“সন্তান অদৃষ্টে মম নাইক লিখন  
 জানি না উদ্দেশ্য কিবা আছে বিধাতার  
 তবে পরিচর্যা তা’র কিসের কারণ  
 যাহা হ’তে নাই মম কোন উপকার । ১৫৫

“তব আশীর্ব্বাদে প্রভু ! কিবা আছে ভয়  
 নহে আগোচর তব জানহ সকল  
 অপার করুণা তব তুমি প্রেমময়  
 করহ পবিত্র মোরে দিয়া শাস্তিজল ।” ১৫৬

দেখিয়া অচলা ভক্তি ব্রহ্মানন্দ স্বামী  
 করিলা আশীস বহু হ’য়ে পুলকিত  
 নহিবে উত্তুঙ্গ ভাব কভু নিয়গামী  
 বুঝি’ শুভ ক্ষণে শিবে করিলা দীক্ষিত । ১৫৭

“এত দিনে মাতৃ-আজ্ঞা হইল পালন  
 হ’লৈ সমকক্ষ এবে সাজ মম পালা  
 লহ বৎস ! ত্রিশূল ঐ ভীতি বিনাশন  
 পবিত্র কপাল পাত্র মহাশঙ্কমালা । ১৫৮

“এই লহ পুথি মম সাধকের নিধি  
বহু ক্লেশ শ্রম লব্ধ অতুল্য রতন  
বিস্তারিত যাহে শব সাধনের বিধি  
নহিবে নিরোধ যদি অদৃষ্টে লিখন । ১৫৯

“সার্থক জনম মম সফল সাধনা  
তোমা হেন শিষ্য পে'য়ে ধন্য পরিণাম  
কায়মনোবাক্যে করি নিয়ত প্রার্থনা  
লভহ অক্ষয় কীর্তি হ'য়ে সিদ্ধকাম ।” ১৬০

এইরূপে বৃদ্ধ কত উৎসাহ-বচনে  
উভেজিলা শিবে দিয়া নানা উপদেশ  
লইয়া বিদায় শেষে প্রফুল্লিত মনে  
উমাপাদপদ্মে চিত্ত করিলা নিবেশ । ১৬১

অহর্নিশি ধ্যানে মগ্ন ব্রাহ্মণপ্রবর  
রাজরাজেশ্বরী ইষ্ট দেবতা চরণ  
বিগলিত প্রেমধারা নির্ঝাঁক নিখর  
সহস্রার সুধাপানে বিভোর মগন । ১৬২

এতাদৃশ অবস্থায় সপ্তাহ থাকিয়া  
চিরসমাধিস্থ হ'লা সাধকপূঙ্গব  
স্থিরমতি শিবাচার্য্য করি' প্রেতক্রিয়া  
যথাবিধি সম্পাদিলা শৌচ কন্ম সব । ১৬৩

কমলার (ও) কার্যশেষ ত্যজিলা জীবন  
 গ্রহণী রোগেতে সতী ক্রমিক ভুগিয়া  
 মহাগুরু জ্ঞানে পূজি' ভর্তার চরণ  
 তাঁহার মঙ্গল তরে কামনা করিয়া । ১৬৪

কাস্তার বিয়োগে শিব নহিল চঞ্চল  
 বরং বীরভাবাপন্ন হ'ল মহামতি  
 বুধা শোক বোঝোনাক মনুষ্য দুর্বল  
 জীব আসে যায় এই কালের নিয়তি । ১৬৫

কর্মভূমি মাত্র এই ব্রহ্মাণ্ড নিখিল  
 কর্মান্তে সাকার জীব লীন নিরাকারে  
 যেমতি অর্ণবোথিত জীমূত-সলিল  
 সিঞ্চিয়া অবনিতল ফেরে বহাকারে । ১৬৬

আচার্য্য লভিবে সিদ্ধি বিধি নিরূপণ  
 বুঝি বা সম্ভান তাই হ'ল না তাঁহার  
 একে একে এড়াইলা সংসার বন্ধন  
 উপেক্ষিলা নিন্দা ভয় এবে লোকাচার । ১৬৭

“যোর বীরাচারী আমি ছদ্মবেশে থাকি  
 পরম বৈষ্ণব বলে' জানে সর্বজন  
 জঘন্য এ দ্বৈত ভাব হইব একাকী  
 কি হেতু সমাজভয়ে কপটাচরণ ।” ১৬৮

বিক্রর সহিত শিব করিয়া যুক্তি  
 ঔচিত্য বিধায় এবে করিলেন স্থির  
 লোকালয় দূরদেশে নির্জনে বসতি  
 নিশ্চাইয়া অভিমত সাধন মন্দির । ১৬৯

এ হেন বিচার করি' আচার্য্য তখন  
 বিক্রে করিলা দান ভদ্রাসন তাঁ'র  
 সংলগ্ন পঞ্চল আর নিষ্কুট শোভন  
 অর্পিলা সমস্ত তা'রে বিষয়ের ভার । ১৭০

সঙ্কুলান হ'য়ে তাঁ'র ব্যয় সমুদায়  
 উপস্থিত আদায়ের যাহা অবশেষ  
 বিষয় তত্ত্বাবধান কারণ তাহায়  
 বিক্রে লইতে শিব করিলা আদেশ । ১৭১

বিনিময়ে নাতিপ্রস্থ উর্বর জমীর  
 অপ্রহত দীর্ঘখণ্ড করিয়া আদান  
 শ্মশান সন্নিধভূমে তীরে জাহ্নবীর  
 মনোমত যোগোত্তান করিলা নিশ্চায় । ১৭২

পশ্চিমে বিধূলি গ্রাম মধ্যে ব্যবহিত  
 কতিপয় কুষ্ঠ ভূমি দক্ষিণে প্রান্তর  
 উত্তরে পবিত্রতোয়া গঙ্গা প্রবাহিত  
 পূর্ব দিকে প্রসারিত বন্ধুর গোচর । ১৭৩

ছই বিঘা পরিসর সমগ্র নিলয়  
 চৌদিক বেড়িয়া উচ্চ ইষ্টক প্রাচীর  
 বিভক্ত অংশেতে চারি যথা জনাশ্রয়  
 গোহাইল গর্ভাগার ভজন মন্দির । ১৭৪

অগ্নিকোণে জনাশ্রয় তাহে মুখ্য দ্বার  
 গোগৃহ পশ্চিমে তা'র সহ উদপান  
 গোশালার উত্তরেতে ছিল গর্ভাগার  
 বাটায়দে দশ কাঠা জমী পরিমাণ । ১৭৫

সমগ্র গৃহের ভিত্তি ইষ্টকে নিশ্চিত  
 তাহে সাধারণ লেপ ভিতর বাহির  
 ছিল কাষ্ঠময় চাল তুণে আচ্ছাদিত  
 পাকা মেজ্যা, মহানস কেবল মাটির । ১৭৬

অবশিষ্ট ভূমি ব্যাপ্ত ছিল যোগোত্তানে  
 নানাবিধ ফল পুষ্প তরু সমন্বিত  
 বিকীর্ণ মঞ্জুল ছবি চারি দিক পানে  
 অতীব পবিত্র স্থান সাধক বাঞ্ছিত । ১৭৭

গর্ভাগার পশ্চাদিকে অথও ভূমিতে  
 ঈশানের কিয়দংশে যতনে রোপিত  
 বাছা বাছা ফলবৃক্ষ সুষম আলিতে  
 • সম জাতি মহিকর করে' একত্রিত । ১৭৮

প্রান্তভাগে ছই সারি কলমের আম  
 ব্যাপিয়া পশ্চিম পূর্ব, তলে আনারস  
 তৎপরে কাঁটাল বেল আতা কালজাম  
 পেয়ারা রস্তাদি পেঁপে দাড়িম সুরস । ১৭৯

বক্রীভূমে পাঁচ কাঠা পরিসর প্রায়  
 কুসুম উদ্যান, মধ্য সাধন মন্দির  
 হইয়া বেষ্টিত গুল্ম বিটপী মালায়  
 দর্শিত সূবর্ণে যথা হীরক রুচির । ১৮০

ছিল নানাজাতি ফুল রক্ত শ্বেত বক  
 জবা জুঁই গন্ধরাজ চামেলী মল্লিকা  
 করবী রজনীগন্ধ গোলাপ চম্পক  
 টগর বকুল আদি বেল শেফালিকা । ১৮১

আছিল বৃহৎ কুপ ফলোদ্যান মাঝে  
 জল সিঞ্চনের তরে তরু আলবালে  
 হরিৎ পাদপচয় ফল ফুল সাজে  
 তুষার বর্ষায় তথা নিদাঘের কালে । ১৮২

বাসগৃহ পূর্বোত্তর দেশে অবস্থিত  
 নাতিদীর্ঘ সূধ্যধৌত ভজন প্রাসাদ  
 অলিন্দ চত্বর সহ ছিল সুশোভিত  
 বিশ্বমূল হেতু তাহে সমতল ছাদ । ১৮৩ •



মধ্যস্থলে পঞ্চমুণ্ডী আসন প্রোথিত  
সম্মুখেতে বেদী, তাহে সুষাপূর্ণ ঘট  
প্রাচীরের উচ্চদেশে যতনে স্থাপিত  
সাধনের ধন তার। মহাবিছা পট । ১৮৪

আছিল বেদিকা বামে দিব্য শোভমান  
বহুশ্রমে প্রাপ্ত ঋজু দীর্ঘ বিহ্বমূল  
যাহার আবাল ভূমি ব্যাস পরিমাণ  
সার্কি হস্ত, বিদ্ধ তাহে ভৈরব ত্রিশূল । ১৮৫

শ্রুস্ত গৃহ বামদেশে বেত্রের মঞ্জুবা  
চর্মেতে আবৃত তাহে ছিল সমুদয়  
সাধনোপযোগী নানা দ্রব্য বেশ ভূষা  
পুণি মালা পাত্র যন্ত্র তাম্রক বলয় । ১৮৬

সুনিৰ্গণ তানপুরা ব্যায়চন্দ্রাসন  
থাকিত সজ্জিত তথা দক্ষিণাংশে তা'র  
জালানী সৌগন্ধ্য ধূমপানোপকরণ  
পূজার সামগ্রী যত ধূপদীপাধার । ১৮৭

গর্ভাগার হ'তে ছিল অত্র পুরে পথ  
মণ্ডপের বায়ুকোণে জনাশ্রয় দ্বার  
প্রাচীরে দক্ষিণ দিকে গোশালার পথ  
ষোগোজ্ঞানে যে'তে পূর্ব প্রাচীর মাঝার । ১৮৮

এবম্বিধ আচার্য্যের পুরী মনোরমা  
লোক কোলাহল শূন্য নিৰ্জ্জন আবাস  
পুরী মধ্যে পশি' ছবি দেখিলে সুষমা  
পবিত্র ভাবের সত্ত্বঃ হইত বিভাস । ১৮৯

নিম্নে প্রবাহিতা গঙ্গা কল্লোলনাদিনী  
সঞ্চারিত যাহে স্নিগ্ধ বিস্তৃত অনিল  
বহু জনপদ তীরে সৈকতমালিনী  
যোগীজন প্রীত যা'র পবিত্র সলিল । ১৯০

নিমজ্জন করি' পুণ্য শ্রোত নীরে যা'র  
কতই যে পরিতৃপ্ত হয় প্রাণীগণ  
নিয়ত করিয়া পান লঘু বারি আর  
সুস্থ কমনীয় দেহ করয়ে ধারণ । ১৯১

নানাবিধ খনি ধৌত পদার্থ মিশ্রণে  
চর্ম্মরোগ বিনাশক মৃৎ মহৌষধি  
হরে মহাব্যাধি যদি লেপে ক্লিষ্টজনে  
সহিষ্ণুতা সহ তা'র পীড়া যদবধি । ১৯২

ব্যবসায়ী তারি বাহি' ভ্রমি' নানা দেশ  
করি' পণ্য বিনিময় লভে বহু ধন  
কর্ণধার ধীবরের নাহি কোন ক্লেশ  
গঙ্গাবাসী যা'রা সুখে যাপয়ে জীবন । ১৯৩

অদূরেতে বিরাজিত পবিত্র শ্মশান  
 বীতিহোত্র অধিষ্ঠাতা যথা অহরহ  
 সাধকজনের পুণ্য ক্ষেমঙ্কর স্থান  
 সংসারীর হৃৎকম্প অতি ভয়াবহ । ১৯৪

নাহি হেথা ভেদাভেদ জাতির বিচার  
 ইতর বিশেষ নাহি সম্যক সম্মান  
 নাহি কা'র গতিরোধ অবারিত দ্বার  
 অধিকার উচ্চ নীচ সবার সমান । ১৯৫

রাজা প্রজা ধনী দুঃখী মূর্থ ও বিদ্বান  
 ধর্মবীর মহাপাপী সংসারী সন্ন্যাসী  
 বিকলাঙ্গ সৌম্যদেহ কুৎসিত শ্রীমান  
 স্থূলবুদ্ধি মহাজ্ঞানী স্বাধীন প্রত্যাশী ;

জিতেন্দ্রিয় ব্যভিচারী শৈশ্বরীগী ও সতী  
 সাভিজন আঁটকুড়া ক্ষুণ্ণ ভাগ্যবান  
 সধবা বিধবা কিস্বা বন্ধ্যা পুত্রবতী  
 ব্যাধিগ্রস্ত সুস্থকায় ক্ষীণ বলবান ;

স্বার্থপর সদাশয় বন্ধু আততায়ী  
 সাধু চোর সত্যবাদী অনৃততৎপর  
 বীর ভীকু নেশাশূন্য ঘোরমণ্ডপায়ী  
 . ভক্ত প্রজা রাজদ্রোহী সুশভ্য বর্বর ;

ব্যবসায়ী হীনকর্মা উচ্চকর্মাচারী  
 কৃষি শিল্পী সুগায়ক কবি বৈজ্ঞানিক  
 স্বদেশবৎসল যোদ্ধা পরহিতকারী  
 বাগ্মিক তদগত যোগী প্রেমিক নাস্তিক ;

গণ্য মাত্র পূজ্যপাদ ঘৃণ্য স্বৈচ্ছাচার  
 দয়াশীল ক্রুরমতি বদাশ্রয় কপণ  
 বিভিন্ন প্রকৃতিগত যত সবাকার  
 একমাত্র নিদানের শাস্তি নিকেতন । ১৯৬-২০০

ভাবুকের শিক্ষাভূমি এহেন শ্মশানে  
 স্বার্থ হেতু দ্বন্দ্বের রত অন্তর্বাসীগণ  
 মাগো কি যে মায়া তব কেহ নাহি জানে  
 মোহান্ন নয়ন স্বপ্নে যাহে জগজন । ২০১

এইরূপে শিবাচার্য্য পরিবৃত্ত হ'য়ে  
 করিলেন বসবাস নূতন ভবনে  
 লোকনিন্দা পরিহাস সমুদয় স'য়ে  
 প্রাণপণে রত সদা শব অন্বেষণে । ২০২

পোষ্যবর্গ মধ্যে তথা ছিল আচার্য্যের  
 প্রভুভক্ত বয়োধিক ভৃত্য পুরাতন  
 নিহিত তাহার প্রতি কার্য্য সংসারের  
 ছিল সে স্বগ্রামবাসী বিশ্বাসভাজন । ২০৩

আছিল সমাংসমীনা গাভী স্নলক্ষণা  
ঘটোয়ী সুরভী সম সবৎসা পীবরা  
সুলোদরী দ্বয় ঘোর শ্রামল বরণা  
পর্যায়ে নবহৃতিকা প্রাপ্তবৎসতরা । ২০৪

ছিল সারমেয় এক ভীষণ আকার  
কৃষ্ণলোম পরাক্রান্ত কেশরী সমান  
দিবায় থাকিত সদা আগলিয়া দ্বার  
ত্রিয়ামায় পাছু পাছু প্রভু সন্নিধান । ২০৫

হ'ত না শিবের গৃহে লোক সমবায়  
কেবল দিনান্তে বিরু আসিতেন তথা  
থাকিয়া কিয়ৎক্ষণ ফিরিতেন প্রায়  
যাপিতেন নিশি যদি হ'ত সৎ কথা । ২০৬

প্রাতঃকালে বাহুক্রিয়া আদি সমাপিয়া  
করিয়া অবগাহন মহাভদ্রা নীরে  
কিঞ্চিৎ আহার করি' উত্তানে পশিয়া  
করিতেন মালীকার্য স্থানে স্থানে ফিরে' । ২০৭

কভু বা ভ্রমিয়া কত এ গ্রাম সে গ্রাম  
গোপনেতে করিতেন শবের সন্ধান  
হেরি' কভু প্রকৃতির সৌন্দর্য ললাম  
করিতেন পর্যটন ফিরে' নানা স্থান । ২০৮

আহারান্তে কথঞ্চিৎ বিশ্রাম করিয়া  
করিতেন সুললিত সঙ্গীত রচনা  
রাগ মান তাল লয় সহ মিলাইয়া  
আধ্যাত্মিক ভাবপূর্ণ স্মরি' শবাসনা । ২০৯

সন্ধ্যা হলে প্রবেশিয়া ভজন আলায়ে  
পাতিয়া শার্দূলছাল পঞ্চমুণ্ডোপরি  
আসন করিয়া তাহে তানপূরা ল'য়ে  
করিতেন নাম গান ধ্যায়ি' লম্বোদরী । ২১০

সুধা পানে মত্ত হ'য়ে ঙ্গবদ গান  
গাইতে গাইতে শিব হ'তেন মগন  
কণ্টকিত হ'ত তনু শূণ্য বাহুজ্ঞান  
অবিশ্রান্ত দুই ধারে বহিত নয়ন । ২১১

গান যোগে বহুক্ষণ আরাধিয়া মায়ে  
বসিতেন শিবাচার্য্য জপে নিয়মিত  
গুরু দত্ত বীজমন্ত্র সৌপি' রাজা পায়ে  
প্রহরেক ধরি' চিত্ত করে' সমাহিত । ২১২

জপ সাজ হ'লে শিব ত্রিতীয় প্রহরে  
কভু নিদ্রাগত, কভু শ্মশানে মশানে  
ভৈরব কুকুর সহ বীর বেশ ধরে'  
ভ্রমিতেন মত্ত প্রায় শবের সন্ধানে । ২১৩

ছিল ঠাট বাট নানা ভোগীর লক্ষণ  
 দোকান সাজীন মাত্র শুভ দৃশ্য অতি  
 কিস্তি অনাসক্ত শিব যোগপরায়ণ  
 অহর্নিশি ছুরারাধ্য ইষ্ট পদে গতি । ২১৪

এইরূপে যোগোত্তানে সঙ্গ পরিহারি'  
 আচার্য্যের অতিক্রান্ত হ'ল পঞ্চবর্ষ  
 শবের উপায় আজ নানা চেষ্টা করি'  
 হ'ল না দেখিয়া শিব হ'লেন বিমর্ষ । ২১৫

একদিন সায়ংকালে আচার্য্য আসীন  
 দেউল অলিন্দে রাখা যন্ত্র সন্নিধানে  
 গভীর চিন্তায় মগ্ন উদাস মলিন  
 মুহূর্ত্ত অগ্নে অগ্নে রত স্মরণে । ২১৬

হেনকালে বিরূপাক্ষ হ'লা উপনীত  
 দেখিয়া স্নেহদ শিষ্যে প্রীতি সহকারে  
 বসিতে আসন ল'য়ে করিয়া ইঙ্গিত  
 অর্পিলা প্রসাদ পাত্র পূরিয়া তাহারে । ২১৭

ত্রিশৎ বৎসর বয়ঃ বিরূর এগন  
 উজ্জ্বল শ্যামল বর্ণ প্রমাণ শরীর  
 যৌবনের পূর্ণ ছটা প্রফুল্ল আনন  
 স্নন্দর নদর দেহ স্বভাব গভীর । ২১৮

মনোজ্ঞ কুঞ্চিত কেশ ললাট মধ্যম  
যুগ্ম ভুরু নাতিদীর্ঘ নয়ন উজ্জ্বল  
পত্রে ঘনলোম হেতু অতি মনোরম  
দর্শিত সদাই যেন রঞ্জিত কজ্জল । ২১৯

মাঝারি টিকল নাসা সুষুম দশন  
চিবুক অধর দ্বয় অতি মনোহর  
আছিল মুণ্ডিত শৃঙ্গ কপোল চিকণ  
শ্রুতি কর্ত্ত আশ্র গুহ্ম সকলি সুন্দর । ২২০

হস্ত পদ প্রত্যঙ্গাদি দেহ পরিমিত  
অন্ন অন্ন লোমরাজি তাহে শোভমান  
তাহাতে অঙ্গের কান্তি আরও বর্দ্ধিত  
সুন্দর পুরুষ বিরূ কন্দর্প সমান । ২২১

দেখে' তাঁ'র মনোহর উজ্জ্বল নয়ন  
প্রশান্ত মূরতি চারু অঙ্গের সৌম্যব  
প্রাকৃতিক ভাবাপন্ন কন্দর্পপ্রায়ণ  
জলনী বীরগৃহী ব'লে হ'ত অনুভব । ২২২

প্রোঢ়াবস্থা আচার্য্যের হ'ল বয়ঃক্রম  
অনধিক তেতাল্লিশ বৎসর এখ'ন  
গৌর বর্ণ দীর্ঘাকৃতি কান্তি অনুপম  
চঞ্চুনাশা ভাল উচ্চ দীঘল নয়ন । ২২৩



দীর্ঘ শ্মশ্রু, শিরোপরি গ্রাসিত কুন্তল  
 মাঝে মাঝে পংক কেশ তাহে সুরাজিত  
 অমাবস্তা প্রদোষেতে তারকা উজ্জ্বল  
 নির্মল গগনে যেন হ'য়েছে উদিত । ২২৪

প্রসারিত বক্ষঃস্থল স্নগঠ শরীর  
 লোহিত ত্রিপুণ্ড্র, গলে স্ফটিকের মালা  
 উত্তরীয় বাসে রক্ত ছকুল রুচির  
 মণিবন্ধে সরুদ্রাক্ষ তাম্রকের বালা । ২২৫

চিন্তায় বিষোর শিব নাহি কোন কথা  
 ক্ষণে ক্ষণে বিপরিত মুখের ভঙ্গিমা  
 গভীর নিশ্বাস কভু কত যেন ব্যথা  
 বিষাদে সোণার অঙ্গে পড়ে'ছে কালিমা । ২২৬

কভু দন্ত কড়মড়ি দৃষ্টি ধরতর  
 আক্রোশে উন্মাদপ্রায় উত্তেজিত মন  
 কভু দরদর ধারে নয়নে নিখর  
 অনিমেঘ শূণ্য আঁখি যোগের লক্ষণ । ২২৭

স্তম্ভিত হইল বিরূপ সশঙ্কিত প্রাণ  
 অকস্মাৎ গুরুদেবে দেখিয়া বিবশ  
 কতক্ষণে ইরা যোগে হ'য়ে ক্ষুণ্ণমান  
 . সম্ভাবিলা তাঁ'রে, যবে শান্তির পরশ । ২২৮

“কিবা হেতু আজি প্রভু আলোড়িত মন  
গত নিশি জপে বুঝি হ’য়েছে ব্যাঘাৎ  
কিষা ঘোর শিরঃপীড়া দিতেছে বেদন  
লহরিত স্থির বারি কেন অকস্মাৎ।” ২২৯

এতেক শুনিয়া শিব শিষ্যের বচন  
কহিলেন স্নেহভরে করে’ আশীর্বাদ  
“নাহি কোন দেহকষ্ট দৈব দুর্ঘটন  
তোমা হেন শিষ্য যা’র কিসের প্রমাদ। ২৩০

“কিস্তি যা’র লাগি’ চিত্ত ব্যাকুল আমার  
হইয়াছি দৃষ্টিহারী উন্নত সমান  
জানি না তাহার কোন হ’বে প্রতিকার  
হ’য়ে ভগ্নমনা বুঝি বাহিরবে প্রাণ। ২৩১

“গুরুর রূপায় উপক্রমণিক ক্রিয়া  
খণ্ড, বীর, মহা আদি পুরস্চরণ  
নানাসনে শক্তি ক্রিয়া অতি গোপনীয়া  
একে একে বৎস মম হ’ল সমাপন। ২৩২

“উল্লভিষ্কৃতিক শঙ্কো হ’ল অধিকার  
ক্রম-দীক্ষা হ’য়ে ক্রিয়া সমাপ্ত সকল  
ধরে’ছি ত্রিশূল নিত্য পালি’ বীরচাৰ  
অবশেষ এবে শবসাধন কেবল। ২৩৩

“অপঘাতে মৃত শিশু চণ্ডাল তনয়  
পঞ্চ হ’তে সপ্ত মধ্যে বয়স যাহার  
নহিবেক বিকলাঙ্গ হ’বে নিরাময়  
স্বলক্ষণ যুত শব সুন্দর আকার । ২৩৪

“সাধনোপযোগী হেন শবের সন্ধানে  
একে একে পঞ্চবর্ষ হইল অতীত  
করিলাম চেষ্টা কত ফিরি’ স্থানে স্থানে  
কিন্তু আজ হ’লনাক কোনও বিহিত । ২৩৫

“তবে বুঝি সিদ্ধিলাভ ভাগ্যে নাই মম  
ভস্মে দ্ব্যত ঢালিলাম করে’ আরাধনা  
রহিলাম মধ্য পথে হরিশ্চন্দ্র সম  
বিফল জনম মম বিফল কামনা । ২৩৬

“হ’য়েছিহু গুরু লাগি’ উভলা যখন  
কত দিনে জননীর হ’য়েছিল দয়া  
বৎস কতই যে ডাকি ধ্যায়ি অনুক্ষণ  
চক্ষু কণ থে’য়ে এবে রহিল অভয়া ।” ২৩৭

অভিমাণে আচার্যের বহিল নয়ন  
সরিল না বাক্য আর হইলা নীরব  
একদৃষ্টে পটপানে চে’য়ে বহুক্ষণ  
ব্যথিত অন্তরে শিব আঁরিস্তিলা স্তব । ২৩৮

“উর উর গো মা শ্রামা অনন্তের রানী  
অক্ষুণ্ণ প্রভাব তব গুণীগণ কয়  
প্রপন্নপালিনী তুমি বরদা কল্যাণী  
অলঙ্ঘ্য তোমার আজ্ঞা নিয়ম দুর্জয় । ২৩৯

“আখণ্ড ব্রহ্মাণ্ড স্বর্গ মর্ত্ত রসাতল  
অম্বর জুড়িয়া সূর্য্যামণ্ডল বিস্তর  
পরিব্যাপ্ত আদি অন্ত মধ্য কেন্দ্র স্থল  
সকলি তোমার রাজ্য বিশ্বচরাচর । ২৪০

“অজযোনি পদ্মনাভ দেব পঞ্চানন  
গুণত্রয়ে সৃষ্টি স্থিতি লয়ের কারণ  
অংশুমালী সুধানিধি দিক্‌পালগণ  
তটস্থ হইয়া করে আদেশ পালন । ২৪১

“ক্ষিতি আদি পঞ্চভূত যাহাতে আকার  
রূপ রস পঞ্চ, কৰ্ম্ম জ্ঞানেন্দ্রিয় আর  
মন বুদ্ধি বিবেকাদি তত্ত্ব অহঙ্কার  
বিকাশে তোমার কীর্ত্তি মহিমা অপার । ২৪২

“চক্রনেমি মহাকাল নিরূপে সময়  
গুঁকার প্রণব করে নাদশিক্ষা দান  
সুখ দুঃখ নিদেশয়ে সৌরি গ্রহচর  
তব অনুজ্ঞায় তুমি শক্তি মহান । ২৪৩ •

“মহাশূত্রে নিরালস্য অসম্ভা সৃজন  
প্রভূত আলোক সহ নিত্য ভাসমান  
পরস্পর আকর্ষিত হ’য়ে বিচরণ  
করিতেছে শক্তি বলে তব গরীয়ান । ২৪৪

“অতীব বৃহৎ বস্তু হ’তে স্মৃশ্নতম  
জ্ঞানেন্দ্রিয় অগোচর কিম্বা স্পষ্টাকার  
সংযোজিত হ’য়ে তা’রা মহাকাশ সম  
বিচরিছে সমস্তাৎ মায়াতে তোমার । ২৪৫

“প্রকৃতি প্রধানা তুমি কৈবল্যদায়িনী  
মহামায়া পরমাত্তা শক্তি পরাংপরা  
অনাদি অনন্ত তুমি অখণ্ডব্যাপিনী  
অচ্যুত অব্যয় কিম্বা অজরা অমরা । ২৪৬

“এই পরিদৃশ্যমান জগতীর তলে  
কুদ্রাদপি ক্ষুদ্র কিম্বা অসীম অপার  
যাহা কিছু বিরাজিছে তব শক্তি বলে  
সকলি তোমার জ্যোতিঃ তুমি মাত্র সার । ২৪৭

“আকার রহিত তুমি অনন্তরূপিনী  
তোমাতে উৎপত্তি পুনঃ নিবৃত্তি তোমাতে  
আগম নিগম তুমি জ্ঞান প্রদায়িনী  
• সন্তবাসম্ভব সব তোমারি মায়াতে । ২৪৮

“সগুণ নিগুণ তুমি, তুমি নির্বিকার  
তোমারই অহংভাবে জগৎ প্রচার  
আধেয় আধার মাগো তুমি মূলাধার  
কারণশরীর কিম্বা স্থূল সূক্ষ্মাকার । ২৪৯

“তুমি অণু পরমাণু প্রকৃতাণ্ড ভীষণ  
অধম মধ্যম কিম্বা পরম সুন্দর  
আঁধার আলোক তুমি নাম অগণন  
নির্কারণেতে একমেব নিত্য নিরন্তর । ২৫০

“রবি শশী গ্রহ আদি তারা অগণন  
ব্যোমবর্তী যত, ক্ষিতি হ্রতশন বারি  
অসীম আকাশ আর ব্যাপ্ত সমীরণ  
তা’রা সকলেই মাগো স্বরূপ তোমারি । ২৫১

“তুমি শ্রদ্ধা ভক্তি প্রেম মতি গতি রতি  
অষ্ট শৃঙ্গারাদি, শান্তি, শোক হর্ষ আর  
কাম ক্রোধ ষট্, দ্রুপা, অসুখা নিকৃতি  
ঈর্ষা দ্বেষ চিন্তা ক্রমা অসংখ্য বিকার । ২৫২

“তুমি ক্ষুধা তৃষ্ণা ব্যাধি তুমিই অগদ  
জাগর্ত্তি স্রষ্টৃষ্টি স্বপ্ন মাধুরী কল্পনা  
শীত উষ্ণ সুখ দুঃখ বিপদ সম্পদ  
জন্ম মৃত্যু বাক্ বিদ্যা বুদ্ধি বিবেচনা । ২৫৩

“ତୁମି ଗୋ ମା ଅଚେତନ ଉଦ୍ଭିଦ ଚେତନ  
 ଯୋନିଜ୍ଞ ଶରୀର କିନ୍ଧା ଅଯୋନିସମ୍ଭବ  
 ରୂପ ରସ ଗନ୍ଧ ଆଦି ବିଷୟ କାରଣ  
 ଅମୃତ ଗରଳ ଆର ପ୍ରିୟତ୍ର ଆସବ । ୨୫୫

“ତୁମି ଶ୍ରୋତସ୍ପାତି ଧ୍ୟାତ ଭୃତ୍ସଂ କନ୍ଦର  
 ଲବଣସମୁଦ୍ର ମୁକ୍ତା ହୀରକାଦି ମଣି  
 ଗନ୍ଧକ ଉଲ୍ଲୁକ-ଶିଳା ବିବିଧ ପ୍ରସ୍ତର  
 ହିରଣ୍ୟ ରଜତ ଲୌହ ନାନାଧାତୁ ଧନି । ୨୫୬

“ମହାକାଞ୍ଚୁ ତରୁ ତୁମ ଛାୟା ସମୀରତ  
 ଫଳବାନ ବାନସ୍ପତ୍ୟ ଆର ବନସ୍ପାତି  
 ନାନାଜାତି ପୁଷ୍ପଫଳ ପ୍ରସୂନେ ଶୋଭିତ  
 ଓଷଧି ଡ଼ାଳାଦି ବେଘ ଉଦ୍ଭିଦ ବ୍ରତାତି । ୨୫୭

“ତୁମି ସ୍ତରାନ୍ତର ଯଶ ଗନ୍ଧର୍ବ କିନ୍ନର  
 ଦେବମୋନି ଯତ ଭୂତ ରାକ୍ଷସ ଅପ୍ସର  
 ନାନାବର୍ଣ୍ଣ ପକ୍ଷ ପକ୍ଷୀ ମନ୍ତ୍ରଣ୍ୟ ବାନର  
 ସରୀସୃପ ପତଙ୍ଗାଦି କୀଟ ଜଳଚର । ୨୫୮

“ଜନ୍ମଦାତା ପିତା ତୁମି ନିର୍ମିତ କାରଣ  
 ଜନନୀ ହୈମା କର ଶିଶୁର ପାଳନ  
 ସନ୍ତାନ ରୂପେତେ ପୁନଃ କର ଗୋ ତୋଷଣ  
 ଧନ୍ୟ ଲୀଳା ତବ ବାହେ ମୁଖ ବିଷ୍ଣୁଜନ । ୨୫୯

“এই দেহ মাঝে ক্ষুদ্র ব্রহ্মাণ্ড স্বরূপ  
বিরাজ জননী তুমি ধরি’ অগণন  
স্বাক্ষর সূক্ষ্মতম রূপ, তুমি বিশ্বরূপ  
পুনঃ অধিষ্ঠাত্রী রূপে কর বিচরণ । ২৫৯

“মূলানার চতুর্দলে কুলকুণ্ডলিনী  
স্বাধিষ্ঠান মণিপুর ক্রমে ভেদ করি’  
আজ্ঞাচক্র দ্বিদলোতে বিরাজ হাকিনী  
ব্রহ্মরন্ধ্র সহস্রারে পরমা ঈশ্বরী । ২৬০

“যাহা কিছু দৃশ্যমান এই ভূমণ্ডলে  
সকলেতে তুমি মাগো তোমাতে সকলি  
প্রকট তোমার রূপ, কল্পনার বলে  
সাধক ভাবয়ে ভিন্ন হ’য়ে কুতূহলী । ২৬১

“কিন্তু না’হি কিছু মাগো অদেয় তোমার  
তুমি কল্পতরু দাও যেবা যাহা চায়  
একান্ত বাসনা মাগো হ’য়েছে আমার  
গুরুর নির্দিষ্ট রূপে দেখিব তোমায় । ২৬২

“আয় গো মা ভবেন্দ্রাণী হও মা উদয়  
চিরন্ত বাঞ্ছিত মম সাধনের ধন  
পবিত্র হউক দেহ পাপরাশি ক্ষয়  
জনম সার্থক দেখে’ ও রাজ্য চরণ । ২৬৩



“হও মা উদয় ওগো অজ্ঞাননাশিনী  
 তারা লম্বোদরী ঘোরা করালবদনা  
 ব্যাঘ্রচর্ম্মপরা থর্কা কপালমালিনী  
 নবীনা নীলবরণা বামা ত্রিনয়না । ২৬৪

“থড়া করবাল আর থর্পর নলিনী  
 স্নশোভিত চতুর্হস্তে লম্বিত রসনা  
 প্রগণ্ড ও জটা কণ্ঠে জড়িত নাগিনী  
 রক্ত আঁখি অটু হাসি ভীমা শবাসনা । ২৬৫

“মহাযোগী কুন্ডিবাস নারদাদি ঋষি  
 জটিল মায়ার তব যুগ যুগান্তর  
 করিয়া কঠোর তপঃ চিন্তি দিবানিশি  
 পাইল না অন্ত মাগো কিবা ছার নর । ২৬৬

“তাহা ত পা'বার নয় কহু কি সম্ভবে  
 যদি বোধগম্য কিবা মহিমা তোমার  
 তবে মা জ্ঞানের কণা দিয়াছ মানবে  
 তাইতে কল্লনা শক্তি বিকশিত তা'র । ২৬৭

“বাহা কিছু উপলব্ধ হয় জ্ঞান বলে  
 প্রভূত আনন্দ তাহে পায় যোগীগণ  
 ওগো সেই লালসায় দাবিত সকলে  
 বারেক পাইলে স্বাদ ছাড়েনা কখন । ২৬৮

“উদ্ভাবিত নানা পথ পাইতে তোমা  
ধরিয়াছি পস্থা যাহা আগমে কথিত  
হেঁটে বহু পথ এবে এসে’ছি ছুয়ারে  
দেখা দাও ডাকি গো মা হ’য়ে কাতরিত । ২৬৯

“তন্ত্ৰমতে শবোপরি চরম সাধনা  
হ’য়েছে সকলি কিন্তু পাইনা যে শব  
কর গো উপায় আর সহেনা যাতনা  
হইলে তোমার দয়া কিবা অসম্ভব ? ২৭০

“শয়নে স্বপ্নে মাগো কিম্বা জাগরণে  
চরণপঙ্কজ বিনা নাহি কোন ধ্যান  
কিন্তু মা এখনো দয়া হ’লনাক মনে  
জানিনা কি হেতু তুমি নিদয়া সন্তানে । ২৭১

“মাগো করে’ থাকি যদি জ্ঞানে বা অজ্ঞানে  
অপরাধ কোন ক্ষম ওগো ক্ষেমঙ্করী  
অপাঙ্গে করুণা কর চাহ স্নাত পানে  
হয়ো না কঠিন আর লহ দুঃখ হরি’ । ২৭২

“সদানন্দময়ী তুমি আনন্দদায়িনী  
তবে নিরানন্দে কেন রেখে’ছ জননী  
তুমি যে মা দুঃখহরা প্রপন্নপালিনী  
কলুষনাশিনী তারা পতিতপাবনী । ২৭৩

“প্রোঢ় এবে গোয়াইলু শৈশব যৌবন  
তোমার সেবায় মাগো নাহি চিন্তা আর  
অন্তর্যামী তুমি জান মনের বেদন  
তথাপি কি দয়া ওগো হয় না তোমার । ২৭৪

“শবের সন্ধানে মাগো ঘুরিতেছি কত  
আজিও হ’লনা কিন্তু কোনও উপায়  
দেখিতে দেখিতে পঞ্চ বর্ষ হ’ল গত  
কর মা উদ্ধার বড় ঠেকিয়াছি দায় ॥ ২৭৫

“দাও মা উপায় বলে করি আরাধনা  
দেখিয়া শ্রীপাদপদ্ম জুড়াই গো প্রাণ  
জীবন সার্থক করি ওগো শবাসনা  
আর ত সহেনা মাতা কর শাস্তি দান । ২৭৬

“দয়াময়ী নাম তব জগতে প্রচার  
জগজন কহে তুমি বরদা অভয়া  
সে নামে কলঙ্ক ব্যাধি হইল তোমার  
আমি কি আটাসে ছেলে তাই নাহি দয়া । ২৭৭

“অতিকৃচ্ছ অঁটকুড়া স্নগ্য হেয় অতি  
টুটকারে কহে সবে সমাজের কালি  
মাতাল বলিয়া ডাকে যত মুঢ়মতি  
পশ্চাতে বালকবৃন্দ দেয় করতালী । ২৭৮

“কাতরে ডাকি মা তোরে হও গো উদয়  
তোমার সেবক হ’য়ে এ দশা আমার  
ওগো বিদরয়ে হিয়া মনে যদি হয়  
কিঞ্চিৎ নাহি কি দয়া হৃদয়ে তোমার । ২৭৯

“তোমা বই কেহ নাহি বলিতে আপন  
ডাকি তাই এত, কিন্তু দেখিলি না চে’য়ে  
ওগো বুক ফেটে’ যায় অসহ বেদন  
বুঝিলু যথার্থ তুই পাষণের মেয়ে” । ২৮০

এইরূপে শিবাচার্য্য বিলাপিয়া কত  
ধরিলেন তুষ্ণীভাব ব্যথিত হৃদয়ে  
শোকের আবেগে তাঁ’র অশ্রু অবিরত  
ঝরিতে লাগিল গগন শ্রুঙ্গরাজি ব’য়ে । ২৮১

নিষ্পন্দ নিথর শিব এলো থেলো বাস  
করিলেন চিন্তা কত মর্শ্বে ব্যথা পে’য়ে  
হতাশে তাজিয়া শেষে গভীর নিশ্বাস  
একদৃষ্টে অন্নপানে রহিলেন চে’য়ে । ২৮২

কতক্ষণে আচার্য্যের হইল চেতনা  
কে যেন অম্বর পথে এসে’ দেখা দিল  
দেখিয়া সে মূর্ত্তি দীপ্ত হ’ল উত্তেজনা  
তাড়িতের বিভা যেন দেহে প্রবেশিল । ২৮৩

দেখিতে দেখিতে ছায়া শূন্যে মিশাইল  
ঢালিয়া শিবের কাণে সুধা সঞ্জীবনী  
শুনিয়া সে বাক্য শিব মাতিয়া উঠিল  
উৎসাহে হইল স্ফীত যতেক ধমনী । ২৮৪

হইল বিকট মূর্ধি নেত্র আরক্তিম  
এলাইল কেশ পাশ গায়ে কাঁটা দিল  
শিহরিল সর্ব অঙ্গ দাপেতে অসীম  
জয় গুরু বলে শিব গর্জিয়া উঠিল । ২৮৫

গর্জিল ভৈরব নাদে ভীষণ কুক্কর  
কাঁপাইয়া সমুদয় পুরী মধ্যাহ্নল  
হোকা রবে ফেরপাল গর্জিল অদূর  
টলিল শ্মশানভূমি ভাগীরথী জল । ২৮৬

আতঙ্কেতে শিহরিল গাভী গোশালায়  
ডাকিল শাবকদ্বয় ভয়ে হস্তা রবে  
লুকাল বিহঙ্গকুল আপন কুলায়  
চমকিল পৌরজন স্তব্ধ হ'ল সবে । ২৮৭

শঙ্কিত হইল বিরূ চমকিল হিয়া  
নিরখিয়া আচার্যের মূর্তি ভয়ঙ্কর  
বিস্ফারিত নেত্র আশ্চে স্তম্ভিত হইয়া  
• কাঁপিতে লাগিল ভৃত্য ভয়ে থর থর । ২৮৮

ধরিয়া অশনি সম ত্রিশূল ভীষণ  
ক্ষিপ্ত প্রায় দাঁড়াইয়া দেউল প্রাক্গণে  
বীরদাপে শিবাচার্য করিল গর্জন  
কাঁপাইয়া চতুর্দিক ভৈরব নিশ্বনে । ২৮৯

“রে পাষাণী ! চণ্ডালিকে কৈলে বেটা ওরে  
বুঝিব রাক্ষসী তোর কত অহঙ্কার  
দেখিব রাখিতে পারে কোন বাপে তোরে  
ঘাঁটা'য়েছ হুষ্ঠ ছেলে নাহিক নিস্তার । ২৯০

“অঙ্কুশে আনিব টেনে' দেখে' নেব বল  
সোহাগের মুণ্ডমালা ফেলিব ছিঁড়িয়া  
ঠেলিয়া শবেরে কাড়ি' ল'ব পদতল  
ঘুরাইব বিশ্বমাঝে পায়ে বেড়ী দিয়া । ২৯১

“যে রূপে সর্বার্থসিদ্ধ ত্রীষ্ট মহাধীর  
প্রচারিল ভিন্ন মত জগৎ মাঝার  
মহম্মদ নানকাদি গৌর ধর্মবীর  
সেইরূপে কোলধর্ম করিব প্রচার” । ২৯২

“লভিব লভিব সিদ্ধি করিব প্রচার”  
স্থির হও প্রভু বলে' বিরূপাক্ষ যত  
ডাকিতে লাগিল, শিব তত বারম্বার  
গর্জিতে লাগিল সম বাতুলের মত । ২৯৩ •

ধীরবুদ্ধি বিরূপাক্ষ অতিরিক্ত পানে  
 গুরু জ্ঞানহারা বুঝি' সাহসের ভরে  
 নিষ্ক্ষেপিয়া শূল কেড়ে' দূরে এক টানে  
 সাপটিয়া ধরে' তাঁ'রে তুলিলা চত্বরে । ২৯৪

বসাইয়া স্নিগ্ধ বারি ঢালিলা মাথায়  
 পরাইয়া শুষ্ক বস্ত্র করিলা বাজন  
 রহিল নিষ্পন্দ শিব জড়ীভূত প্রায়  
 কতক্ষণ পরে তাঁ'র হইল চেতন । ২৯৫

আবার উঠিল শোক বেগে উথলিয়ে  
 কহিতে লাগিলা তবে ক্ষুণ্ণ হ'য়ে অতি  
 “কি কাজ জীবনে বিরূ কি ফল রাখিয়ে  
 দেবীর নাহিক যদি দয়া মম প্রতি । ২৯৬

“অনাহারে থেকে' এবে ত্যজিব জীবন  
 জানিলাম সিদ্ধিলাভ ভাগ্যে লেখা নাই  
 নতুবা মায়ের দয়া হ'ত এতক্ষণ  
 ছিলাম আশার আশে আর আশা নাই” । ২৯৭

শুনিয়া নৈরাশ্রপূর্ণ আচার্য্য বচন  
 পরম সেবক বিরূ হইলা দুঃখিত  
 বুঝিলা দর্শন লাগি' উচ্চাটিত মন  
 বাসনা প্রবল তাই নহে নিবারিত । ২৯৮

স্থিরমতি বিরূপাক্ষ পুটাজ্জলি সনে  
শোকাকুল আচার্য্যে তুষ্টীভাব হ'লে  
কহিতে লাগিলা মৃদু মধুর বচনে  
ভক্তিভাবে এইরূপে উপদেশ ছলে । ২৯৯

“ঠাকুর ! বাসনা পূর্ণ হ'ল না বলিয়া  
রাখিবে না দেহ আর এাক ভ্রম তব  
হেন বাক্য তব মুখে, অবাক শুনিয়া  
মহাজ্ঞানী তুমি, তবে অত্রে কিবা ক'ব । ৩০০

“বাসনায় মহামায়া করিলা সৃজন  
বাসনা হইতে আশা আশাই জীবন  
আশাতেই মোহ আর মোহে প্রলোভন  
প্রলুপ্ত হইয়া জীব কন্ঠে দেয় মন । ৩০১

“বাসনাবর্জিত মাত্র পরমপুরুষ  
যা'র সনে মহামায়া করি'ছেন খেলা  
শান্তি পায় জীব যবে লভে জ্ঞানাক্ষুণ  
পাইয়া সে অন্ত কেন ব্যবহারে হেলা । ৩০২

“কাপুরুষ আত্মঘাতী পায় অধোগতি  
ঘুরিয়া বেড়ায় সেই যোনি অগণন  
জেনে' শুনে' প্রভু কেন তব হেন মতি  
আশ্চর্য্য বিকার করে' সাধন ভজন । ৩০৩



“বাসনা কদাচ পূর্ণ হইবার নয়  
এক হয় অগ্নি আসে নব অহরহ  
করিয়া অর্পণ তাঁ’রে কাজ্জা সমুদয়  
ভক্তি ভরে ডাক কভু নিরানন্দ নহ । ৩০৪

“করে’ছিলে গুরু লাগি’ যবে আরাধনা  
আপনি আচার্য্য এনে’ যোগা’লেন মাতা  
তেমতি অবশ্য হ’বে শবের যোজনা  
সিদ্ধিলাভ ভাগ্যে যদি লিখে’ থাকে ধাতা । ৩০৫

“অদৃষ্টে না থাকে যদি কিবা দুঃখ তা’য়  
নহিবে অগ্নি যাহা নিরূপিত তাঁ’র  
ইচ্ছা তব পূর্ণ হ’ক বলে’ রাজা পায়  
রাখ ভক্তি শাস্তি লভ ত্যজহ বিকার” । ৩০৬

শিষ্য মুখে জ্ঞানগর্ভ বচন শুনিয়া  
প্রেমভরে যোগীবর ছই বাহু তুলে’  
করিল আশিস তা’রে, হ’ল শাস্ত হিয়া  
পশিল সে বাক্য যথা মন্ত্র কর্ণমূলে । ৩০৭

কহিলেন “ধন্য বিরূপ তোর জ্ঞান  
আজি হু’তে গুরু তুই নম্ শিষ্য মম  
শুনিয়া বচন তোর জুড়া’ল রে প্রাণ  
কল্যাণ করুন মাতা হও বৃদ্ধ সম ।” ৩০৮

ইতি শিবাচার্যঠাকুরকাব্যে গুরুশিষ্যসংবাদ নাম  
প্রথম সর্গ ।

---

## দ্বিতীয় সর্গ ।

একে ত্রয়োদশী গাঢ় তামসী রজনী

তাহে ঘোর ঘনঘটা                      বিছাতের তীব্র ছটা  
উপকর্ষ দ্রব্যের                      কিছু নাহি দৃষ্ট হয়  
ভীষণ কালিনা জালে বেষ্টিত অবনি । ১

পাড়িতেছে কন্ কন্ বৃষ্টি নোরতর

গৃহাঙ্গিনা উথলিয়া                      মাঠ বাট ভাসাইয়া  
নালা ডোবা পূর্ণ করি'                      নিনাদে দিগন্ত ভরি'  
নির্গম বহিয়া বেগে ছুটি'ছে শম্বর । ২

প্রবল ঝটিকা বহে স্বন্ স্বন্ হ্রাদে

• উড়ি'ছে চালের খড়                      ডাল ভাঙ্গে মড় মড়  
থেকে' থেকে' চমকিয়া                      চারি দিক কাঁপাইয়া  
• কুলিণ ডাকি'ছে ভীম কড় কড় নাদে । ৩

একে জল ঝড় তাহে ত্রস্ত ইরশ্বদ  
 শীতে চঞ্চু বুক দিয়ে                      লোমরাজি ফুলাইয়ে  
 ভয়ে জড়সড় হ'য়ে                      ছানা গুলি কোলে ল'য়ে  
 কুলায় বসিয়া পাখী গণি'ছে বিপদ । ৪

জনশূণ্য পথ ঘাট নিবৃত্ত সুবাই  
 বাহিরয়ে সাধ্য কা'র                      কঁক করি' গৃহদ্বার  
 কর্ম কাজ পরিহরি'                      প্রয়োজন তুচ্ছ করি'  
 যে যথা পাইল স্থান রহে সেই ঠাই । ৫

এমন সময়ে শিব বিম্বমূলে বসি'  
 পঞ্চমুণ্ডী যোগাসনে                      দেখি'ছেন এক মনে  
 বীভৎস প্রকৃতি গতি                      চণ্ড ভয়াবহ অতি  
 ধারাপাত বজ্রাবাত দিগব্যাপী মসী । ৬

নিরখিয়া প্রকৃতির বৈষম্য অদ্ভুত  
 বুঝি' জগতের হিত                      কত শিব আনন্দিত  
 অল্লো অল্লো সুধাপান                      মুখে গুণ গুণ গান  
 আহ্লাদে করিলা তাঁ'র কীর্তন প্রভূত । ৭

অহো ! আজি কৃষিদের আনন্দ অপার  
 পড়িয়াছে জ্যৈষ্ঠ মাস                      ঘোর গ্রীষ্ম হ'বে নাশ  
 ভূমিতে হইবে চাষ                      সকলেরি সম আশ  
 সফল ফলিবে ক্লেশ হ'বেনাক কা'র । ৮

নাচি'ছে তাদের চিত্ত উল্লাসেতে কত  
 কেহ নহে মনমরা হৃদয়ে আনন্দ ভরা  
 প্রভাত হইলে সবে কৃষি কাজে রত হ'বে  
 তাহারি প্রসঙ্গ মাত্র এবে অবিরত । ৯

বিচিত্র মনের গতি ভিন্ন ক্ষণে ক্ষণে  
 যে ভাবে বিভোর শিব স্তবে মত্ত উর্দ্ধগ্রীব  
 হঠাৎ নৈরাশ্র এসে' পাশিল অন্তর দেশে  
 নিবিল সে হর্ষভাব দীপ্ত শোক মনে । ১০

আবার শবের চিন্তা জাগিয়া উঠিল  
 যদ্রূপ বারিদ আসি' নাশে ভানুকর রাশি  
 কিসা হ'লে হংসোদয় চন্দ্রালোক হয় ক্ষয়  
 সেইরূপ আচার্যের প্রমোদ যু'চল । ১১

“প্রকুলহৃদয় আজি যত পৌরজন  
 স্তূথে নিদ্রা যা'বে তা'রা আগি মাত্র ভেবে' সারা  
 চক্ষে ঘুম নাহি নম নিশি যাপি প্রেত সম  
 কোথা শব কোথা শব চিন্তা অনুক্ষণ ॥ ১২

“কি করি কোথায় যাই কি আছে উপায়  
 কিছু নাহি ভালু লাগে শব চিন্তা সনা জাগে  
 কি যে ছুঃখ কা'রে কই কত আর বল সহ  
 • বুঝিবা উন্মাদ হ'য়ে শেষে প্রাণ যায় । ১৩

“জানি না কি অপরাধে বিরূপা জননী  
যথার্থ কি তিনি বাম                      পুরিল না মনস্কাম  
হইতেছে তনু ক্ষীণ                      বলক্ষয় দিন দিন  
পারি না সহিতে আর দারুণ জ্বলনি” । ১৪

এইরূপে শিবাচার্য্য হতাশ হইয়া  
শোকে ছল ছল আঁখি                      গণ্ডোপরি কর রাখি’  
আকুল হৃদয়ে কত                      নিম্পন্দ প্তলী মত  
ভাবিলেন দুর্দৃষ্ট একাকী বসিয়া । ১৫

অকস্মাৎ বিরূপাক্য হইল স্মরণ  
“একি অজ্ঞানতা মোর                      ঘোচেনাক মায়া ঘোর  
বৃথা কেন ভেবে’ মরি                      সদা হা হতাশ করি  
নাহিবে অত্থা যদি অদৃষ্টে লিখন” । ১৬

বাজিল তা’ তত্ত্বী সম জুড়াইল প্রাণ  
তবে শাস্ত হ’লে হিয়া                      তানপূরা মিলাইয়া  
ধরি’ সুর লয় তান                      পাদাঘ্রুজ করি’ ধ্যান  
পুলক-অন্তরে শিব আরস্তিলা গান । ১৭

আসার পতন হ্রাস হ’ল কতক্ষণে  
ঝিমি ঝিমি বৃষ্টিপাত                      নীরবিল ঝঙ্কাবাত  
ভরায় তখন সাজে                      সবাই আপন কাজে  
পুনঃ গম্গমা পুরী বিবিধ নিম্বনে । ১৮

সবে মাত্র সন্ধ্যা গত প্রদোষ এখন  
 প্রবল বাতাস বৃষ্টি মেঘাচ্ছনে নাহি দৃষ্টি  
 ঘুরা তাই জ্বালে বাতী মনে হ'ল কত রাতী  
 থামিলে ছুর্যোগ সবে বুকিল তখন । ১৯

এক মাত্র বিরূপাক্ষ আচার্য্য সহায়  
 বিরূ তাই নিত্য আসে সন্ধ্যা হ'লে শিব বাসে  
 দর্শন করিতে প্রভু লজ্জন করে না কভু  
 আবশ্যক হবে যাহা আনিয়া যোগায় । ২০

নয়নের মণি বিরূ শিব মহাধন  
 দিনান্তে আচার্য্য তা'রে না দেখে' থাকিতে নারে  
 প্রিয় শিষ্য এলে তথা তা'র মনে যত কথা  
 আসিতে বিলম্ব হ'লে চিন্তায়ত মন । ২১

“ছুর্যোগ থামিল এবি বিরূ অবশ্যই  
 আসিবেক মগাগারে আর কি থাকিতে পারে  
 দেগিলে তাহার মুখ রহেনাক কোন ছুখ  
 যতক্ষণ থাকে বিরূ পূর্ণানন্দে রই । ২২

“পরম ভকত বিরূ দয়ার্দ্ৰহৃদয়  
 একসে আনি স্মৃথ পাঠ প্রাণপণে চেষ্টা তাই  
 পণ্ড তা'র গুণপনা ভাল মন্দ বিবেচনা  
 করেনাক বিরূ কভু সদা সদাশয় । ২৩

“ঘোর গৃহী বিরু কিন্তু আসঙ্গ রহিত  
কর্তব্যপালন ধর্ম্য                      বুঝিয়াছে সার মর্ম্ম  
মহাজ্ঞানী বুদ্ধ সম                      লেশ মাত্র নাহি তম  
অটল ভূধর যেন নহে, বিচলিত । ২৪

“জিতেন্দ্রিয় সত্যবাদী ষোণী সে অশেষ  
নিয়ত বদনে না’র                      মহিমা কীর্তন তাঁ’র  
বিমোহিত দেখে’ শোভা                      প্রকৃতির মনোলোভা  
সর্ব জীবে সমদৃষ্টি নাহিক বিদ্বেষ । ২৫

“কি ক’ব তাহার কথা কত গুণ ধরে  
সন্তান দিল না বিধি                      কিন্তু দিল গুণনিধি  
পুত্র রূপে বিরু-ধনে                      তুলনা যাহার সনে  
হয় না কাহার, মোরে কত ভক্তি করে” । ২৬

এইরূপে শিবাচার্য্য গদ গদ হ’য়ে  
স্নেহ ভরে অবিরত                      পথ পানে চে’য়ে কত  
বিরু আসে এই আসে                      প্রতিক্ষণ এই আশে  
করিলা প্রতীক্ষা তা’র গুণ গাথা ক’য়ে । ২৭

দেখিতে দেখিতে এক প্রহর রজনী  
এ ভাবে কাটিয়া গেল                      তখনো না বিরু এল  
বিলম্ব হইল যত                      ব্যস্ত শিব হ’ল তত  
ত্রাসিতে লাগিল এসে’ কুচিন্তা অমনি । ২৮



“ত্ৰীপুৰে আদায় হেতু জমীৰ খাজনা  
আজি বাইবার কথা                      তাই বুঝি গে’ছে তথা  
তিন ক্ৰোশ হেথা হ’তে                      অগ্ৰ দিনে সন্ধ্যা গতে  
ফিৰিত সে, অগ্ৰ সে কি এখনো এলনা । ২৯

“ফিৰিয়া আসিতে বুঝি পে’য়েছে দুৰ্যোগ  
আশ্রয় ল’য়েছে তাই                      পথ নাবো কোন ঠাঁই  
যদি তাহা দূৰে হয়                      পথ তাহে শাদময়  
কাজেই হ’তেছে গোণ নানা কষ্টভোগ । ৩০

“প্ৰাস্তৰ মাঝাৰে কৃষা নিরাশ্রয় হ’য়ে  
হ’য়ে সিন্ধুকলেবৰ                      শীতে কেঁপে’ থৰ থৰ  
নিবিড় আঁধাৰে তা’য়                      সঙ্গীহীন অন্ধ প্ৰায়  
অপথে ভ্ৰমি’ছে বুঝি দিগভ্ৰম হ’য়ে । ৩১

“তদগত হইয়া বিক্ৰ আমাৰ লাগিয়ে  
সহিতেছে নানা ক্ৰেশ                      নিত্য নিত্য নহে শেষ  
ভাৱ লইয়াছে য়েই                      কৰ্ত্তব্য হ’য়েছে তেঁই  
নিত্য ধৰ্ম্ম পালিতেছে মন প্ৰাণ দিয়ে” । ৩২

“ধগ্ৰ বিক্ৰ ধগ্ৰ ধগ্ৰ” এতেক কহিয়া  
নীৰবিল বিপ্ৰব্ৰ                      হইয়া ব্যথিতান্তৰ  
স্নেহ ভৱে অবিল                      বহিল নয়ন জল  
‘ উৎকণ্ঠ হইল চিত্ত ছৰ্ ছৰ্ হিয়া । ৩৩

বিলম্ব হইল যত উদ্বেগ বাড়িল

সদর ছয়ারে গিয়া                      রহে শিব প্রতীক্ষিয়া  
ফিরে' আসে পুনঃ যায়              পুনঃ পথ পানে চায়  
মণিহারা ফলী সম অধীর হইল । ৩৪

দাঁড়াইয়া প্রাঙ্গণেতে কি যেন ভাবিয়া

অবিলম্বে বিদ্বমূলে                      পশিয়া পেটিকা খুলে  
বাহির করিয়া যত                      বেশ ভূষা অভিমত  
বীর বেশে সাজে শিব তৎপর হইয়া । ৩৫

পরিধানে পটবস্ত্র লোহিত বরণ

রক্ত ক্ষৌম উত্তরীয়                      শোভে অঙ্গে কমলীয়  
সুদৃঢ় খড়ম পায়ে                      কালীনাম লেখা গায়ে  
শিখরে মণ্ডিত থোপা মূনির যেমন । ৩৬

গলেতে রুদ্রাক্ষ সহ স্ফটিকের হার

কপালে ত্রিপুণ্ড্র রেখা                      রক্ত চন্দনেতে লেখা  
মহাশঙ্খ গণবন্ধে                      ক্ষুদ্র বগ্নী বাম স্কন্ধে  
পূর্ণ যন্ত্র পাত্র তাহে মুখশুদ্ধি আর । ৩৭

বাস করে ছত্রদণ্ড দক্ষিণে ত্রিশূল

ফলকে সিন্দূর তা'য়                      ভয়ঙ্কর দৃশ্য যা'য়  
ইষ্ট নাম জপি' মনে                      ভৈরব কুকুর সনে  
বাহিরিল শিবাচার্য হইয়া ব্যাকুল । ৩৮

শিষ্যভবনাভিমুখে ছুটিল ব্রাহ্মণ  
 তাজিয়া অবধি বাস                      কেটে' গে'ছে ষাট মাস  
 কভু পুরী অভ্যন্তরে                      যায় নাই ইচ্ছা করে'  
 সঙ্কটে পড়িয়া আজি পশিলা এখন । ৩৯

চলিলা গন্তব্য পথ গ্রামে প্রবেশিয়া  
 যায় শিব বাট পট                      অর অরি খট মট  
 কোন দিকে নাহি চায়                      সমানে ছুটিয়া যায়  
 মায়ায় শিষ্যের লাগি' বিবশ হইয়া । ৪০

বিরূর আলয় যত সন্নিধ হইল  
 তত ছর্ ছর্ হিয়া                      কে জানে সেখানে গিয়া  
 যদি দেখা নাহি পায়                      নশ্বাস্তিক হ'বে তা'র  
 পথে যে'তে তাই শিব ভাবিতে লাগিল । ৪১

সদরই গৃহদ্বারে হ'লা উপনীত  
 বহির্বাটা প্রবেশিয়া                      কা'র দেখা না পাইয়া  
 ডাকে শিব উচ্চৈঃস্বরে                      কোথা বিরূ আছ ঘরে  
 বারম্বার ঘন ঘন হ'য়ে ব্যাকুলিত । ৪২

উত্তর না পে'য়ে বুঝি' গৃহস্থ নিদ্রিত  
 তা'দের জাগানতরে                      নানান উপায় করে  
 ডাকে পুনঃ উভরায়                      তবু সাড়া নাহি পায়  
 নিষ্ফল যতন দেখি' হইলা চিন্তিত । ৪৩

নিরন্ত হইয়া তবে মণ্ডপে বসিয়া  
কোন কি উপায় নাই ভাবিতে লাগিলা তাই  
“অন্তঃপুর নাছদ্বারে আঘাতিনু বারে বারে  
শয়ন আগার পাশে ডাকিলাম গিয়া” । ৪৪

“তথাপি উত্তর নাহি অদ্ভুত ব্যাপার”  
কাতর হইল প্রাণ হইলেন সন্দিহান  
বিরু তবে নাই ঘরে থাকিলে সে অভ্যস্তরে  
দিত সাড়া, নিদ্রাবেশ সজাগ তাহার । ৪৫

যুবতী দ্বিতীয়া আর প্রাচীনা জননী  
বিরুপাক্ষ পরিজন গৃহে মাত্র দুই জন  
পে’য়ে স্নিগ্ধ সমীরণ ঘূমে দৌহে অচেতন  
যোগোত্তানে বিরু আছে মনে স্থির গগি’ । ৪৬

এইরূপে জনাশ্রয়ে একান্তে বসিয়া  
নাহি পে’য়ে কা’র সাড়া করে মনে তোলাপাড়া  
ডাকে কভু উচ্চ রাবে নিরুন্তরে পুনঃ ভাবে  
পদ সঞ্চারয়ে কভু অধীর হইয়া । ৪৭

দ্বার-উদঘাটন শব্দ হ’ল কতক্ষণে  
যোগী শুনিয়া সে ধ্বনি গৃহস্থ জাগৎ গগি’  
উঠে’ছ কি বিরু বলে’ সাড়া দিয়ে বাক্য ছলে  
ধাইল ছুয়ার পানে আশ্বাসিত মনে । ৪৮ •

চিনিতে নারিল বৃদ্ধা আগন্তুক ডাকে  
 কিন্তু হ'লনাক সন্দ                      অভাগত লোক মন্দ  
 কহে বুড়ী “কেগো তুমি                      এত রেতে ঝুমঝুমি  
 বিরু বিরু বলে ড়াক কেন খোঁজ তা'কে” । ৪৯

“আমি শিবাচার্য্য” বলে' যোগী সাড়া দিল  
 শিব নাম শুনে' কর্ণে                      বিরু মাতা হুঁষ্ট মনে  
 “কি ভাগ্য এসে'ছ তুমি                      পবিত্র হইল ভূমি”  
 “এস এস” বলে' ছুটে' অর্গল খুলিল । ৫০

জরতী শুনে'ছে মাত্র বামাচারী বেশ  
 চক্ষে কভু দেখে নাই                      এবে নিরখিয়া তাই  
 কহে বুড়ী আঁখা সাজ                      শ্মশানে যা'দের কাজ  
 ভীষণ রূপ বটে কিন্তু ভক্তি সমাবেশ । ৫১

কহিতে লাগিলা তবে বিরুর জননী  
 “গ্রাম ছেড়ে' গেলে পরে                      এলে না দিনের তরে  
 করি নাই অনুরোধ                      কি জানি অনিচ্ছা বোধ  
 ধন্য হইলাম বেঁই এসে'ছ আপনি । ৫২

“পরম সৌভাগ্য মম বহু দিন পরে  
 পড়িয়াছে মনে যাই                      আজি দেখা হ'ল তাই  
 নিরখিয়া চাঁদ মুখ                      কতই যে হ'ল স্মৃথ  
 একান্ত বাসনা ছিল দেখিবার তরে । ৫৩

“কি আর আশিস শিবু করিব তোমায়  
 প্রীতি যথা হ’ল বাছা চিরাগত মনোবাঞ্ছা  
 তেমতি তোমার তূর্ণ ঈশ্বরী করুন পূর্ণ  
 সদানন্দ লভ বৎস ভবানী কৃপায় । ৫৪

“শুনে’ছি বিরূর মুখে সকল বারতা  
 হইয়াছে লোল চিত্ত শব লাগি চিন্তা নিত্য  
 ভাবনায় তনু ক্ষীণ বৎসর হ’য়েছে দিন  
 তিলান্ধ নাহিক সুখ সদা ব্যাকুলতা । ৫৫

“অচলা ভকতি তব তুমি মহাজন  
 যথেষ্ট পরীক্ষা দান সেই মন সেই ধ্যান  
 নৈরাশ্য-রজনী ঘোর এবে হইতেছে ভোর  
 উঠিতেছে শুকতারা ভাতিয়া গগন । ৫৬

“বিধির নিয়োগ তুমি জগৎ মাঝারে  
 স্থাপিবে তাত্ত্বিক ধর্ম ভাবে সেই যা’র কর্ম  
 যোগাযোগ হ’বে সব আপনি যুটিবে শব  
 পূরিবে বাসনা, ডাক ভক্তিভরে তাঁ’রে” । ৫৭

এইরূপে বিরূপাক্ষ মাতা স্নেহ ভরে  
 আচার্য্যেরে আশ্বাসিয়া বসিতে আসন দিয়া  
 করিলেন আহরণ ধূত্ৰপানোপকরণ  
 পরিশেষে জিজ্ঞাসিলা মুহুমন্দ স্বরে । ৫৮

“গতপ্রায় দ্বিপ্রহর যামিনী এখন  
 তাহে ধ্বাস্ত বৃষ্টিপাত                      এত রাত্রে অকস্মাৎ  
 কিবা হেতু আগমন                      কহ বৎস প্রয়োজন  
 কুশল ত যোগোদ্ধানে মঙ্গল আপন । ৫৯

“হ’তেছে কৌতুক গম কহ প্রকাশিয়ে  
 হেন ভয়ঙ্কর বেশে                      কোথা গতি কিবোদ্দেশে  
 বিরূপাক্ষে তব সনে                      নাহি দেখি কি কারণে  
 ক্লান্ত হ’য়ে তেঁহ বুঝি আছে ঘুমাইয়ে ।” ৬০

বৃদ্ধার বচনে শিব বুঝিলা তখনি  
 নহে বিরূ প্রত্যাগত                      নরমে বাজিল কত  
 চঞ্চল হইল প্রাণ                      ব্যস্ত হ’ল মতিমান  
 প্রিয় শিষ্য তরে ঘোর অমঙ্গল গণি । ৬১

মনের চাঞ্চল্য যোগী করিয়া গোপন  
 প্রাণপণে ধৈর্য্য ধরি’                      ভাবনারে দূর করি’  
 পাছে বুড়ী টের পায়                      সাবধান হ’য়ে তা’য়  
 কহিতে লাগিলা তাঁ’রে একরূপ বচন । ৬২

“তব আশীর্ব্বাদে মাগো সমস্ত মঙ্গল  
 • সতত নীরোধ দেহ                      অন্ন বস্ত্রে পূর্ণ গেহ  
 অনটন যবে বাহা                      বিরূ এনে’ রাখে তাহা  
 • যোগোদ্ধানে আছে যা’রা কুশলে সকল । ৬৩

“নাহি মাতঃ সবিশেষ মম প্রয়োজন  
 যদবধি ত্যজি' বাস                      ঋশানে করে'ছি বাস  
 লইতে আমার তত্ত্ব                      সন্ধ্যা হ'লে বিক্রি নিত্য  
 যায় সেথা, কখনো সে করে না লজ্জন । ৬৪

“বিক্রই কেবল মম সহায় সম্বল  
 সে যে মম ধ্রুবতারা                      না দেখিলে হই সারা  
 স্নেহ পরবশ হ'য়ে                      সারা দিন থাকি স'য়ে  
 সায়াহ্নে না এলে চিত্ত হয় গো চঞ্চল । ৬৫

“আজি যবে সন্ধ্যা গতে প্রদোষ উদয়  
 থামিল বাদল ঝড়                      বৃষ্টির ভাঙ্গিল গড়  
 সমাপ্তিত পাছু যা'রা                      স্ব স্ব স্থানে গেল তা'রা  
 মনে হ'ল বিক্রি তবে আসিবে নিশ্চয় । ৬৬

“হইল প্রহর নিশি ক্রমে দ্বিপ্রহর  
 তথাপি না বিক্র-ধন                      আইল, দেখিয়া মন  
 চঞ্চল হইল অতি                      তাই সুধাইতে সতী  
 আইলাম ধে'য়ে হেথা ব্যথিত অন্তর । ৬৭

“বুঝিলাম বিক্রপাক্ষ আসে নাই ফিরে'  
 পাইয়া জুর্যোগভাস                      ত্রীপুরে করে'ছে বাস  
 কিম্বা পথে বাহিরিয়া                      বন্ধা পে'য়ে আণ্ডড়িয়া  
 ল'য়েছে আশ্রয় কোথা বয়স্তু মন্দিরে । ৬৮



“স্বহৃদের অনুরোধে কর্দম বহিয়া  
 আঁধারে আসিতে তা’র হয় নাই ইচ্ছা আর  
 নিশ্চিন্ত হইয়া থাক তা’র জন্ত ভেবনাক  
 নিদ্রা যাও বৃথা মাতঃ থেক না বসিয়া” । ৬৯

শিবের বচনে বুদ্ধা কহে দম্ভ-ভাবে  
 “চিন্তা কিবা, বিক্র মম পরাক্রমী সিংহ সম  
 শিবু বলিতেছে যাহা মনে নাহি লয় তাহা  
 এত কি দুর্যোগ যাহে র’বে পরবাসে । ৭০

“দূর দেশে নাহি গেলে রজনী যাপন  
 কদাপি করে না বিরু সে কি এগনই ভীক  
 সামান্য বাদল ভয়ে থাকিবেক পরাশ্রয়ে  
 নিকটে যখন তা’র পুণ্য নিকেতন । ৭১

“বিলম্ব হইলে নোরা হইব চিন্তিত  
 জেনে’ শুনে’ সে কি হ্যারে নিশ্চিন্ত থাকিতে পারে  
 বলে’ গে’ছে বউমারে নিজ তরে রাঁধিবারে  
 কহে না সে মিথ্যা বাণী আসিবে নিশ্চিত । ৭২

“গুরুতর কার্যে কোন ঠেকিয়াছে দায়ে  
 • হ’লে তাহা সন্ধান ফিরিবেক নাহি আন  
 গৃহে বধু উপবাসী প্রসাদের অভিলাষী  
 • বসে’ বসে’ এই বাছা পড়ে’ছে ঘুমায়ে” । ৭৩

স্তম্ভিত হইল শিব গুনিয়া বচন  
 প্রশংসিয়া মনে মনে                      কহে ভক্তি প্রীতি সনে  
 এমন না হ'লে ধরে                      গর্ভে হেন পুত্রবরে  
 যথার্থই মাতৃগুণে পুত্র মহাজন । ৭৪

প্রকাশে বৃদ্ধারে তবে কহে মহামতি  
 “বিরূপাক্ষ অবশ্যই                      আসিবেক হ'য়ে জয়ী  
 সত্য তব অনুমান                      আশ্বস্ত হইল প্রাণ  
 পাইলাম প্রীতি তব গুনিয়া ভারতী । ৭৫

“যাই তবে মাতঃ এবে নিজ নিকেতনে  
 হেরে' তব শ্রীচরণ                      পবিত্র হইল মন  
 ফিরিয়া আসিলে তা'রে                      পাঠাইও মমাগারে  
 উৎসুক যাবৎ দেখা নাহি তা'র সনে” । ৭৬

এতেক কহিয়া শিব বিরূপাক্ষ মায়ে  
 ভক্তি ভাবে প্রণমিয়া                      পদরেণু পরশিয়া  
 বিষাদ হরষ মনে                      ভক্ত কোলেয়ক সনে  
 বাহিরিঙ্গা পুরী হ'তে ‘স্মরি’ মহামায়ে । ৭৭

অচিরে সরণি কেন্দ্রে হ'লা উপনীত  
 পথ মাঝে দাঁড়াইয়া                      চারি দিক নিরখিয়া  
 যায় শিব গৃহ পানে                      ধীরি ধীরি ক্ষুদ্র প্রাণে  
 প্রাণাধিক শিষ্য তরে হ'য়ে আকুলিত । ৭৮

“পঞ্চ বর্ষ মাঝে কভু ঘটে নাহি হেন  
 এখনো যে নাহি দেখা জানি না কি আছে লেখা  
 ভেবে’ ঠিক নাহি পাই কি করি কোথায় যাই  
 এরূপ অশান্তি মম হ’ল আজি কেন । ৭৯

“খন্ড বিরূপাক্ষ মাতা কিবা পুণ্যবতী  
 বিরূ এক মাত্র সূত সৌম্যকান্তি গুণযুত  
 দ্বিপ্রহর বিভাবরী তিমিরান্নে ভয়ঙ্করী  
 এখনো ফেরেনি পুত্র তবু স্থির সতী । ৮০

“জানি না কি স্নেহ পাশে বাঁধিল সে মোরে  
 কত যে কাতর আমি জানে মাত্র অন্তর্যামী  
 সে বিনে যে অন্ধকার চতুর্দিক শৃঙ্খলকার  
 ক্ষণ মাত্র স্বস্তি নাহি পড়িলাম ঘোরে । ৮১

“বিরূপাক্ষ জননীর অনুমান বাহা  
 সত্য বলে মনে হয় সতী বাক্য মিথ্যা নয়  
 গুরুতর কার্য্য তরে পড়ে’ছিল আতাস্তরে  
 এতক্ষণে ফিরিয়াছে সমাধিয়া তাহা । ৮২

“আঙুড়ি দেখি না কেন আসে কি না সেই  
 “সারা দিন খেটে’ খুটে’ এখানে সেখানে ছুটে’  
 হ’য়েছে অলস গতি তাহাতে ক্ষুধার্ত অতি  
 • উদ্ভানে আসিতে গৌণ হইবে কাজেই” । ৮৩

নিবৃত্ত হইল শিব এতেক ভাবিয়া  
 দক্ষিণ পথাভিমুখে                      বায় ফিরে' মনোহুঃখে  
 আশাষিত নিরাশায়                      যদিহুঃ দেখা পায়  
 উপনীত গ্রামপ্রান্তে ঘুরিত আসিয়া । ৮৪

পদ্মাকর রোধঃশৃঙ্গে করি' আরোহণ  
 ত্রিশূলেতে ভর করি'                      দাঁড়াইয়া তুঙ্গোপরি  
 ক্ষণপ্রভা আলোকেতে                      অনিমেঘ নয়নেতে  
 স্মৃতি পানে চে'য়ে শিব করে নিরীক্ষণ । ৮৫

বুঝিয়া মৃগদংশক প্রভু অভিপ্রায়  
 বিধুনিয়া চারি দিক                      ধূম্রযোনি মল্লাধিক  
 ডাকিতে লাগিল বন                      ভীম নাদে বহুক্ষণ  
 অভিভূত হ'য়ে যেন সমবেদনায় । ৮৬

নাহি কোন সাড়া শব্দ জনশূন্য পথ  
 নিযুতি বিধূলি গ্রাম                      নিস্তব্ধ সমগ্র ধাম  
 কা'র দেখা নাহি পে'য়ে                      পুনঃপুনঃ পথ চে'য়ে  
 আবাসে ফিরিল শিব ভগ্নমনোরথ । ৮৭

গভীর নিশীথ এবে শুদ্ধ ভূমণ্ডল  
 বিমি বিমি পড়ে জল                      শীতল ধরণিতল  
 বহে বায়ু বুর বুর                      গ্রাম শুদ্ধ নিদ্রাতুর  
 চিন্তাকুল ছুটি প্রাণী জাগ্রৎ কেবল । ৮৮

সেথা পল্লী অভ্যন্তরে বসে' একাকিনী  
 গৃহদ্বারে বিক্ল মাতা চক্ষে নাহি পড়ে পাতা  
 প্রিয় পুত্র আগমন প্রতীক্ষয়ে অনুক্ষণ  
 ব্যাকুলা ক্রমশঃ যত গভীরা রজনী । ৮৯

হেথা যোগোদ্ধানে শিব প্রত্যাগত হ'য়ে  
 বসে' একা বিব্রমূলে যোগ যাগ সব ভুলে  
 বিঘোর চিন্তায় মগ্ন বিচ্ছেদে হৃদয় ভগ্ন  
 কেবল ভাবি'ছে আহা ! বিক্ল বিষয়ে । ৯০

নিশীথিনী ! বহুরূপা তুমি গো জগতে  
 তুমি আনন্দদায়িনী কা'র শান্তিপ্রদায়িনী  
 দুঃখময়ী ভয়ঙ্করী ভাবময়ী সহচরী  
 'যে ভাবে থাকে যে তোমা দেখে সেই মতে । ৯১

তব অন্তরালে বসি' নৈশ যোগীগণ  
 অরাধ্য দেবতা পদ চিন্তে শুভ কোকনদ  
 আনন্দে বিভোর হ'য়ে থাকে সমাধিস্থ হ'য়ে  
 অপস্থত তুমি তবু হয় না চেতন । ৯২

যতেক ব্যাসনপ্রিয় দায়িত্ববিহীন  
 মাদকশালায় কেহ কেহ বারাজনা গেহ  
 পশিয়া আমোদে রত হ'য়ে তব অন্তরগত  
 দ্যুতকীড়াসক্ত কেহ হ'য়ে সজ্জাহীন । ৯৩

সংসারতাড়িত গৃহী খেটে' প্রাণপণ  
করে যাহা উপার্জন তাহে সব অনটন  
পূরণে অক্ষম হ'য়ে গিল্লীমুখনাড়া স'য়ে  
শাস্তি পায় ল'য়ে ওগো তোমার শরণ । ৯৪

উদরান্নলাল্যিত ভিক্ষাজীষী হায়  
বিতাড়িত দ্বারে দ্বারে বিকারিয়া আপনারে  
সারা দিনে লভে যাহা দিনান্তে ভুঞ্জিয়া তাহা  
সর্বহুঃখ ভুলে' তব আশ্রয়ে জুড়ায় । ৯৫

বিরহবিধুরা কোথা বিরলে বসিয়া  
প্রবাসে গিয়াছে পতি ভাবয়ে কুশল সতী  
ক্ষণদা মৃদল বহে বামা হৃদি খর দহে  
ঘুমায় সে নিশি শেষে অবশ হইয়া । ৯৬

ভাবিতেছে একমনে বিষয়ী কোথায়  
পড়িয়াছে গুরু ভার অবিরত চিন্তা তা'র  
বুদ্ধিব্রংশ চিন্তাবেশে পার নাহি পে'য়ে শেষে  
তন্দ্রা ঘোরে হেরে কত বিভীষিকা হায় । ৯৭

কোথা বা অস্থির রুগ্ন পড়িয়া শয্যায়  
ব্যাদির পীড়ন যত ছটফট করে তত  
কণ্টক হ'য়েছে শয্যা চিকিৎসাদি পরিচর্যা  
সকল আভোগ তবু স্বস্তি নাহি পায় । ৯৮

যামিনী ! তুমি গো বুদ্ধি বল ভাবকের  
 তোমার আশ্রয় ল'য়ে                      ভাবেতে বিভোর হ'য়ে  
 মানস যখন ফুটে                              আনন্দ লহরী ছুটে  
 উল্লাসে রোমাঞ্চ কত হয় গো তাদের । ৯৯

লম্পট চোরেয় তুমি প্রিয় সহচরী  
 বাধা বিঘ্ন নাহি মানে                      ভয় ডর শূন্য প্রাণে  
 সাধিতে আপন কাজ                      করেনাক কালব্যাজ  
 মহাক্ষুণ্ণ নিশাচর পোহালে শরীরী । ১০০

নিশা ! দুঃখময়ী তুমি আজি আচার্য্যের  
 বিরূর বিহনে হায়                      হ'য়েছে সে ক্ষিপ্তপ্রায়  
 মায়াতে হইয়া মুগ্ধ                      ব্যাকুল চিন্তিত ক্ষুব্ধ  
 কোন গতে নহে দূর অশান্তি মনের । ১০১

আবেগ লাঘব হেতু রত স্নধাপানে  
 ভাবনা বাড়য়ে যত                      ঢালে শিব স্নধা তত  
 পূর্ণ যন্ত্র শেষ প্রায়                      তবু ক্ষুণ্ণি নাহি পায়  
 থেকে' থেকে' চায় আহা ! তমিস্রার পানে । ১০২

স্নেহে অভিভূত হ'য়ে নীত কুচিস্তায়  
 "দ্বিপ্রহর নিশাতীত                      তাহে ধ্বাস্তমেবাবৃত  
 এখনো এল না কেন                      গুরু কার্য্য কিবা হেন  
 • এতেক হইল রাতি তবু না ফুরায় । ১০৩

“অবশ্য বিপদ কোন ঘটে’ছে তাহার  
তা’ না হ’লে এতক্ষণ হ’ত তা’র আগমন  
ক্ষণকাল দেখি আর নতুবা সন্ধানে তা’র  
যাইব ত্রীপুর গ্রামে সদনে প্রজার” । ১০৪

এতেক চিন্তিয়া শিব শোকান্ধুল হ’য়ে  
বিক্রর মঙ্গল তরে করযোড়ে ভক্তিভরে  
তিতিয়া নয়ন নীরে ডাকে অশ্রু শিবানীরে  
কহে মাতঃ “রক্ষ তা’রে রক্ষ বরাভয়ে” । ১০৫

“সে মম অঙ্কের নড়ী নয়নের মণি  
সে যে ভিক্ষারীর ঝুলি হেরে’ সর্বদুঃখ ভুলি  
সে সহায় ও সম্বল বুদ্ধি ঋদ্ধি বাহুবল  
রক্ষ মা তাহারে ওগো জগৎ জননী । ১০৬

“বৃদ্ধার অঞ্চল নিধি একমাত্র ধন  
হেরিয়া তাহার মুখ সংসারে যতেক সুখ  
ঝটিতি আনিয়া তা’রে শমহ ব্যাকুলা মারে  
কতই না স্নেহবশে ভাবি’ছে এখন । ১০৭

“আছে পড়ে’ বিরুজায়া বিঘোর নিদ্রায়  
এখনো জানে না সতী আসে নাহি প্রাণপতি  
গুনিয়া জাগ্রৎ যবে কতই ব্যাকুলা হ’বে  
দিও না বেদনা তা’রে ভিক্ষা মাগি পায় । ১০৮



“হর মা মনের গ্লানি শান্ত কর হিয়া  
 হুঃসহ বিচ্ছেদ তা’র সহিতে না পারি আর  
 কাতরে মিনতি করি কৃপা কর ক্ষেমঙ্করী  
 স্বরায় আন গো তা’রে কোকনদপ্রিয়া” । ১০৯

এইরূপে শিবাচার্য আকুল হৃদয়ে  
 বিরর কুশল তরে ডাকিলেন প্রাণ ভরে’  
 সিন্ধেশ্বরী মঙ্গলারে প্রেমবারি দুই ধারে  
 বহিতে লাগিল গগু বক্ষঃস্থল ব’য়ে । ১১০

এদিকে মধ্যাহ্নে বির ভোজন করিয়া  
 কিক্ষিৎ বিশ্রাম করি’ বসিয়া মণ্ডপোপরি  
 রৌদ্র পানে একদৃষ্টে দেখি’ছেন মনাবিষ্টে  
 ধূম্রপান সহযোগে সংঘত হইয়া । ১১১

জ্যৈষ্ঠের নিদাঘ তাহে বেলা দ্বিপ্রহর  
 প্রচণ্ড আদিত্য কর উদ্ভাবিছে চরাচর  
 দরদর ঘর্ষ বহে অঙ্গে বস্ত্র নাহি সহে  
 বলসয়ে আঁখি দেখে’ আতপ প্রথর । ১১২

ধূ ধূ মাঠ বিভাবনু জলন্ত কিরণে  
 • চারি দিকে লুহ লহ মাটি তপ্ত ছর্ব্বিসহ  
 বাতাসে ক্ষু লিঙ্গ ছুটে কাঁটা সম গায়ে ফুটে  
 • ছর্ঘট প্রান্তর পথে চলা এইক্ষণে । ১১৩

“দেখিতেছি আচার্য্যের অর্থ অনটন  
 ত্রীপুরেতে প্রজাগণ                      দিবে কর সর্বজন  
 আজি যাইবার কথা                      নাহি গেলে হ্রবস্থা  
 হইবে দেবের তাই ব্যস্ত মম মন । ১১৪

“নিরীহ ঠাকুর শিব মুখে নাহি কথা  
 বিভোর আপন ভাবে                      কিসে তা’র দিন যা’বে  
 ভাবে না সে, কষ্ট হ’লে                      স্পষ্ট কভু নাহি বলে  
 মনে জানে বিরু আছে দেখিবে সর্বথা । ১১৫

“নির্ভর আমার প্রতি সমর্পিয়া ভার  
 যায় না সে কোন থানে                      আমা বই নাহি জানে  
 দেহ দ্বারা হ’বে যাহা                      অবশ্য করিব তাহা  
 হুঃখ দিলে নিঃসংশয় নিরয় আমার । ১১৬

“সময় ক্ষেপণ তবে কেন অবহেলে  
 এখনই যাই চলে’                      বেলাবেলি তাহা হ’লে  
 ফিরিতে পারিব ঘরে                      যাই যদি অতঃপরে  
 জল বাড় হ’লে কষ্ট হ’বে বেলা গেলে” । ১১৭

এতেক চিন্তিয়া বিরু তৎপর হইয়া  
 জননী জায়ারে ক’য়ে                      লগুড় ছত্রাদি ল’য়ে  
 ঈশ্বর স্মরণ করি’                      ত্রীপুরের পথ ধরি’  
 চলিল ভীষণ রৌদ্রে প্রান্তর বহিয়া । ১১৮

কতক্ষণে উপনীত ত্রীপুর সীমায়

দূর হ'তে চমকিয়া                      দেখে বিরু, দাঁড়াইয়া  
প্রান্ত সরসীর ধারে                      বহু লোক সারে সারে  
ব্যাপার কি ভেবে' কোন ঠিক নাহি পায় । ১১৯

“হ'ত না জনতা এত মৎস্তধরা হ'লে  
হ'বে কিছু অণু আর                      লই গিয়া সমাচার  
কেন নাহি কোলাহল                      হইতেছে কৌতূহল  
কি হেন ব্যাপার যা'য় নীরব সকলে” । ১২০

ধায়িল সে দিকে বিরু লইতে সংবাদ  
দেখে গিয়া ধীবরেরা                      বুড়জাল খাতঘেরা  
কেলিয়া দিতেছে টান                      সবাই হইয়া স্নান  
একদৃষ্টে চে'য়ে তা'য় গণি'ছে প্রমাদ । ১২১

সুধায় বারতা বিরু জনৈক স্থবিরে  
কহে শুনে' বয়োধিক                      ঘাটিল যা' মন্মাস্তিক  
“নিধিরাম চাঁড়ালের                      শিশু সপ্ত বৎসরের  
সাঁতারিতে গিয়া মগ্ন হ'ল সরনীরে । ১২২

“তাইতে হ'তেছে দেখা মহাজাল ফেলে'  
কখন কি করে ধাতা                      ওই দেখ পিতা মাতা  
দাঁড়াইয়া অবিরল                      মুচি'ছে নয়ন জল  
কে জানে জীয়েন্তে তা'রে মেলে কি না মেলে । ১২৩

“অনুমান বহির্গত হয় নাই প্রাণ

এই মাত্র ডুবিয়াছে                      মনে হয় বেঁচে’ আছে  
ঈশ্বর করুন তাই                      দাঁড়াইয়া ওই ঠাঁই  
ভিষক ঔষধ সহ ল’য়ে অনুপান । ১২৪

“ফুটফুটে ছাবাল সে সুন্দর গঠন

কিঞ্চিৎ চঞ্চল মতি                      যেখানে সেখানে গতি  
প্রিয় সখা সবাকার                      সুধামাখা বাক্য তা’র  
অভিধান নটবর কাজেও তেমন । ১২৫

“স্বভাবতঃ বালকের প্রকৃতি চপল

তা’হে ঘোর গ্রীষ্মকাল                      জলে থেকে’ বহুকাল  
তারা সঙ্গীগণ যুটি’                      নিত্য করে ছটপুটি  
সাঁতারে সবাই মিলে’ আলোড়িয়া জল । ১২৬

“স্নান কালে আজি তা’রা ছিল তিন জন

সস্তরগ-কার্যে নটু                      সর্বাপেক্ষা ছিল পটু  
অল্প দিনে সাধ্যমত                      জলে গিয়া প্রত্যাগত  
করিত না গর্ব কভু শক্তির আপন । ১২৭

“দৈবের বিপাকে আজি পড়িল সে ফেরে

যেমন সে গেল চলে’                      দর্প করে’ দূর জন্মে  
মাঝে এসে’ ক্লান্ত দেহ                      অসামান হ’য়ে তেঁহ  
ডুবিল গভীর অর্ণে ফিরিতে না পেরে’ । ১২৮

“ছুটিয়া বালকদ্বয় জ্ঞাপিল ঘটনা

শুনে' পিতা ধায় দ্রুত                      হ'য়ে শোকে অভিভূত  
বৈদ্যরাজে অনুনিয়া                      জেলে বাড়ী কহে গিয়া  
মুহূর্তের মধ্যে হ'ল সকল যোজনা” । ১২৯

সমাপ্ত হ'তে না হ'তে বৃদ্ধের বচন  
ঘুরিল পুকুর জাল                      সসব্যস্তে লোকপাল  
শিশুরে তুলিল যবে                      অমনি বেষ্টিয়া সবে  
জলমগ্ন দেহাবস্থা করে নিরীক্ষণ । ১৩০

বৈদ্যদেশে শীঘ্র বহি প্রস্তুত করিয়া  
আত্মীয় স্বজন যত                      মিলিয়া অনবরত  
সর্ব্ব দেহে শেক করে                      বৈদ্য রৈ'ল নাড়ী ধরে'  
নিরখে অপর সবে সমুৎসুক হিয়া । ১৩১

উত্তাপ পাইয়া শিরা বহে কতক্ষণে  
পাঙ্গাশ আছিল বর্ণ                      তূর্ণ হ'ল জাতবর্ণ  
অমনই চিকিৎসক                      দিল জায়ু উদগারক  
শিহরিয়া উঠে শিশু ঔষধ সেবনে । ১৩২

অবিলম্বে রুগ্ন তবে করিল বমন  
প্লবিত্র জল যত                      হ'ল সব বহির্গত  
চক্ষু মেলি' আর্জি চায়                      পিতা মাতা দেখে' তা'য়  
আনন্দেতে আটখানা সুখী সর্ব্বজন । ১৩৩

“বাঁচিবে আত্মজ নিধি ! থাকহ নির্ভয়ে  
 গ্লানি নিবারণ জন্ত লহ এ ঔষধ অস্ত  
 উপসর্গ হ’লে পরে ডেক মোরে ছরা করে’”  
 এতেক কহিয়া বৈত গেল নিজালয়ে । ১৩৪

আত্মীয়েরা বালকৈরে কোলাকুলি করি’  
 অবিলম্বে হৃষ্ট মনে ল’য়ে গেল নিকেতনে  
 সমাগত লোক যত একে একে গৃহে গত  
 বিক্র যায় প্রজাবাসে স্মরিয়া শঙ্করী । ১৩৫

“উর গো ! মঙ্গলা দুর্গে দুঃখহরা শিবে  
 জীবে সম দয়া তব নহে মাতঃ অনুভব  
 বিপদ গণয়ে যা’য় কল্যাণ নিহিত তা’য়  
 কেমনে বুঝিবে তাহা ভ্রমাত্মক জীবে । ১৩৬

“এ যাত্রায় বাঁচে যদি নিষাদ তনয়  
 ভবিষ্যত উপকার তরে শিক্ষা হ’ল তা’র  
 কিসা যদি হয় মৃত সাধিবে মহৎ হিত  
 উভয়তঃ শুভ মাতঃ নাহিক সংশয় । ১৩৭

“যদিশ্রাং বাঁচে শিশু বিপদবারিণী  
 পিতা মাতা আর্ন্ত তা’র দিও না বেদনা স্মার  
 বিরাজ মা সর্বভূতে রক্ষ ওগো প্লব স্মৃতে  
 ছরা স্মৃ কর তা’রে সন্তাপহারিণী । ১৩৮

“জগৎ নিয়ন্ত্রী তুমি পরমা ঈশ্বরী  
তুমি যাহা কর ধার্য্য                      সেই মত হয় কার্য্য  
স্বরূপ, কখনো ভ্রম                      হয়নাক ব্যতিক্রম  
ইচ্ছা তব পূর্ণ হ’ক ওগো শুভঙ্করী” । ১৩৯

এ ভাবে জনৈক ভদ্র প্রজার আগারে  
হ’ল বিরূ উপনীত                      দেখে তা’রা আনন্দিত  
ভক্তি ভাবে প্রণমিয়া                      বসিতে আসন দিয়া  
সৎকার করিল তাঁ’র বিবিধ প্রকারে । ১৪০

বিপ্র-আগমন বার্তা জ্ঞাপিলা ত্বরায়  
অগ্র্য যত প্রজাগণে                      সাম্ন তা’রা সর্ব্বজনে  
এসে’ কর মিটাইল                      যা’র যাহা দেয় ছিল  
হালি বাকী একে একে কড়ায় গণ্ডায় । ১৪১

অচিরে রাজস্বগুলি হইলে আদায়  
কৈ’লা বিরূ হৃষ্ট মনে                      আশীর্ব্বাদ প্রজাগণে  
প্রণমিয়া বিপ্রবরে                      যৎকালে ফিরে’ ঘরে  
গেল তা’রা, অপরাহ্ন অর্দ্ধাধিক প্রায় । ১৪২

শ্রীপুরেতে যাতায়াত হেতু বারম্বার  
ছিল বিরূ পরিচিত                      সবাকার যথোচিত  
আবাল বনিতা বৃদ্ধ                      মধ্যবিত দীন ঋদ্ধ  
সম্রাই করিত ভক্তি গুণেতে তাহার । ১৪৩

করাদায় সাঙ্গ হ'লে শিশুর লাগিয়া  
অত্যন্ত হইয়া বাস্ত লইতে তাহার তত্ত্ব  
বিশ্বস্ত গৃহকর্ত্তারে কৈ'লা যে'তে প্লবাগারে  
অমনি ধায়িল তেঁহ আদেশ পাইয়া । ১৪৪

ফিরে' এসে' বার্তাবহ দিল সমাচার  
সম্পূর্ণ বিকার প্রাপ্ত এবে সেই শিশু আর্ন্ত  
বৈজ্ঞ কহে বারি ঢুকে' জুড়িয়া বসে'ছে বৃকে  
দারুণ শ্লেষায় ব্যাপ্ত সর্ব্বাঙ্গ তাহার । ১৪৫

আতুর প্রলাপ বকে করে ছটফট  
দিতেছে অগদ নানা আময় না মানে মানা  
দেখিয়া ঔষধ ব্যাজ চিন্তাস্থিত কবিরাজ  
কঠিন ব্যামোহ এবে বাঁচন সঙ্কট । ১৪৬

এতেক শুনিয়া বিরু বুঝিলা নিশ্চয়  
বাঁচিবে না শিশু আর কাল পূর্ণ হ'ল তা'র  
ধাতার এ অভিপ্রায় এখন কি সজুপায়  
দাহাগ্নে যাহাতে শব হস্তগত হয় । ১৪৭

“চণ্ডাল ইতর জাতি ধনের প্রয়াসী  
পাই যদি কড়ী দিয়া দেখিবু কি প্রলোভিঙ্গা  
যতপি সম্বরে লোভ হইবে বিষম ক্ষোভ  
জানাজানি হ'লে রুষ্ট হ'বে দেশবাসী । ১৪৮



“চেপ্টাপর হই যদি ধরে’ ছদ্মবেশ

বলপ্রয়োগের দ্বারা                      শববাহী বহু তা’রা  
কি জানি আঁটিতে নারি                      মনস্তাপ হ’বে ভারী  
অল্লায়াসে লব্ধ হেন কি পস্থা বিশেষ । ১৪৯

“হ’য়েছে সুযোগ ইহা ত্যজিব কেমনে

হ’ব কি পাপের ভাগী                      আচার্য্য যাহার লাগি’  
বিকলিত ভাবনায়                      রেতে নিদ্রা নাহি যায়  
দৈবে যদি মিলাইল দেখি প্রাণপণে” । ১৫০

দেখিতে দেখিতে বাড় উঠিল গগনে

আকাশে ছাইল ঘন                      আরস্তিল বরিষণ  
আগারে পশিয়া তবে                      লইল আশ্রয় সবে  
সবার নাচিল হিয়া আসার পতনে । ১৫১

পড়ি’ছে মুসল ধারে বৃষ্টি ঘোর রাবে

বৌ বৌ শব্দে বহে বড়                      ডাকে বজ্র কড় কড়  
চমকি চিক্কুর হানে                      দেখে না শুনে না কাণে  
কি উপায়ে পাবে শব বিরূ তাই ভাবে । ১৫২

কতক্ষণে নীরবিল বৃষ্টি ঝঙ্কাবাত

গৃহস্বামী দেখে তু’য়                      বাহিরিল গোসেবায়  
বিরূপাক্ষ একা তথা                      ভাবে বসি’ শব কথা  
কিসে তাহা অবিবাদে হয় আশ্রমাৎ । ১৫৩

কর্ম্য কাজ সাজ হ'লে হইয়া তৎপর  
 গৃহস্বামী দেখে এসে'                      দ্বিজবর চিন্তাবেশে  
 বুঝিল ব্রাহ্মণ ভাবে                      থাকিবে কি ফিরে' যা'বে  
 করপুটে কহে তবে পে'য়ে অবসর । ১৫৪

“ল'য়েনাক অপরাধ নাহি বোধাবোধ  
 ভয়ঙ্কর অন্ধকার                      পথে কাদা ছুর্নিবার  
 নিশি তাহে যামগত                      সে কারণে অল্পগত  
 থাকিতে হেথায় আজি করে অল্পরোধ” । ১৫৫

প্রজার মিনতি শুনি' চকিত হইয়া  
 মনোভাব সম্বরিয়া                      কহে বিক্রম সঙ্ঘোধিয়া  
 “দেখে' তব আকিঞ্চন                      সাতিশয় তৃপ্ত মন  
 অসঙ্গত নহে কিন্তু থাকি কি করিয়া । ১৫৬

“ছুটী প্রাণী মাত্র গৃহে জননী বনিতা  
 নহে অবিদিত তব                      অধিক কি আর ক'ব  
 আসি যবে ফিরে' যাই                      থাকিনাক কোন ঠাই  
 না গেলে কতই তাঁ'রা হ'বেন ভাবিতা । ১৫৭

“এতক্ষণ প্রতীক্ষায় ছিছু দৈর্য্য ধরি'  
 এবে শান্ত হ'ল ধরা                      পুনঃ বৃষ্টি হ'বে হরা  
 দেখিনা লক্ষণ হেন                      তবে আর বসে' কেন  
 ক্রমশঃ ভীষণাকারে বাড়ি'ছে শরীরী” । ১৫৮

এতেক कहিয়া বিরু উঠিল তখন  
 নিষাদভবন পানে                      যায় বিকলিত প্রাণে  
 উঠিল ক্রন্দনরোল                      শুনে' চিত্ত হ'ল লোল  
 বুঝিল বালক এবে ত্যজিল জীবন । ১৫৯

এখন কর্তব্য কিবা ভাবিতে লাগিল  
 সন্নিহিত প্রবালয়                      ছিল ভগ্ন দেবালয়  
 লুকায়িত থেকে' তথা                      শুনিবে সকল কথা  
 এতেক ভাবিয়া বিরু তথা প্রবেশিল । ১৬০

ঘটিল যা' একে একে শুনিলা তথায়  
 কাঁদে মাতা বিনাইয়া                      পুত্র শোকে আছাড়িয়া  
 প্রতিবেশী অঙ্গনারা                      কতই বোঝায় তা'রা  
 শুনে না বারণ কা'র কাঁদে উভরায় । ১৬১

পরিশ্রান্ত হ'য়ে বামা ক্রমে নীরবিল  
 নীরব যতেক জন                      নিরামু কিয়ৎক্ষণ  
 লোক অবেষণে গেল                      এখনো না ফিরে' এল  
 থেকে' থেকে' এই তা'রা कहিতে লাগিল । ১৬২

কতক্ষণে প্রত্যাগত হইল নিষাদ  
 সঙ্গভিষাহারে তু'র                      পঞ্চ জন এল আর  
 হ'লে লোক সমবায়                      বসে' তা'রা আজিনায়  
 করিতে লাগিল হেন বাদ অনুবাদ । ১৬৩

প্রথমে নিষাদ কহে ব্যথিত হইয়া

“অপঘাতে মৃত পুত্র                      কে খণ্ডায় কৰ্ম্মমূত্র  
কিস্ত কিবা দোষ তাহে                      লোকে না ছুঁইতে চাহে  
নমে শবে কেন তবে পবিত্র ভাবিয়া । ১৬৪

“অবাক হইলু আজি দেখে’ ব্যবহার

কতই সাধিলু কাণ                      দিল না, করিল ভাণ  
পত্নী কা’র গর্ভবতী                      কা’র বা অসুখ অ ত  
তোমাদের দয়া ঘেঁই পাইলাম পার । ১৬৫

“করিলে যা’ উপকার কভু না ভুলিব

গঙ্গা পায় ইচ্ছা মার                      হ’বেনাক বহু ভার  
শিশু সপ্ত বৎসরের                      ইচ্ছা এবে তোমাদের  
বলিবে তোমরা যাহা তাহাই করিব” । ১৬৬

এতেক বচন শুনি’ কহে অন্ত জন

“মোটো ছয় জন মোরা                      মেঘাচ্ছনে রাত্রি ঘোরা  
মেটো পথ অন্ধকার                      কাদা ব’য়ে চলা ভার  
ন্যূন পক্ষে আবশ্যক আর দুই জন । ১৬৭

“এখানে কি গঙ্গাতীর বুঝহ সবাই

অতিরিক্ত তিন ক্রোশ                      লোকের ক্তি দিব দোষ  
অপঘাতে মৃত শবে                      ছুঁতে ত্রস্ত হয় সবে  
সংস্কার যেমন, মোরা আটপিটে তাই । ১৬৮

আছিল তা'দের মধ্যে বৃদ্ধ একজন  
 শুনে' বাক্য দৌহাকার                      কহে তেঁহ এ প্রকার  
 “হুংখী মোরা খেটে' খাই                      অর্জন যা' ব্যয় তাই  
 সকলেই খেটে' খুটে' অবশ এখন । ১৬৯

“রুখ শুক হ'লে বরং হইত সম্ভব  
 গঙ্গা তীরে দাহ আগে                      নিরুপিত কড়ী লাগে  
 বৃথা কেন অপব্যয়                      থাকিলে সে ধন তা'র  
 থে'য়ে পরে' বাঁচিবেক পরিজন সব । ১৭০

“পবিত্র কলুষহারী ভাগীরথী জল  
 নিক্ষেপিলে অস্থি জলে                      সুরধুনী প্রভা বলে  
 মুক্ত দেহী, শাস্ত্র কথা                      তাই সেথা দাহ প্রথা  
 , কুড়াইয়া অস্থি দিলে হয় সম ফল । ১৭১

“কিবা হেতু ব'য়ে মরি ভেবে' দেখ মনে  
 নিকটে শ্মশান হেথা                      চল গিয়া দাহি সেথা  
 অস্থি গুলি দাহ হ'লে                      দিও কালি গঙ্গা জলে  
 আজিকার মত তাহা রাখিয়া যতনে ।” ১৭২

- বৃদ্ধের বচন মতে হ'ল এই স্থির
- বিরিক্ত শ্মশানে গিয়া                      সাধিবে অন্ত্যেষ্টিক্রিয়া
  - স্বরাগ্নিত হ'য়ে তবে                      আহরিতে দ্রব্য সবে
  - কাষ্ঠ কুম্ভ মশালাদি হইলা বাহির । ১৭৩

অন্তরাল হ'তে বিরু শুনিল সকল  
 কি উপায়ে হস্তগত হ'বে শব, অবিরত  
 ভাবিতে লাগিল তাই লেশ মাত্র শাস্তি নাই  
 চিন্তায় গলদ্বন্দ্ব হইল বিকল । ১৭৪

ভাবিতে ভাবিতে হ'ল যুক্তি উদ্ভব  
 তখন আনন্দ নীরে হ'য়ে সিক্ত, ভবানীরে  
 ডাকে বিরু বন্ধ করে কহে “মাতঃ কৃপা করে’  
 হও গো সহায়, দেখ পাই যেন শব ” । ১৭৫

একক হ'বেনা কার্য্য না হ'লে দোসর  
 আচার্য্য জননী দারা চিন্তাকুল আছে তা'রা  
 যাই ধে'য়ে গৃহে গিয়া তাহাদের দেখা দিয়া  
 দিই গে' সংবাদ দেবে হইয়া তৎপর । ১৭৬

“দণ্ড দ্রয় উন এবে নিশি দ্বিপ্রহর  
 আহরিতে দ্রব্য যত কাষ্ঠভার বিশেষতঃ  
 শ্মশানে লইতে শবে প্রহর অধিক হ'বে  
 যথেষ্ট সময় গিয়া ফিরিতে সম্ভব ” । ১৭৭

এতেক চিন্তিয়া বিরু শ্রীপুর ত্যজিয়া  
 গৃহ অভিমুখে ধায় বেগবান অশ্বপ্রায়  
 উৎসাহ উঠিল জেগে' ছুটিল নক্ষত্র বেগে  
 মুহূর্ত্তে আবাসে স্থায় উত্তরিল গিয়া । ১৭৮

দ্বারে বসি' বিক্রু মাতা ছিলেন ভাবিতা  
 পুত্র ফিরে' এল পুরে                      দেখে' চিন্তা গেল দূরে  
 কহে বিক্রু ব্যস্ত মনে                      “যাব গুরু নিকেতনে  
 কি আছে আহাৰ্য্য আন হ'য়ে ত্বরান্বিতা” । ১৭৯

সজ্জেকে গায়েরে বিক্রু জ্ঞাপিলা বারতা  
 গুনিয়া জননী কয়                      হ'য়ে ফুল সাতিশয়  
 “অবশ্য পাইবে শব                      ব্যর্থকাম অসম্ভব  
 নিশ্চয় জানিহ ইহা দৈব ঘোটকতা” । ১৮০

“বহু দিন পরে অতু” কহিল জরতী  
 “এসে'ছিল শিব হেথা                      নিত্য তুমি যাও সেথা  
 আজি গোণ কি কারণ                      করিবারে নিরূপণ  
 ‘আহা ! বাছা ফিরে' গেল ক্ষুণ্ণ হ'য়ে অতি” । ১৮১

বাড়িল ব্যগ্রতা শুনে' মায়ের বচন  
 ঝটিতি আহাৰ করে'                      প্রবেশিয়া নিজ ঘরে  
 প্রয়োজন দ্রব্য যাহা                      নিমেষে লইয়া তাহা  
 যোগোত্তান অভিযুখে দাইল ব্রাহ্মণ । ১৮২

এদিকে যৎকালে শিব অধীর হইয়া  
 • প্রিয় শিষ্য অদর্শনে                      ভক্ত কোলেয়ক সনে  
 শ্রীপুরে উত্তত যে'তে                      হেন কালে উদ্ভানেতে  
 • অলক্ষিতে বিক্রুপাক্ষ পশিল আসিয়া । ১৮৩

আহ্লাদে ডাকিল শুন বিরূরে দেখিয়া  
 অমনই বাহিরিয়া                      প্রিয় শিষ্যে নিরখিয়া  
 আশুড়ি' আনন্দ ভরে              সম্মেহে চিবুক ধরে'  
 কহিতে লাগিল শিব উৎফুল্ল হইয়া । ১৮৪

“কোথা ছিলি এতক্ষণ ওরে বাপধন  
 অগ্র দিনে গেলে পরে                      বেলাবেলি এস ঘরে  
 আজি এত গোণ কেন                      ছিল কিবা কার্য্য হেন  
 কহ বৎস বিস্তারিয়ে শাস্ত হ'ক মন । ১৮৫

“অত্যন্ত বাড়িল যবে উদ্বেগ মনেতে  
 গিয়াছিল তবাগারে                      পল্লীপ্রান্তে পথ ধারে  
 ফিরিয়া অশান্তি চিতে                      কোন মতে নিবারিতে  
 নাহি পেরে' ভেবে'ছিল যাব শ্রীপুরেতে । ১৮৬

“এলি তুই হ'ল ভাল শাস্ত হ'ল হিয়া  
 ঘুচিল মনের ঘোর                      হেরিয়া বদন তোর  
 সুধাংশু অনন্তে ভাসি                      নাশিল আঁধার রাশি  
 শীতল হইল বহ্নি বারি পরশিয়া । ১৮৭

“দেখিতেছি সাজ গোচ আজি অতরূপ  
 কতই ব্যস্ততা যেন                      কিবা কার্য্য আছে হেন '  
 সম্পন্ন করিতে তা'য়                      যে'তে হ'বে ত্রিষাময়  
 যা'ব কি রে সঙ্গে তোর বল রে স্বরূপ” । ১৮৮



এতেক গুনিয়া বিক্ল আচার্য্য বচন  
 শবের সূচনা যাহা আত্মোপাস্ত কহে তাহা  
 গুনিয়া শিবের নৃত্য আনন্দে আপ্পুত চিত্ত  
 কি বলে' তুষিবে ভেবে' না পায় তখন । ১৮৯

কতক্ষণে কহে শিব করে' আলিঙ্গন  
 “যা' গুনালি বাপধন দিব আছে কিবা ধন  
 ধন্য বিক্ল ধন্য তোরে উদ্ধার করিলি মোরে  
 সুখা দানে বাঁচাইলি মুমূর্ষু জীবন” । ১৯০

“বৃথা আর কালক্ষয় কি হেতু হেথায়  
 এস ত্বর যাই চলে' বহু বিয় গোণ হ'লে  
 যে কোন উপায়ে শবে অবশ্য লভিতে হ'বে  
 পশুশ্রম হ'বে বৎস উঠিলে চিতায়” । ১৯১

বীর বেশে শিবাচার্য্য আছিল সজ্জিত  
 সুখা দুটি যন্ত্র ভরা মন্ত্রপুত করে' ত্বর  
 ধ্যায়ি' শিবা লম্বোদরী গুরুরে স্মরণ করি'  
 বাহিরিলা শিষ্য সনে হ'য়ে উৎসাহিত । ১৯২

সানন্দে চলিল গুন পশ্চাতে দৌহার  
 • আচার্য্য তা' নিরখিয়া গায়ে হাত বুলাইয়া  
 কহে “বৎস গৃহে থাক. ক্ষান্ত হও যেওনাক  
 • করনাক কোটি রাখ বচন আমার ।” ১৯৩

প্রভু বাক্যে নীরবিল শাস্ত সারমেয়  
 বিরিক্ষি শ্মশান পানে                      ধায় দৌহে ফুল্ল প্রাণে  
 কিসে শব আহরণ                      করে নানা আন্দোলন  
 হ'লনাক পথযাত্রা তেঁই অনুমেয় । ১২৪

এইরূপে অতিক্রান্ত হ'ল দুই ক্রোশ  
 দেখিতে দেখিতে তূর্ণ                      মেঘে অভ্র হ'ল পূর্ণ  
 তুমুল বহিল বাত                      আরস্তিল বৃষ্টিপাত  
 দৈব অনুকূল্য দেখে', দৌহার সন্তোষ । ১২৫

অবিশ্রান্ত পড়ে জল নির্ঝরের প্রায়  
 ঘুট ঘুট অন্ধকার                      চলেনাক দৃষ্টি আর  
 কর্দমে পূরিল পথ                      হ'ল তাহে গতি শ্লথ  
 বহু কষ্টে এল তা'রা বিরিক্ষি যথায় । ১২৬

তাহারা উত্তর দিকে হ'য়ে উপনীত  
 চমকিল শম্পা যবে                      দেখে আগলিয়া শবে  
 দীঘীর দক্ষিণ কূলে                      বসে' বটবৃক্ষমূলে  
 ছ'জন কুণপবাহী হ'য়ে একত্রিত । ১২৭

হেরিয়া ব্যাপার থেকে' গুল্ম অন্তরালে  
 বিরূপাক্ষে সন্মোখিয়া                      কহে শিব শিহরিয়া  
 “ভাগ্যে দৈব অনুকূল                      নৈ'লে স্বার্থ নিরমূল  
 অর্দ্ধ দগ্ধ হ'ত শব এতাবৎ কালে ।” ১২৮

“আসার পতন পূর্বে এসে’ছে উহারা  
 রহিয়াছে প্রতীক্ষায়                      কতক্ষণে বৃষ্টি যায়  
 ঠাহরে’ছ যুক্তি যাহা                      অবিলম্বে কর তাহা  
 অশান্তি যাবৎ নহে বিতাড়িত তা’রা” । ১৯৯

বিস্তীর্ণ প্রান্তর মাঝে বিরিক্ষি নামক  
 প্রকাণ্ড দীর্ঘিকা তীরে                      সমগ্র চৌদিক ঘিরে’  
 ভীষণ শ্মশান এই                      ভীত লোকে বাসরেই  
 দেখিয়া বীভৎস দৃশ্য অতি ভয়ানক । ২০০

বেষ্টিয়া পাহাড় উচ্চ ঘনবনাবৃত  
 ছোট বড় বৃক্ষচয়                      গুল্মাদি কণ্টকময়  
 চারি দিকে নানা জাতি                      বিরাজিছে পাঁতি পাঁতি  
 পিতৃবনে ব্যাপ্ত ভূমি তীরে প্রসারিত । ২০১

শবভোজী জন্তুদের অতি হৃদয় স্থান  
 পালে পালে ভীমকায়                      সারমেয় ভূরিমায়  
 শকুনি গৃধের দল                      তাহাদের অবিরল  
 বিকট আরাবে ধৃত অথগু শ্মশান । ২০২

একাকী যাইতে গাত্র করে ছন্ ছন্  
 এই পথে সন্ধ্যা হ’লে                      ভুলে’ কেহ নাহি চলে  
 প্রয়োজনে যদি যায়                      চায়নাক দ্রুত ধায়  
 মনে হয় পৃষ্ঠদেশে প্রেত সমাগম । ২০৩

চতুর্পার্শ্বে অবস্থিত অসংখ্য পল্লীর  
 এই মাত্র পিতৃবন                      ছুঃখীলোক অগণন  
 নিহ্নরগ সমাপিয়া                      কেহ অস্থি আহরিয়া  
 নিক্ষেপে লইয়া তাহা জলে জাহ্নবীর । ২০৪

অল্প কাষ্ঠ নিবন্ধন অর্দ্ধ দগ্ধ করি’  
 কেহ বা ক্ষুভিত মনে                      ফিরে’ যায় নিকেতনে  
 তাহাও না পেরে’ কেহ                      ফেলে’ যায় মৃতদেহ  
 অমনি গৃধ্রাদি ভেঙ্গে’ পড়ে তদোপরি । ২০৫

বিক্ষিপ্ত শ্মশানময় অস্থি অগণন  
 ভস্মরাশি বংশদণ্ড                      অলাত কলশ খণ্ড  
 নয়ন ফিরাও যথা                      এই মাত্র দৃশ্য তথা  
 স্থানে স্থানে লোমহর্ষ অতীব ভীষণ । ২০৬

কোথায় কঙ্কাল পড়ে ঘোর মূর্তিমান  
 হস্ত পদ প্রসারিত                      দস্তপাঁতি বিকশিত  
 নয়ন কোটরদ্বয়                      দেখে’ প্রাণে হয় ভয়  
 দেহের পঞ্জরমালা গর্ভের ব্যাদান । ২০৭

অর্দ্ধ দগ্ধ শব ল’য়ে শুনকের দল  
 কোথা বা বিকট রবে                      রণরূপি করে সবে  
 টানে তা’রা হড়হড়ি                      ছেঁড়ে খায় কড়মড়ি  
 ছড়াছড়ি যতক্ষণ অস্থিতে পলল । ২০৮ .

সত্তাঃ আবেশিত শব পড়ে' কোন খানে  
 দন্তগুলি বিকাশিয়া                      আছে নেত্র বিস্ফারিয়া  
 পড়িয়া শকুনি পাখী                      ঠুকরিয়া তোলে আঁখি  
 জঠর চিরিয়া কেহ অস্ত্র ধরি' টানে । ২০৯

থণ্ড থণ্ড করে দেহ চঞ্চুর আঘাতে  
 আনন্দে অশনে রত                      থাইছে কুকুর যত  
 উদর পূরিয়া তাহা                      অবশিষ্ট র'বে যাহা  
 ভুঞ্জিবে জম্বুক দল আসিয়া নিশাতে । ২১০

কোথা পড়ে' দীঘীকূলে শব ভীমকায়  
 জল মধ্যে মৃতদেহ                      গিয়াছিল ফেলে' কেহ  
 ভাসিয়া উঠিলে নীরে                      চেলিয়া তুলে'ছে তীরে  
 মিলিয়া গুনকবৃন্দ কিম্বা ভুরিমায় । ২১১

ফলিত হ'য়ে ভীষণ রূপ করে'ছে ধারণ  
 কুট মূর্ধা ভয়ঙ্কর                      তুন্দ যেন অলিঙ্গর  
 ব্যোমদৃষ্টি মুখ বন্ধ                      জজ্বাদয় তরু স্কন্ধ  
 শিহরয়ে অঙ্গ দেখে' মূরতি ভীষণ । ২১২

এ হেন বীভৎস দৃশ্য দিবসে যথায়  
 নিশার কি ক'ব কথা                      কা'র সাধ্য যায় তথা  
 যায় যদি নিহরনে                      মিলিয়া অনেক জনে  
 একা যে'তে কা'র নাহি সাহসে কুলায় । ২১৩

তমাচ্ছন্ন রাত্রি তাহে বৃষ্টি বঞ্চাবাত  
চমকে চপলা যবে শিহরে দেখিয়া সবে  
লোমহর্ষ দৃশ্য তথা মুখে নাহি সরে কথা  
অধিকন্তু ছুরধর্ষ জম্বুক উৎপাত । ২১৪

আছে ঘিরে' ফেরুপাল মণ্ডলী করিয়া  
লোলজিহ্বা ভীমকায় অনিগেষ নেত্রে চায়  
কেহ ক্রব্য অভিলাষে শব পানে ধে'য়ে আসে  
নিবারে লগুড় শব্দে সবাই মিলিয়া । ২১৫

বৃষ্টি পড়ে বহে ঝড়ু নিনাদে অশনি  
বিকট শৃগাল রব নিকটে পড়িয়া শব  
শ্মশানের ভয়ঙ্কর দৃশ্য আর বিলী স্বর  
গাঢ় নিশি ঘোর ধ্বান্ত তীব্র ভেকধ্বনি । ২১৬

চারি দিকে ভয়াবহ দেখিয়া ব্যাপার  
বসিয়া শাখীর তলে সিক্ত হ'য়ে বর্ষাজলে  
হ'য়ে সবে আতঙ্কিত ভাবে হিতে বিপরীত  
কতক্ষণে যা'বে ফিরে' করিয়া সংকার । ২১৭

ভিজ়ে'ছে মশাল নাহি জ্বলে কোন মতে  
থামেনাক ধারাপাত তাহে শিবা মহোৎপাত  
বিষম হইল দায় ভেবে' কুল নাহি পায়  
বাঁচে প্রাণ থাকে মান গেলে হেথা হ'তে । ২১৮

এ দিকেতে বিরূপাক্ষ গুল্ম অন্তরালে  
বসে' গাঢ় মনাবেশে                      সাজিল পিশাচ বেশে  
যথাসাধ্য ত্বরা করি'                      ধরে মুক্তি ভয়ঙ্করী  
সঙ্কেত না পায় কেহ তমিস্রের জালে । ২১৯

এনে' ছিল ভূস তৈল করে' আহরণ  
হ'য়ে বিরূ নগ্নকায়                      সর্বদাঙ্গে লেপিলা তা'য়  
বাছিয়া থাওয়াত ধরে'                      কপালেতে টিপ পরে  
জ্বলিতে লাগিল উক্কী সম কীটগণ । ২২০

কুড়াইয়া অস্থিগুলি নির্ম্মাইলা হার  
পরিল মস্তকে তা'য়                      কটিদেশ কণ্ঠে পায়  
কফোণি ও মণিবন্ধে                      তৃণধ্বজ ডান স্কন্ধে  
প্রশংসে আচার্য্য দেখে' ভৈরব আকার । ২২১

চিন্তাকুল যৎকালে শববাহীগণ  
হাসিল বিকট হাসি                      শুনে' তরুতলবাসী  
চমকি' চৌদিকে চায়                      কিছু না দেখিতে পায়  
আতঙ্কে শিহরে তা'রা উচ্চাটিত মন । ২২২

জনৈক তা'দের মধ্যে কহে ভীত হ'য়ে  
“অন্নর থেকে' কাজ নাই                      শব ল'য়ে ফিরে' যাই  
শ্রেয়ঃ ত্যাগ এই স্থান                      হ'লে নিশি অবসান  
সদবে মিলি' যা'ব মোরা গঙ্গা তীরে ল'য়ে” । ২২৩

আবার নিকটে হাসি শুনিল সকলে  
 অমনি বিজ্ঞাৎ হানে                      দেখে তা'রা সন্নিধানে  
 নেচে' নেচে' বিকটাস্ত্র                      পিশাচ করি'ছে হাস্ত  
 পলায় ফেলিয়া শবে ভূত ভূত বলে' । ২২৪

উর্দ্ধ্বাসে ধায় সবে ত্রাহি ত্রাহি ডাকে  
 ধরিল রে ওই এল                      এবে বুঝি প্রাণ গেল  
 প্রাণেপণে ছুটে' যায়                      কেহ ফিরে' নাহি চায়  
 ব্যতিব্যস্ত এলো থেলো কে দেখে কাহাকে । ২২৫

আছিল গোমায়ু যত ভয়ে পলাইল  
 দেখিয়া অদ্ভুত মূর্তি                      ঘুচিল সকল ক্ষুণ্ণ  
 কথঞ্চিৎ দূরে গিয়া                      প্রেতভূমি বিধূনিয়া  
 ভীম রবে সগন্ধরে ডাকিয়া উঠিল । ২২৬

শবের সন্নিধি বিরূ হইয়া স্তরায়  
 পলাইল সর্ব জন                      দূরে গেল শিবাগণ  
 আনন্দে মগন হ'য়ে                      মৃত শিশু কোলে ল'য়ে  
 অবিলম্বে গুরুঋণা দ্রুত ধে'য়ে যায় । ২২৭

সিন্ধুকাম বিরূ এবে প্রফুল্লহৃদয়  
 শবপানে মনাবিষ্টে                      চে'য়ে রৈ'ল একদৃষ্টে  
 যে'তে যে'তে অশ্রুমিত                      মুচকি' হাসি'ছে মৃত  
 চমকে চপলা যবে দেখিয়া প্রত্যয় । ২২৮



উৎফুল্ল আচার্য্য দেখে' মন্ত্রণা সফল !

বিরূপাক্ষ ল'য়ে শবে                      সন্নিকটে এল যবে  
নয়নে ছুটিল ধারা                      আনন্দে আপন হারা  
কহে বিরূপ তব অদ্ভুত কৌশল । ২২৯

একে ত বিভোর শিব সুধার পরশে

বাঞ্ছিত রতন পে'য়ে                      ক্ষণিক রহিল চে'য়ে  
ধন লব্ধে আশাতীত                      কতই গে আনন্দিত  
থেই থেই নাচে যোগী চিত্ত নাই বশে । ২৩০

স্বদেশ রক্ষায় যথা রণোন্মত্ত বীর

শত্রু জয় হ'লে পরে                      আনন্দে উৎসব করে  
কিন্ধা হ'লে উদ্ভাবিত                      তত্ত্ব যাহে নিয়োজিত  
বৈজ্ঞানিক হয় যথা পুলকে অধীর । ২৩১

অথবা অপত্যহীন প্রাচীন বয়সে

ধনাঢ্যের পুত্রমুখ                      দেখে' যথা মহাসুখ  
তেমতি অপার মূল্য                      সাধনার আনুকূল্য  
শব পে'য়ে শিবাচার্য্য আল্লাত হরষে । ২৩২

“হেরিলাম কিবা আজি অদ্ভুত ব্যাপার

ইহা কভু কি সত্ত্বে                      মর্ত্য সম হাসে শবে  
কখনো শুনিনি কাণে                      দেখিয়া বাজি'ছে প্রাণে  
এ কিবা রহস্ত” বিরূপ ভাবে অনিবার । ২৩৩

অর্পিলা আসব শিব প্রেমের উচ্ছ্বাসে  
 প্রিয় শিষ্যে পাত্র ভরি'                      বিরূ তাহা পান করি'  
 পাইয়া প্রভূত ক্ষুধা                      বুঝিল কল্লিত মূর্তি  
 ভাবিল দৃষ্টির ভ্রম মৃত কভু হাসে । ২৩৪

নিষ্কেপিয়া অস্থিমালা পরিয়া বসন  
 শবে তুলি' স্বক্ষোপরি                      কহে বিরূ “ত্বরা করি’  
 কেন হেথা কালব্যাজ                      এখনো অনেক কাজ  
 চল যাই, তর্মান্বিনী অল্পই এখন ।” ২৩৫

আগু আগু যায় শিব পশ্চাতে সাধক  
 বিভীষিকা অগণন                      করে দৌহে সন্দর্শন  
 পথে যে’তে হেথা হোথা                      পুতি গন্ধ পায় কোথা  
 তীব্রালোক কোন খানে দৃষ্টির বাধক । ২৩৬

কভু বা বিকট হাসি কখনো ক্রন্দন  
 শবেরে ফিরিয়া চায়                      কাতরে কতই হায়  
 কোথা পথ রোধ করি’                      সারি দিয়া হস্ত ধরি’  
 দাঁড়াইয়া দীর্ঘাকৃতি ভৈরব দর্শন । ২৩৭

দেখে কোথা ছুই জনে নহে কিন্তু নর  
 আসিতেছে পথ ব’য়ে                      পশ্চাতে যে শব ল’য়ে  
 অগ্রে যেই কাছে তা’র                      দেউটী ও কাষ্ঠভার  
 পঞ্চবর্ষ শিশুদেহ অতীব সুন্দর । ২৩৮

ছ্কারি' আচার্য ডাকে মা ভৈঃ মা ভৈঃ  
 এক যায় অত্র আসে                      নানা রূপ পরকাশে  
 বোরদাপে দৌহে যায়                      কোন দিকে নাহি চায়  
 থেকে' থেকে' চালে সুধা চলে মত্ত হই । ২৩৯

এইরূপে এড়াইয়া বিভীষিকা কত  
 যোগোত্তানে এল তা'রা                      পথশ্রান্তে হ'য়ে সারা  
 কিঞ্চিৎ বিশ্রাম করি'                      বেশভূষা পরিহরি'  
 শবের সংস্কার দৌহে করে অভিমত । ২৪০

সাবধানে অস্ত্রগুলি করিয়া বাহির  
 সীবিয়া ছেদিত স্থান                      শবে করাইলা নান  
 লবণ ও হরিদ্রায়                      চর্চিত করিয়া তা'য়  
 সর্বপ তৈলেতে সিক্ত করিলা শরীর । ২৪১

যতনে রাখিলা ল'য়ে বিলম্বলে তা'য়  
 কপাটেতে চাবী দিয়া                      মঠদ্বার আগলিয়া  
 গুরু শিষ্যে অলিন্দেতে                      মনানন্দে শয্যা পেতে'  
 অভিভূত হ'ল স্বরা গভীর নিদ্রায় । ২৪২

থেমে'ছে বাদল এবে সুনীল গগন  
 বহে বায়ু পরিমল                      প্রভাতীয় সূর্য্যতল  
 পথক্রান্তে অতিশয়                      রাত্রি জেগে' সমুদয়  
 গাঢ় নিদ্রা যায় দৌহে হ'য়ে অচেতন । ২৪৩

প্রহরাস্ত দিবা যবে চণ্ড বিবস্বান  
 কৈ'লা দৌহে গাত্রোত্থান                      সমাধিয়া গঙ্গাস্নান  
 বসে শিব দেবী ধ্যানে                      পূত দেহ শুদ্ধ জ্ঞানে  
 যাচে, শবসিদ্ধ যেন হয় গো সন্তান । ২৪৪

বিরূপাক্ষ নিবেদিতা গিয়া, জননীরে  
 আশিসিয়া বৃদ্ধা কহে                      শিবসিদ্ধি ব্যর্থ নহে  
 দিবস বামিনী তরে                      আজি আসিবে না ঘরে  
 জ্ঞাপিয়া মায়েরে বিরূ আইল মন্দিরে । ২৪৫

সাধনা সমাপ্ত আজি দেবী অভ্যুদয়  
 আনন্দে আচার্য্য ভাসে                      বিরূপাক্ষ সমোল্লাসে  
 রাত্রে যাহা প্রয়োজন                      করিতে তা' আহরণ  
 সারা দিন লিপ্ত দৌহে হইয়া তন্ময় । ২৪৬

ইতি শিবাচার্য্যাকুরকাব্যে উত্তোগ নাম  
 দ্বিতীয় সর্গ ।

## তৃতীয় সর্গ ।



আজি শুভ তিথি কৃষ্ণচতুর্দশী  
সন্ধ্যার প্রাক্কালে বিশ্বমূলে বসি'  
শনিবার তা'য় অভীষ্ট বাসর  
হইয়া আচার্য্য পুলক-অস্তর

বিরূপাক্ষ শিষ্য সনে                      বিচারিছে ব্যগ্র মনে

কোন্ শ্মশানেতে গিয়া করিবে সাধন

নিকটে সজ্জিত যাহা প্রয়োজন

অষ্ট যন্ত্র সূধা বিবিধ চৰ্কণ

চন্দনে চর্চিত পূত শবাসন

কুঙ্কম ও চুয়া অলক্ত চন্দন

জবাপুষ্প বিশ্বদলে

সাজী পূর্ণ নীলোৎপলে

• পূজিতে মায়ের রাজ্য রাজীব চরণ । ১

সমিধ ও হবিঃ হোম করিবারে

কপূরাদি গন্ধদ্রব্য নানাধারে

ভৈরব ত্রিশূল তীক্ষ্ণ করবাল

ভাণ্ডপূর্ণ তৈল বৃহৎ মণাল

লাঙ্গলী কপাল পাত্র

রজ্জু ও কীলক দাত্র

কোষা কোষী অণু আর রক্ষিত সকল

উত্তরসাধক বিরূপাক্ষ আজি

উপবিষ্ট তাই বীর বেশে সাজি'

উত্তরীয় বাস লোহিত তসর

ভালে দীর্ঘ ফোঁটা শোভি'ছে সুন্দর

সুবাসিত চন্দনেতে

নামাঙ্কিত সর্বাসঙ্গেতে

গলেতে রুদ্রাক্ষ মালা করে দলমল । ২

গঙ্গা জলে ধৌত করি' কলেবর

সেজে'ছে আচার্য্য কিবা মনোহর .

পরিধানে রক্ত কৌশেয় বসন

ক্ষৌম উত্তরীয় লোহিত বরণ

গায়ে কালী নামাঙ্কিত

শোভে চারু উপবীত

কপালে ত্রিপুণ্ড্র রেখা সিন্দূর লেখন

ছলিতেছে গলে ক্ষটিকের হার

গৌরকাস্তি দেহে কিবা শোভা তা'র

গ্রস্থিত রুদ্রাক্ষ তাম্র তারে করি'

পরে'ছে কুর্পর মণিবন্ধোপরি .

প্রকোষ্ঠেতে বিজড়িত

মহাশঙ্খ সুমার্জিত

ব্রহ্মতলে বদ্ধ চূড়া ঋষির যেমন । ৩

গুরু শিষ্য দৌহে আজি অনশনে  
কমনীয় ছাতি তথাপি বদনে  
এতক্ষণে পঞ্চ পাত্র সুধা পানে  
আনন্দ লহরী উথলিল প্রাণে

বিকাশিলে পূর্ণ জ্ঞান                      কহে বিরূ মতিমান  
যুক্তিগর্ভ আচার্য্যে একরূপ বচন  
“অদূর শ্রুশান নহে ত বিজন  
লোক সমাগম হেথা অনুক্ষণ  
দেখিলাম ভেবে অত্র আছে যাহা  
সাধনোপযোগী নহে কোন তাহা

পিতৃবন ভয়াবহ                      বিরিকির মাত্র রহ  
কোথাও দেখি না স্থান অভীষ্ট এগন” । ৪

শুনিয়া এতেক শিষ্যের বচন  
ভাবিতে লাগিলা আচার্য্য তখন  
“যথার্থ বিরিকি নির্জন শ্রুশান  
সাধনোপযোগী মনোনীত স্থান

কিন্তু মন শঙ্কা পায়                      কল্যাকার ঘটনায়  
কি জানি ব্যাঘাত কোন হয় বা তথায় ”  
গুরু মনোভাব বুঝিয়া আকারে  
সস্তামিলা বিরূ যুক্তি সহকারে  
“কালি ছিল যারা পিশাচ বিশ্বাসে  
পলাইল যদি ভয়ে উর্দ্ধ্বাসে

দৈবের যোজনা প্রভু                      নতুবা সম্ভবে কভু  
‘কদাচ ওমুখ তা’রা হ’বে না নিশায়” । ৫

গুনিয়া আচার্য্য বিরূপাক্ষ বাণী  
 বুঝিলা সঠিক মনে অমুমানি'  
 কহিতে লাগিলা বিরূরে তখন  
 “দ্বিধা মোর দূর হ’ল এতক্ষণ  
 চল তবে যাই সেথা                      আর কেন গোণ হেথা  
 হ’য়েছে সময় এবে দিবা অবসান”  
 দেখিতে দেখিতে ভীষণ আকারে  
 ব্যাপিল অবনি নিবিড় আঁধারে  
 ঝিকি ঝিকি ক্রমে তারকা নিচয়  
 নীল নভঃ প্রাপ্তে হইল উদয়  
 জনশৃংখ নদীঘাট                      পাতৃশৃংখ হ’ল বাট  
 একে একে শ্রমজীবী এস নিজ স্থান । ৬  
 আছিল আচার্য্য মন্ত শিষ্য মনে  
 আনন্দদায়িনী মদিরা সেবনে  
 লইয়া সপ্তম পাত্র এতক্ষণে  
 উঠিল সমাপ্ত করি’ ছই জনে  
 পূর্ণানন্দে সিক্ত প্রাণ                      বিকশিত পূর্ণ জ্ঞান  
 দৌহেই আপন ভাবে হইল বিভোর  
 একে বিরিকির দৃশ্য ভয়ঙ্কর  
 অধিকন্তু শবসাধন হৃৎকর  
 বিভীষিকা নানা মায়ায় ছলনা  
 কত অন্তরায় কে করে গণনা  
 কিছু নাহি মনে লয়                      লেশ মাত্র নাহি ভয়  
 বীরমদে মন্ত দৌহে নেশায় বিঘোর । ৭



কাদম্বরী, কে গো! তুমি মনোহরা  
 সুরাসুর নর লোক প্রীতিকরা  
 বারেক যাহার করে'ছ সেবন  
 কখনো ভুলিতে পারে না সে জন  
 কি মোহিনী শক্তি ধর                      কত রূপে খেলা কর  
 বিমোহিত জগজ্জন তোমার লীলায়  
 দীন হীন হ'তে রাজচক্রবর্তী  
 সকলেই ওগো তব বশবর্তী  
 কিস্ত তোষ তা'রে অগ্নে তৃপ্তি যা'র  
 লোলুপ যে জন দুর্ভাগ্য তাহার  
 কতই অবস্থা কর                      ধন মান যশঃ হর  
 তথাপি পারে না ওগো ছাড়িতে তোমায় । ৮  
 তুমি গো মদিরা সন্তাপহারিণী  
 দুর্কলের মনে বলসঞ্চারিণী  
 সংসারতাড়িত শান্তি পায় মনে  
 অবসাদ বোধ নহে ক্লিষ্ট জনে  
 তব সঙ্গ হ'লে লোক                      ভুলে' যায় সর্ব শোক  
 মধুময়ী তুমি তব গুণ অগণন  
 পুনঃ ইরা তুমি অতি ভয়ঙ্করী  
 তোমার পরশে লোকে পরিহরি'  
 লজ্জা ভয় ঘৃণা নৃশংস ব্যাপারে  
 কতই জঘন্য অশ্রু নাহি পারে  
 অনায়াসে হ'য়ে লিপ্ত                      নহে কভু সঙ্কুচিত  
 পিণ্ডাচ ও পশুভাবে করে বিচরণ । ৯

তথাপি মদিরা বর্ণন না যায়  
 কত সংগুণ নিহিত তোমায়  
 বাঁধিয়াছ যা'রে প্রেমের আলানে  
 কিবা সুখময়ী সেই মাত্র জানে  
 কন্ঠে বাড়ে আনুরক্তি          জন্মে প্রাণে ঘোরাসক্তি  
 সাধিতে মহৎ কার্য্য করে, প্রাণপণ  
 যে করে পরশ সেই স্ফূর্তি পায়  
 তাহিতে প্রসন্না বলে গো তোমায়  
 প্রাক্কালে যে ভাব মনেতে উদয়  
 তুঙ্গ স্থানে তাহা উত্তোলিত হয়  
 কিন্তু ধন্য সেই জন          ঈশ পদে সোঁপে মন  
 তাহারি প্রকৃত সঙ্গ যথার্থ সেবন । ১০

সুধাপানে মত্ত হ'য়ে দুই জন  
 শ্মশান উদ্দেশে সাজিলা তখন  
 আচার্য্যের স্কন্ধে শব লম্বমান  
 দক্ষিণ করেছে অসি খরশান  
 আনন্দে বিভোর হ'য়ে          নাচে শিব মৃত ল'য়ে  
 কত আশা পা'বে আজি দেবী দরশন  
 দ্রব্যাদি যতেক করণ্ডে পুরিয়া  
 শিরোপরি বিরূ লইল তুলিয়া  
 স্থাপিত মশাল বাম স্কন্ধোপরে  
 ভীষণ ত্রিশূল দোলে ডানি বহর  
 আনন্দে মগন প্রাণ          শিব ইষ্ট মাত্র ধ্যান  
 গুরু যাহে সিদ্ধকাম চেষ্টা প্রাণপণ । ১১

আচার্য্যেরে শিব করিয়া স্মরণ  
 ধ্যায়ি' মহামায়া অভয় চরণ  
 পরখিয়া চারি দিক বিধিমতে  
 নিষ্ক্রান্ত হইলা যোগোদ্ধান হ'তে  
 বিরূপাক্ষ মহামতি                      অনুগামী, দ্রুতগতি  
 চলিতে লাগিল। দৌহে শ্মশানের পানে  
 মহোল্লাসে চলে তিমির বহিয়া  
 হালার সংযোগে প্রমত্ত হইয়া  
 পথশ্রান্তি বোধ কিম্বা গুরু ভার  
 হ'লনাক তা'য় অনুভব কা'র  
 চলে দৌহে অবিরাম                      নিস্তদ্ধ সমগ্র ধাম  
 নহে দৃষ্ট অমঙ্গল লক্ষ্য কোন খানে । ১২  
 মুহূর্ত্তেই তা'রা আঁধার ভেদিয়া  
 উপনীত হ'ল বিরিক্ষিতে গিয়া  
 দেখিয়া বিজন পবিত্র শ্মশান  
 নাচিয়া উঠিল সাধকের প্রাণ  
 স্থির আজি দীঘী জল                      ডাকেনাক ফেরদল  
 চারিদিকে শাস্ত মূর্ত্তি সবাই নীরব  
 নামাইয়া ভার জ্ঞান কোণেতে  
 পুঁতিল মশাল জ্বলে' অদূরেতে  
 পরিষ্কার করি' সমতল স্থান  
 চতুর্দশ হস্ত ব্যাস পরিমাণ  
 কীলক ও রজ্জু দিয়া                      পরিধি পরিবেষ্টিয়া  
 'মন্ত্রপূত কৈ'লা বৃত্ত সিঞ্চিয়া আসব । ১৩

কেল্লস্থলে হস্ত পদ গুটাইয়া  
স্থাপিলা শবেরে উপুড় করিয়া  
তদোপরি শিব করিয়া আসন  
বসিলা ক্রিয়ায় সমাহিত মন

বাম দিকে ষট্ যন্ত্রে                      পূর্ণ সূধা পূত মন্ত্রে

বৃহৎ কপাল পাত্র বিবিধ চৰ্ৰ্বেণ  
ঘৃতপূর্ণ কোষা হোমের সগিধ  
সম্মুখে স্থাপিত আসন সন্নিধ  
ডাহিনেতে শ্ৰুস্ত অসি খরশান  
চন্দনাদি পুষ্পে সাজী শোভমান

সাজী অগ্রে নানাধারে                      গন্ধদ্রব্য সারে সারে

যেখানে যা' আবশ্যক করিয়া স্থাপন । ১৪

অদূরেতে বিরূ বটবৃক্ষ মুলে  
নিষ্কেপিয়া যত আবর্জনা তুলে' .  
সমবৃত্ত করি' পেতে' ব্যাত্র ছাল  
করিয়া আসন স্থাপিলা মশাল

ছটী যন্ত্ৰ সূধা ল'য়ে                      উত্তরসাধক হ'য়ে

দোদাঁড় প্রতাপ সহ বসিলা তথায়  
মহাজ্ঞানী বিরূ কস্ম্পরায়ণ  
ইরার সংযোগে বিভোরিত মন  
কিসে আচার্য্যের সফল সাধনা  
এই মাত্র তা'র নিয়ত কামনা•

“এসে'ছি সাহায্য তরে                      এবে যা' কপালে করে

যত্নে যদি সিদ্ধ নহে কিবা দুঃখ তা'য়” । ১৫

শ্বাসনে বসি' আচার্য তখন  
 প্রজলিত করি' তূর্ণ হতাশন  
 নিক্ষেপিয়া তা'য় সুগন্ধি সকল  
 অমনি ছুটিল বায়ু পরিমল

জালিলা কর্পূর আর ধূপবাতী গন্ধসার

সৌরভে শ্মশানভূমি হ'ল আমোদিত

পুনঃ প্রসন্নারে স্মরণ করিলা

তেপাত্র করিয়া হোমেতে বসিলা

বিংশতি ও অষ্ট বিলদল ল'য়ে

ঘৃতাহতি দিলা মহাগত্ন ক'য়ে

ঢালে মিটাইয়া আশ

ছিল যত পুরোডাশ

শিখাপুঞ্জে চারিদিক হ'ল উদ্ভাসিত । ১৬

হোম সাজ হ'লে প্রাণায়াম করি'

• বসিলা ধ্যানেন্তে গুরুদেবে স্মরি'

কাদম্বরী যোগে সংযোজিত মন

কুলকুণ্ডলিনী হইলা চেতন

ভাবে শিব মহেশ্বরী

মহাবিছা লম্বোদরী

অতি ছরারাম্য তারা ত্রিগুণরূপিনী

“এস মা শিবানী হও গো উদয়

হেরে' শুভ পদ জুড়াই হৃদয়

এসে'ছি শ্মশানে করি আরাধনা

দূর গুর ভয় পূরাও কামনা

স্থান দাও-পদ মূলে

আর মা থেকনা ভুলে'

• দেখা দাও উর গুণে বিপদবারিণী” । ১৭

“বহু কষ্টে মাগো এনে’ছি উৎপল

পূজিতে তোমার চরণ কমল

এনে’ছি অলঙ্কৃত চিত্রিতে চরণ

বিষদল জবা কুঙ্কুম চন্দন

এস এস পূজা লহ

দেখা দাও কথা কহ

বিতর করুণা দাসে হও মা সদয়

শুভ পদ লাগি’ সারাটা জীবন

গোঁয়াইলু ওগো সাধনের ধন

দেহ জ্ঞান উর অজ্ঞাননাশিনী

নীলবর্ণা তারা বেদপ্রসবিনী”

এইরূপে উর্দ্ধগীব

পুটাঞ্জলি হ’য়ে শিব

ডাকিতে লাগিলা মায়ে আকুল হৃদয় । ১৮

ভাবিতে ভাবিতে হৃদয় আকাশে

কল্পনাসম্মত মূর্তি পরকাশে

হেরিয়া সে রূপ হর্ষ উথলিল

লঘু হ’ল দেহ নয়ন বহিল

আনন্দে বিভোর হ’য়ে

মহাশঙ্কা মালা ল’য়ে

জপেতে বসিলা শিব নিগৃহীত মন

বীজমন্ত্র শিব জপে একমনে

ফিরাইয়া মালা বসি’ শবাসনে

কতক্ষণে শব পাইল চেতন

চিৎ হ’য়ে ত্বর্য ব্যাদিল বদন •

ঢালে শিব কাদম্বরী

মুখশুদ্ধি গাল ভরি’

পুলকিত হ’য়ে শব করিল চর্চণ । ১৯

গিল খিল শব হাসে স্নান খে'য়ে  
 সাধকের পানে একদৃষ্টে চে'য়ে  
 বুঝিল না শিব কেন শব হাসে  
 এই ভাব বুঝি মনে মনে ভাবে

জপে গল্প শত শত                      মালা ফেরে অবিরত

একমনে ইষ্ট পদ ধ্যায়ে অনুক্ষণ  
 থেকে' থেকে' শব উঠে চমকিয়া  
 স্নান চায় মুখ ব্যাদান করিয়া  
 চালে শিব সুরা যত থে'তে চায়  
 মুখে ধরে যত খাওয়া দ্রব্য দেয়

যামাদিক নিশাতীত                      এইরূপে অবাধিত

সপ্তমাংশসম্পূর্ণ জপ হ'ল সমাপন । ২০

ক্রমে তমস্বিনী হ'ল গাঢ়তর  
 • বিকট আঁধারে ছাইল অম্বর  
 নিশাচর পশু পক্ষী আদি যত  
 একে একে তা'রা হ'ল বহির্গত

ডাকিল শৃগাল সব                      শূকর করিল রব

অহিধ্বত ভেক ধ্বনি হ'ল স্থানে স্থানে  
 হিংস্র জন্তু ভয় বর্জিত এ স্থান  
 অজ্ঞাবধি কভু নহে দৃশ্যমান  
 কদাচ কোথাও ঘৃষ্টি দেখা দায়  
 লোককে তাহে বড় ভয় নাহি পায়

চারিদিকে সমতল                      কুণ্ড ভূমি বাসস্থল

• কথঞ্চিৎ বস্তুরেখা বিরিক্ষিৎ শ্মশানে । ২১

অকস্মাৎ আজি হ'ল সিংহনাদ  
 শু'নে তাহা বিক্র গণিল প্রমাদ  
 অমনি গর্জিল দ্বীপী ভয়ঙ্কর  
 অভ্রভেদী নাদে ডাকিল কুঞ্জর  
 শুনে বিক্র তীব্র স্বর,                      গর্জে যেন অজগর  
 সাধক আসনে বসি' শুনিলা সকল  
 সহসা শ্মশান স্বাপদ সম্মূল  
 দেখে' বিক্রপাক্ষ ভাবিয়া আকুল  
 পুনঃ সমস্বরে সবাই গর্জিল  
 বজ্রধ্বনি সম কর্ণে আঘাতিল  
 ভৈরব নির্ঘোষে স্বন                      বিধুনিয়া পিতৃবন  
 ধ্বনিত হইল যথা আকাশমণ্ডল । ২২  
  
 একযোগে যবে গর্জিল হিংস্রক  
 শুনিয়া বিক্রর নড়িল টনক  
 স্থিরবুদ্ধি বিক্র বুঝিল তখন  
 নহে ত স্বাপদ এরা ভূতগণ  
 বিস্তারিয়া নিজ মায়া                      ধরিয়াছে পশুকায়া  
 করে'ছে মনন পশু করিবে সাধন  
 এতেক ভাবিয়া বিক্র মহামতি  
 বীরদাপে লক্ষ্য করি' শিব প্রতি  
 কহিতে লাগিলা "নহে আনমনা  
 কা'রে ভয় ইহা ভূতের ছলনা •  
 জপে বিঘ্ন করিবারে                      দেবযোনি পশ্বাকারে  
 ভীষণ হিংস্রক রূপ করে'ছে ধারণ" । ২৩



দেখিতে দেখিতে দিল দরশন

হর্যাক্ষ শার্দূল প্রমত্ত বারণ

আইল ভল্লুক ভীষণ গণ্ডার

প্রকাণ্ড বাহস বিকট ভূদার

থানা দিয়া সারে সারে                      ত্রিদিগ গণ্ডীর ধারে

সপ্তরথী সম শিবে করিলা বেষ্টন

জানু ভরে বসি' সিংহ ভীমকায়

ধক্ ধক্ আঁখি কটমট চায়

ব্যাদিয়া প্রকাণ্ড ভীষণ বদন

থাবা পেতে' ব্যায় করি'ছে গর্জ্জন

শুণ্ড উত্তোলন করি'                      ছলিতেছে মত্ত করী

অসি সম লম্বমান প্রকাণ্ড দশন । ২৪

ভীষণদশন ঋক্ষ দাঁড়াইয়া

নাচে থেই থেই বাছ প্রসাসিয়া

রোষ ভরে কভু বিকট চাহিয়া

ফুৎকারে নিষ্ঠীব দারুণ গর্জ্জিয়া

বক্রশির গণ্ডশৃঙ্গ                      লক্ষ্য করি' খড়্গা-শৃঙ্গ

কুট নেত্রে চে'য়ে আছে ভীমকলেবর

তীক্ষ্ণদন্ত ঘোণী বিকটদর্শন

ঘোঁত ঘোঁত রবে করি'ছে গর্জ্জন

অনিমেঘ আঁখি পাদ প্রসারিয়া

সাধকের পানে র'য়েছে চাহিয়া

শূর্ণ সম ফণা ধরে'                      লহ লহ জিহ্বা করে

ফোঁস ফোঁস ডাকে দীর্ঘকায় কাকোদর । ২৫

এইরূপে ছদ্ম দেবযোনি যত  
 আচার্য্যেরে ভীতি প্রদর্শনে রত  
 সমগ্র শাসন ভূমি কাঁপাইয়া  
 সমস্বরে কভু উঠে গরজিয়া  
 কভু তীর দৃষ্টি চায়                      গগ্নী পানে তেড়ে' যায়  
 কভু বা ভঙ্গিমা কভু করে আশ্ফালন  
 মহাযোগী শিব বসি' শবাসনে  
 অবিশ্রান্ত মালা ফেরে একমনে  
 অটল নির্ভীক সুধায় মগন  
 ধ্যানে যোগমায়া অভয় চরণ  
 কোন দিকে নাহি চায়                      সোঁপি মন রাঙ্গা পায়  
 গুরুদত্ত বীজমন্ত্র জপে অনুক্ষণ । ২৬  
 স্বীয় বৃত্তে বসি' বিরূ মহামতি  
 ঘোরাবিষ্ট হ'য়ে দেখে ভূতগতি  
 মনের সংঘমে সম্পূর্ণ বিশ্বাস  
 কখনো শিবের হ'বেনাক ত্রাস  
 করে বিরূ নিরীক্ষণ                      ভূতক্রিয়া অনুক্ষণ  
 জপে রত আচার্য্যের নাহি দৃক্পাত  
 সাধকের জপে ব্যাঘাত কারণ  
 যথাসাধ্য চেষ্টা করে ভূতগণ  
 সর্বৈব বিফল হইল যখন  
 প্রতিঘ অন্তরে তাহারা তখন  
 বিরূপাক্ষ ছিল যথা                      সমবেত হ'য়ে তথা  
 করিতে লাগিল মিলি' নানান উৎপাত । ২৭

দেখে' যোগীবরে ক্রিয়ায় সংযত

ধন্যবাদ বিরু কৈ'লা শত শত

রণে ভঙ্গ যবে দিল ভূতগণ

আনন্দ লহরী ছুটিল তখন

স্মরি' নিত্য যোগেশ্বরী যোগপ্রিয়া কাদম্বরী

সেবনে হইল বৃত মনের উল্লাসে

ঢালে বিরূপাক্ষ হইয়া মগন

পুনঃ পুনঃ স্মৃধা করয়ে সেবন

দেখিতে দেখিতে প্রভূত উৎসাহ

জাগরিল প্রাণে ছুটিল প্রবাহ

জড়বৎ ভূতগণ

করে সবে নিরীক্ষণ

আনন্দে উন্মত্ত বিরু আঁখি নীরে ভাসে । ২৮

“আজি শিবাচার্য এসে'ছে শ্মশানে

• দেখিবে শ্রীপদ কত আশা প্রাণে

আসিয়াছি আমি রক্ষিতে তাহারে

কর্ণধার হ'য়ে অকুল পাথারে

প্রবল তরঙ্গ হায়

যদি হাল ছেড়ে' যায়

অসম্ভব, কখনো না থাকিতে জীবন”

ভাবিতে ভাবিতে রোমাঞ্চশরীর

কাঁপে থর থর দর্পে মহাবীর

আরক্তিম নেত্রে ক্ষুণ্ণ ছুটিল

অশৌকিক জ্যোতিঃ অঙ্গে প্রভাতিল

ভীষণ ত্রিশূল ধরে'

উগ্র মুখভঙ্গি করে'

• অরিবৃন্দ পানে বিরু ফিরায় নয়ন । ২৯

দেখিয়া বিরর ভৈরব মুরতি

রুদ্র সম চণ্ড ভয়াবহ অতি

শিহরিলা ত্রাসে যত ভূতগণ

কা'র সাধ্য বেগ করে সম্বরণ

বিকট চীৎকার করি'

তূর্ণ স্থান পরিহরি'

পলায় অরাতি দল ত্যজিয়া শ্মশান

মা ভৈঃ মা ভৈঃ গর্জিত বচনে

গরজিল বির ভৈরব নিশ্বনে

শুনিয়া সে ধ্বনি নাচে শিব মন

দ্বিগুণ উৎসাহ হইল বর্ধন

ঢালে স্রুধা মত্ত প্রায়

কপাল পুরিয়া খান্ন

উল্লাসে বিভোর তনু নাহি বাহু জ্ঞান । ৩০

কতক্ষণে পুনঃ চমকিল শব

মেলিয়া বদন চাহিল আসব

সসব্যস্তে শিব মৃতদেহ মুখে

যত চান্ন হালা ঢালে মনঃসুখে

হ'য়ে শান্ত মত্ত পানে

সাধকের মুখ পানে

বারেক চাহিয়া শব হাসিল আবার

পুনশ্চ কুণপ হাসিল দেখিয়া

ভাবে শিবাচার্য্য বিস্মিত হইয়া

“গুরুদত্ত শবসাধন পদ্ধতি

বর্ণে বর্ণে মম কণ্ঠাগ্রে বসতি

আচরয়ে শব হেন

লিপিবদ্ধ নাহি কেন

কি হেতু উজ্জিত এক সামান্য বিকার” । ৩১

আবার সাধক রত ক্ষুণ্ণ মনে  
 আনন্দদায়িনী মদিরা সেবনে  
 তোলকে তোলকে খায় সুধা ঢালি  
 অসিতবরণা ধ্যায়ে নরমালী

যুচিল মনের গ্লানি হ'য়ে তবে বন্ধপাণি

ডাকিতে লাগিল মায়ে ব্যাকুল অন্তর  
 “আসিয়াছি মাগো শুভ পদ আশে  
 গিয়াছে বারতা তোমার সকাশে  
 এসে'ছিল তাই অন্তরায় হ'য়ে  
 পশুরূপ ধরে' পিশাচ নিচয়ে

ভগ্নোদ্ধম হ'য়ে তা'রা গে'ছে ক্রোধে দিশিহারা  
 জানি না কপালে কিবা আছে অতঃপর” । ৩২

“তুমি গো মা শ্রামা সর্বভূতেশ্বরী  
 • প্রকৃতি প্রধানা বিশ্বভাণ্ডোদরী  
 ইচ্ছাময়ী তব ইচ্ছায় সৃজন  
 অনন্ত জগৎ জীব অগণন

মূলিকণা মাত্র ভবে ক্ষীরবিন্দু মহার্ণবে

যুঝিব জটিল তত্ত্ব কি সাধ্য আমার  
 আসি নাই মাগো যুঝিতে তোমারে  
 কা'র শক্তি হেন জগৎ মাঝারে  
 যে আশায় মাগো আসিয়াছি আমি  
 মনৌময়ী তুমি জান অন্তর্যামী

তুমি মা অপরাজিতা জগদ্ধাত্রী জগদ্ধিতা

বিশ্বের জননী ভদ্রা প্রেমের আধার” । ৩৩

“দীন হীন মাগো দয়ার ভিখারী  
এসে’ছি শরণ্যা দ্বারেতে তোমারি  
রক্তাশ্রুজ শুভ পদের কাকালী  
মনের বাসনা পূরাও মা কালী

উর উর ভাবময়ী                      রূপা কর রূপাময়ী

দেখা দাও কর ত্রাণ ওগো দুঃখহরে

একে ত জননী ভীষণ শ্মশান

তাহে শবাধারে প্রেত বিত্তমান

পশুরূপে এসে’ গে’ছে ভূতগণ

স্বীয় রূপে এবে দিবে দরশন

বিকাশ স্বরূপ জ্ঞান                      কর মা অভয় দান

অসীম শক্তির কণা বিতর কিঙ্করে” । ৩৪

এইরূপে শিব গদ গদ হ’য়ে

ডাকে যোগমায়ে পড়ে অশ্রু ব’য়ে

ভাবিতে ভাবিতে দেবীর উদয়

হ’ল হৃদি পটে, দেখিয়া তন্ময়

ধ্যানেতে বিভোর হ’য়ে                      মহাশঙ্খ মালা ল’য়ে

সংযত হইয়া পুনঃ জপে দিলা মন

নিষ্পন্দ নিথর বসি’ যোগাসনে

অবিশ্রান্ত শিব জপে এক মনে

থেকে’ থেকে’ হর্ষে উঠে শিহরিয়া

হু’ধারে পড়ি’ছে প্রেমাশ্রু বহিরা

মুখে মন্ত্র নাহি সরে                      বাহু জ্ঞান গে’ছে হরে’

আপনি ফিরি’ছে মালা যন্ত্রেতে যেমন । ৩৫

ক্রমে দ্বিপ্রহর গভীর যামিনী  
 ভীষণ তমিস্রে ব্যাপিল মেদিনী  
 নিঝুম শ্মশান নিষুতি ভুবন  
 নিস্তরু পাদপ লতা গুল্ম বন

স্থির দীঘী নীল জল                      মন্দ বায়ু চলাচল

কেবল ঝিক্কীর রব থছোত দীপন

নাসাগ্রে নয়ন করিয়া স্থাপিত

জপে মহাযোগী হ'য়ে সমাহিত

গঙ্কোভ্রমা পানে প্রমত্ত হইয়া

শূলী সম বিকর র'য়েছে বসিয়া

কভু সুরবস্ন্য পানে                      কভু বা সাধক পানে

চারি দিকে সমভাবে করে নিরীক্ষণ । ৩৬

এতক্ষণে যবে অর্দ্ধাধিক জপ

• হ'ল সমাপন তখন কুণপ

সহসা বিকট করিল চীৎকার

অসহ্য হ'য়েছে যেন যোগীভার

ঘর্ষে দস্ত কড় মড়                      নিশ্বাসেতে বহে ঝড়

ক্রোধেতে বিবশ অঙ্গ চায় কটমট

ঘোর রাবে যবে শব নিনাদিল

অমনি শিবের কর্ণে প্রবেশিল

মহা কোলাহল যেন উন্মাদিনী

আধিতেছে দূরে অসজ্জাবাহিনী

যত তা'রা অগ্রসর                      তত হ্রাদ ঘোরতর

ক্রমেই আরাব হ'ল অদ্ভুত বিকট । ৩৭

নহে ভীত বিরু গুনিয়া সে ধ্বনি  
অবশ্যসম্ভব বুঝিল সে গগি'  
আসিতেছে এবে পিশাচের দল  
করিয়া গগনস্পর্শী কোলাহল

আচার্য্যেরে উৎসাহিত করিবারে যথোচিত

বীরদাপে বিরূপাক্ষ করে, সম্বোধন

“আসিতেছে প্রভু বিভৎসদর্শন

নানারূপধারী, ভূত অগণন

জপে বিঘ্ন হেতু যত আছে বল

করিবে সকলি নানান কৌশল

দেবযোনি মর্ত্য হ'তে শক্তি ধরে বিধিমতে

বিষম সাহস প্রভু পরীক্ষা ভীষণ” । ৩৮

“কিন্তু কা'রে ভয় যে জন সাধক!

নিরখিয়া যদি মূর্তি ভয়ানক

বিচলিত মন বৃথা আরাধনা

বৃথা মনোরথ দেখিতে অপর্ণা

একান্ত তদগত যা'রা পদলাগি' দিশিহারা

তা'রেই চিন্ময়ী শিবা'দেন দরশন

বীর যোগী তা'র দেহ স্পর্শ করে

নাহি সিদ্ধ কেহ হেন শক্তি ধরে

গগ্গী উল্লজ্বিতে কা'র সাধ্য নাই

মন্ত্রপুত বৃত্ত শিবের দোহাই

চিন্তা মায়ে এক মনে নীলবর্ণা শ্বাসনে

মন্ত্রের সাধন কিম্বা শরীর পতন” । ৩৯



বিরূর উৎসাহ-বচন শুনিয়া  
সাধকপ্রবর উঠিল মাতিয়া  
পুনঃ মধুময়ী স্মরি' হলপ্রিয়া  
ধ্যায়ে মঙ্গলারে তন্ময় হইয়া

কোন দিকে নাহি চায়                      এক মনে জপে যায়

অটল ভূধর সম-আসনে বসিয়া  
দেখিতে দেখিতে ভূত অনীকিনী  
দিল দরশন সূদূরব্যাপিনী  
দলে দলে তা'রা হ'ল অগ্রসর  
গুহ্যকাহ্নি রক্ষঃ ভীমকলেবর

বিধুনিয়া নভঃস্থল                      নিনাদে পিশাচ দল

সাধকে বেষ্টিলা এসে' শ্মশান জুড়িয়া । ৪০

প্রথমেতে এল যত ভূতগণ  
নানা রূপে কত করিব বর্ণন  
বিভীষণ মুখ কেহ ভীমাকার  
হস্ত পরিমিত গুম্ফের বিস্তার

স্থূল ওষ্ঠ গৃঢ়কেশ                      উরস্থান মল্লবেশ

ঘোর দস্ত নক্স সম উগ্ৰুখ নয়ন  
কেহ ক্ষীণকায় অস্থিচর্মসার  
জানু অতিক্রমি' বাহুর প্রসার  
অস্ত্রবিরহিত গভীর জঠর  
কোষ্ঠেরে নয়ন জ্বলি'ছে প্রথর

ক্রব্যশূন্য টোল গাল                      এলো থেলো কেশজাল

কুদালি দশন পাতি বিকট দর্শন । ৪১

কা'র ক্ষুদ্র শির কিন্তু দীর্ঘ নাসা  
 দস্তুর যুগ্মিত ঘোর মন্দ্র ভাষা  
 ক্ষুদ্র গোল আঁখি কুট কুট চায়  
 প্রকাণ্ড উদর তাহে শোথ পায়  
 কুক্ষি ও গোদের ভারে      ভূত নড়িতে না পারে  
 হেলে' ছলে' থপ থপ চলো নিশাচর  
 পৃথুলোমা কেহ তাহে কৃষ্ণকায়  
 তনুরূহে চন্দ্র দেখা নাহি যায়  
 দীর্ঘ জজ্বা বাহু আজামুলম্বিত  
 দীঘল চরণ হস্ত পরিমিত  
 পিঙ্গল নয়ন কটা      ধূসর লম্বিত জটা  
 পাঙ্গাশ দশনমালা দীঘল নখর । ৪২  
 থর্কাকৃতি কা'র কেহ দীর্ঘাকার  
 কেহ স্থূলকায় ক্রশাঙ্গ কাহার  
 তীব্রভাষী কেহ কা'র ঘোর নাদ  
 থনা সুর কা'র কর্কশ নিহ্বাদ  
 কৃষ্ণবর্ণ গুরুদেহ      পাটল ধূল কেহ  
 কেহ বা ধূসর কা'র বিচিত্র বরণ  
 পিষাচ নিচয় এল অতঃপর  
 অসিতবরণ ভীমকলেবর  
 উর্দ্ধ কেশ দীর্ঘ আরক্ত নয়ন  
 হাতে গদা সোঁটা নানা প্রহরণ  
 ভালে উষ্ণা ভয়ঙ্করা      পদ ভরে কাঁপে ধরা  
 কটমট উগ্রদৃষ্টি ঘরষে রদন । ৪৩

বামন আকার এল সিদ্ধগণ  
 হ্রস্ব পাদ পাণি ধবল বরণ  
 মুখে উল্কা জ্বলে ভালে ধক্ ধক্  
 ক্ষুদ্র চক্ষু দুটী করে ঝক্ ঝক্  
 দস্ত পাঁতি চিক্ চিক্                      হাসে সিদ্ধ ফিক্ ফিক্  
 এলায়ুত কেশপাশ নিটোল শরীর  
 এল বহুরুপী গুহকের দল  
 শ্বেত বর্ণ কভু রোহিত শ্রামল  
 কভু সৌগ্যমূর্তি কভু বৈশ্বানর  
 কখনো বা হাসে গর্জে ভয়ঙ্কর  
 কভু কা'র ব্রহ্মতলে                      তড়িতের শিখা জ্বলে  
 নিবে জলে ক্ষণে ক্ষণে উল্কাযুথী শির । ৪৪  
 আইল কর্ণরবৃন্দ অবশেষে  
 , দলে দলে ভীমকায় নানা বেশে  
 কেহ তালজজ্বা পর্কত আকার  
 বটজটা নিভ লোমের বিস্তার  
 বিপুল শরীর কা'র                      ভীম দৃষ্টি চক্রাকার  
 স্কুলোদর খর্বকায় বিভৎস আকার  
 কা'র বা বিশাল করাল বদন  
 য়ষ্টি সম কা'র ভীষণ দশন  
 দীর্ঘ জিহ্বা কা'র ঠেকে'ছে উদরে  
 কাঁধি'ছে মেদিনী কা'র পদভরে  
 গজস্কন্ধ সিংহমুখ                      কাহার বা ভল্লমুখ  
 ' ঘোর দংষ্ট্র ব্যাত্র সম বদন কাহার । ৪৫

দলে দলে ক্রমে দেবযোনিগণ  
 নানারূপে এসে' দিল দরশন  
 হিহি রবে কেহ হাসি'ছে বিকট  
 কেহ বা গরজে হুঙ্কারে উৎকট  
 কেহ বা বাজায় গাল                      নাচে কেহ ঠোকে তাল  
 কটমট চায় যেন কালান্তক যম  
 ক্রকুটি করিয়া দেখায় শায়ক  
 কেহ শিঙ্গা ফুঁকে আঘাতে আনক  
 কেহ বা ছন্দুতি কেহ পেটে ঢোল  
 দেয় করতালী করে নানা রোল  
 এইরূপে নানা ভাবে,                      ভূতবৃন্দ ঘোর রাবে  
 গুরুশিষ্যবৃত্ত বেড়ি' করে পরিক্রম । ৪৬  
 অবিরত তা'রা দেয় বুরপাক  
 চড় চড় নাদে পেটে জয়ঢাক  
 বাজের সংরাব গর্জ্জন নিনাদ  
 বিবিধ নিশ্বনে অদ্ভুত নিহাদ  
 বিধুনিত নভঃস্থল                      বসুন্ধরা টলমল  
 যায় যেন রসাতলে থাকেনাক আর  
 ঘোর রাবে শিবকর্ণে লাগে তাল  
 অঙ্গে মিশাইল প্রাণময়ী হালা  
 তথাপি নিভীক বসি' যোগাসনে  
 ভূতগতি যোগী দেখে হৃষ্ট মনে  
 দেখিয়া সাধন ফল                      বাড়িল দ্বিগুণ বল  
 পুলকিত হেরে' মার করুণা অপার । ৪৭

সহসা হৃদয় হ'ল সশঙ্কিত  
 জপে বিয় দেখি' হইলা চিন্তিত  
 এখনো বহল জপ অবশেষ  
 কোলাহলে চিত্ত হয় না নিবেশ  
 বৃথা নিশি ব'য়ে যায়                      অর্দ্ধদ্বয় যাম প্রায়  
 কতক্ষণ রাত্রি আর এখনি পোহা'বে  
 নিরুপিত জপ সাজ্জ নাহি হ'লে  
 পশু শ্রম যা'বে সাধনা বিফলে  
 হ'বে না তা' হ'লে দেবী অভ্যদয়  
 তন্ত্ৰের বচন অব্যর্থ নিশ্চয়  
 ক্ষুধ হ'য়ে যোগীবর                      গলবস্ত্র পুটকর  
 এইরূপে ভূতগণে কহে দীন ভাবে । ৪৮  
 “ধন্য দেবযোনি তোমরা জগতে  
 করে'ছ স্মৃতি কিবা যাহা হ'তে  
 লভিয়াছ পদ মায়ের ছ্যারে  
 সতত নিযুক্ত আছ সেবিবারে  
 পাদাম্বুজ, বা'র লাগি'                      নরদেহী সর্বত্যাগী  
 সাধিয়া কঠোর তপঃ না পায় দর্শন  
 আসি নাই আমি কাড়িতে সে পদ  
 কিবা তা'য় মম বাড়িবে সম্পদ  
 দেখিব বারেক চরণ কমল  
 পূজিলা কুসুম দিয়া বিশ্বদল  
 কেন তবে বিয় কর                      ভিক্ষা মাগি কৃপা কর  
 • দিও না বেদনা আর লয়িছ শরণ” । ৪৯

“নাকুণ নির্ঘোষে হইলু বধির  
 কিছুতেই চিন্ত হয়নাক স্থির  
 না পারি জপিতে বাজিতেছে প্রাণে  
 ক্ষান্ত হও সবে যাও নিজ স্থানে  
 দীন হীন আমা’ সনে                      বৈরভাব কি কারণে  
 জন্মহুঃখী আমি মোরে হয়ো না নিদয়  
 যাও ফিরে’ যাও জননী সকাশে  
 কহ গিয়া তাঁ’রে শিব বহু আশে  
 আসিয়াছে দ্বারে বারেক দেখিবে  
 ত্রীচরণ তাঁ’র যতনে পূজিবে  
 বল গিয়া আমা’ হ’য়ে                      বৃথা তমো যায় ব’য়ে  
 তোমাদের কৃপা যদি শঙ্করী সদয়” । ৫০

শুনিয়া এতেক শিবের বচন  
 দ্বিগুণ ভূতেরা করিল গর্জন  
 করে মুখভঙ্গী নানান বিজ্ঞপ  
 হিহি রবে হাসে নাচে অপকৃপ  
 দেখে’ ভূত আচরণ                      হ’য়ে শিব ক্ষুণ্ণ মন  
 পুনঃ দেবী প্রসন্নারে করিলা স্মরণ  
 মৰ্ম্মাহত হ’য়ে ঢালে সুধা রাশি  
 প্রাণ ভরে’ খায় বিষাদেতে ভাসি’  
 হইলা সহায় ভরা ইরা দেবী  
 প্রভূত উৎসাহ হ’ল তাঁ’রে সুবি’  
 দৃঢ় প্রতিজ্ঞার রেখা                      আননেতে দিল দেখা  
 চমকিল হেরে’ তাহা প্রেত শবাসন । ৫১

“জয় পরিস্ক্রতা কল্যাণস্বরূপা

জয় যোগমায়া জয় বিশ্বরূপা

ইচ্ছা তব পূর্ণ হউক জননী”

এতেক কহিয়া আচার্য্য অগনি

মহাশঙ্খ মালা ল’য়ে

শাস্ত শুদ্ধচিত হ’য়ে

জপিতে বসিলা পুনঃ মুদিয়া নয়ন

দেখিয়া পিণাচ প্রমুখ তখন

করিল উৎপাত যত লয় মন

নিষ্পন্দ নিথর হ’য়ে তদগত

জপে মহাবোগী মন্ত্র অবিরত

নাহি চায় ভূত পানে

তন্ময় হইয়া ধ্যানে

ঘন ঘন ফেরে মালা জপে অনুক্ষণ । ৫২

হেথা দ্রুতগত আসনে বসিয়া

উত্তরসাধক সংযত হইয়া

একে একে যাহা ঘটিল তথায়

নিরখিল স্থিরমতি সমুদায়

ক্ষণে ক্ষণে সুধা পান

বীরমদে মত্ত প্রাণ

লেশ মাত্র নাহি ভয় বসিয়া অটল

নিরখিল বিরূ ভূত অনীকিনী

করিল উৎপাত হ’য়ে উন্মাদিনী

তথাপি সাধক দৃঢ় করি’ মন

নির্জীক নিথর জপে অনুক্ষণ

ঘোরাবেশে যোগীবর

মালা ফেরে নিরন্তর

• উল্লাসেতে বিরূপাক্ষ হইল বিহ্বল । ৫৩

স্তম্ভিত হইল গুহ্যকাদিগণ  
 হেরিয়া শিবের ঐকান্তিক পণ  
 করিল না তা'রা আর কোলাহল  
 ক্ষোভিত অন্তর ব্যর্থ দেখে' বল  
 তখন আক্রোশে তা'রা হ'য়ে মত্ত দিশিহারী  
 বিরূরে বেড়িল এসে গর্জিয়া ভীষণ  
 করিল উৎপাত না যায় বর্ণন  
 গুহ্যক পিশাচ সিদ্ধ ভূতগণ  
 বিশেষতঃ ধরি' মায়াবী রাক্ষস  
 বিভীষণ রূপ ক্রোধেতে বিবশ  
 ভূতবৃন্দে কোপান্বিত জ্ঞানাক্ষুশে প্রণোদিত  
 কহিতে লাগিলা বিরূ একপ বচন । ৫৪  
 “হে সিদ্ধাদিগণ ! তোমরা উত্তম  
 মানব অপেক্ষা পে'য়েছে জনম  
 হইয়াছ তাই ভবানীর দ্বারী  
 নিত্য সেবিতেছ চরণ তাঁহারি  
 অলৌকিক দেহ ধরে' এই বিশ্বচরাচরে  
 হইয়াছ দেবযোনি নামে অভিহিত  
 সেবিয়া যে পদ গুহ্য নিরন্তর  
 কতই আনন্দ উপভোগ কর  
 বুঝে' দেখ মনে সে চরণ লাগি'  
 হইয়াছে শিব যোগী সর্বত্যাগী  
 বারেক পূজিবে তা'র কেন হও অন্তরায়  
 উৎকৃষ্ট পদবী তব নহে এ উচিত” । ৫৫



“কোথা দেবযোনি কোথায় মানব  
 কি শক্তি তোমায় করে পরাভব  
 কাতরে কিঙ্কর করি’ছে মিনতি  
 হও হে সদয় সাধকের প্রতি  
 ফিরে’ যাও নিকেতনে                      বিরাজুক শান্তি মনে  
 অপরাধ ক্ষম আর দিও না ব্যাঘাত”  
 এবম্বিধ বিরূ করে’ নানা স্তুতি  
 দীন ভাবে কত করিল কাকুতি  
 ভাবে ভূত ভীত উত্তরসাধক  
 পড়ে যদি ত্রাসে পলা’বে সাধক  
 এ হেন ধারণা করি’                      বিভীষণ রূপ ধরি’  
 দ্বিগুণ উদ্যমে করে প্রভূত উৎপাত । ৫৬  
 ঈদৃশ ভূতের দেখে’ ব্যবহার  
 , বাড়িল বিরূর ভাবনা অপার  
 ছদ্দাস্ত পিশাচ গানেনাক মানা  
 কালদূত সম করিয়াছে থানা  
 স্তুতিবাদ করি যত                      বাড়ায় উৎপাত তত  
 বিষম বিভ্রাট এবে কি করি উপায়”  
 শিব ইষ্টকাম বিরূ মহামতি  
 জপে বিয় দেখে’ চিস্তান্বিত অতি  
 ঢালে স্নান রাশি হতাশে তখন  
 আকুল হৃদয়ে করয়ে সেবন  
 কি করিলে নিবারণ                      হয় ভূত আচরণ  
 • ক্ষুব্ধ মনে ভাবে তাই আশার আশায় । ৫৭

ধন্য মধুসরী পুত কাদম্বরী  
সাধক জনের প্রিয় সহচরী  
মঙ্গল কামনা হইলে প্রবল  
মনের আবেগে বহে নেত্র জল

তখন ব্যথিতান্তরে ভূতনাথ যোগেশ্বরে

অনুপায়ে বিরূপাক্ষ করিল। স্মরণ

“হে দেবাদিদেব ! শশাঙ্কশেখর

প্রমথেশ ভব বাঘাধর হর

বিতর করুণা উর উমাপতি

অপাঙ্গে বারেক চাহ ভূতগতি

কিবা ভীম অরিদল

কিবা ঘোর কোলাহল

অসহ উৎপাত প্রভু বধির শ্রবণ” । ৫৮

“তুমি মহাযোগী সাধকরঞ্জন

হও গো সহায় বিপদভঞ্জন

ডাকি প্রভু হয়ে’ আকুলি বিকুলি

বার উপদ্রব তাপ হর শূলী

উত্তরসাধক হ’য়ে

আসিয়াছি প্রেতালয়ে

রক্ষ রক্ষ দেখ যেন হয় না নিরয়”

“কাতরেতে প্রভু ডাকি হে তোমায়

দূর কর ভয় হওগো সহায়”

কহিতে কহিতে বিভোরিত প্রাণ

অনিমেষ আঁখি শূন্য বাহু জ্ঞান৷

রোমাঞ্চ হইল দেহে

ছ’ধারেতে অশ্রু বহে

ডাকে বিরূ আশুতোষে হইয়া তন্ময় । ৫৯’

স্মরিল সাধক কি মাহেন্দ্রক্ষণে  
 টলিল ধূজ্জট ভক্তের বচনে  
 চাহিল শঙ্কর সাধকের পানে  
 চাহে আততায়ী ভূতচমু পানে  
 বিগলিত শিব মন                      তূর্ণ এসে ত্রিলোচন  
 বিরু যথা যোগাসনে দিল দরশন  
 ধ্যানেতে দেখিল বিরু মহামতি  
 জটাজুটধারী প্রশান্ত মুরতি  
 মা ভৈঃ গা ভৈঃ বলে' দেখা দিল  
 মিশাইল অঙ্গে তড়িৎ বহিল  
 চেতনা পাইয়া তবে                      সম্বোধি' অরাতি সবে  
 জলদগন্তীর স্বরে কহিলা বচন । ৬০

“রে ! পিশাচ ভূত কোণপ প্রমুখ  
 . করিলু মিনতি জ্ঞাপিলাম হুঃখ  
 তথাপি তোদের এত অত্যাচার  
 অবাক হইলু দেখে' ব্যবহার  
 এখনো মিনতি করি                      যা রে স্থান পরিহরি'  
 যথেষ্ট হ'য়েছে আর বৃথা কেন বাধ  
 উৎপাতে তোদের কর্ণ কালা পালা  
 হেরে' গাত্র দহে ছুর্কিসহ জালা  
 যেমন তোদের বীভৎস আকার  
 তেজ্জতি ধিষণা বিচার আচার  
 বুদ্ধি বল ছিল যত                      সকলি ত হ'ল হত

\* এতেক করিলি তবু মিটিল না সাধ” । ৬১

“কিবা পুণ্য বলে উত্তম জনম  
ল'য়েছিম্ তোরা অদ্বুত মরম  
করিম্ রে তোরা নীচ কৰ্ম্ম যত  
থাকিস্ পড়িয়া কুকুরের মত

ধন্য রে পুরুষকার                      বলিহারি অহঙ্কার

উত্তম সাধক সনে করিতে বিবাদ  
নিত্য শ্রীগন্ধিরে করিস্ বসতি  
চিনিলি না তাঁ'রে কিন্তু মূঢ়মতি  
মহাপীঠবাসী দেবল ব্রাহ্মণ  
জানে না গায়ের মাহাত্ম্য যেমন

ষোগমায়া পুত্র মোরা                      আজ্ঞাবহ ভৃত্য তোরা

ছাড়্ রে গরব কেন ঘটাবি প্রমাদ” । ৬২

“ভেবে'ছিম্ বুঝি ভয়াতুর হ'য়ে  
ল'য়েছি শরণ আছি এত স'য়ে  
জানিস্ না মূঢ় কোন শক্তি বলে  
বিচরে সাধক অজ্ঞেয় ভূতলে

শুভ চাস্ ক্ষান্ত হ'য়ে                      যা রে ফিরে' নিজালয়ে

নতুবা উচিত শাস্তি পাইবি এখন”

শুনিয়া বিক্রম পরুষ বচন  
শম্ব নিভ ঘোর গর্জে ভূতগণ  
গগ্নী উল্লঙ্ঘিতে নাহিক শক্তি  
আক্রোশে উন্নত ভৈরব মুরতি •

ক্রোধ ভরে নিশাচর                      হইয়া প্রচণ্ডতর

সাধকে ধরিতে করে বাহু বিস্তারণ । ৬৩ •

রুদ্র বলে বিরূ হ'য়ে বলীয়ান  
নিভীক অটল ভূধর সমান  
উত্তত পিশাচ যবে ধরিবারে  
দীর্ঘভূজ হ'য়ে বৃত্তের মাঝারে

ক্রোধে জলে শূলধর                      জলে যথা বৈশ্বানর

হতস্পর্শে অর্চি রাশি করে' বিকীরণ

বৃত্তে দাঁড়াইয়া ধরি' ভীম শূল  
লক্ষ্মী সাধক চণ্ড অরিকুল  
মেঘমন্ডাধিক ভৈরব নিম্ননে  
ছঙ্করে সম্বোধি' মত্ত ভূতগণে

“দূর রে পিশাচ ভূত                      দূর অভাগিনী পুত

দূর রে দুর্মতি সাধ শূলী সনে রণ” । ৬৪

দর্পে মহাবীর কাঁপে থর থর  
উর্দ্ধ লোমরাজি ক্ষীত কলেবর  
জলন্ত রক্তিম ভীষণ নয়ন  
বাল অর্ক নিভ আরক্ত বদন

খসে বস্ত্র রোষ ভরে                      শূলাগ্রে বিদ্যৎ থরে

ত্রিপুর নাশিতে চণ্ড যথা মহাকাল  
হেরে' উগ্ররূপ পিনাকী সমান  
আতঙ্কে সবার চমকিল প্রাণ  
ঝলসিল অঙ্গ যাহারা উত্তত  
ধরিতে বিরূরে হইয়া উদ্ধত

দারুণ চীৎকার করি'                      ভূতাদি সমূহ অরি

নিমেঘে অদৃশ্য হ'ল অনন্তে বিশাল । ৬৫

দন্তোলির ভীম নির্ঘোষ যেমন  
 দিগন্ত মণ্ডল করি' আলোড়ন  
 মিশায় ক্রমশঃ অম্বরেতে গিয়া  
 তেমতি চৌদিক ঘোর বিধুনিয়া  
 কাঁপাইয়া পিতৃবন                      অন্তর্হিত ভূতস্বন

বিলীন হইল গিয়া অসীম আকাশে  
 মা ভৈঃ মা ভৈঃ উত্তরসাধক  
 গর্জে রিপুকুল হ'লে পলাতক  
 নাচে থেই থেই আনন্দে মগন  
 আশ্বাস সকল হইবে সাধন  
 উল্লাসেতে যোগীবর                      আশিসিয়া বহুতর

হেরে' বিরূপ গুণপনা আঁখি নীরে ভাসে । ৬৬

অবশেষ মাত্র সপ্তমাংশ জপ  
 হেন কালে পুনঃ শিহরে কুণপ  
 চালে শিব সূধা মুখশুক্লি দেয়  
 পান সাজ হ'লে যোগী পানে চায়  
 বিষাদের রেখা মুখে                      ভাবে প্রেত মনোহুঃখে

সাধক প্রভাবে ব্যর্থ দেবযোনি বল  
 দেখিতে দেখিতে চণ্ড রূপ ধরি'  
 গর্জিল কুণপ মুখভঙ্গি করি'  
 নিরখিয়া যোগী শব রূপান্তর  
 বুঝিল আবার বিষ ঘোরতর  
 এতেক ভাবনা করি'                      পুনঃ প্রসন্নারে স্মরি'

পানে রত যোগীবর হইয়া বিকল । ৬৭

দেবীর প্রসাদে হ'ল বিদূরিত  
মনের ভাবনা শাস্ত হ'ল চিত  
বাড়িল উৎসাহ হর্ষ উথলিল  
আবেগে রোমাঞ্চ নয়ন বহিল

তখন উল্লাসে শিব কৃতাজ্জলি উর্দ্ধগ্রীব

পুনঃ অম্বা যোগাচার আরম্ভিলা স্তব

“মাগো ! কত দয়া তব বরাভয়ে

নতুবা জননী পিশাচ নিচয়ে

যায় কি কখনো ত্যজিয়া শ্মশান

ক্ষুধ মনে ফিরে' কৃতাস্ত সমান

নিবারিব পুণ্যজনে

হৃদি কাঁপে দরশনে

কি সাধ্য আমার হ'য়ে সামান্য মানব” । ৬৮

“তোমার রূপায় পাইলু নিষ্কৃতি

কিস্ত মনে কেন পুনঃ হয় ভীতি

যেন কি অদ্ভুত ঘোর অন্তরায়

নাহিক বিলম্ব হ'বে পুনরায়

কেন মাতঃ ক্ষণে ক্ষণে

হেন দুর্বলতা মনে

না পারি বুঝিতে, ধন্য মহিমা তোমার

উর রূপাময়ী অনাহত পুরে

হেরে' শুভপদ ভয় যা'ক দূরে

সদানন্দময়ী তুমি দুঃখহরা

ঔপন্যালিনী শক্তি পরাংপর

ভবরূপ পারাবার

দুস্তর হইতে পার

তোমার না হ'লে দয়া সাধ্য আছে কা'র” । ৬৯

“কেন যোগীজন পুণ্য সহস্রার  
করে না ক্ষরণ নিত্য স্রুধাধার  
কেন উপজয়ে অসম্ভা বিকার  
কেন শুভপদ হয়নাক সার

বিকাশ নিগূঢ় তত্ত্ব উদ্ভাবিত হ’ক সত্য

ঘুচাও আঁধার মাগো উর গাঢ়ময়ী  
পড়ে’ছি সঙ্কটে তার গো তারিণী  
ভূমি যে মঙ্গলা বিপদবারিণী  
বিষম পরীক্ষা ছরুহ সাধন  
কর গো উদ্ধার বিল্ববিনাশন

বিপন্নে করুণা কর দেহ বল ভীতি হর

রক্ষ মাতঃ বরাভয়ে উর জ্যোতির্ময়ী” । ৭০

এইরূপে শিব তন্ময় হইয়া  
ডাকে যোগমায়ে প্রেমপূর্ণ হিয়া  
দেখিতে দেখিতে সাধক বিহ্বল  
বাহেন্দ্রিয় সব হইল বিকল

অত্র পানে একদৃষ্টে চে’য়ে যোগী মনাবিষ্টে

ধায়ে অম্বা শিবানীরে আনন্দে অপার  
হেথা বিতাড়িত যবে অরিদল  
মহোল্লাসে বিরু হইয়া বিহ্বল  
বিরহিত বাহ্যজ্ঞান বন্ধ করে  
ধায়ে শিতিকণ্ঠ মূড় গঙ্গাধরে

দৌহেই তন্ময় হ’য়ে প্রেমাম্বু পড়ি’ছে ব’য়ে

বিভোর আপন ভাবে দৌছে নির্ঝিকার । ৭১



কতক্ষণে বিরূপাইয়া চेतন  
 অপরূপ দৃশ্য করে নিরীক্ষণ  
 সচকিতে ভাবে সত্য কি স্বপন  
 পুনঃ পুনঃ করে নয়ন মর্দন  
 ভেবে' ঠিক নাহি পায়      চারি দিকে ফিরে' চায়  
 স্তম্ভিত হইয়া মোহে হেরে লেখ্য প্রায়  
 “কোথায় বা সেই বিজ্ঞান শ্মশান  
 কোথা বিরিক্তির দীর্ঘিকা মহান  
 কোথা স্তম্ভ বন বিস্তীর্ণ প্রান্তর  
 কোথা শবাদের দৃশ্য ভয়ঙ্কর  
 কোথায় বা প্রেতভূম      কোথা সেই মহাদ্রুম  
 আছিলাম সমাসীন যাহার তলায়” । ৭২  
 “এ যে হেরি রম্য প্রমোদ কানন  
 মনোহারী দৃশ্য নয়নরঞ্জন  
 সোপানে মণ্ডিত দিব্য সরোবর  
 মর্ম্মর নির্ম্মিত প্রাসাদ সুন্দর  
 হীরকাদি মুকুতায়      জড়িত কি শোভা তা'র  
 বালসে নয়ন হেরে' বিহ্বল আলোক  
 কৃত্রিম পর্ব্বত আরাম মণ্ডপ  
 কুঞ্জবন ফুল কুসুম পাদপ  
 উপল মূরতি শিলাসন আর  
 স্নগন্ধি ফোয়ারা দীপস্তম্ভ সার”  
 হেরিয়া মঞ্জুল শোভা      দিবিসদ মনোলোভা  
 • ভাবে বিরূপ একি দৃশ্য এবা কোন লোক । ৭৩

“বহিছে মৃহল মলয় সমীর  
দোলে শাখীদল কাঁপে সর নীর  
কোকিল বঙ্কারে ভ্রমর গুঞ্জরে  
কলয়ে মরাল শিখী নৃত্য করে

যে দিকে ফিরাই নেত্র                      মঞ্জু ছবি পুণ্য ক্ষেত্র”

স্তব্ধ হ’য়ে ভাবে বিরু এলাম কোথায়

“এই কি সুষমা বৈজয়ন্ত পুরী  
নন্দনের ছবি এই কি মাধুরী  
এই কি আলয় যথা বিত্‌ত্বাধরী  
করে বসবাস অপ্সরা কিন্নরী

শবাসনে বাপীকুলে                      যোগী, আমি নীপ মূলে

কি করে’ বা অকস্মাৎ এলাম হেথায়” । ৭৪

এইরূপে বিরু স্তম্ভিত হইয়া  
কেলিঙ্গমূলে ভাবি’ছে বসিয়া  
হেন কালে শ্রুত হ’ল আচম্বিত  
বামাকর্ণস্থত কাকলী সঙ্গীত

গুনিয়া কামিনী সুর                      অলৌকিক সুরধুর

সুবুদ্ধি, রহস্ত কিবা বুঝিল তখন  
মা ভৈঃ মা ভৈঃ উত্তরসাধক  
গর্জে বীরদাপে লক্ষ্মী সাধক  
“সাবধান এবে সুরবারাঙ্গনা  
আসিতেছে দেব করিতে ছলন।

কিবা ঘোর প্রলোভন                      কুহকিনী বিভাবন

সাবধান প্রায় শেষ শৃঙ্গে আরোহণ” । ৭৫

“ক্রম-দীক্ষা কালে করে’ছ যে পণ  
অগ্নি সাক্ষী করি’ বারেক স্মরণ  
কর যোগীবর, পদের সম্মান  
দেখ যেন থাকে হারায় না জ্ঞান

মহাবিড়া শুভ পদ চিস্ত মনে কোকনদ

কি ছার অবিড়া যা’র সাধনায় মন”

ধ্যানে মগ্ন শিব ছিল এতক্ষণ  
বিরুর ছঙ্কারে ঘুঁচল স্তম্ভন  
সচকিতে যোগী দৃশ্য নিরখিয়া  
শুনিল বচন অবাক হইয়া

বিরু বাক্যে সশক্তি হ’য়ে স্বরা সমাহিত

জপিতে বসিলা পুনঃ মুদিয়া নয়ন । ৭৬

বাঘ তল্লী সহ একতান ধরি’  
যুগে যুগে যত ত্রিদিবস্বন্দরী  
অট্টালিকা হ’তে নিষ্ক্রান্ত হইয়া  
রূপের ছটায় দিক উদ্ভাসিয়া

মঞ্জীর শিজিত সনে মধুর সঙ্গীত স্বনে

অথও শোভনা পুরী করে আমোদিত

খঞ্জন নয়ন চারু স্তনধরে  
ঘোর ঘনালক কান্তি মদ ভরে  
মণি মুক্তা নানা রত্ন অলঙ্কারে  
ছকুশ বসন পুষ্পভূষা ভারে

সরসীর তীরে যথা যোগাসনে শিব তথা

‘মধুর গমনে এসে হ’লা উপনীত । ৭৭

নীলাম্বর সহ কোন চন্দ্রাননী  
কাদম্বিনী মাঝে শোভে সৌদামনী  
পীত পটে কা'র সুধাংশু বদন  
কাঞ্চনে ভূষিত হীরক যেগন

কা'র গুরু রক্ত বাস                      কা'র বা বিচিত্র বাস

সকলি হেগাঙ্গে কিবা শোভে অল্পপম

গীতোথিত কিবা মধুর নিশ্বন  
মৃদঙ্গ মন্দিরা বীণার কণন  
কিবা অঙ্গহার নর্ত্তন চাতুরী  
কটাক্ষের কিবা ভঙ্গিমা মাধুরী

আচার্য্যে বেষ্টন করি'                      নাচে গায় বিজ্ঞাধরী

বিমোহিত বিরূ হেরে' দৃশ্য মনোরম । ৭৮

নৃত্য গীত বাজ হ'লে সমাপন  
মুখ্যা বিজ্ঞাধরী ল'য়ে সুশোভন  
কনক নিশ্চিত বরণের থালা  
সুসজ্জিত যাহে গন্ধ পুষ্পমালা

পিকবিনিন্দিত স্বরে                      মৃদু হাসি বিশ্বাধরে

যোগাবিষ্ট আচার্য্যেরে কৈ'লা সম্বোধন

“হে সাধক শ্রেষ্ঠ ! পুরুষরতন  
চাহ হে বারেক মেলিয়া নয়ন  
দেখ প্রভু চে'য়ে সেবিত্তে চরণ  
দাসী তব হেথা যত সখীগণ

হেরে' তব যোগীবেশ                      প্রাণ কাঁদে হৃদয়েশ

বিদরয়ে হিয়া দেখে' মলিন বদন” । ৭৯

“কিবা হেতু এত কঠোর সাধনা

কি ফল লভিবে হেরে’ ত্রিনয়না

ভঙ্গুর এ দেহ নখর জীবন

বিড়ম্বনা তবে কেন অকারণ

দুর্লভ জনম ল’য়ে

ভ্রমিতেছ যোগী হ’য়ে

উপেক্ষা করিয়া স্বীয় কর্তব্যপালন

সেই ভাগ্যবান জগৎ মাঝার

বিষয়াদি সুখ সম্ভোগ যাহার

কর চিরন্তন প্রথানুসরণ

বুখা কেন কাল করহ ক্ষেপণ

চাহ ওহে যোগীবর

হের পুণ্য সরোবর

কল্পবৃক্ষ সম ‘ওই শাস্তি নিকেতন’ । ৮০

“জানিনাক তব সাধনা কেমন

পুতিগন্ধ শব হ’য়েছে আসন

ব্রাহ্মণ হইয়া হেন স্বেচ্ছাচার

হইয়া কোবিদ এই কি বিচার

কিবা ভ্রমে পড়িয়াছ

প্রাণীধর্ম ভুলিয়াছ

কেন ক্লেশ তা’র তরে নাহি যা’র সীমা

যে ক্ষণে হেরে’ছি মোহন মুরতি

তোমাতেই মম রতি গতি মতি

এস এস বঁধু হৃদয়ের ধন

রাগ্লিব যতনে সেবিব চরণ

পরিহরি’ নারী সঙ্গ

শ্রীহীন হ’য়েছে অঙ্গ

• গৌরকান্তি দেহে আহা ! ঢেলে’ছে কালিমা” । ৮১

গুনিয়া অঙ্গরা কপট বচন  
 স্মিত আশ্রে শিব মেলিয়া নয়ন  
 বিত্ৰাধরী পানে বারেক চাহিয়া  
 প্রিয় সম্ভাষণে কহে সম্বোধিয়া  
 “মধু বাক্য শুনে’ স্মখী                      হইলাম ইন্দুমুখী  
 আকিঞ্চনে তব কত পাইলাম প্রীতি  
 অক্ষয়যৌবনা চিরন্ত যোড়শী  
 দ্বিজরাজনিন্দ অমল রূপসী  
 দেব উপভোগ্যা তুমি বরাননে  
 নরের আরাধ্যা ওগো দিবাক্ষনে  
 অঘোর সন্ন্যাসী আমি                      কপালিনী অমুগামী  
 সুধাপান প্রেত সঙ্গ মম এই নীতি” । ৮২  
 “গোত্র যদি দিত সময়ে অধিকা  
 হ’ত পুত্রী মম তব বয়োধিকা  
 প্রেমালাপ গম সনে সুহাসিনী  
 শোভা নাহি পায় কল্যা স্বরূপিনী  
 নিশীথিনী ব’য়ে যায়                      হয়োনাক অন্তরায়  
 এখনো জপিতে বহু আছে অবশেষ”  
 এতেক কহিয়া সাধকপুঙ্গব  
 আরস্তিলা জপ সেবিয়া আসব  
 গুনিয়া ভামিনী আচার্য্য বচন  
 লাজে অবনত করিয়া বদন  
 ভগ্নোদ্ধমে উগ্র বামা                      হইয়া বিদ্বেষকামা  
 নীপ তলে বিরু যথা করিলা প্রবেশ । ৮৩

হেথা বিরূপাক্ষ শঙ্কর রূপায়

বসিয়া অজেয় কদম্ব তলায়

পরাস্ত যখন হ'ল সুরাঙ্গনা

সাদক সকাশে হ'য়ে ফুল্লমনা

পূর্ণ পাত্র স্খাপানে                      বিভোর কপর্দী ধ্যানে

শিব নেত্রে শিব ইষ্ট করি'ছে ভাবনা

হেন কালে তথা সখীগণ সনে

অমরমোহিনী নৃপুর শিঙনে

রূপে পুণ্য ভূমি ক'রে আলোকিত

বিরূ সন্নিধানে হ'য়ে উপনীত

মুহু হাসি মধু স্বরে                      কহে বামা শূল ধরে

অপ্সরাপ্রধানা পদ্মপলাশলোচনা । ৮৪

“নিমীলিত নেত্রে ওহে দ্বিজবর

ভাবিতেছ কিবা ব্যাকুল অন্তর

নবীন বয়সে সন্ন্যাসীর সনে

বৃথা কেন ভ্রম আশার ছলনে

মরুভূমে মরীচিকা                      বারি ভ্রমে বিভীষিকা

নিশার স্বপনে কিম্বা অলীক বৈভব

গুরু তব বৃদ্ধ হ'য়ে ভীমরতি

হারা'য়েছে জ্ঞান স্থির নহে মতি

বাতগ্রস্ত হ'য়ে বিঘোর চিন্তায়

অস্ত্র নাহি যা'র ভাবে কল্লনায়

তব্ধের অতীত যেই                      কখনো কি মেলে সেই

• অসম্ভব যাহা কভু হয় কি সম্ভব” । ৮৫

“করুক সন্ন্যাসী যেবা ইচ্ছা মনে  
 অনুদ্দেশে কেন ভ্রম তা’র মনে  
 পে’য়েছ যৌবন উত্তম জনম  
 নীরোগ শরীর কাস্তি অনুপম  
 এসে’ছ হু’দিন তরে                      বৃথা কাজে যায় হরে’  
 কালোচিত ধর্ম যাহা করহ পালন  
 পুণ্য বলে তব হেথা আগমন  
 হেরিতেছ যাহা নন্দন কানন  
 সুরেন্দ্রনর্তকী মোরা বিদ্যাদরী  
 সমগ্র পুরীর আমি অধীশ্বরী  
 অতুল ঐশ্বর্য্য মম                      বিহরি ধনদ সম  
 কত মোরে আখণ্ডল করয়ে তোষণ” । ৮৬

“এস এস প্রভু মম নিকেতনে  
 বসাইব তোমা হৃদি-সিংহাসনে  
 মনঃপুষ্পে তব পূজিব চরণ  
 দিব প্রাণ বলি ওহে প্রাণধন  
 এস এস শশধর                      যোগী সঙ্গ পরিহর  
 হ’বে মম সর্ব্বেশ্বর হৃদয়রঞ্জন”  
 স্বরহর যা’র হ’য়েছে সহায়  
 কি করিবে তা’র কুহক মায়ায়  
 গুনিয়া সাধক অপ্সরা বচন  
 ঢুলু ঢুলু আঁখি মেলিয়া তখন  
 অসামান্য রূপরশি                      ভাব ভঙ্গি সুধা-হাসি  
 অনিমেঘ নয়নেতে করে নিরীক্ষণ । ৮৭ •



ঘণায় বিরর হ'ল গাত্রদাহ  
 আক্রোশে ছুটিল শোণিত প্রবাহ  
 দেখিতে দেখিতে আরক্ত বদন  
 বিস্ফারিত ঘোর রক্তিম নয়ন  
 কুটিল ক্রভঙ্গি করি' সন্মোখিয়া বিজ্ঞাধরী  
 কহিতে লাগিলা হেন পরুষ বচন  
 “দেব অংশে জন্ম গ্রহণ করিয়া  
 রূপের গরবে প্রমত্ত হইয়া  
 নাহি বিশ্ব মাঝে তব প্রলোভনে  
 মুগ্ধ নয় যেবা বুঝিয়াছ মনে  
 জান না কি শক্তি বলে সাধকেরা ভূমণ্ডলে  
 অক্ষুণ্ণ প্রভাব সহ করে বিচরণ” । ৮৮  
 “অলৌকিক রূপ অক্ষয় যৌবন  
 পুরী মনোরমা নানা রত্ন ধন  
 পেয়েছ সকলি তথাপি ললনা  
 ত্রিবিষ্টপ মাঝে তুমি বারাজনা  
 পর পুরুষের সনে বিহর প্রফুল্ল মনে  
 পরিহরি' লজ্জা ভয় রমণীভূষণ  
 পুরীষ সমান যে জন গণিকা  
 পর সোহাগেতে যা'দের জীবিকা  
 অস্পৃশ্য সামান্য সঙ্গ করে যেই  
 শূকর সদৃশ নরাধম সেই  
 গেহ যা'র বেষ্ঠালয় নহে তা'র পাপক্ষয়  
 ‘সাধে যদি মহাকৃচ্ছ্র ব্রত চাক্ষায়ণ । ৮৯

“গৃহে ভার্য্যা মম সতী গুণবতী  
যা’র স্পর্শে হই পুলকিত অতি  
নরকের সহ স্বর্গের তুলনা  
এসেছ হেথায় করিতে ছলনা

মোহিতে সাধকবরে                      এসেছ গরব করে

ধন্য তোর প্রগল্ভতা দূর মায়াবিনী

শুভ ইচ্ছা যদি পরিহর স্থান

নতুবা করিব উচিত বিধান

বাঁধিয়া কবরী ঘুরাইব শূলে

দক্ষিণ সাগরে নিক্ষেপিব তুলে

দর্পহারী শূলী আমি

নিখিল শ্মশান স্বামী

শরণ্য শরণাগতে দূর কুহকিনী” । ৯০

শুনিয়া বিরর শেল সম বাণী

হেরে’ চণ্ড রূপ যথা শূলপাণি

স্মরাদ্রনা যত পলাইল ত্রাসে

নিরপিয়া বিরূ মহানন্দে ভাসে

“জয় ভূতনাথ ভব

ধন্য দৈশ কৃপা তব

সাধনা সমাপ্ত প্রভু বুঝি এতক্ষণে”

তূর্ণ শিব জ্যোতিঃ ভাতিয়া গগন

হ’ল অন্তর্হিত সাধক তখন

পানাসিক্য হেতু বিবশ হইয়া

মহীকহ মূলে পড়িল চলিয়া •

কোথায় সে শঙ্করূপ

দৃশ্য সেই অপরূপ

সকলি ফুরা’ল যথা নিশার স্বপনে । ৯১

হ'ল সমাপন নিরূপিত জপ

ভয়ঙ্কর রবে প্রেতাশ্রা কুণপ

উপুড় হইয়া হারা'ল চেতনা

সাক্ষ হ'ল এবে দুর্জহ সাধনা

উল্লাসেতে নাচে প্রাণ

হ'বে দেবী অধিষ্ঠান

নয়ন মেলিয়া শিব চাহিলা তখন

হেরিলা সাধক পুনঃ সে মশান

ঘোরদৃশ্য সেই বিরিক্ষি শ্মশান

হেরে বিরূপাক্ষ ধলায় লুপ্তিত

তৈলশূন্য দীপ প্রায় নিরূপিত

শৃগালের ভীম নাদ

অতিবেল বিল্লী হ্রাদ

স্থানে স্থানে আশীবিষ গরজে ভীষণ । ৯২

উদ্ভিগ্ন হইয়া সাধক তখন

এ দিক সে দিক করে নিরীক্ষণ

অস্তরীক্ষ পানে একদৃষ্টে চায়

মুহুমূর্ছ কা'র দেখা নাহি পায়

আঁধার অবানতল

অন্ধকার নভঃস্থল

চারি দিকে ঘোর ঘটা ভৈরব শ্মশান

আকুল হৃদয়ে ডাকে মহামায়ে

“এস গাঢ়ময়ী পূজি রাক্ষা পায়ে

বহু কষ্টে মাগো সমাপ্ত সাধনা

ক্লশাময়ী শিবা উর শবাসনা

থেক না নিদ্রা হ'য়ে

এস মাতঃ বরাভয়ে

\* জুড়াই গো প্রাণ হেরে' হও অধিষ্ঠান” । ৯৩

“এ কি হ’ল কেন দেখা নাহি পাই  
হতাস্থাস অহো ! কা’রে বা স্মধাই  
করিহু সাধনা যথা তন্ত্রে লেখা  
তবে কেন তাঁ’র পাইনাক দেখা

সকলৈব কি অলীকতা                      পণ্ড শ্রম বাতুলতা

ভ্রমাস্ক হইয়া মম কাটিল জীবন  
অসহ্য যাতনা মর্মান্তিক ব্যথা  
মিথ্যুক শঙ্কর মিথ্যা তন্ত্র কথা  
নিষ্ফেপ পুস্তক জাহ্নবীর জলে  
দগ্ধ কর মঠ যা’ক রসাতলে

পঞ্চমুণ্ডী ফেল তুলে’                      অবিলম্বে বিলম্বুলে

আঘাত কুঠার তুর্ণ কর উৎপাটন” । ৯৪

হতাশেতে শিব ব্যথিত হইয়া  
থায় স্মধা ঢালি’ কপাল পূরিয়া  
মনের আবেগে নয়নের জল  
তিতিয়া আনন বহে অবিরল

অনুমাত্র শাস্তি নাই                      ভাবে শিব একজাই

“কঠোর সাধনা করি’ এই হ’ল শেষে  
করিতাম যদি বিজ্ঞানালোচনা  
কিঞ্চ শিখিতাম জগৎগুণপনা  
গণ্য মান্য হ’য়ে লভি’ উচ্চ পদ  
থাকিতাম স্মৃতে হইত সম্পদ

বুদ্ধিব্রংশ হ’য়ে মম                      দিন গেল ক্ষিপ্ত সম

হ’লনাক কোন কাজ প্রাপ্তির আবেশে” । ৯৫

“হইয়াছি বৃদ্ধ দারাপুত্রহীন  
নাহি পরিজন ক্রমে তনু ক্ষীণ  
নিষ্ফল জীবন কি ফল রাখিয়ে  
যুচাব জঞ্জাল বিসর্জন দিয়ে”

এইরূপে হতজ্ঞান হ'য়ে শিব খরশান

অসি ল'য়ে আশ্রযাতে হইলা উদ্ধত  
সহসা অদ্ভুত আলোকে গগন  
হ'ল উদ্ভাসিত, ছে'য়ে পিতৃবন  
পড়িল সে বিভা, আচার্য্য তখন  
সচকিতে চায় তুলিয়া বদন

হেরিল অম্বর পথে কনক বিমান রথে

অসম্ভ্য বিবুধবৃন্দ তথা সমাগত । ৯৬

বিমানে আকৃষ্ট যত দেবগণ  
করে জয়ধ্বনি পুষ্পবরিষণ  
বাজিল হৃন্দুভি হ'ল শঙ্খনাদ  
অনন্ত ব্যাপিয়া মঙ্গল নিহ্নাদ

গাইল কিন্নরগণে জয়গীত তার স্বনে

বিমুগ্ধ হইয়া শিব হেরিল সকল  
দেখিতে দেখিতে সুনীল গগনে  
হইলা উদয় দেবী শবাসনে  
অবতীর্ণ ক্রমে ভূতলে প্রতিমা  
ফিবা অপরূপ অঙ্গের নীলিমা

হেরিয়া সে মুক্তি অসি অমনি পড়িল খসি'

উল্লাসে মগন তনু সাধক বিহ্বল । ৯৭

ଇତି ଶିବାଚାର୍ଯ୍ୟାଠାକୂରକାବ୍ୟେ ଶବସାଧନ ନାମ  
ତୃତୀୟ ସର୍ଗ ।

---

## চতুর্থ সর্গ ।

—\*—

সুদূর গগনে                      বিমানারোহণে  
    মঙ্গল বাদন হ'লে সমাপন  
    শচীপতি সহ যত দেবগণ  
মহাদেবী সন্নিধানে              তেজঃপূঞ্জ ধামি পানে  
    সমুৎসুক হ'য়ে র'য়েছে চাহিয়া  
    সশঙ্কিত কাঁপে ছুর ছুর হিঃ।  
কে জানে কি যোগীবর              মোহবশে যাচে বর  
    ব্যগ্র ভাবে তাই তা'রা করি'ছে ভাবনা  
    গনে জানে সবে                      অমঙ্গল ন'বে  
    দ্রাবণ প্রয়াসী নহে ত সন্ন্যাসী  
    মহাজ্ঞান মোক্ষপদ অভিনাশী  
তথাপি কি পাপ মন                      সান্দিহান অনুক্ষণ  
    দেবাসুর মর্ত্য সবার সমান  
    খ্যাতি প্রাপ্তি বিত্তব যাহার  
স্বল্প বিঘ্ন হ'লে পরে                      নিশি দিন ভেবে মরে  
    অশ্লুগ্ন প্রভাব র'বে নিয়ত কামনা । ১

জটিলরূপিনী                      কিবা বিমোহিনী  
 অনির্বচনীয় শকতির বলে  
 এ ঘোর সংসারে জগতীর তলে  
 ভুলা'য়ে রেখে'ছ জীবে              জ্যোতির্ময়ী ধৃত শিবে  
 চিস্তাশীল মহা মহা বুধগণ  
 যুগ যুগান্তর করিয়া মনন  
 পাইল না অন্ত ঘাঁ'র              কিবা সাধ্য আছে তা'র  
 বুঝিবে সে তত্ত্ব, যে গো বিষয়ে মগন  
 কালি ছিল যাহা                      আজি নাহি তাহা  
 পুনঃ কল্যা যা'রে চক্ষে দেখি নাই  
 কোথা হ'তে আজি উপজিল তাই  
 এইরূপে অবিরত                      দৃশ্যমান বস্তু যত  
 কালের অনন্ত স্রোতে ভেসে' যায়  
 ভ্রমেও কি জীব কভু ভাবে তা'র .  
 কিবা ঘোর মায়া জাল              জানে না যে মহাকাল  
 নিরন্তর বিস্তারিয়া করাল বদন । ২

হেথায় সাধক                      পড়ে না পলক  
 ঘোরাবিষ্ট হ'য়ে হেরে ত্রিনয়না  
 জ্ঞানপ্রদায়িনী অসিতবরণা  
 পদতলে মুক্ত জীব                      মহাযোগী সদাশিব  
 ধূলায় ধূসর নাহি বাহু জ্ঞান  
 সমাধিস্থ হ'য়ে করে তাঁ'র ধ্যান'  
 কহে শব্দে শিক্ষা ছলে                      শব সম নাহি হ'লে  
 মেলে না সে পদ কভু যোগী মনোহর



ব্যাপ্তচন্দ্রপরা

নীলকলেবরা

অগাধ জলধি স্থাপদসঙ্কুল

মহারণ্য সম দুর্গম অকুল

এ ঘোর সংসার ছায়া

ব্যক্ত করে মহামায়া

লম্বোদরী বামা মাতৃ-স্বরূপিনী

অনন্ত প্রপঞ্চ বিশ্বপ্রসবিনী

করাল বদন ধরি'

লোল জিহবা ভয়ঙ্করী

সংহার-রূপেতে কহে জগৎ নশ্বর । ৩

জগৎমঙ্গলা

ভকতবৎসলা

তদগত হইয়া যে করে ভাবনা

রূপাময়ী তা'র পুরান কামনা

সে কারণে খর্বাকৃতি

যোগীহুদে সদা স্থিতি

সুতীক্ষ্ণ কর্তরী অসি সম্বলিত

কহে মাতা বুদ্ধি বিবেক সহিত

নাশ ঘোর রিপু দলে

তাই মুণ্ড মালা গলে

জটায় জটিল পাশ বিকাশে মায়ার

জ্ঞানের স্বরূপ

কিবা অপরূপ

শোভে ভাল মাঝে তৃতীয় নয়ন

মায়ার বন্ধন করিতে ছেদন

কহে মাতা জ্ঞান-বলে

সহস্রায় তাহা হ'লে

অমৃত বহিবে, কপাল পূরিয়া

থাই পান করি' বিভোর হইয়া

নাগিনী জড়িত দেবী

প্রকাশে যে সুধাসেবী

কালকূট সম তা'র কি ছার সংসার । ৪

আপাদ মস্তক                      হেরি'ছে সাধক  
 অনিমেঘ নেত্রে দেবীর মুরতি  
 করাল বদন ভয়াবহ অতি  
 তীব্র নাদে অবিরত                      গরজে পন্নগ যত  
 আকর্ণবিস্তৃত রক্তিম নয়ন  
 দীর্ঘ জিহ্বা সহ ভীষণ দশন  
 ধূম্রবর্ণ জটাজাল                      তাহাতে জড়িত ব্যাল  
 লোহিতাক্ত নরমুণ্ড বিকটদর্শন  
 স্থূল কলেবর                      প্রকাণ্ড উদর  
 হানে শম্পা যথা কৃপাণী কৃপাণ  
 ভালে নেত্র জলে পাবক সমান  
 বৃহৎ খর্পর করে                      লোলুপ কধির তরে  
 কিবা গাঢ় নীল অঙ্গের বরণ  
 শাললতা নিভ পীবর চরণ  
 পদ প্রান্তে জটাদর                      মহাশ্বেত মহেশ্বর  
 তা'র কি বিশাল কুক্ষি বিগ্রহ তেমন । ৫  
 বুঝিল না তত্ত্ব                      রূপের মহত্ত্ব  
 ভাবে শিব মনে “কেন যোগীগণ  
 মায়ের এ মূর্তি করিতে দর্শন  
 সাধে ঘোর মহাতপ                      অগণন করে জপ  
 ভাগ্যে যদি ঘটে নিরখিয়া মায়  
 জানিনাক তা'রা কিবা স্মৃথ প্রায়  
 বুঝিতে নারিলু মর্ম্ম                      হয়িলু গলদ্বন্দ্ব  
 কেন এ অশাস্তি মম উপজিল প্রাণে”

“নিরখিয়া মার                      বীভৎস আকার  
 অনুমাত্র আনি তৃপ্তি নাহি পাই  
 কপালে কি পুনঃ আছে ভাবি তাই  
 বারম্বার হেরি যত                      বাড়ে মনে ভীতি তত  
 উল্লাসে কোথায় নাচিবেক প্রাণ  
 বিষাদ-তরঙ্গে হ’ল ভাসমান  
 হ’ল যদি ভাগ্যোদয়                      চিত্ত কেন স্থির নয়  
 চাহিতে না পারি আর বিগ্রহের পানে” । ৬

এইরূপে শিব                      হ’য়ে উর্দ্ধগ্রীব  
 কখনো বা ভয়ে নত করে’ শির  
 হেরে ভবানীর বিপুল শরীর  
 ভাবে মনে যোগীবর                      “একি রূপ ভয়ঙ্কর  
 ফণা ধরে’ কিবা গজ্জ্বল বিষধর  
 .কিবা নেত্র ভালে জ্বলি’ছে প্রখর  
 বৃহৎ জঠর কেন                      বীভৎস নৃমুণ্ড হেন  
 কেনই বা উত্তমাঙ্গে হেন জটাভার  
 বিষাণ সমান                      অসি খরশান  
 বাম করে কিবা করে ঝক্ ঝক্  
 কিবা ঘোর দংষ্ট্র দৃষ্টি ভয়ানক  
 লক্ লক্ জিহ্বা করে                      দেখে’ হৃদি কাঁপে ডরে  
 লটপট সটা হলাহল থে’য়ে  
 বোঝেনেত্রে কিবা আছে শিব চে’য়ে  
 হেরি যত মূর্ত্তি পানে                      বাড়ে শঙ্কা তত প্রাণে  
 ‘কি জানি এবে কি মনে আছে মোক্ষদার” । ৭

হেরে' মহামায়া                      বিভীষণ কায়া  
 ক্রমে আচার্য্যের আতঙ্ক বাড়িল  
 ছুটিল নিদাঘ অঙ্গ শিহরিল  
 “দূনঃ একি দেখি শিবা                      প্রচণ্ড নয়ন কিবা  
 কিবা অটু হাসি লোহিত দশন  
 লম্বিত রসনা অহো! কি ভীষণ  
 বুঝি বা প্রলয় তরে                      প্রকাণ্ড কপাল করে  
 ব্রহ্মাণ্ড গ্রাসিতে কিম্বা বাড়া'য়ে উদর”  
 এতেক কহিয়া                      জ্ঞান হারাইয়া  
 ভয়ে শিবাচার্য্য কাঁপে ঠক্ ঠক্  
 হ'ল বাকরোধ নড়েনা পলক  
 দ্রুত পলাইল হালা                      হস্তচ্যুত জপমালা  
 বিস্ফারিত আশ্র উল্কনৈত্র করি'  
 এক দৃষ্টে রৈ'ল চে'য়ে লম্বোদরী .  
 এলায়ত কেশপাশ                      খসিল কটীর বাস  
 দরদর ঘর্ষ বহে নিশ্বাস প্রথর । ৮  
 ভয়েতে বিহ্বল                      অবশ বিকল  
 নিরখিয়া শিবে উপজিল দয়া  
 জননীর প্রাণে, অমনি অভয়া  
 আল্প ত হইয়া স্নেহে                      মহাভক্ত শিবদেহে  
 স্বীয় শক্তিবিন্দু করিয়া সঞ্চার  
 দারুণ সাধবস কৈ'লা প্রত্যাহার\*  
 আচার্য্য চেতনা পেয়ে                      বারেক দেবীরে চে'য়ে  
 সহিতে না পেরে' পুনঃ মুদিল নয়ন

নীথর নীরব

সাধকপুঞ্জব

ভবানী তখন দয়াদ্র হইয়া

ঈদৃশ শিবের অবস্থা দেখিয়া

সুধামাখা বাক্যে কহে “বাছা কত ক্লেশ সহে

সাধিয়া বহুল হুঃসাধ্য সাধনা

করে’ছিস্ মম এ রূপ ভাবনা

তাইতে এসেছি ওরে সে রূপে তুষিতে তোরে

তবে কেন বাছা তোর হেরি থিন্ন মন” । ৯

“কেন বাপধন

বিষন্ন বদন

যে ভাবেতে মোরে যে করে ভাবনা

তেমতি তাহার পুরাই কামনা

যুগে যুগে মহাজন

এইরূপে অগণন

যোগে জ্ঞানে কিম্বা স্বরিতসাধনা

নানা মতে মোর করিয়া অর্চনা

লভে’ছে অদ্বুত সিদ্ধি

কেহ বা পেয়েছে ঋদ্ধি

এখনো তা’দের যশঃ হ’তেছে ঘোষণা

মুদিয়া নয়ন

কেন বাপধন

চা’ রে চক্ষু মেলি’, সাধনের ধন

উপস্থিত তোর, কর্ রে দর্শন

করে’ছিস্ বহু সেবা

চে’য়ে নে রে ইচ্ছা যেবা

মহাভক্ত তোর পুরা’ব বাসনা

ব্যথিত অন্তর কেন আনমনা

মায়ে হেরে’ হ’ল ভীতি পে’লি না রে কোন প্রীতি

এই তোর হ’ল শেষে করে’ আরাধনা” । ১০

শুনিয়া ভবানী                      মেহপূর্ণ বাণী  
 কিঞ্চিৎ আতঙ্ক হইলে লাঘব  
 কহিতে লাগিলা সাধকপুঙ্গব  
 করপুট ভক্তি ভরে                      মনস্তাপে আঁখি ঝরে  
 “ধন্য কৃপাময়ী ধন্য তব দয়া  
 অপার মহিমা কি ক’ব অভয়া  
 বিগত রজনী যবে                      তখনো সৌভাগ্য হ’বে  
 ভাবি নাই এ জীবনে ওগো গাঢ়ময়ী  
 শুভাদৃষ্ট ফলে                      চরণকমলে  
 অর্পিব অঞ্জলি হইল স্নযোগ  
 তথাপি জননী সমদুঃখ ভোগ  
 হেরিয়া বিকট মূর্তি                      ঘুচিল সকল ক্ষুণ্ণি  
 চাহিতে না পারি ও বদন পানে  
 কিবা ভয়ঙ্কর, মহাভীতি প্রাণে  
 সতত জাগি’ছে মম                      দেখিব না কাল সম  
 তোমার ও ভীম রূপ ওগো মনোময়ী” । ১১  
 “বড় সাধ মনে                      ছিল শবাসনে  
 হিমাংশু জিনিয়া শীতল বদন  
 হেরিয়া তোমার জুড়া’ব নয়ন  
 গঙ্গোদক বিষদলে                      জবাপুষ্প নীলোৎপলে  
 পূজিয়া ও রাজা রাজীবচরণ  
 করিব সার্থক মনুষ্য জীবন  
 পদরজঃ শিরে ল’য়ে                      পূতদেহ মুক্ত হ’য়ে  
 ভব মাঝে সদানন্দে করিব ভ্রমণ”

“ফিরি’ নানা ধাম                      গা’ব তব নাম  
 অভাগার সেই চিরন্ত কামনা  
 ইহ জন্মে পূর্ণ হ’ল না হ’ল না  
 কিবা মূর্তি ভয়ঙ্কর                      দেখিলেই হয় ডর”  
 এতেক কহিয়া সাধকপুঞ্জব  
 শোকাকুল হৃদে হইলা নীরব  
 মুখে বাক্য নাহি সরে                      অভিমানে নেত্র ঝরে  
 ব্যথিত অন্তরে কত করিলা রোদন । ১২

কাতর, সন্তানে                      নিরখিয়া প্রাণে  
 বাজিল মায়ের, ভবানী তখন  
 কহে স্নেহ ভরে অমিয় বচন  
 “হেরে’ ভীম রূপ মোর                      ভীতি যদি এত তোর  
 কহ কোন্ মূর্তি করিয়া দর্শন  
 হ’বে তৃপ্তি তোর কহ বাপধন  
 সেই রূপে দেখা দিব                      মনোবাঞ্ছা পূরাইব  
 ব্যথা পাই হেরে’ তোর বিরস বদন  
 কহ রে স্বরূপ                      মহাকালী রূপ  
 দেখিতে কি তোর হ’য়েছে বাসনা  
 বরাভয়করা করাল বদনা  
 ভৈরবী ভুবনেশ্বরী                      কিম্বা রাজরাজেশ্বরী  
 ধ্রুবাবতী কিম্বা মাতঙ্গী বগলা  
 ঘৌর ছিন্নমস্তা অথবা কমলা  
 জগদ্ধাত্রী দশভূজা                      অননুপূর্ণা মূর্তি পূজা  
 বাসন্তী অর্চিত্তে কিম্বা হ’য়েছে মনন” । ১৩

বিমানে বসিয়া                      শূত্রেতে রহিয়া  
 দিবিশদগণ করিল শ্রবণ  
 শিবানী সেবক কথোপকথন  
 নিৰ্জ্জর প্রমুখ তবে                      মন্ত্রণা করিয়া সবে  
 পাঠাইলা ত্বরা দৃষ্টা সরস্বতী  
 সাধক সকাশে কহিয়া যুক্তি  
 হ'য়ে দেবী সশঙ্কিত                      নিরুপায় নিয়োজিত  
 যোগীর কণ্ঠেতে এসে করিলা বসতি  
 হেথা যোগীবর                      পুলক-অন্তর  
 গুনিয়া মাগের আশ্বাস-বচন  
 ভাবে কোনরূপ করিবে দর্শন  
 মহাবিভা রূপান্তর                      সকলি যে ভয়ঙ্কর  
 রজোময়ী কায় ধরেন অনন্দা  
 দশভুজা আদি গৃহীণ্ডভ-প্রদা  
 কোন মূর্তি দরশনে                      পাংবে তৃপ্তি শান্তি মনে  
 ভাবিতে লাগিলা তাই স্থির নহে মতি । ১৪  
 এমন সময়ে                      প্রত্যাদিষ্ট হ'য়ে  
 আইলা ভারতী সাধক সকাশে  
 প্রবেশিয়া দেহে জ্যোতিঃ পরকাশে  
 হ'য়ে যোগী প্ররোচিত                      সাতিশয় পুলকিত  
 কহিতে লাগিলা দেবীরে তখন  
 হ'য়ে পুটাঞ্জলি মুদিত নয়ন                      \*  
 “অকৃতি সন্তান প্রতি                      মাতঃ যদি দয়াবতী  
 পূরাও বাসনা তবে হ'য়ো না নিদয়া”



“ভারত পুরাণে                      কতই বাখানে  
 মোহিনী মুরতি যাহার তুলনা  
 নাহি জগমাঝে, করিয়া সাধনা  
 পায়নাক দরশন                      ব্রহ্মা আদি দেবগণ  
 অলৌকিক সেই সুভগ স্ঠাম  
 রূপের আদর্শ পূর্ণছবিধাম  
 দেখাও মা নিরখিয়া                      উল্লাসে নাচুক হিয়া  
 কর না বঞ্চনা মাগো তুমি বরাভয়া” । ১৫

শিবের বচন                      শুনিয়া তখন  
 ভকতবৎসলা প্রিয় সম্ভাষণে  
 কহিতে লাগিলা সহস্র বদনে  
 “সহসা দুর্ঘটি হেন                      বাছা তোর হ’ল কেন  
 অরহর মহাযোগী কুন্তিবাস  
 , নিরস্তর যা’র আশানেতে বাস  
 পাগল হইল সেই                      নিরখিয়া মূর্তি যেই  
 দেখিতে সে রূপ হ্যারে করিস্ কামনা  
 কেন রে বাতুল                      ঘটাবি প্রতুল  
 সুরসুন্দরীর মাঝে সর্বোত্তমা  
 অকলঙ্ক ইন্দু নিভ তিলোত্তমা  
 হয় না তুলনা তা’র                      করকহ সনে যা’র  
 নিরূপমা সেই অদ্ভুত কামিনী  
 হেরিতে রে ঈহা ভুবনমোহিনী  
 দেবতা সহিতে নায়ে                      যে রূপের বিভা, তা’রে  
 কোন শক্তি বলে তোর হ’য়েছে বাসনা” । ১৬

“ওরে মূঢ়মতি                      মোহিনী মুরতি  
 দর্শন লালসা তাজ, অতঃপর  
 অভিলাষ যেবা চাহ অশ্রুবর  
 ষড়ৈশ্বর্য আধিপত্য                      মোক্ষপদ অমরত্ব  
 এখনি রে তোর পূরা’ব কামনা  
 মহাভক্ত, বহু করিলি সাধনা  
 জননী হইয়া ওরে                      ফেলিব বিপদে তোরে  
 জেনে শুনে’ দিব যাহে অমঙ্গল তোর”  
 এতেক শুনিয়া                      ব্যথিত হইয়া  
 কহিতে লাগিল আচার্য্য তখন  
 “কেন মাতঃ মোরে নিদয়া এমন  
 তুমি মা সহায় যা’র                      কোথায় বিপদ তা’র  
 বড় সাধ মনে করিব দর্শন  
 সেই সে মুরতি, দিও না বেদন  
 কাজ্ঞা পূর্ণ কর মম                      হেরে’ রূপ অনুপম  
 হউক জননী তৃপ্ত নয়ন-চকোর” । ১৭  
 “করুণা কিঙ্করে                      কর হুঃখ হরে  
 দেখাও জননী সেরূপ তোমার  
 জীবন সার্থক হউক আমার  
 ভয়েতে আকুল প্রাণ                      বুদ্ধিব্রংশ, লুপ্ত জ্ঞান  
 দেবের ছলভ সেই রূপরশি  
 হেরি গো বারেক মহানন্দে ভাসি  
 অশ্রু ভিক্ষা নাহি আর                      কহি মাতঃ বারম্বার  
 দেখাও মোহন রূপ যাচি এই বর”

“যদি মা কার্পণ্য                      নাহি মম অগ্র  
 মনোরথ আর ওগো শবাসনে  
 যাও ফিরে’ তবে নিজ নিকেতনে  
 যখন রাজীব পদ                      হেরে’ছি, পরম পদ  
 পে’য়েছি, সফল হ’য়েছে সাধনা  
 হইয়াছি ধন্য ওগো ত্রিনয়না”  
 কহি’ হেন ক্ষুদ্র প্রাণে                      হত্যাশেতে অভিমানে  
 পুনরপি ভূমণ্ডল ভরে যোগীবর । ১৮  
 ভাগ্যের লিখন                      কে করে খণ্ডন  
 বিষম সঙ্কটে পড়িলা ভবানী  
 হেরে’ দৃঢ় পণ শুনি’ শিববাণী  
 অদৃষ্টের ফলভোগী                      গৃহী উদাসীন যোগী  
 কস্মিন্শ্চৈ বন্ধ যত জীবগণ  
 , স্মরতি ছদ্মহিত বাহার যেমন  
 ভক্তের কামনা তারে                      অগণন রূপ ধরে’  
 নিরন্তর নিত্যশক্তি করেন বিহার  
 ভক্তের বচন                      কারিতে লজ্বল  
 পরমা শক্তির নাহিক শক্তি  
 কারিতে ধারণ মোহন মুরতি  
 ভক্ত হেতু অনিবার্য                      এতেক করিয়া ধার্য  
 বিধানে দেবতা দেখিতে না পারে  
 তাহাদের দৃষ্টি রোধ করিবারে  
 কে জানে কি অমঙ্গল                      উঠে যদি হলাহল  
 অলৌকিক মায়াজাল করিলা বিস্তার । ১৯

গগন মাঝারে                      থানা দিয়া সারে  
 সমবেত যথা আদিত্যগগণ  
 নিম্নতলে তা'র করে' আবরণ  
 জুড়িয়া অম্বর প্রাপ্ত                      ছাইল ভীষণ ধ্বাস্ত  
 নহে দৃষ্ট দেবযান ব্যোমবর্তী  
 কাদম্বিনীজালে তারকা যেমতি  
 দৃষ্ট নহে মহীতল                      যজ্ঞপ বারিধি জল  
 তুষারে আবৃত হ'লে দেখা নাহি যায়  
 দেবীর আদেশে                      ভয়ঙ্কর বেশে  
 নন্দী ভৃঙ্গী আদি পারিষদগণ  
 ল'য়ে গদা সোঁটা ভীম প্রহরণ  
 রুদ্ধ সম রূপ ধরে'                      কপালে বিদ্রোহ করে  
 দাঁড়াইল সবে গগন ছাইয়া  
 মহাশক্তি বলে প্রমত্ত হইয়া  
 আগলিয়া নিম্ন পথ                      কার সাধ্য ল'য়ে রথ  
 অদিতিনন্দন হেন পশে তমসায় । ২০

পলাইল ত্রাসে                      দ্বরিত আকাশে  
 ধূর্তা বাগ্‌দেবী সাধকে ত্যজিয়া  
 অন্ধ তমোরাশি সহসা হেরিয়া  
 বাসব আছিল যথা                      উপনীত হ'য়ে তথা  
 জ্ঞাপিলা বারতা ঘটিল যেমতি  
 শুনিয়া সংবাদ দেবতা সংহতি •  
 হ'য়ে সবে পুলকিত                      ভারতীরে যথোচিত  
 কার্যসিদ্ধি নিবন্ধন করিলা তোষণ

ছিল কুতূহলী                      অমর মণ্ডলী  
 হেরিতে সাধকশ্রেষ্ঠ পরিণাম  
 যোগব্রহ্ম কিম্বা সিদ্ধমনস্কাম  
 কিন্তু হেরে' আচম্বিত                      হ'ল তা'রা সশঙ্কিত  
 ঘোর ধ্বাস্ত চণ্ড প্রমথ মূরতি  
 বুঝিল মায়ের নাহি অনুমতি  
 প্রমাদ গণিয়া তবে                      ইন্দ্রাদি নির্জর সবে  
 ফিরে' গেল নিকেতনে হ'য়ে ক্ষুণ্ণ মন । ২১

গেল দেবগণ                      আপন সদন  
 নিরখিয়া দেবী ধরিলা তখন  
 অলৌকিক রূপ বিশ্ববিমোহন  
 দেব ইষ্টে যেই বেশ                      ধরে'ছিল হৃষীকেশ  
 পূরাইতে আজি ভক্তের কামনা  
 , ছরারাদ্যা তাহা ধরিলা অপর্ণা  
 অপরূপ সজ্জা করে'                      সস্তাপিত যোগীবরে  
 মধুর বচনে মাতা কহিলা তখন  
 “কেন অভিমানে                      বিকলিত প্রাণে  
 নীরবে সন্ন্যাসী ভাবি'ছ বসিয়া  
 নিরানন্দে হেন হতাশ হইয়া  
 হেরিতে যে রূপ মোর                      প্রবল বাসনা তোরা  
 ধ'রেছি রে সেই অতুল মূরতি  
 অমল অনিন্দ্য অপরূপ অতি  
 দেখ্ দেখি নিরখিয়া                      এবে কাস্তি কমণীয়া  
 হয় কি না হয় তোরা চিত্তবিনোদন” । ২২

## মায়ের বচন

করিয়। শ্রবণ

পুলকিত হ'য়ে বদন তুলিয়া।

চাহিল সাধক নয়ন মেলিয়া।

মোহন মুরতি পানে

হেরে শিব ফুল প্রাণে

দেখিতে দেখিতে প্রভূত আনন্দ

উছলি' উঠিল, যথা মকরন্দ

পানে ভ্রম বিভোরিত

## তেমতি আচার্য্য চিত্ত

হেরিয়া মোহন রূপ হইল মগন

একদৃষ্টে শিব

## উল্লাসে অতীব

হেরে ভবানীর সুধমা মুরতি

বর্ণিতে সে রূপ কাহার শক্তি

শতকোটি চন্দ্র জিনি'

## কিবা ছাতি উন্মাদিনী

## হ'ত যদি বাণী অযুতবদনা

পারিত না রূপ করিতে বর্ণনা

## কল্পাবধি সুরশিল্পী

করে যদি চিত্রলিপি

তথাপি অন্ধিতে নাৱে স্বৰূপ যেমন । ২৩

## কিবা মনোহর

বরণ সুন্দর

গৌরকান্তি যথা উজ্জলে চন্দ্রিমা

ভাতিছে তেমতি দেবীর প্রতিমা

## ଦ୍ରବର ନିନ୍ଦିତ କାଳ

নিবিড় কুস্তলজাল

খেলা'য়ে লহরী চরণে ঠেকে'ছে

আহামরি ! তাহে কি শোভা হ'য়েছে

ভ্রমরক হেলে' ছলে'

শোভে চারু গোধি মূলে

অরবিন্দে মধুমত্ত যথা অলিদল

কিবা সুশোভন

আয়ত নয়ন

মুকুলিত যথা বিশদ কমল

প্রেমনীরে ভরা করে ঢল ঢল

লোমরাজি পত্রে ঘন

তাঁহে শোভা সম্বন্ধন

দৃষ্টিভ্রম যেন পরে'ছে কজ্জল

নীলকান্ত নিভ তারকা উজ্জল

কটাক্ষে তড়িৎ বহে

কা'র সাধ্য বেগ সহে

পরশিলে গাত্র দহে সর্বাপ বিকল । ২৪

তরিজিহ্বা সম

কিবা মনোরম

ভুরুর ভঙ্গিমা শুভ্র ললাটেতে

কাল ধার যথা শুক্ল বসনেতে

ক্রমধ্যে সিন্দূর বিন্দু

শোভে যেন শরদিন্দু

গগু নাখে কিবা রক্তিমার ছটা

, প্রভাতে যেমতি অরুণের ঘট

শ্রবণে হীরক ছল

শোভা তাহে কি মঞ্জুল

বিভূষিত প্রবালাদি মণি মুকুতায়

আহা ! কি সুষম

নাসিকা মধ্যম

শোভে নাকচাবী, মুখকান্তি তায়

উজ্জলিত আর হীরক বিভায়

নাতি ক্ষুদ্র আননেতে

কিবা শোভা অধরেতে

নিরখিয়া রক্ত ছবি সুললিত

হৃদ্র ভ্রান্তি যেন তাম্বুলে চর্চিত

সুন্দর চিবুক কিবা

তেমতি সুন্দর গ্রীবা

বিভাসিত রেখাত্রয়ে কিবা শোভা তা'য় । ২৫

মুক্তাবলী সম                      কিবা মনোরম  
 শোভে দন্তপীতি তাহে মৃদু হাসি  
 অফুরন্ত কিবা ঢালে সুধারশি  
 স্নকুমার ভূজঘর                      যেন নবনীতময়  
 কিবা স্নগঠন, প্রকোষ্ঠেতে তা'য়  
 মৃদু লোমাবলী কত শোভা পায়  
 করতলনখোস্তবী                      আহা ! কি কুঙ্কম ছবি  
 কেয়ুর কঙ্কণে কিবা কান্তি অল্পম  
 সংযুত পীবর                      কিবা মনোহর  
 শৈলশৃঙ্গ যথা শোভে পয়োধর  
 নীল চোল তায় কতই স্নন্দর  
 দোলে গজমুক্তা হার                      কিবা ছবি কণ্টিকার  
 বিজড়িত ষা'য় বিবিধ বরণ  
 মণি মুক্তা নানা অমূল্য রতন  
 অনাবৃত কুচধরে                      বিধিত রতন করে  
 আহামরি ! কিবা দৃশ্য হ'য়েছে সুষম । ২৬  
 কিবা শোভমান                      ক্ষীণ মধ্যখান  
 অঙ্গুষ্ঠ মধ্যমা কৃত পরিসরে  
 অক্ৰেশে আয়ত্ত হয় যুগ্ম করে  
 নানারত্ন বিজড়িত                      মেখলায় বিভূষিত  
 প্রলম্বিত কাঞ্চী নিতম্বে পড়ে'ছে  
 বিচিত্র বরণে কি শোভা হ'য়েছে  
 নিতম্বের নাহি তুল                      আহা ! কি স্নগঠম স্থূল  
 যেন তারি ভারে বামা গজেন্দ্রগামিনী



করীকর সম                      কিবা মনোরম  
 শোভে উরুদয় কি তা'র বলন  
 নাতি হুস্ব কিবা সুন্দর চরণ  
 পদতলে নখে আর              কিবা ছটা রক্তিমার  
 অলস্তের লেখা কিবা শোভে তা'য়  
 দেখিয়া সে ছবি নয়ন জুড়ায়  
 বর্ণন মোহন কাস্তি              কেবল মনের ভ্রাস্তি  
 সৌন্দর্যের পরাকাষ্ঠা অতুল কামিনী । ২৭

কিবা পরিপাটী                  নীল ফৌম শাটী  
 হেমস্থত্রে তায় আলেখ্য সকল  
 গণি মুক্তা সহ করে বালমল  
 কিবা শোভে হেমাঙ্গিনী,        মেঘে যথা সৌদামিনী  
 হুস্ব চলি হ'তে অঙ্গের বরণ  
 ফুটিয়া কি শোভা করে'ছে ধারণ  
 গাত্র দিয়া অবিরল              বহে গন্ধ পরিমল  
 কোটি কোটি পদ্ম জিনি কিবা উন্মাদন  
 সুষমা মূরতি                      কিবা হৈমবতী  
 ধরিলা ভক্তের পূরা'তে কামনা  
 বিশ্ব মাঝে যা'র নাহিক তুলনা  
 বদনকমল কাস্ত                  সর্কাজ চরণ প্রাস্ত  
 অনিমেঘ নেত্রে হেরে যোগীবর  
 পুনঃ পুনঃ হ'য়ে বিন্মিত অন্তর  
 হেরিয়া সে মঞ্জু শোভা            অনুপমা মনোলোভা  
 অবিলম্বে আচার্যের হইল স্তম্ভন । ২৮

বিরিক্ষি শ্মশান                      যথা বিজ্ঞমান  
 তথা হ'তে তিন ক্রোশ ব্যবধানে  
 শ্মশানভূমির অগ্নিকোণ পানে  
 আছিল শ্রীখণ্ড গ্রাম                      তথা উমাপতি নাম  
 জাতিতে নিষাদ করিত বসতি  
 গোধন ধান্যোতে ছিল সন্ন অতি  
 পঙ্কজাত কমলিনী                      তথা, বড় আদরিণী  
 আছিল তনয়া তা'র অতি রূপবতী  
 সোহাগেতে পিতা                      হেরে' সুষমিতা  
 স্বর্ণপ্রভা নাম রাখিল তাহার  
 ছিল না প্লবের সন্তানাদি আর  
 দম্পতির যত্নে কল্যাণ                      রূপে গুণে হ'ল ধন্য  
 দিন দিন বাড়ে চন্দ্রকলা সম  
 লাবণ্যের ছটা ধরে অনুপম  
 দশম বর্ষীয়া যবে                      বুদ্ধির প্রার্থন্য তবে  
 যথাযথ স্নেহ দয়া শ্রদ্ধা ভক্তিমতী । ২৯

কুসুম চন্দন                      করি' আহরণ  
 নির্ম্মাইয়া শিবলিঙ্গ মৃত্তিকার  
 নিত্য পূজে ভবে মনে আপনার  
 ধ্যানে মগ্ন হ'য়ে হরে                      ডাকে বালা প্রাণ ভরে  
 কহেনাক কা'রে কি করে কামনা  
 আপন ভাবেতে রহে আনমনা  
 এইরূপে নিত্য সেবে'                      ভক্তি ভাবে মহাদেবে  
 দ্বিপ্রহর বেলাতীতে করয়ে ভোজন

আরতি সময়ে                      নিত্য দেবালয়ে  
 ধে'য়ে যায় বালা, দেব নীরাজন  
 ভক্তি সহকারে করে নিরীক্ষণ  
 শারদীয় মহোৎসবে                      অত্যাশ্চর্য পার্বণ যবে  
 ঘরে ঘরে ফিরি' প্রতিমা দর্শন  
 করে ফুল মনে, হ'লে নিরঞ্জন  
 শোকে হয় অভিভূতা                      নিরপিলে প্রবসুতা  
 গলবস্ত্রে প্রণময়ে দেউল ব্রাহ্মণ । ৩০

হেরিয়া সুতার                      ভকতি অপার  
 পুলক-অন্তরে নিষাদতনয়  
 আপনারে ধন্য গণে অতিশয়  
 ক্রমে দিন যায় যত                      স্নেহপাশে বদ্ধ তত  
 ভাগ্যফলে পে'য়ে পরম রতন  
 প্রাণপণে তা'রে করয়ে যতন  
 শোভনাক্ষী প্রবসুতা                      দেবোপমগুণযুতা  
 দিনে দিনে সমাদরে বাড়িতে লাগিল  
 ক্রমশঃ বাসরে                      দ্বাদশ বৎসরে  
 নিষাদনন্দিনী কৈ'ল পদার্পণ  
 হ'ল পুষ্ট দেহ অঙ্কুর যৌবন  
 বয়ঃপ্রাপ্তা তনয়ারে                      আর ত রাখিতে নারে  
 পরিণয় কাল হ'ল উপনীত  
 নিরখিয়া পিতা দারুণ চিন্তিত  
 কি করিয়া প্রাণ ধরে'                      পাঠাইবে পর ঘরে  
 আকুল হৃদয়ে তাই ভাবিতে লাগিল । ৩১

“গৃহলক্ষ্মী সম                      শোভে কত্না মম  
 ননীর পুত্ৰলী চম্পকবরগী  
 জীবন-প্রদীপ মম নেত্রমণি  
 নিদাঘের শিথিল বারি                      শাস্তিদাত্রী স্নকুমারী  
 জীবন থাকিতে নয়নাস্তুরালে  
 পারি কি করিতে তা’রে কোন কালে  
 জামাতা আনিয়া ঘরে                      রাখিব আদর করে’  
 কিসে অপ্রতুল মম শঙ্কর কুপায়”  
 এতেক চিন্তিয়া                      স্নেহপূর্ণ হিয়া  
 মাতঙ্গ-প্রবর ফিরি’ নানা স্থান  
 করিতে লাগিল পাত্রে’র সন্ধান  
 ভ্রমি’ দেশ দেশান্তর                      পাইল না যোগ্য বর  
 যদি বা পাইল নূন অভিমত  
 প্রস্তাবেতে কেহ হ’ল না সম্মত  
 রাখিতে শ্বশুর বাসে                      বরকর্তা মন্দ ভাষে  
 চিন্তাকুল জনঙ্গম হেরে’ অনুপায় । ৩২  
 লোকের গঞ্জন                      পত্নীর তাড়না  
 স’য়ে থাকে প্রব হেরে’ পুত্ৰীমুখ  
 মনে নাহি লয় ভুলে সর্বদুঃখ  
 পিতা বলে’ সম্বোধন                      করে যবে কত্না-ধন  
 বাজে কর্ণমূলে বীণাতন্ত্রী সম  
 পুলক-সাগরে ভাসে জনঙ্গম  
 জননী অধিক যত্ন                      করে যবে কত্নারত্ন  
 উল্লাসেতে দিবাকীৰ্ত্তি হয় দিশিহারা

মনে যবে ভাবে                      পর বাসে যা'বে  
 বিদরয়ে হিয়া বহে প্রেমনীর  
 হয় হতজ্ঞান উন্মাদ অস্থির  
 “থাকুক অনুচ্চা হ'য়ে              থাকিব কুমারী ল'য়ে  
 জাতিতে চণ্ডাল নহি ত প্রধান  
 কোথায় আমার কুল শীল মান  
 আসিবে সময় যবে              আপনি যোজনা হ'বে  
 অনর্থক তবে কেন ভেবে হই সারা” । ৩৩  
 এতেক চিন্তিয়া                      নিশ্চিন্ত হইয়া  
 নিরস্ত নিষাদ পাত্র অশ্রুধরে  
 থাকে কত ল'য়ে প্রফুল্লিত মনে  
 সরলা পবিত্রা কত্যা              উত্তমার অগ্রগণ্যা  
 যদবধি তা'র বিবাহ প্রসঙ্গ  
 উত্তর উত্তর হইল নিঃসঙ্গ  
 ভাবে মগ্ন নিরস্তর              পাশনাক অবসর  
 অহোরাত্র ব্যস্ত বালা ভব অর্চনায়  
 প্রত্যাষে উঠিয়া                      হ'লে প্রাতঃক্রিয়া  
 উত্তানে উত্তানে করিয়া ভ্রমণ  
 বিলদল পুষ্প করে আহরণ  
 বাছিয়া চয়ন করি'              প্রস্থনাদি সাজী ভরি'  
 প্রত্যাগত হ'য়ে পুনঃ রুতমান  
 পদ্মিপাটী লিঙ্গ করিয়া নির্মাণ  
 ধূপ দীপ গন্ধ সনে              বসে বালা পূত মনে  
 সর্বজ্ঞ দেবাদিদেব ত্র্যম্বক পূজায় । ৩৪

পূজিয়া শঙ্করে                      দ্বিতীয় প্রহরে  
 আহারাশ্বে স্বল্প করিয়া বিশ্রাম  
 অনধিক যবে অতীত ত্রিষাম  
 আনন্দে বসিয়া বালা                      রচয়ে কুসুম মালা  
 গাঁথি' অপকূপ হার, সমাপিয়া  
 স্নান সরনীরে পবিত্র হইয়া  
 হরগোরি পটোপরি                      সে গালা স্থাপন করি'  
 ধ্যায়ে বালা আশুতোষ অভয় চরণ  
 নয়ন মুদিয়া                      তন্ময় হইয়া  
 রহে প্রবস্তুতা ধ্যানে গগ্ন হ'য়ে  
 ভাবে গদগদ ডাকে মৃত্যুঞ্জয়ে  
 বব বম্ বাজে গাল                      হর হর মহাকাল  
 গগ্ন ব'য়ে পড়ে প্রেম অশ্রুনির  
 পুলকিত তনু রোমাঞ্চশরীর  
 যুগ্ম কর হৃদি পরে                      রেখে বালা ভক্তি ভরে  
 কে জানে কি ভাবে, কিবা করয়ে মনন । ৩৫  
 বসিয়া আসনে                      সমাহিত মনে  
 ভবভবানীর অভয় চরণ  
 অজ্ঞাতযৌবনা করয়ে স্মরণ  
 যামাতীত নিশি যবে                      উঠিয়া বালিকা তবে  
 ভুঞ্জয়ে কিঞ্চিৎ, বিবশ হইয়া  
 কভু বা আসনে পড়ে ঘুমাইয়া •  
 এইরূপে সম্বৎসর                      অতিক্রান্ত অতঃপর  
 দেখিতে দেখিতে পূর্ণ হ'ল ত্রয়োদশ

রজনীর শেষে                      তন্দ্রার আবেশে  
 একদিন বালা দেখিল স্বপন  
 অপরূপ দৃশ্য চিত্তবিমোহন  
 অমনি তা' নিরখিয়া                      উঠে বালা চমকিয়া  
 ভাবে এত দিনে বুঝি বা শঙ্কর  
 চাহিলা স্নাতারে করণ অন্তর  
 “আহা ! কিবা হেরিলাম                      মহানন্দে ভাসিলাম”  
 ভাবিতে ভাবিতে বালা হইল বিবশ । ৩৬

স্বপ্নে যা' দেখিল                      কা'রে না কহিল  
 শয্যা হ'তে উঠি' জননী সকাশে  
 গিয়া স্নকুমারী কহে মৃদুভাবে  
 “আজি হ'তে তপস্বিনী                      বেশে মাতঃ একাকিনী  
 রহিব, আমিষ করিব বর্জ্জন  
 ভুঞ্জিব স্বহস্তে করিয়া রন্ধন  
 আদেশিলা ঈশ বাহা                      যতনে পালিব তাহা  
 এত দিনে দয়া মোরে কৈলা ব্যোমকেশ  
 জান না কি তুমি                      ইহা কৰ্ম্মভূমি  
 এসে জীব হেথা নিয়োগ যেমতি  
 অবশ্যই মাগো করিবে তেমতি  
 বিফল প্রয়াস করে'                      মম বিবাহের তরে  
 হ'বেনাক বিভা আমার এখন  
 অদৃষ্টের লিপি কে করে খণ্ডন  
 শিব আজ্ঞা যদবধি                      নহে অশ্রু, তদবধি  
 যুচিবে না মাগো মোর যোগিনীর বেশ” । ৩৭

বুঝিল না কথা                      পেয়ে মনব্যথা  
 সরলা মাতার চক্ষে এল জল  
 অলক্ষণ হেরে' হইলা চঞ্চল  
 ভাবিলা "সহসা কেন                      কত্কার অবস্থা হেন  
 কোথা বাছা স্মৃতে স্বপ্নের ঘরে  
 হ'য়েছে বয়স্থা থাকিবে আদরে  
 হ'য়ে পতিসোহাগিনী                      হ'বে কি না সন্ন্যাসিন  
 এই কি কপালে তা'র আছিল লিখন"  
 অঞ্চলে নিবারি'                      নয়নের বারি  
 ভর্তার সমীপে গিয়া বিষাদিনী  
 জ্ঞাপিল কত্কার অদ্ভুত কাহিনী  
 শুনি' কহে উমাপতি                      "মোরা ভাগ্যবান অতি  
 পাইয়াছি তাই এ হেন রতন  
 নতুবা কখনো নিষাদ সদন  
 পূর্ণকাস্তি জন্মে স্মৃতা                      দেবী সম' গুণযুতা  
 করনাক অনাদর পেয়ে মহাধন" । ৩৮  
 "মনস্তপ্তি যা'য়                      তাহে অন্তরায়  
 হ'য়োনাক কভু, পাইবে বেদনা  
 ভক্তিমতী স্মৃতা হ'লে ক্ষুণ্ণমনা  
 নহে সে সামান্য মেয়ে                      সত্য বা আদেশ পেয়ে  
 এমঙ্গিধ মতি হ'য়েছে তাহার  
 অপার মহিমা বিশ্বনিয়ন্তার .  
 তাঁহারি ইচ্ছায় সব                      নহে কিছু অসম্ভব  
 কি বুঝিব অল্পবুদ্ধি মোরা মূঢ় জন"



“নহে মিথ্যা বাণী                      সত্য অমুমানি  
 হ’বেনাক তা’র বিবাহ এখন  
 দেখিলে ত কত কৈনু অশ্বেষণ  
 ফিরি’ দেশ দেশান্তরে              কোথা পাত্র প্রব ঘরে  
 হেন রত্ন সনে বিভা দিব যা’র  
 অবশ্যই কোন আছে বিধাতার  
 শুভ ইচ্ছা, ভেবনাক                      নিশ্চিত হইয়া থাক  
 সকলি তাঁহার ইচ্ছা মঙ্গল কারণ” । ৩৯

স্নকুমারী চিত                      হ’ল বিচলিত  
 অপরূপ ছবি হেরিয়া স্বপনে  
 ভাবে বালা সদা বসিয়া নিৰ্জ্জনে  
 কি যেন অভাব তা’র                      যায় নাক স্নতা আর  
 সাজি হাতে করি কুসুম চয়নে  
 নহে ব্যস্ত আর গিরীশ অর্চনে  
 ডাকিলে না কথা কয়                      একদৃষ্টে চে’য়ে রয়  
 থাকে সে আপন ভাবে সদাই মগন  
 চিন্তা একজাই                      কুধা তুষণ নাই  
 ফলাহারে প্রায় দিবস যাপন  
 কুচিং কখনো করয়ে রন্ধন  
 গৈরিক বসন পরি’                      যোগিনীর বেশ ধরি’  
 বিজন পথেতে করয়ে ভ্রমণ  
 ক্লোকালয়ে কভু করে না গমন  
 যত কথা নিজ সনে                      এইরূপে বরাননে  
 ক্রমশঃ হইল দৃষ্ট উন্মাদ লক্ষণ । ৪০

স্নাতারে উন্মাদ                      হেরিয়া নিষাদ  
 পাইল বেদনা, হইয়া কাতর  
 চিকিৎসাদি ক্ষেম করিলা বিস্তর  
 হ'ল ব্যর্থ সর্বোত্তম                      নহে রোগ উপশম  
 হাসি কান্না আদি বিকার সকল  
 দেখা দিল, ক্রমে আময় প্রবল  
 ভাষে মন্দ যা'রে তা'রে                      কেহ না আঁটিতে পারে  
 দেখিতে দেখিতে হ'ল বন্ধ পাগলিনী  
 যদি রাখে ধরি'                      গৃহে রুদ্ধ করি'  
 নিশাযোগে দ্বার হয় উদঘাটন  
 মনানন্দে বালা করয়ে ভ্রমণ  
 দৈবী শক্তি নিরখিয়া                      হরষে আগ্নুত হিয়া  
 জনক জননী এবে দৌহাকার  
 উপজিল প্রাণে ভকতি অপার  
 বাধা বিঘ্ন নাহি দায়                      রমে বালা স্ব ইচ্ছায়  
 স্তব্ধ লোকে শুনে' এই অদ্ভুত কাহিনী । ৪১  
 দিন ব'য়ে যায়                      প্রবাহের প্রায়  
 ক্রমে প্ৰবস্তুতা হইল বোড়শী  
 ষোল কলা পূর্ণ অনিন্দ্য রূপসী  
 নিতম্বের গুরু ভারে                      বামা চলিতে না পারে  
 পীনোরত স্তন পঙ্কজ নয়ন  
 প্রকুঞ্চিত কেশ চম্পক বরণ  
 পৌর্ণমাসী ইন্দু নিভা                      যৌবনসম্ভবী বিভা  
 ছড়া'য়ে পড়ে'ছে যেন মোহিয়া ভুবন

এলায়ুত কেশে                      যোগিনীর বেশে  
 বন্ধ উন্মাদিনী ফেরে বনে বনে  
 বনদেবী সম কুসুম কাননে  
 সখী সম্বোধন করি'              কহে ব্যথা প্রাণ ভরি'  
 তরু স্তম্ভ লতা স্মনস সনে  
 বহে অশ্রু ধারা কভু ফুল মনে  
 গাঁথিয়া কুসুম হার              পরে অঙ্গে স্নকুমার  
 আবার নিন্দিয়া তা'রে করে নিক্ষেপণ । ৪২  
  
 গোধূলি বেলায়                      প্রতি দিন বায়  
 বাপীকূলে, হেরে' স্থখ আলাপনে  
 মুদিতা নবীনা সীমন্তিনীগণে  
 উন্মাদিনী মহোলাসী              অপরে ধরে না হাসি  
 দেখা হ'লে পথে কুমারীর সনে  
 স্তম্ভায় বারতা মধু সম্ভাষণে  
 স্নেহ ভরে গলা ধরি'              সোহাগে চুষন করি'  
 "মঙ্গল করুন ঈশ" বলিয়া পলায়  
 গভীর নিশিতে                      ভ্রামিতে ভ্রামিতে  
 চান্দ্রিক বসন্তে মলয় সমীরে  
 বসে কভু গিয়া সরসীর তীরে  
 জাগে ভাব কি অন্তরে              ধারা ব'য়ে আঁখি ধরে  
 চালে হিমরাশি শশী বেদনায়  
 হৃদয়ের জ্বালা তবু না জুড়ায়  
 চাহিয়া শশাঙ্ক পানে              দিক্কারিয়া অভিমানে  
 অবশ হইয়া বামা পড়িয়া ঘুমায় । ৪৩

গোবিন্দ মন্দিরে                      পশি' ধীরে ধীরে  
 চেয়ে থাকে বামা বিগ্রহের পানে  
 হয়নাক তৃপ্তি, গিয়া সন্নিধানে  
 পদ্মার চিবুক ধরি'                      কহে বামা প্রেম ভরি'  
 "থাক স্নেহে থাক উপেন্দ্র মহিষী  
 এই ভাবে যেন কাটে দিবা নিশি  
 প্রকৃতি পুরুষ সঙ্গ                      মোরে ল'য়ে যত রঙ্গ  
 দেখ যেন কাঁটা কভু ফুটেনাক পায়"  
 ক্ষণকাল তরে                      থাকেনাক ঘরে  
 হেরে শূন্যময়, পুণ্য নিকেতনে  
 ক্ষুধা পেলে আসে বারেক অশনে  
 করেনাক অপকার                      দয়া তাই সবাকার  
 একাকিনী বামা শ্মশানে মশানে  
 বনপথে মাঠে দেউল উঠানে  
 ছায়াতলে তরুমূলে                      হিম নীরে বাঁপীকূলে  
 যখন যেখানে ইচ্ছা মাতিয়া বেড়ায় । ৪৪

ক্রমে এই মত                      নব বর্ষ গত  
 নিষাদ কণ্ঠার বয়স এখন  
 পঞ্চবিংশ প্রায় বিগত যৌবন  
 তথাপি দেখিলে তা'রে                      বয়স বুঝিতে নারে  
 এমন সুন্দর দেহের গঠন  
 এখনো শোভি'ছে ষোড়শী যেমন  
 ত্রিদিবসুন্দরী সম                      ধরে রূপ অমূল্যম  
 অঙ্গনা স্থিরযৌবনা কুরঙ্গনয়না

আজি পাগলিনী                      নহে উন্মাদিনী  
 স্বাভাবিক, যেন গে'ছে রোগ হরে'  
 বড় সাধ মনে পূজিবে শঙ্করে  
 প্রাতঃকৃত্য সমাপিয়া              উৎসাহে উৎফুল্ল হিয়া  
 নিজ্জাক্ত হইল গজেন্দ্রগমনে  
 সাজী হাতে করি' কুসুম চয়নে  
 মুখে গুণ গুণ গান                      আশায় মস্থিত প্রাণ  
 সতত জাগি'ছে মনে ভূতেশ ভাবনা । ৪৫

নানা উপবন                      করিয়া ভ্রমণ  
 আশার আশায় হৃদয় বাধিয়া  
 করিল চয়ন বাছিয়া বাছিয়া  
 বিবদল পুষ্পরাশি                      অধরে অক্ষুট হাসি  
 প্রত্যাগত হ'য়ে কৃতাবগাহন  
 সর স্নিগ্ধ নীরে, হ'য়ে শুদ্ধমন  
 রচিল মনোজ্ঞ হার                      ধূপ দীপ গন্ধসার  
 যাহা কিছু আবশ্যক কৈলা আহরণ  
 ক্ষুধা তৃষ্ণা নাই                      জাগি'ছে সদাই  
 প্রবল বাসনা, নিশা আগমনে  
 দিবে পুষ্পাঞ্জলি গিরীশ চরণে  
 অস্তে গেল বিবস্বান                      আনন্দে নাচিল প্রাণ  
 স্নাত হ'য়ে পুনঃ তড়াগ সলিলে  
 আরাত্রিক বেলা অতীত হইলে  
 গ'য়ে গন্ধ পুষ্প ভার                      চিন্তি'পদ মঙ্গলার  
 নিজ্জাক্ত হইলা বামা ত্যজিয়া ভবন । ৪৬

পল্লীর সীমায়                      মরুৎ কোণায়  
 কপোতাক্ষতোয়া সরসীর তীরে  
 স্নানার্থে রম্য ইষ্টক মন্দিরে  
 বিরাঞ্জন বৃহত্তর                      শিবদ্বিজ যজ্ঞেশ্বর  
 চড়ক সময়ে হয় মহামেলা  
 অমানুষী লোকে করে মল্লখেলা  
 ত্বরিত গমনে বামা                      শঙ্করপূজনকায়া  
 আসিয়া তথায় তূর্ণ হ'লা উপনীত  
 চক্রে পূজার                      নামাইয়া ভার  
 সরনীরে হস্ত পদ প্রক্ষালন  
 করিয়া ললনা হ'য়ে পূতমন  
 প্রণমিয়া ভক্তি ভরে                      দেবদেব মহেশ্বরে  
 মন্দিরে পশিয়া প্রজ্জলিত করি'  
 যতদীপ ধূপবাতি প্রিয়ঙ্করী  
 পুষ্প পত্র গন্ধ সমে                      পবিত্র কঙ্কলাসনে  
 বসিলা পূজায় চিত্ত করে' সমাহিত । ৪৭  
 পুলক-অস্তরে                      স্বেত লিঙ্গোপরে  
 বিদ্যদল পুষ্প অঞ্জলি ভরিয়া  
 ঢালে হেমাক্সিনী মানস করিয়া  
 মাথাইয়া গন্ধসার                      পরাইয়া দিবা হার  
 কহে ভক্তিভাবে "চরণ ছু'খানি  
 সেবি নাই বহু দিন শূলপাণি  
 ক্ষম দেব অপরাধ                      পূরাও মনের সাধ  
 ওগো আমি পাগলিনী হ'য়ে না নিদ্রয়"

“হ’ল যুগান্তর

স্বপনে শঙ্কর

দেখাইলে মোরে যে রূপমাধুরী

দিশিহারা হ’য়ে নিত্য ফিরি ঘুরি

কেন দেখা নাহি পাই

এত খুঁজি নানা ঠাই

উর চন্দ্রচূড় বৃষভবাহন

কিঙ্করীরে দয়া কর ত্রিলোচন

অপাঙ্গে তনয়া প্রতি

চাহ ওহে উমাপতি

দিও’না বেদনা আর উর কুপাময়” । ৪৮

“বিফল জনম

নারীর ধরম

হ’লনাক বিভূ, কবে হ’বে আর

প্রোড়া এবে গত যৌবন আমার

হ’য়ে ‘ওগো অনাথিনী

মনঃখেদে একাকিনী

ভ্রমি পথে পথে পার্শ্বতীরমণ

‘ উর, কর দয়া দুর্গতি হরণ

পারি না সহিতে আর

দহে হৃদি অনিবার

জলে’ মরি দীননাথ হও হে সদয়

ল’য়েছি শরণ

বিপদভঞ্জন

তুমি আশুতোষ ভকতবৎসল

বিরাজ অন্তরে জানহ সকল

উর উর যজ্ঞেশ্বর

তনয়ারে রূপা কর”

নিষাদনন্দিনী এতেক কহিয়া

ধায়ে ভূতনাথে ব্যাকুল হইয়া

দর দর আঁখি বরে

ডাকে কান্তা প্রেমভরে

দেবদেব মহাদেবে হইয়া তন্ময় । ৪৯

ডাকিলা কি ক্ষণে একাগ্রতা সনে  
 টলিল শঙ্কর কৈলাসে বসিয়া  
 পারে কি থাকিতে, ত্বরিত আসিয়া  
 যোগিনীরে প্রত্যাদেশ কৈলা দেব ব্যোমকেশ  
 শুনিয়া সে বাণী পুলকে অধীর  
 হ'য়ে প্রবসুতা রোমাঞ্চশরীর  
 অর্ঘ্য ল'য়ে শিরোপরি সর্ব্বাঙ্গে লেপন করি'  
 দেবালয় হ'তে তূর্ণ করিলা প্রয়াণ  
 বসন ভূষণ করি' উন্মোচন  
 রাখিয়া কামিনী সোপান চত্বরে  
 নামে সরনীরে নিমজ্জন তরে  
 করে' অঙ্গ স্নসার্জিত সাতিশয় পুলকিত  
 বারত্রয় ডুব দিয়া হিম জলে  
 উঠিয়া ত্বরায় দেখে কুতূহলে  
 লিঙ্গ হ'তে অলৌকিক উদ্ভাসিয়া পুরোদিক  
 ক্ষরিতেছে তীব্রালোক তড়িৎ সমান । ৫০

সাপানারোহণ করিয়া যখন  
 গেল দিগম্বরী পরিতে বসন  
 মনোহারী দৃশ্য করে নিরীক্ষণ  
 চকিতে কামিনী চায় ভেবে' ঠিক নাহি পায়  
 হেরে স্রবর্ণের থালে স্নসার্জিত  
 খাণ্ড দ্রব্য নানা দেবতাবাহিত,  
 অগ্নে নানা আভরণ বহুমূল্য, মহাধন  
 গন্ধদ্রব্যে সৌরভিত চিত্তবিনোদন



নমিয়া শঙ্করে                      পুলক-অন্তরে  
 ত্বরা চন্দ্রাননী পরে নীলাধরী  
 আঁটে নীল চোল চারু বক্ষোপরি  
 পরিল হীরক হুল                      নাকচাবী বহুমূল  
 গজমুক্তা হার আর কর্ণনর  
 কেয়ুর কঙ্কন কাঞ্চী মনোহর  
 চিত্রাঙ্কিত কৈলা পায়                      কুঙ্কুমাক্ত আলতায়  
 কপালে সিন্দূর টিপ পরিলা শোভন । ৫১

ভূঞ্জিয়া সত্ত্বর                      খাণ্ড মনোহর  
 যেমনি অঙ্গনা কনক আধার  
 নিক্ষেপিলা জলে হইল আঁধার  
 আশ্র কর ধৌত করি'                      উঠি' বামা ত্বরত্বর  
 উদ্দেশে নমিয়া ভবানী শঙ্করে  
 আদেশিলা যাহা গাঁথিয়া অন্তরে  
 দ্রুতপদে এলোকেশে                      সুরসুন্দরীর বেশে  
 চলিলা বিরিকি পানে হইয়া উল্লাসী  
 সাধনের ক্ষেত্রে                      অনিমেঘ নেত্রে  
 বৎকালে শিব বিকলিত মতি  
 হেরি'ছে দেবীর মোহন মুরতি  
 প্রবস্তুতা সে সময়ে                      তথা উপনীত হ'য়ে  
 মানসের পটে করে'ছে ভাবনা  
 সৌম্য কাস্তি যা'র হইয়া মগনা  
 আজি তা'র নিরখিয়া                      আনন্দে আপ্ত হিয়া  
 দ্বাদশ বৎসর পরে সেই রূপরাশি । ৫২

ধন্য তাঁ'র মায়া                      কাছে ভবজায়া  
 তবু স্নহাসিনী না পায় দর্শন  
 শুভাদৃষ্ট কিবা করে'ছে এমন  
 ভাবে "এই দেবোপম                      ঋষি হ'বে স্বামী মম  
 আহা ! কিবা হেরি বদন স্নন্দর  
 ইন্দীবর আঁখি কাস্তি মনোহর"  
 এই ভাবে বারম্বার                      নিরখিয়া প্রমদার  
 প্রেমোচ্ছ্বাসে অবিলম্বে হইল স্তম্ভন  
 মনোহর বেশে                      দাঁড়াইলা এসে  
 দেবী সন্নিধানে অপরা রমণী  
 না পায় দেখিতে সাধক এমনি  
 মাহপ্রাপ্ত নিরখিয়া                      প্রতিকৃতি কমলীয়া  
 পুনঃপুনঃ যত করে নিরীক্ষণ  
 বাড়য়ে লালসা উচ্চাটিত মন  
 আহা ! কি অলকরাশি                      বিশ্বাধরে মৃদু হাসি  
 কিবা গৌরকাস্তি পদ্মপলাশ লোচন । ৫৩  
 কিবা মনোহর                      হেরে যোগীবর  
 কুসুমিত ছবি গগু মাঝখানে  
 উলসয়ে অঙ্গ পঞ্চশর হানে  
 কিবা হেরে স্নশোভন                      হৃদি মাঝে পীন স্তন  
 কিবা ক্ষীণ কটি নিতম্বপ্রদেশ  
 স্নকুমার দেহ হেরে মঞ্জু বেশ  
 মহাযোগী আপনারে                      বিশ্বত হেরি'ছে কা'রে  
 লভিতে কামিনী সঙ্গ জাগিল বাসনা

গুণ গুণ স্বরে                      মধুপ গুঞ্জরে  
 প্রভাতীয় স্নিগ্ধ বহে সমীরণ  
 কুহু কুহু পিক করয়ে কুজন  
 হরিল শিবের জ্ঞান                      মাতিয়া উঠিল প্রাণ  
 অমনি কামিনী মুচকি হাসিল  
 হানিল কটাক্ষ অঙ্গ শিহরিল  
 কামে তনু জ্বর জ্বর                      কহে শিব অতঃপর  
 “শিবোহং ভজ মোরে ভজ লো ললনা” । ৫৪

ইতি শিবাচার্য্যঠাকুরকাব্যে যোগব্রহ্ম নাম

•                      চতুর্থ সর্গ ।

---

## পঞ্চম সর্গ



কে গো তুমি পূর্ণা প্রকৃতি সুন্দরী  
স্বয়ম্ভুবা আত্মা নিত্য সুখঙ্করী  
বিভাময়ী শুভে কত রূপ ধরি'  
অতুল শোভায় বিশ্ব মুগ্ধ করি'  
করি'ছ খেলা

গগনের পটে ভূগর্ভ শব্দরে  
বিটপীমালায় পর্বত কন্দরে  
জনপদ মাঝে গহন প্রান্তরে  
সাজায়ে রেখে'ছ কিবা মন হরে'  
সুখম মেলা । ১

রেখে'ছ স্বেভগে ! লুকা'য়ে কি ধন  
 বামাদেহ মাঝে বিশ্ববিমোহন  
 কিবা শক্তি ধরে করে আকর্ষণ  
 টানে অশ্বসারে চুষক যেমন  
 তেমতি নরে

কুমারী নগ্নিকা মধ্যমা যুবতী  
 প্রোঢ়া বয়ীসী বক্ষ্যা পুত্রবতী  
 সধবা বিধবা, রতি গতি মতি  
 সমান সবার, অভিন্ন শক্তি  
 সবাই ধরে । ২-

শুকায় তটিনী সরসীর জল  
 শুকায় ললিত চম্পক কমল  
 ক্ষরে না কুসুম মধু অবিরল  
 বহে না মলয়, মঞ্জু পিকদল  
 ভাষে না সদা

কিস্ত ললনার ভাসি'ছে নয়ন  
 নিত্য প্রেমনীরে, প্রফুল্ল বদন  
 স্তম্ভ শান্তি দানে তুষ্টি অধুক্ষণ  
 বহে স্তম্ভ বায়, কল কর্তৃ স্বন  
 কুহরে সদা । ৩-

কিবা সুখময়ী শিশু কত্ৰাধন  
 প্রেম ভরে কোলে উঠিয়া যখন  
 মুখ পানে চে'য়ে করে আলিঙ্গন  
 আধ আধ ভাষে জুড়ায় শ্রবণ  
 বরিষে সুখা

গলা ধরি' যবে মুখে মুখ ল'য়ে  
 বিতরে চুষন নানা কথা ক'য়ে  
 করে স্তম্ভ দান পুলকিত হ'য়ে  
 হয়নি' এ নিধি যাহার আলয়ে  
 জীবন মুখা । ৪

গৌরী সুকুমারী মিলি' সখী সনে  
 “রাঁধু বাড়ু খেলে” পুলকিত মনে  
 কত গিন্নীপনা কত পুএ গণে'  
 খেলায় পুতুল, চারু দরশনে  
 উলসে হিয়া

পিতার সেবিকা জননী সহায়  
 সোদরের প্রতি কত স্নেহ হয়  
 অধিক আকৃষ্ট অমুজ মায়ায়  
 ভাল মন্দ পেলে কদাচ না থায়  
 তা'রে না দিয়া ।

ক্রমে মুগ্ধা যবে অঙ্কুর যৌবন  
 দেহে মধুরতা উপজে তখন  
 অঙ্গপুষ্টি সনে শোভার বর্ধন  
 হয় গো চঞ্চল হৃদয় নয়ন  
 স্বভাব তবে

ঠিক নাহি পায় কিবা জাগে মনে  
 অঙ্গপরিপাটী, কেন ক্ষণে ক্ষণে  
 বদনমণ্ডল হেরে দরপনে  
 সঙ্কুচিত পর পুরুষের সনে  
 সাক্ষাৎ যবে । ৬

হ'লে বিবাহিতা তরুণ বয়সে  
 জাগে নব ভাব, হৃদয় উলসে  
 পতিসঙ্গ হেতু, নানা রঙ্গরসে  
 সঙ্গিনীর সনে কাটায় হরষে  
 দিন যামিনী

লাগেনাক ভাল পিত্রালয় আর  
 কতক্ষণে যাবে বঁধুর আগার  
 নিয়ন্ত বাসনা জাগরুক তা'র  
 বিলম্ব হইলে বেদনা অপার  
 হয় ভামিনী । ৭

গিয়া নব বধু শ্বশুর ভবনে  
 হ'য়ে সোহাগিনী থাকে ফুল মনে  
 শেখে নানা কাজ অতীব যতনে  
 নাহি ধর্ম আর নিত্য জাগে মনে  
 পতির সেবা

কিসে সুখী স্বামী চিন্তা অনুক্ষণ  
 প্রাণপণে ক্রটি করে না কখন .  
 কলহের দাপে নিবারে বাসন  
 বিষদৃষ্টি তা'রে পতির গর্হণ  
 করয়ে যেবা । ৮

কর্মস্থলে যা'র ধর্মের আলানে  
 হয় নাই বিভা বুকে বজ্র হানে  
 দিন যায় যত বাড়ে ক্ষোভ প্রাণে  
 মনের বেদনা অন্তর্যামী জানে  
 কা'রে বা কয়

অহর্নিশি থাকে বাস্ত অধ্যয়নে  
 শিল্পকর্ম নানা সুস্বাদু রন্ধনে  
 অঙ্গ বস্ত্র গেহ দ্রব্যাদি মার্জ্জনে  
 মনোমত বরে তুষিবে যতনে  
 আশায় রয় । ৯



অকস্মাৎ কোথা হ'ল বিনিময়  
 একদৃষ্টে দৌহে দৌহা' চে'য়ে রয়  
 নয়নের সনে দিয়া পরিচয়  
 দৌহে দৌহা' কাছে রাখিয়া হৃদয়  
 চলিয়া যায়

বাড়ে প্রেমশ্রোত দিন যায় যত  
 আশা-তরুমূল দৃঢ় হয় তত  
 পুনঃ দেখা যদি খায় থতমত  
 লঘু হয় দেহ ঘর্ম বয় কত  
 তিতিয়া কায়

কর্মোদ্যুক্ত বামা আর ত থাকে না  
 প্রাণ খুলে কথা কাহারে কহে না  
 হাসে না সে হাসি, তেমন চাহে না  
 বিরলেতে বসি' কা'র কাছে কেনা  
 ভাবয়ে তাই

প্রসঙ্গের ক্রমে যদি তা'র কথা  
 সংগোপনে রাখে মরমের ব্যথা  
 ছল করি' যাহা প্রকাশয়ে তথা  
 অব্যক্ত সে ভাব, এ কঠিন প্রথা

কেন গো রাই । ১১

মরমের ব্যথা প্রিয় সঙ্গিনীরে  
 কহিবে বলিয়া গেল ধীরে ধীরে  
 সরিল না বাণী এল বামা ফিরে’  
 গুপ্ত নিধি সনে লইয়া শরীরে  
 সমূহ ত্রীড়া

বসিল কাগিনী লাজ পরিহরি’  
 লইয়া লেখনী দৃঢ় মন করি’  
 কাঁপিল হৃদয় তুলি গেল সরি’  
 পাইয়া বেদনা বলে “হরি হরি  
 হর এ পীড়া” । ১২

“এইবারে বঁধু সনে দেখা হ’লে  
 প্রাণ ভরে’ হেরি’ বদন কমলে  
 জুড়াব হৃদয়, নয়নের জলে  
 ভাসাব বয়ান, কহিব বিরলে  
 মরম ব্যথা

দেখাইব তা’রে হৃদয় খুলিয়া  
 সুধাইব তা’র চরণ ধরিয়া  
 বারে বারে কেন শুধুই চাহিয়া  
 চলে যায় সেই কিসের লাগিয়া  
 কয় না কথা” । ১৩

বুখা মনোরথ বার্থ সেই পণ  
 এল শুভদিন হ'ল শুভক্ষণ  
 যাহার লাগিয়া আকুল নয়ন  
 ভাগ্যে স্মৃথ নাই, পাইয়া সে ধন  
 রহিল নত

সহসা হৃদ জুটিল আসিয়া  
 ফুটিল না মুখ বিদরিল হিয়া  
 দুঃখিনীর দুঃখে প্রেমাসু বহিয়া  
 হ'ল মাতৃক্রোড়ে নীরবেতে গিয়া  
 শরণাগত । ১৪

একান্তে বসিয়া প্রণয়ী সেথায়  
 ভাবিতেছে কিবা বিমূঢ়ের প্রায়  
 বাধিয়া হৃদয় আশার আশায়  
 কতট ভাজি'ছে গড়িতেছে হায়  
 আকুল চিতে

কি যেন মধুর লেগে'ছে নয়নে  
 কি যেন কাকলি বাজি'ছে শ্রবণে  
 অবসর পেলে ওই চিন্তা মনে  
 কয়নাক কা'রে রাখে সংগোপনে  
 যতই গিতে । ১৫

কত যে নায়ক করিয়া ভ্রমণ  
 প্রকৃতির শোভা করে সন্দর্শন  
 সঙ্গীত লহরী পাখীর কুজন  
 নানাবিধ সুর করয়ে শ্রবণ  
 কে করে লেখা

কিন্তু সে লালিত্য নাহি কোন ঠাঁই  
 সে মধুর ধ্বনি কোথা শুনে নাই  
 সেই সরলতা পবিত্রতা নাই  
 স্তরের আকর হেন কোন ঠাঁই  
 যায় না দেখা । ১৬

কার্য্যাঙ্কলে বঁধু নিত্য প্রীত মনে  
 যায় ওই পথে ভ্রমিত গমনে  
 বহু আশা করি' প্রিয় দরশনে  
 জুড়া'বে হৃদয়, নয়নে নয়নে  
 কহিবে কথা

পুণ্য নিকেতন হ'লে সন্নিধানে  
 অলঙ্কিতে চে'য়ে বাতায়ন পানে  
 যায় মৃদুগতি অতি সাবধানে  
 বোঝেনাক কেহ সেই মাত্র জানে  
 হৃদয় যথা । ১৭

দেখা নাহি হ'লে মরমে মরিয়া  
করে দৃঢ় পণ এই পথ দিয়া  
যায় যদি কভু ওদিকে চাহিয়া  
দেখিবে না আর রহিবে সহিয়া

উচ্ছ্বাস যত

হয় দেখা যদি ভুলে আপনারে  
একদৃষ্টে রয় চে'য়ে প্রমদারে  
চলে' যায়, ফিরে' চায় বারে বারে  
ধষ্ট নয়নেরে নিবারিতে নারে

তাড়িয়ে কত । ১৮

আবার জানি না ভাবিয়া কি মনে  
চলে না সে পথে, যদি প্রয়োজনে  
যায় কভু, দেখা হ'লে প্রিয়া সনে  
চে'য়েও চাহে না, পশে না শ্রবণে

কাকলি গীত

কিন্তু বধু নিত্য বিরলে বাসিয়া  
থাকে সেই মত বিভোর হইয়া  
নয়নের পথে নিয়ত আসিয়া  
সেই সে মুরতি তেমতি চাহিয়া

করে মোহিত । ১৯

দেখিয়া সখার হেন আচরণ  
হতাশে বামার বিচলিত মন  
শোকার্ণবে সদা হইয়া মগন  
ভাবে “বঁধু মোরে কিসের কারণ  
বিরূপ হেন

“সোঁপিলাম দেহ মন যা’র করে  
ঠেলিল চরণে অনাদর করে’  
তবু কেন সেই নিষ্ঠুরের তরে  
প্রাণ কাঁদে এত, পোড়া আঁখি ঝরে  
জানি না কেন” । ২০

এইরূপে কত দিন যায় ব’য়ে  
দৌহে দৌহা’ প্রতি থাকে মুগ্ধ হ’য়ে  
আবার মিলন:কিবা সুসময়ে  
নয়নে নয়নে পুনঃ কথা ক’য়ে  
জুড়া’ল দৌহে

বহে প্রেমশ্রোত হৃদি বিদারিয়া  
উষা পয়ঃ যথা উঠে উথলিয়া  
গুপ্ত নিধি কেহ লয়নি’ হরিয়া  
হইল কামিনী স্বরূপ জানিয়া  
বিবশ মোহে । ২১

পারিল না আঁখি নিরখিতে আর  
 মিটিল না অহা ! কত সাধ তা'র  
 হ'ল নত মুখ, বেগে প্রেমধার  
 ভাসাইয়া গঙ বক্ষঃ প্রমদার  
 বহিল হায়

টলিল নায়ক দৈরজ না ধরে  
 হৃদয়প্রতিমা ধরে হৃদি পরে  
 অমনি মেলন অধরে অধরে  
 ঢলিল কামিনী সোথাগের ভরে  
 বধূর গায় । ২২

পলাইল দূরে লজ্জা অভিমান  
 দৌছে মিশি' এবে হ'ল এক প্রাণ  
 জঁশ সাক্ষী কার' কৈলা সম্প্রদান  
 পরস্পর দৌছে দেহ মন প্রাণ  
 দৌহার করে

সমাজ বন্ধন ধনের গোরব  
 কুলের গরিমা আত্মীয় বিপ্লব  
 পূত্ৰ প্রেমশ্রোতে ভেসে' গেল সব  
 নিবারে সে শ্রোতে এ হেন বৈভব  
 কে কোথা ধরে । ২৩

প্রেম ! কে গো তুমি, পবিত্র অব্যয়  
 অজেয় সন্তম, কোথা সদাশয়  
 উদ্ভব তোমার, কোথায় নিলয়  
 বৈকুণ্ঠ কৈলাসে কিম্বা স্বধাময়  
 স্বরগ পুরে

এসে' জগমাবে মহামনা হ'য়ে  
 বিরাজ হে কভু তাপস হৃদয়ে  
 শুনে'ছি যে ছিলে নিগম সময়ে  
 লোকশিক্ষা তরে অন্তঃশীলা ব'য়ে  
 রাধার উরে । ২৪

বুঝি বা বিহর চিদানন্দ সনে  
 ভ্রম চিদাকাশে মুদিত নয়নে  
 বিভোরিত হ'য়ে সদা আনমনে  
 তাই ভুলে' থাক আসিতে ভুবনে  
 আনন্দ ভরে

অপ্রমেয় তব সুধার ভাণ্ডার  
 বিতর হে দেব ! হও গো উদার  
 সত্যরাজ্য পুনঃ করিয়া বিস্তার  
 কর দয়াময় জীবের উদ্ধার  
 হৃদশা হরে' । ২৫



তব জ্যোতিঃ পে'য়ে নবীনা যুবতী  
 ধরে সংসারেতে প্রভূত শক্তি  
 নহে ভার বোধ সদা কর্ণে রতি  
 পতির সোহাগে সমশ্রদ্ধাবতী

স্বজনগণে

গাঢ়তর প্রেম, হইলে সন্তান  
 হয় সংসারেতে সমধিক টান  
 স্বামী প্রতিচ্ছায়া হেরে' মুগ্ধ প্রাণ  
 সে অবিদ্যমানে যেন অবস্থান

জাগ্রৎ মনে । ২৬.

অবকাশ পেলে শিশু কোলে করি'  
 ভঁর্তার সঙ্গীপে এসে' প্রেম ভরি'  
 হৃষ্টা মধু আশে মেমতি চঞ্চরী  
 মুগ্ধ পানে চে'য়ে প্রকাশে স্নানরী

প্রণয় গাথা

পতিকোলে দিয়া কভু বা আপন  
 চুম্বে মুহুমূর্ছ শিশুর বদন  
 ক্রীড়া ছলে কত কে করে গণন  
 ব্যস্ত করে বামা কোথা তা'র মন

হৃদয় গাঁথা । ২৭

এ দৃশ্যমাধুরী বর্ণন না যায়  
 দৌহে দৌহা' হেরে' পুলকিত কায়  
 এ স্নেহসন্তোগে বঞ্চিত যে হায়  
 বুখা জন্ম তা'র আসিয়া ধরায়  
 মানব হ'য়ে

এ ঐশ্বর্য্য হ'য়ে ঘুচে'ছে ষাহার  
 অক্লান্তিক শোক উথলে তাহার  
 হেরে চতুর্দশ ভুবন আঁধার  
 বাত্যাহত শাখী সম গুচ্ছ তা'র  
 জীবন ব'য়ে । ২৮

প্রোঢ়া যবে বামা পুণ্য নিকেতনে  
 হ'য়ে অধীশ্বরী থাকে হৃষ্ট মনে  
 হইয়া বেষ্টিত পুত্রকল্যাণে  
 পতি সোপার্জিত ধন ধান্য সনে  
 কমলা সম

কিসে স্নখী তা'রা ইহাই ভাবনা  
 নিয়ত মঙ্গল করি'ছে কামনা  
 কস্মিনিষ্ঠ সদা, হেরে' গিন্নীপনা  
 জুড়ায় নয়ন, কা'রেও ললনা  
 তোষে না কম । ২৯

করে' বিসর্জন আপনার স্মৃথ  
 প্রফুল্লিত হেরে' পুত্র কন্যা স্মৃথ  
 কোলের শিশুর হইলে অস্মৃথ  
 থাকে উপবাসী, অনুমাত্র দুঃখ  
 ভাবে না মনে

রুগ্ন পার্শ্বে বসি' রত শুশ্রূষায়  
 মুহুমূর্ছ এসে' বারতা স্মৃদায়  
 আবশ্যক যেবা তখনি যোগায়  
 অস্মৃথ যাবৎ স্বস্তি নাহি পায়  
 তিলেক মনে । ৩০

বাল্যাবধি যাহে সন্তান সন্ততি  
 হয় গণ্য মাত্রে লভিয়া স্মৃতি  
 দেয় শিক্ষা হেন, কুকর্মেতে রত  
 হেরে যদি কভু জন্মায় বিরতি  
 শাসন দাপে

গাড়তর প্রেমে উদ্ব্যক্ত হইয়া  
 দ্বিগুণ উত্তমে বহুধা অর্জিয়া  
 সংসারের গুরু ভার সমর্পিয়া  
 সর্ব'স্মৃথে স্বামী নিশ্চিত হইয়া  
 হরষে যাপে । ৩১

গৃহমধ্য দীপ যথা তমসায়  
 বিতরি' আলোক তোষে গো সবায়  
 নিবারে সাধবস আপদে সহায়  
 কিন্তু তঙ্করের হয় অন্তরায়  
 তেমতি বামা

একাধারে কা'র শাস্তি প্রদায়িনী  
 ম্লেহের প্রতিমা সন্তাপহারিণী  
 প্রেমের আকর শক্তিসঞ্চারিণী  
 উগ্রচণ্ডী কা'র সর্বথা কামিনী  
 মঙ্গলকামা । ৩২

হ'লে বৃদ্ধা ক্রমে অক্ষম হইয়া  
 সংসারের ভার বধূরে অর্পিয়া  
 নতি গতি মতি ইষ্টপদে দিয়া  
 থাকে বামা পূজা আহ্নিক লইয়া  
 সদাই রত

সন্ধ্যা বন্দনাদি হ'লে সমাপন  
 গলবস্ত্রে নর্মি' আরাধ্য চরণ  
 একে একে যত আত্মীয় স্বজন  
 করে সবাচার মঙ্গল কারণ  
 কামনা কত । ৩৩

রজনীর মুখে সমবেত হ'লে  
 নগ্নী সম্পর্কীয়া নবীনা সকলে  
 হর্ষহাস্যোদ্দীপ উপকথা ছলে  
 দেয় শিক্ষা নানা তোষে কুতূহলে  
 কতই সবে

নিশীথে সবাই ঘুমে অচেতন  
 জরতী কেবল করে জাগরণ  
 প্রবাসেতে যা'রা আছে কে কেমন  
 ভেবে' একজাই ত্রিযাগ যখন  
 ঘুমায়ে তবে । ৩৪

সন্তান সন্ততি নাহিক যাহার  
 লইয়া ভাগুর দেবর কুমার  
 কিস্বা ননদীর, যথা আপনার  
 করয়ে পালন কতই আদার  
 তাদের সহে

জননী অধিক করয়ে যতন  
 অনুগাত্র ক্রটি নহে কদাচন  
 হ'লে অপরাধ করে গো তাড়ন  
 মায়েতে যেমতি বিপদে তেমন  
 হৃদয় দহে । ৩৫

ভাগ্য দোষে যেবা পতিপুত্রহীন  
 ছরবস্থা হেতু হ'য়ে পরাধীন  
 কিসা বিত্তে স্বীয় থাকিয়া স্বাধীন  
 পাসরিয়া ছুঃখ ব্যস্ত সারা দিন  
 পরের তরে

থাকে সে যথায় কর্তব্য বিধায়  
 ক্রমশঃ আবদ্ধ হইয়া মায়ায়  
 করে দেহপাত, স্নেহে স্নেহ পায়  
 ছুঃখেতে তা'দের সম বেদনায়  
 ভাবিয়া মরে । ৩৬

যে নারী এ হেন স্নেহের আকর  
 কি হেতু সর্বত্র পায় না আদর  
 অশেষ দুর্দশা যাতনা নিস্তর  
 তথাপি ললনা বাঁধিয়া অন্তর  
 সয় গো প্রাণে

সহিতে না পেরে কেহ দেশান্তরে  
 থাকে গিয়া, কেহ যায় পর ঘরে  
 জাতক্রেমে কেহ ঘৃণা বৃদ্ধি করে  
 কেহ উদ্বন্ধনে, কেহ প্রাণ হরে  
 গরল পানে । ৩৭

এ হেন রমণী কোথাও আবার  
 ডাকিনী শাকিনী মানবী আকার  
 লেশ মাত্র স্নেহ নাহি প্রেমধার  
 বাহ্যিক সুন্দর অন্তর তাহার  
 কুটেতে ভরা

কত যে নায়ক করে' প্রাণপণ  
 যোগায় আনিয়া বিলসিত ধন  
 তবু রাক্ষসীর উঠেনাক মন  
 জাতীয় গরবে করয়ে মনন  
 ধরারে সরা । ৩৮

কুশিক্ষা, সকলি কুশিক্ষার দোষে  
 কুহকে পড়িয়া নতুবা কি পোষে  
 কলুষ প্রবৃত্তি, কিম্বা কভু তোষে  
 হৃদয়েতে পশি' অলক্ষিতে শোষে  
 রুপির যেবা

কুশিক্ষা, না হ'লে কখনো মানব  
 সকাশে তাহার পায় পরাভব  
 করায়ত্ত যেবা, জঘন্ত সংশ্রব  
 প্ররোচনে করে লুটায় বৈভব  
 কুরুচি সেবা । ৩৯

শৈশবে মানব সবাই সমান  
তবে কেন কেহ অবোধ অজ্ঞান  
কেহ মহামতি কেহ বা বিদ্বান  
সৎ বা অসৎ বর্বর প্রধান  
বয়স হ'লে

শিক্ষাই প্রধান শিক্ষা গুণে সব  
আনে দরিদ্রতা অতুল বৈভব  
হয় অধোগতি সুখের উদ্ভব  
সুকৃতি দুষ্কৃতি সকলি সম্ভব  
শিক্ষার বলে । ৪০

বিরাজ কে তুমি কাহার কামিনী  
অনন্ত আকাশে অনন্তরূপিনী  
আপন শোভায় হ'য়ে উন্মাদিনী  
এই বিশ্বমাঝে তুমি সোহাগিনী  
কে মনোরমা

কে পারে বুঝিতে মহিমা তোমার  
রচিয়া অদ্ভুত বিরাট ব্যাপার  
বিমোহিত হ'য়ে প্রেমেতে কাহার  
রাখিয়াছ তা'য় যতনে অপার  
শাস্তি সমা । ৪১



নিত্য জীবহৃদে আছ বিজ্ঞমান  
 তথাপি তোমার করিয়া সন্ধান  
 ঘূরে' মরে তা'রা হ'য়ে হতজ্ঞান  
 মৃগনাভি সনে গন্ধে ধাবমান  
 হরিণ যথা

সর্ব্ব ঘটে মাগো তব অবস্থান  
 উর জ্যোতির্ময়ী দেহ এই জ্ঞান  
 যেমতি উদয় হ'লে বিবস্বান  
 ঘুচে ধ্বাস্তরাশি জীবের অজ্ঞান  
 হর মা তথা । ৪২

শুভাদৃষ্ট ফলে দেবীর দর্শন  
 পাইয়া শিবের কিসের কারণ  
 নিরখিয়া তাঁ'র মুরতি ভীষণ  
 হ'ল মহাভীতি নিকটে যখন  
 সাধবসহরা

অমরমণ্ডলী পুলকিতাস্তরে  
 করিতে দর্শন এল যোগীবরে  
 মঞ্জলাচরণে, কেন গেল হরে'  
 তাদের সে ভাব, অভিভূত দরে  
 হইল ভরা । ৪৩

কেন দেবগণ করিয়া যুক্তি  
পাঠাইলা তবে দৃষ্টা সরস্বতী  
যোগীয়ে দেখিতে মোহিনী মুরতি  
কহাবার তরে, যোগাচ্ছা শক্তি  
জানিয়া মনে

মাতৃজ্ঞানে যদি রমণীর সঙ্গ  
তাজিলা আচার্য্য, কি হেতু প্রসঙ্গ  
করিল হেরিতে পূর্ণশোভনাজ  
দৈর্ঘ্যচ্যুত শিব হ'ল যোগভঙ্গ  
যা' দরশনে । ৪৫

কোথা পুণ্য ছবি করে' নিরীক্ষণ  
মহাভাবে শিব হইবে মগন  
হ'ল কি না তা'র স্মরসন্মোহন  
কেন এ বৈষম্য আত্মবিস্মরণ  
কুমতি হয়

এ রহস্য ঘোর কে বুঝিতে পারে  
কা'র শক্তি হেন জগৎ মাঝারে  
ক্ষেমবিধায়িনী তিনি সর্বাধারে  
পড়িয়া মানব ভ্রম অন্ধকারে  
বোঝে কি তা'য় । ৫৬

যৎকালে শিব রোমাঞ্চিত কায়  
 যাচিলা আসঙ্গ অনঙ্গ পীড়ায়  
 মহাদেবী তবে ঐশ্বরী মায়ায়  
 নিমেষে শিবের জ্ঞান সমুদায়  
 লইয়া হরে’

অনিন্দ রূপসী মাতঙ্গ স্তূতার  
 স্তম্ভন-মদির করে’ প্রত্যাহার  
 হৈলা অন্তর্দান, দেহেতে তাহার  
 নিজ আকর্ষণী শক্তি বিন্দু ধার  
 সঞ্চার করে’ । ৪৬

নিষাদকুমারী ঘুচিলে স্তম্ভন  
 হেরে যোগীবর তা’রে অম্লক্ষণ  
 অনিমেষ নেত্রে করে নিরীক্ষণ  
 লজ্জায় বামার অর্গল বদন  
 হটল নত

রহিল চাহিয়া ধরি গ্রীৱ পানে  
 কুটিল কটাক্ষ র’য়ে র’য়ে হানে  
 মাতিল সাধক পঞ্চশর বাণে  
 জাগে সঙ্গ আশা ততোধিক প্রাণে  
 নিরপে যত । ৪৭

ঈশ্বরী মায়ায় সাধকপুঞ্জব  
পূর্ব আত্মস্থিতি ভুলে' গিয়া সব  
অপনীত জ্যোতিঃ সাধনাসম্ভব  
জ্ঞানদ্রষ্ট যথা উন্মত্ত মানব

ভবসুন্দরীর কান্তি কমনীয়া  
প্রেমভরে পুনঃ পুনঃ নিরখিয়া  
মন্থথ পীড়নে অধীর হইয়া  
এরূপ তাহারে মধু সস্তাষিয়া

বচন কয় । ৪৮

“কেন স্ববদনী রৈলে মোনী হ’য়ে  
মম বাক্যে ব্যথা পেলে কি হৃদয়ে  
এ বিজন পথে হেন অসময়ে  
মোহিনীর সাজে কিসের আশয়ে  
ভ্রমণ তব

কে গো তুমি রামা কাহার কামিনী  
বনদেবী কিম্বা অমর মোহিনী  
ভ্রমিতেছ কা’র তরে একাকিনী  
কে সে ভাগ্যবান যা’রে বিনোদিনী

সোহাগ তব” । ৪৯

“কিবা ঘন ঘোর চাঁচর কুস্তল  
করে ঢল ঢল নয়ন কমল  
আহা কি পীবর বক্ষোজ যুগল  
কিবা মধ্য শোভে বরণ বিমল  
নিতম্বদেশ

কর্ণ নাসিকায় হীরক ভূষণ  
কিবা মুক্তাহার কঞ্জী স্নশোভন  
জড়িত মেথলা অঙ্গদ কঙ্কন  
কিবা তব সহ নীলাভ বসন  
মোহন বেশ” । ৫০

“দেহ বরাননে ! তব পরিচয়  
গুনিয়া বচন জুড়া’ক হৃদয়  
শুধু চে’য়ে তোনা তৃপ্তি নাহি হয়  
বড় আশা প্রাণে, হইয়া সদয়  
কহ গো কথা

অনুপম তব রূপের ছটায়  
করে’ছ শোভনে ! বিমুগ্ধ আমায়  
লয়িলু শরণ লুটাইয়া পায়  
অধীনেরে আর মিনতি তোমায়  
দিও না ব্যথা” । ৫১

মানসের পটে দ্বাদশ বৎসর  
 পূজিয়াছে যা'রে সেই যোগীবর  
 যাচে প্রেম আজি হইয়া কাতর  
 হেরিয়া বামার আপ্প্রুত অন্তর  
 হরষ সনে

সাধনের ধনে প্রবল বাসনা  
 ধরে হৃদি পরে, তথাপি ললনা  
 কিবা হেতু এবে রৈল আনমনা  
 প্রকৃতি সুন্দরী ! কি তব ছলনা  
 অবলা সনে । ৫২

প্রেমে মুগ্ধ শিবে করিয়া দর্শন  
 মৌন ভাবে বামা রৈল বহুক্ষণ  
 পরিশেষে হেন সহাস্ত্র বদন  
 কথার ছলনে কৈলা সম্ভাষণ  
 সাধকবরে

“নহি আমি প্রভু কাহার গৃহিণী  
 জানিনাক কা'রে বলে সোহাগিনী  
 আপনার ভাবে হ'য়ে উন্মাদিনী  
 ইচ্ছামত সদা ভ্রমি একাকিনী  
 আমোদ ভরে” । ৫৩

“নিষাদ কুলেতে জনম আগার  
 এক মাত্র আমি সন্তান পিতার  
 মাতা দয়াবতী প্রকৃতি উদার  
 ইষ্টদেব শূলী করুণা অপার

কিঙ্করী প্রতি

শঙ্কর কুপায় নাহি কষ্ট গম  
 ভ্রমি জগমাঝে উগ্রচণ্ডা সম  
 কা’রে না ডরাই কালান্তক যম  
 ছোঁয়নাক মোরে, ধরম করম

যাদৃশী মতি” । ৫৪

“এলো থেলো বেশে কভু চীরবাস  
 কভু নবান্বর অঙ্গের বিহ্বাস  
 দুর্গন্ধ গায়েতে কখনো সুবাস  
 মোহন এ সাজ দেব কুন্ডিবাস

দিয়াছে মোরে

ভ্রমিতে ভ্রমিতে আসিয়া হেথায়  
 অপরূপ দৃশ্য হেরিহু তোমায়  
 শবাসনে স্থির দৃষ্টি চে’য়ে কা’য়  
 দেখিতেছিলাম তাই মুগ্ধ প্রায়

কোতুক ঘোরে” । ৫৫

“আকারে তোমায় হয় অনুমান  
বিপ্রকুলোদ্ভব সাধক প্রধান  
জ্যোতির্ময় বপু পাবক সমান  
কমনীয় ছাতি যেমতি ঈশান  
ভাতিছে তেন

তাত্ত্বিক অগ্রণী নাহি ইথে আন  
শবসিদ্ধি হেতু আয়াস মহান  
তাইতে প্রযত আজি এ শ্মশান  
অকস্মাৎ তবে কেন মতিমান  
বিবশ হেন” । ৫৬

বীণাতন্ত্রী সম হইল বাদন  
শিব কণ্ঠমূলে মাতঙ্গী বচন  
হাসিতে হাসিতে সাধক তখন  
মহোল্লাসে হেন উন্মাদ যেমন  
বচন কহে

“জানি না প্রমদে ! জাতি বলে কা’রে  
আছে কি প্রচার জগৎ মাঝারে  
যদি থাকে তবে বিভিন্ন আকারে  
জাতি মম যাহা বল আপনারে  
অন্ত ত নহে” । ৫৭



“জানি না কিরূপ সাধন ভঞ্জন  
 খাই দাই স্থখে করি বিচরণ  
 স্বপনের ঘোরে করে’ দরশন  
 তব রূপরাশি বিমোহিত মন  
 হইল যবে

নিশি আলুকুল্যে আসিয়া হেথায়  
 ঘুচিলে স্তম্ভন বুঝি কোথায়  
 এসেছি শ্মশানে পুলকিত কায়  
 হেরিতেছি তোমা’ জড়ীভূত প্রায়  
 বসিয়া শবে” । ৫৮

“পুরুষ প্রকৃতি সম্পৃক্ত সদাই  
 অযুগ্ম শরীরী নাই কোন ঠাই  
 কহ অকপটে তোমারে সুধাই  
 কেন একাকিনী ভ্রম একজাই  
 বিরস মনে

নারীর ধরম কর না হেলন  
 স্থির কর মতি গৃহধর্মের মন  
 পাবে সুখোন্তোম শান্তি নিকেতন  
 এ হেন যৌবন করি’ছ ক্ষেপণ  
 কি আলম্বনে” । ৫৯

“কিবা হেরি তব স্খাংশুবদন  
স্খা হাসি কিবা মধুর বচন  
নিরখিয়া তোমা’ মুগ্ধ মম মন  
প্রেমের ভিখারী কর বিতরণ

হ’য়ো না বাম

স্বপবিত্র তুমি রমণীরতন  
এস বরাননে ! করিয়া ধারণ  
বক্ষোপরে তোমা’ করি গো পূজন  
এস দৌহে মিলি’ করি প্রণয়ন

আনন্দধাম” । ৬০

“পবিত্র এ ভূমি বিজন শ্মশান  
বীতিহোত্র হেথা হ’য়ে অধিষ্ঠান  
দেখ সমাহৃত বস্তু নানা থান  
সিন্দুর কুঙ্কুম স্তূপ পরিমাণ

কুঙ্কুম মালা

এস স্নমধ্যমে ! অগ্নি সাংক্ষী করি’  
সীমন্তে সিন্দুর মালা কণ্ঠোপরি  
দিই পরাইয়া, সোহাগেতে ভরি’  
জুড়াই তোমায় হৃদয়েতে ধরি’

বিরহ জ্বালা” । ৬১

“শুন বরাননে ! যাবৎ জীবন

রহিবে তোমার করিব পূজন

ও বদন বিনা ভ্রমেও কখন

চাহিব না কা’রে করিতেছি পণ

সরল প্রাণে

আদেশিবে যাহা করিব পালন

হৃদয়েতে লিখি’ নাম অনুক্ষণ

‘গুণগ্রাম তব করিব কীৰ্ত্তন

তোষ লো মলনে হরিয়া বেদন

সম্মতি দানে” । ৬২

শুনে’ প্রবস্ততা এতেক বচন

বুঝিলা যোগীর বিঘোর স্তম্ভন

প্রেমে গদগদ হইয়া তখন

ভক্তিভাবে হেন কহিলা বচন

অক্ষুট স্বরে

“হীন জাতি আমি পরশে আমার

অধোগতি প্রভু হইবে তোমার”

এতেক কহিয়া লজ্জায় বামার

লুকা’ল বদন, হেঁট মুখে আর

বাণী না সরে । ৬৩

“কি কব তোমায় অবোধ রমণী  
কোথা জাতিভেদ, মানব যেমনি  
করে কল্ম হেথা পায় সে তেমনি  
সম্যক পদবী, দ্বিধা সুবদনৌ

কর না মনে

সুববিত্ত তুমি অতীব সুন্দর  
রূপের গরিমা গুণের আকর  
হৃদয় আকাশে হ'য়ে শশধর  
জুড়াও বিতরি' সুধা স্নিগ্ধকর

তাপিত জনে” । ৬৪

সুহাসিনী প্রাতি এতেক কহিয়া  
উঠিল সাধক আসন ত্যজিয়া  
প্রেমে গদগদ পুলকিত হিয়া  
হৃদয়ের রাণী ইচ্ছা ধরে গিয়া

হৃদয় পরে

হেরিয়া বামার শিহরিল অঙ্গ  
অস্তিকে সাধক যেমনি, আতঙ্গ  
হইল দারুণ, পুরুষের সঙ্গ  
করে নাই কভু, রণে দিল ভঙ্গ

নিমেষ পরে । ৬৫

কামোন্মত্ত হ'য়ে বৃষভ যেমতি  
 রোহিণী পশ্চাতে ধাবিত তেমতি  
 ধায় যোগীবর, উপযাচে রতি  
 গুনেনাক ভীক্স যায় দ্রুতগতি  
 আপন মনে

একে ত সাধক দীর্ঘ একাসনে  
 বিকলিত, তা'য় মদিরা সেবনে  
 অবশ অধীর টলি'ছে চরণে  
 চলিতে না পারে ত্বরিত গমনে  
 অবলা সনে । ৬৬

চলে' যায় বামা অবিরাম গতি  
 থেকে' থেকে' চায় সাধকের প্রতি  
 কত যোগীবর করয়ে মিনতি  
 ডাকে বারম্বার কাতরেতে অতি  
 ভরে না কাণে

শ্রাশানভূমের নৈঋত কোণায়  
 তিন ক্রোশ দূরে মহীধ্র তলায়  
 ভীষণ অরণ্য, আসিয়া তথায়  
 উপনীত বামা শ্বেদাপ্লুত কায়  
 বিকল প্রাণে । ৬৭

উপত্যকা ভূমি পাদপে মণ্ডিত  
ক্ষীণ শ্রোতস্বতী নিম্নে প্রবাহিত  
উপকূলে তা'র প্রস্থনে শোভিত  
পুষ্পদ্রুম নানা, বায়ু সৌরভিত  
হৃদয় হরে

আসিয়া হেথায় নির্ঝরিণী কূলে  
বসিলা কামিনী বটবৃক্ষ মূলে  
শিলাখণ্ডোপরি এলায়ুত চূলে  
অঙ্গ বস্ত্র চোল সমুদয় খুলে'  
সমীর তরে । ৬৮

ঝুর ঝুর বহে প্রাতঃ সমীরণ  
গুণ গুণ স্বরে ভ্রমর গুঞ্জন  
পিক কুহু কুহু করি'ছে কুঞ্জন  
প্রসারিয়া পাখা নাচে শিখীগণ  
ময়ূরী সনে

হেরে' মঞ্জু ছবি মাতিল কামিনী  
শাস্ত হ'লে চিত ভাবে বিরহিণী  
“পূজিলু যাহারে দিবস যামিনী  
এবে কেন হেরে' ভীতি উন্মাদিনী  
জাগিল মনে” । ৬৯

“আহা ! সারা নিশি করিয়া ভ্রমণ  
কতই না ক্লেশ হ’তেছে এখন  
চলিতে সখার, পরিয়া চরণ  
যাচিব মার্জ্জনা, যাহাতে তোষণ  
করিব হেন”

ভাবিতে ভাবিতে বেগে প্রমদার  
করণ অন্তরে বহে প্রেমদার  
হৃদয়েতে হ’লে প্রণয় সম্ভার  
রৈল চে’য়ে পথ পানে অনিবার  
চাতকী যেন । ৭০

কৃতক্ষণে শিব হ’ল উপনীত  
অঙ্গ দিয়া বর্ণ্য বহে অপ্রমিত  
কান্তার রূপেতে কেমন মোহিত  
হইয়া অবাক হেরে স্তম্ভিত  
বদন ছবি

অনিমেঘ শিব করে নিরীক্ষণ  
মনোমোহিনীর সুধাংশুবদন  
প্রমোহিতাস সেই অরসমোহন  
কা’র সাধ্য করে স্বরূপ বর্ণন  
কে হেন কবি । ৭১

সম্মরিয়া জ্বরা সাধক তখন  
কহে প্রমদারে এরূপ বচন  
“বাজিল কি প্রাণে হেরে’ আচরণ  
কুমঙ্গ ত্যজিতে তাই কি যতন  
করি’ছ ছলে

কহ বিধুমুখী কহ প্রকাশিয়া  
দাঁড়াও স্বদেশে বারেক আসিয়া  
জনমের তরে শ্রীমুখ হেরিয়া  
কনক মুরতি হৃদয়ে স্থাপিয়া  
যাই গো চলে” । ৭২

শুনিয়া বামার বহিল নয়ন  
“ক্ষম অপরাধ দিয়াছি বেদন  
ক্ষম নাথ মোরে” কহিয়া বচন  
নীরবিলা বামা লজ্জায় বদন  
হইল নত

অমনি আচার্য্য লৈলা হৃদি পরে  
হৃদয়প্রতিমা, মেলিল অধরে  
উলসিল অঙ্গ ভীতি গেল হরে’  
মাতিল হু’জনে, দৌহে মদভরে  
আনন্দে রত । ৭৩



হেথা শবভূমে যখন গগনে  
 উদিত ভাস্কর প্রচণ্ড কিরণে  
 বিরূপাক্ষ উঠি' বসিয়া আসনে  
 গুরুবৃত্ত পানে উৎকণ্ঠিত মনে  
 চকিতে চায়

হেরে মহামতি বিস্মিত হইয়া  
 নাচি'ছে কবন্ধ বাহু প্রসারিয়া  
 বৃত্ত বেড়ি' তা'রা শব আগলিয়া  
 জম্বুক নিচয় অদূরে বসিয়া  
 নিরখি' তা'য় । ৭৪

পড়ে' আছে শব মেলিয়া নয়ন  
 সৃজীপূর্ণ পুষ্প শ্রীদল চন্দন  
 সেইমত পড়ে' ভীম প্রহরণ  
 স্নগন্ধি যতেক, দ্রব্য অগণন  
 আহুত যত

যেখানে যা' ছিল তেজস্বিতী সকল  
 স্থাপিত, সাধক নাহিক কেবল  
 নিরখিয়া বিরূপ গণে অগঙ্গল  
 ঠিক নাহি পায় ভাবিয়া বিকল  
 চেতনা হত । ৭৫

“ভঙ্গ দিল যবে বিত্বাধরীগণ  
মহোল্লাসে বুঝি’ সমাপ্ত সাধন  
পূর্ণ পাত্র ঢেলে’ করিহু সেবন  
পড়িহু চলিয়া হারা’য়ে চেতন  
অধিক পানে

পে’য়ে সিদ্ধি যোগী দেবী দরশনে  
চলে’ গেল বুঝি প্রফুল্লিত মনে  
কিন্ধা পলাইল পুনঃ সন্দর্শনে  
অসম্ভাবী দৃশ্য মহাভীতি সনে  
আকুল প্রাণে” । ৭৬

“হ’লে সিদ্ধ শিব পুলকিত হিয়া  
করিত কতই আমারে লইয়া  
আনন্দ উৎসব, বিহ্বল হইয়া  
কভু কি সম্ভবে যা’বে সে চলিয়া  
ফেলিয়া মোরে

অতিবেল মম কাঁপি’ছে হৃদয়  
কোন মতে চিন্ত স্থির নাহি হয়  
লইতেছে মনে যেন নিঃসংশয়  
যোগব্রষ্ট গুরু পড়িয়া দুর্জয়  
বিপাক ঘোরে” । ৭৭

“নিজে বিষ ঢেলে” করিছ ভক্ষণ  
 অমৃতের আশে কর্তব্য হেলন  
 ধিক্ মোরে ধিক্ ধিক্ এ জীবন  
 সর্বৈব বিফল উত্তম ঘটন

আমার দোষে

মোহাবিষ্ট হ’য়ে কি করিছ হায়  
 থে’য়ে কালকূট নরি যে জালায়  
 পারি না সহিতে বুক ফেটে’ যায়  
 হ’ল ভরাডুবি শেষে কি না হায়

আমার দোষে” । ৭৮

“যাবৎ শিবের না হয় উদ্ধার  
 কোন মতে মম নাহিক নিস্তার  
 অশেষ দুর্গতি যন্ত্রণা অপার  
 মনস্তাপে অহো ! হৃদয় আমার

যায় যে দহে’ ”

দেখিতে দেখিতে আরক্ত বদন  
 থর থর অঙ্গ রক্তিম নয়ন  
 তীব্র দৃষ্টি চে’য়ে ধরষি’ রদন  
 ক্রোধ ভরে বিরূপ একরূপ তখন

বচন কহে । ৭৯

“ঘৃণ্য ইরা তুই পুরীষ সমান  
 তোর সঙ্গে হরে স্বাভাবিক জ্ঞান  
 তাই অস্পর্শীয়া কহে গতিমান  
 বিশ্বাসঘাতিনী তারি বধ প্রাণ  
 যে করে সেবা

অতি ঘৃণ্য তুই জগত নাঝার  
 তোর স্পর্শে হেন দুর্দশা আগার  
 দিলি শিক্ষা ভাল ভুলিব না আর  
 দূর পাপীয়সী হও পূজ্য তার  
 ভ্রমাক্ষ য়েবা” । ৮০

উত্তরসাধক এতেক বচন  
 কহিয়া সদর্পে উঠিল তখন  
 ছিল যন্ত্র যত করি’ আহরণ  
 দীঘী জলে তাহা কৈলা নিক্ষেপণ  
 ত্বরায় ল’য়ে

আহরিয়া এধ বহুল যতনে  
 মলয়জ ঘৃত গন্ধদ্রব্য সনে  
 শবের সংকার করি’ স্কন্ধ মনে  
 নিষ্ক্রান্ত হইলা গুরু অবেষণে  
 ব্যাকুল হ’য়ে । ৮১

বিরিঞ্চি চৌদিক করিয়া বেঁটন  
 স্বচ্ছ নীর তলে কৈলা নিরীক্ষণ  
 রোধেতে উঠিয়া গুল্ম লতা বন  
 তন্ন তন্ন করি' আশাবিত মন

খুঁজিলা কত

সেথায় গুরুর না পে'য়ে দর্শন  
 সমগ্র প্রান্তর বেড়িয়া তখন  
 মগিহারা হ'লে ভুজঙ্গ যেমন  
 আকুল হৃদয়ে কৈলা অন্বেষণ

জুড়িয়া যত । ৮২

ছিল পল্লী যত প্রান্তর সীমায়  
 একে একে বিরূ প্রবেশিয়া তায়  
 নিরথয়ে বা'রে মনোবেদনায়  
 কহিয়া লক্ষণ বারতা স্তপায়

নিয়ত ফিরে'

এইরূপে শোকে হ'য়ে হতজ্ঞান  
 অবিশ্রান্ত ভ্রমি' এখান সেখান  
 কোথাও গুরুর না পে'য়ে সন্ধান  
 হতাশে বিরূর ভাসিল বয়ান

নয়ন নীরে । ৮৩

একে অবসন্ন মদিরা সেবনে  
 তাহে সারা দিন থেকে' অনশনে  
 অস্নাত ভ্রমিয়া প্রচণ্ড কিরণে  
 পরিশ্রান্ত বিরূপ গুরুর কারণে  
 শোকাক্ত তা'য়

অবসান প্রায় দিবস যখন  
 না পে'য়ে গুরুর কোন নিদর্শন  
 সজ্জল নয়নে বিষাদিত মন  
 গৃহ অভিমুখে চলিলা তখন  
 বিহ্বল প্রায় । ৮৪

ইতি শিবাচার্য্যাকুরকাব্যে অনুসন্ধান নাম  
 পঞ্চম সর্গ

---

## ষষ্ঠ সর্গ ।



দিগন্ত ব্যাপিয়া নিখিল অম্বর  
জুড়িয়া আপগু বিশ্বচরাচর  
অক্ষুণ্ণ প্রভাব সহ                      বিস্তারিয়া অহরহ  
শাস্তি-ক্রোড় অমি ! সর্বদুঃখহরা  
সুখময়ী জীবে সমন্বিতপরা  
কে বিরাজ তুমি ভুবনপ্রিয়া  
কে গো ! নিদ্রা তুমি সর্বক্ষেমকরী  
প্রকৃতি দেবীর নিত্য সহচরী  
দেবতা দানব নর                      পগ মৃগ জলচর  
পুতঙ্গাদি কীট কা'রে নাহি রোষ  
শরণ্যা সবার সকলারে তোষ  
সবারে সমান আশ্রয় দিয়া । ১

ক্ষুধাতৃষ্ণাতুর ব্যাধিসস্তাপিত  
 ভয়েতে বিহ্বল সংসারতাড়িত  
 বিপন্ন শোকেতে হত                      বিরহে কাতর যত  
 তব ক্রোড়-নীড়ে পশে গো যখন  
 ভুলে' যায় তারা সকল বেদন  
 ধন্য দেবী তুমি জগতীতলে  
 ধন্য মহাপ্রভা অচিন্ত্যরূপিণী  
 স্খাময়ী নিত্য শান্তি প্রদায়িনী  
 জীবের মঙ্গল তরে                      সমুদ্ভবা চরাচরে  
 সৃজন কুজন বাখানি তোমারে  
 তোষ গো সমান ঘৃণা নাহি কা'রে  
 সৃজন রহিত তুমি না হ'লে । ২  
 গত নিশামুখে আসার পতনে  
 নিক্ত বসুন্ধরা ফুল ফুল সনে  
 শীতল মলয় বায়                      মৃদুল বহি'ছে তা'য়  
 পরিশ্রান্ত তাই আজি পৌরজন  
 ঘুমেতে স্বরায় সবে অচেতন  
 সমীর পরশে অবশ হ'য়ে  
 তমাচ্ছন্ন ঘোর গভীরা রজনী  
 অতিবেল এবে কি'ন্নি' ভেক ধ্বনি  
 জনপ্রাণী কোন ঠাঁই                      আর ত জাগত নাই  
 জাগিয়া কেবল বিরূপাক্ষ মাতা  
 গৃহদ্বারে বসি জপে ভয়ত্রাতা  
 ইষ্ট নাম তাঁ'র শরণ ল'য়ে । ৩



অবিরাম মন্ত্র জপে প্রেম ভরে  
 রোমাঞ্চিত তনু নয়নাশু বরে  
 অলঙ্কৃত লোহিত নিন্দ গোবিন্দ পদারবিন্দ  
 জপমালা হৃদে করিয়া স্থাপন  
 ধ্যায়ে বিরামাতা মেহাপ্লুত মন  
 গুরু শিষ্য দৌহা' মঙ্গল তরে  
 "উর হৃদীকেশ কমলারমণ  
 উর ত্রিবিক্রম শ্রীবৎসলাঞ্জন  
 উর উর দামোদর বলিধ্বংসী মুরহর  
 শবভূমে পশি' ছাবাল ছ'জন  
 লোমহর্ষ ঘোর করি'ছে সাধন  
 লহ গো তাদের সাধবস হরে' " । ৪  
 "একে শাশানের ছবি ভয়ঙ্করী  
 তাহে ধ্বাস্তময়ী ভীষণা শর্বরী  
 শবে প্রেত অদিষ্ঠান বিল্লকারী বলীয়ান  
 তাহে মহামায়া পারিষদগণ  
 সিদ্ধাদি পিণ্ডাচ ভূত অগণন  
 বিকটমূর্তি অদ্ভুতকায়  
 আসিয়া সবাই হ'বে অন্তরায়  
 ভীতি উৎপাদনে কিম্বা ছলনায়  
 তাহারা পরাস্ত হ'লে আসিবেক দলে দলে  
 মন্ত্রাবিনী যত অঙ্গরা কিল্লরী  
 করিবে যতন নানা ছল করি'  
 মোহিতে সাধকে রূপছটায়" । ৫

“এস বনমালী গোবর্দ্ধনধারী

ভকতরঞ্জন মধুকৈটভারি

সাধক হৃদয় দেশে

বিরাজ কেশব এসে’

হও গো সহায় সঞ্চারিয়া বল

দূর কর ভয় বিয় অমঙ্গল

কৃপা কর প্রভু কিঙ্করী প্রতি

বিপদভঞ্জন হ’লে তব দয়া

আপনি প্রসন্ন হ’বেন অভয়া

সাধকের বাঞ্ছা পূর্ণ

করিবেন এসে তূর্ণ

কাতরে মিনতি করি দয়াময়

অকৃতি সন্তানে হও গো সদয়

এস দীননাথ কমলাপতি” । ৬

এরূপে জরতী ডাকে ভক্তিভরে

পরমপুরুষ দেব বিশ্বস্তরে

বহে অশ্রু দরদর

লোমাঞ্চিত কলেবর

ধ্যায়ে একমনে আরাধ্য চরণ

সাধকদ্বয়ের মঙ্গল কারণ

মায়ায় আগ্নুত বিবশ হ’য়ে

বহি’ছে ক্ষণদা মূহুর্ত গমনে

ভীষণ আকারে তমাস্বর সনে

ঘোর রাবে ভূরিমায়

নয়নের পথে তা’ম্ন

নাচে বিভীষিকা না করে মনন •

ভাবে মগ্ন বামা করি’ছে স্মরণ

বিপদবারণ করুণাময়ে । ৭

অতীত রজনী তৃতীয় প্রহর  
 ক্রমে বামাদেহ বসি' নিরন্তর  
 অবসন্ন হ'ল ভার                      থাকিতে না পারে আর  
 একে বয়ো গুণে নহে ত স্থবির  
 স্বতঃ চর্ম্মলোল শিথিল শরীর  
 পড়িলা স্বরায় ধরায় লুটে'  
 ধ্যায়িতে ধ্যায়িতে শুভদ চরণ  
 বিঘোর নিদ্রায় হ'লা অচেতন  
 প্রহরার্ক দিবা যবে                      দেখিলা স্বপন তবে  
 আচার্য্যে না হেরে' তাহার সন্ধান  
 হ'য়ে দিশিহারা ব্যাকুলিত প্রাণে  
 দ্বারে দ্বারে বিক্র ভ্রমি'ছে ছুটে' । ৮

সচকিতে বামা উঠিল তখন  
 কাঁপিল হৃদয় ব্যস্ত হ'ল মন  
 প্রাতঃকৃত্য সমাপিয়া                      পূত নীরে নিমজ্জিয়া  
 পুনঃ বিক্রমাতা বসিলা স্বরায়  
 হইয়া অধীর অপত্য মায়ায়  
 দয়াল হরির চরণ ধ্যানে  
 নুগ্নন মুদিয়া আরাধ্য চরণ  
 কতই জরতী করিল মনন  
 কোন মতে সমাহিত                      করিতে না পারে চিত্ত  
 মল্লসের পটে ললান মুরতি  
 জাগেনাক কত করয়ে যুক্তি  
 হইতে সংযত ব্যাকুল প্রাণে । ৯

ছর ছর হৃদি কাঁপে অবিরল  
 অধম নয়ন স্পন্দিত কেবল  
 প্রমাদ গনিয়া তবে                      অভিভূত শোকাক্ষবে  
 উঠিয়া জরতী কহিল। দাসীরে  
 লইতে সংবাদ সাধন মন্দিরে  
                     অমনি কিঙ্করী ছুটিল ধে'য়ে  
 জ্ঞাপিলা বারতা আসিয়া ললনা  
 উদ্ভানেতে সেথা নাহি কোন জনা  
 শুনিয়া অশুভ বাণী                      সত্য স্বপ্ন অনুমানি  
 বুঝিলা জরতী ঘোর অমঙ্গল  
 যোগভ্রষ্ট শিব সাধনা বিফল  
                     অনিবার্য কোন প্রতিষ পে'য়ে । ১০

ক্রমে দিন বাড়ি বিক্র নাহি আসে  
 বাড়িয়ে উৎকর্ষ ততোধিক ত্রাসে ।  
 বেলাতীত দ্বিপ্রহর                      প্রচণ্ড মর্দণ কর  
 ঢালে অগ্নিরাশি বহে ঘূর্ণিবায়  
 বলসয়ে অঙ্গ কা'র সাধ্য যায়  
 আতপত্রশূণ্য প্রান্তর ব'য়ে  
 ভাবিছে জরতী—“আহা ! বিক্র যম  
 এ দারুণ রৌদ্রে বাতুলের সম  
 ভ্রমিতেছে দ্বারে দ্বারে                      তৃষ্ণাতুর অনাহারে  
 গুরু লাগিয়া কত বাছা মোর •  
 সহিতেছে ক্লেশ বিপাকেতে ঘোর  
 পড়িয়া আকুল অধীর হ'য়ে” । ১১

“আহা ! শিব মোর সারাটা জীবন

করিল কতই কঠোর সাধন

শেষে কি না যোগদ্রষ্ট                      সকলি হইল নষ্ট

কি দোষে এ দশা হইল তাহার

কুচিন্তায় চিত কলুষ আমার

আছে কি সে, কিস্বা মরিল প্রাণে

সাধনে সহায় হইতে সম্যক

গেল বিক্র হ'য়ে উত্তরসাধক

সে যে ধীর অবতংস                      তবে কেন বুদ্ধিভ্রংশ

## হ'ল অকস্মাৎ হারাইল তাই

গচ্ছিত রতন কা'রে বা স্থধাই

এ গুহা কাহিনী কেউ বা জানে" । ১২

অধীরা জরতী তব মনোব্যথা

রাখে সংগোপনে বিপদের কথা।

পাছে বধু টের পায়                      প্রভুল ঘটাবে তা'য়

উষ্ণ প্রাপ্ত হ'লে পাষণ ঘেঁষতি

হয় না বিকৃত সেইরূপে সত্য।

অলঙ্কিতে রয় বেদনা স'য়ে

কহে বিক্রমাতা বধরে তখন

“লহ সমাপিরা রক্ষন ভোজন

নহে পটু দেহ মম                      অনুভবি জ্বর সম

কর শিষ্য আজি নাহি যোগোত্তানে

কার্য্য তবের দৌহে গে'ছে অগ্র স্থানে

‘আসিবে যে ফিরে’ যায়নি’ ক’য়ে” । ১৩

সারাদিন বুড়ী রহে অনশনে  
 অঙ্কুরে না কয় কিবা জাগে মনে  
 ব্যস্ত হ'য়ে বাহিরিয়া পথ পানে নিরস্তিয়া  
 দেখা নাহি পে'য়ে মুছে আঁখি নীর  
 মায়াতে বিহ্বল অবশ শরীর  
 মস্থিত হৃদয় বিক্রম ধ্যানে  
 ভাবাবেশে হেন ক্রমে বেলা গেল  
 বিক্রপাক্ষ তবু ফিরে' নাহি এল  
 দিশিহারা হ'য়ে বুড়ী মণ্ডপেতে মাথা খুঁড়ি'  
 যাচে ভিক্ষা—“মাগো ! আন বিক্র-ধনে  
 কাতরে মিনতি করি গো চরণে  
 আন ত্বরা আর বাঁচি না প্রাণে” । ১৪  
 সহসা কি মনে হইল উদয়  
 যুটিল আবেগ প্রশান্ত হৃদয়  
 কহে বুড়ী “বৃথা কেন ভাবি আমি কিবা হেন  
 করে'ছি দুষ্কৃতি যাহে গুণধর  
 হারাইব স্তূতে ধার্মিক প্রবর  
 অবশ্য ঈশ্বর রক্ষিবে তা'রে  
 কতব্যপালন বিনা ধর্ম আর  
 নাহি মানবের বুঝিয়াছে সার  
 সামান্য ক্রটির লাগি' হইয়া পাপের ভাগী  
 মনস্তাপে এবে হৃদয় তাহার  
 দহি'ছে সতত, ভাবিয়া না পার  
 পায় সে এখন বেদনা ভারে” । ১৫



অন্য দিনে বিরু প্রত্যাগত হ'লে

### হইয়া প্রণত মাতৃপদ তলে

কতই প্রফুল্ল হ'য়ে

দিনের বারতা ক'য়ে

তুষিত মায়েরে আজি আনমনা

বুঝিল জরতী কি তা'র বেদনা

স্বপনের কথা স্বরূপ জেনে'

নিরখিয়া স্তান পুত্রের বদন

স্নেহে জননীর তিতিল নয়ন

তখন দুঃখিতাস্তুরে

সন্তান শুশ্রূষা ভাবে—

উঠিলা জরতী তাজিয়া আসন

## আহরিতে দ্বরা পানীয় ভোজন

অনশনে বিরু নিশ্চয় জেনে' । ১৮

অবসর পে'য়ে বনিতা তখন

ভর্তার সমীপে কৈলা আগমন

## হেরিয়া বিকৃত বেশ

সর্বাত্মে ধুলির শ্লেষ

## ক্ষিপ্তদৃষ্টি, যোর রক্তিম নয়ন

মুখভঙ্গী সহ বিরস বদন

অবশ্যই স্ফীত চরণদ্বয়

উত্থলিল শোক দরদর ধারে

বহে প্রেমবারি নিবারিতে নারে

পতি বিনা সুরলার

নাহি কোন ইষ্ট আর

স্বামী শান্ত সত্যী বাণী অহরহ

বিরুদ্ধাচরণে ক্রোধে ছবিসহ

অভিমানেরে কভ মুখরা হয় । ১৯



হেরিয়া ভর্তার অবস্থা এমন  
 লোল চিত্ত ঘোর উন্মাদ লক্ষণ  
 বাজিল সরলা প্রাণে                      হৃদে যেন শেল হানে  
 পূর্বস্মৃতি মনে উঠিল জাগিয়া  
 অভিমানে তবে সংজ্ঞা হারাইয়া  
 কহে স্বামী প্রতি বচন হেন  
 “মানবের মুখ্য ধর্ম আচরণ  
 বিধিগতে স্বীয় শরীর পালন  
 দেহ যদি পাত হয়                      ধর্ম কর্ম কোথা রয়  
 পুনঃ পুনঃ এত করি সাবধান  
 কত ভোগ ভোগ তবু তব জ্ঞান  
 হইয়া ধীমান হয় না কেন” । ২০

“ভাল পে’য়েছিলে আচার্য ঠাকুর  
 কিছু না থাকুক মদিরা প্রচুর  
 পানপাত্র বা’র খুলী                      জপমালা অস্থিগুলি  
 নেশায় বিভোর কভু নাহি জ্ঞান  
 হেন স্নেহ তব গুরু মতিমান  
 হিত উপদেষ্টা মাথার মণি  
 ডাকে লোকে তা’রে বলিয়া পাগল  
 আচারে তাহার ঘনয়ে সকল  
 হ’লে তা’র গুণপনা                      পূজিত জগতজনা  
 ঈদীনাস্তে বারেক না গেলে সেথায়  
 বাচেনাক প্রাণ নিশি না পোহায়  
 কোথা হ’তে হেন জুটিল শনি” । ২১

“সঙ্কোচ্তীর্ণ হ’লে নহে যদি স্থাৎ  
 ঢুকু ঢুকু শিরে পড়ে বজ্রাঘাত  
 চক্ষু ঘুম নাহি আসে                      উঠে হাই নেত্র ভাসে  
 হ’য়ে বশীভূত উৎকট নেশার  
 গে’ছে ভয় ডর, রাখে সাধ্য কা’র  
 গৃহেতে তোমায় প্রদোষ হ’লে  
 পশেনাক কাণে এত করি মানা  
 কোথায় ঔষধ পায় যা’রে দানা  
 শূকরের বিষ্ঠা থে’য়ে                      তৃপ্তি যদি কেন চে’য়ে  
 জীবনের পানে নহ মিতাচারী  
 হ’য়ে জ্ঞানহারা ভ্রূয়োনিষ্টকারী  
 বহু পানে কভু পড়হ ঢলে’ ” । ২২  
 “উঠিতে না পার পরদিনে আর  
 রোচেনাক মুখে, হয় অঙ্গ ভার  
 কন্ঠে মন নাহি লয়                      কর্তব্য পড়িয়া রয়  
 তারুণ্য গরবে এবে দিশিহার।  
 জ্ঞান না যে বুড়া হ’লে হ’বে সারা  
 দিন দিন আয়ু হ’তেছে ক্ষয়  
 বৃষ্টি ঝঞ্ঝাবাত রৌদ্র বোরতর  
 নাহি কালাকাল সদাই তৎপর  
 সাধিতে গুরুর কাজ                      তিলেক নাহিক ব্যাজ  
 মড়ীপোড়া সম এস ঘরে ফিরে’  
 উষ্মদগ্ধ হ’য়ে, কিঙ্গা সিক্ত নীরে  
 দূরাস্তরে যদি গমন হয় ।” ২৩

“জান মনে গৃহে ফেলিবারে ছাই  
 আছে ভাঙ্গা কুলো বাড়াবাড়ি তাই  
 কালাপালা তোমা’ ল’য়ে      কত আর থাকি স’ফে  
 দাও কষ্ট নানা কৃতদাসী পে’য়ে  
 নাহি ক্ষোভ তা’র, দেহ পানে চে’য়ে  
 হয় না যে জ্ঞান ভাবি গো তাই  
 কত হ্রবস্তা দেখ অনুমানি’  
 শোথ সম স্নীত চরণ ছু’খানি  
 অনশনে তনু ক্ষীণ      ভ্রমি’ তাহে সারা দিন  
 হ’য়েছে অবশ, নয়ন লোহিত  
 অপরূপ দৃশ্য অঙ্গ দূসরিত  
 এত যে লাঞ্ছনা হ্রী তবু নাই” । ২৪  
 পতিপ্রাণা সতী এতেক কহিয়া  
 গাত্রিকায় ধূলি মুছাইতে গিয়া  
 পাইল দুর্গন্ধ গায়ে      দিলে বিট কাটা ঘায়ে  
 জলে বচগুণ, ভাগিনী তেমন  
 ক্রোধাঙ্গ হইয়া ভর্তারে তখন  
 পরম্ব বচনে কহিলা হেন  
 “পুনঃ একি হেরি গায়েতে তোমার  
 পুতিগন্ধ, ঘ্রাণে উঠে যে ঝঙ্কার  
 এলে বৃষি মড়া ঘেঁটে’      শূকর পুরীষ চেটে’  
 ধিক তোমা পিক্ কি ক’ব তোমায়  
 বিষ্ঠা ঘাঁটা হ’লে জঞ্জাল ফুরায়  
 অবশেষ তাহা, রয় বা কেন ।” ২৫

“কিরাত অধিক জঘন্ট আচার  
 কুকুর অধম প্রবৃত্তি তোমার  
 জন্ম ল’য়ে বিপ্রকূলে                      কুলোচিত ধর্ম ভুলে’  
 হ’লে কিনা শেষে ঘোর অবধূত  
 জ্ঞানার্জন ক’রে হ’ল মতি চ্যুত  
 এ তীব্র বেদনা কাহারে ক’ব  
 সংসারী হইয়া এই হ’ল রীতি  
 লোকে যুগে যা’ম তাহে তব প্রীতি  
 এবে কি উপায় করি                      ওগো জলে’ পুড়ে’ মরি  
 স্বস্তি যা’রে ল’য়ে সে যদি এমন  
 কি ফল রাখিয়ে এ দুঃখ জীবন  
 অবলা হইয়া কতই স’ব” । ২৬

বিরূপাক্ষ জায়া এতেক কহিয়া  
 ক্রোধে অভিমাণে অধীর হইয়া  
 স্নিগ্ধ বারি কুন্ত পূর্ণ                      আনিয়া ঢালিলা তুর্ণ  
 থইলেতে গাত্র করিয়া মার্জন  
 পূতি গন্ধ ধূলি কারলা হরণ  
 অঙ্গ মুছাইয়া অর্পিলা বাস  
 হেন কালে মাতা যোগাইলা আনি’  
 দ্রব্যাদি রোচক বৈলক্ষণ্য জানি’  
 চিনিপানা আনারস                      আত্র ও দাড়িম্ব রস  
 কলায়ের সুপ ভিজন’ ওদন  
 মৎস্তের অম্বল কৈলা আহরণ  
 ভুঞ্জিলা তা’ বিরূ মিটায় আশ । ২৭

ভোজনান্তে ত্বরা বনিতা তখন  
 উষা বারি সহ শেকিলা চরণ  
 মিশাইয়া তৈল জলে মাখাইলা পদতলে  
 শুশ্রুষায় সত্ত্বঃ শ্রাস্তি হ'ল দূর  
 গেল চিন্তা হরে', হ'য়ে নিদ্রাতুর  
 ঘুমে অভিভূত হইলা ত্বরা  
 প্রত্যাষে উঠিয়া প্রাতঃকৃত্য সেরে'  
 সঙ্ক্ষেপে বারতা জ্ঞাপিলা মায়েরে  
 শুনিয়া জরতী কয় "যোগব্রষ্ট নিঃসংশয়  
 শাস্ত্রবী মায়ায় গে'ছে জ্ঞান হরে'  
 আছে ভোগ তা'র যত দিন তরে  
 থাকিবে সে হ'য়ে জীমস্তে মরা" । ২৮

"হ'বে রূপান্তর বিকৃত আকারে  
 চিনিতে না কেহ পারিবে তাহারে  
 যতদিন আছে লেখা ভাগ্যে ভোগ তা'র দেখা  
 পা'বে না পশ্চাৎ হ'বে সম্মিলন  
 পুনঃ মহামতি করিয়া সাধন  
 হ'য়ে সিদ্ধ, পা'বে বাঞ্ছিত পদ  
 কিবা দোষ তব যাহার যেমন  
 কর্মসূত্র সেই ভোগয়ে তেমন  
 অদৃষ্টে লিখন যাহা কে খণ্ডিতে পারে তাহা  
 জেন বৎস ছুঃখনিদান কারণ  
 নানা দশা প্রাপ্ত হয় জীবগণ  
 বৃথা তবে কেন ভাব বিপদ" । ২৯

“ধর বাক্য মম হ’য়ে না হতাশ

দেখা হ’বে পুনঃ রাখহ আশ্বাস”

শোকাকুল পুত্র প্রতি এতেক কহিয়া সতী

করিলা সাস্তনা চিবুক ধরিয়া

কৈলা আশীর্বাদ, শিবের লাগিয়া

অঞ্চলে মুছিলা নয়ন বারি

মায়েরে বিরূর অচলা ভকতি

ভাবে “মিথ্যা নয় তাঁহার উকতি

আসিবে সাধকবর কিস্ত হ’য়ে চেষ্টাপর

অশ্বেষণ এবে কর্তব্য আমার

খুঁজিলে অবশ্য দেখা পা’ব তাঁ’র

অসম্ভব কিবা ইচ্ছায় তাঁ’রি” । ৩০

সেথা অদ্রি মূলে গহন কাননে

নবীন দম্পতি রমে ফুল মনে

কভু মুখমুখী করি’ বসিয়া উপল পরি

দৌহে দৌহা’ পানে পুলকে চাহিয়া

কয় নানা কথা হৃদয় খুলিয়া

অধরে দৌহার ধরে না হাসি

গলা ধরি’ কভু ভ্রমে বনপথে

হেরে’ মঞ্জু শোভা মাতে মনমথে

কখনো চয়ন করি’ কুসুম অঞ্চল ভরি’

গাঁথিয়া মোহন মালা দেয় গলে

কখনো বা নানা রঙ্গে কুতূহলে

থেলে দৌহে ল’য়ে গ্রহন রাশি । ৩১

কখনো বা বঁধু সোহাগের ভরে  
মদে প্রমদারে ল'য়ে অকোপরে  
বহু পথ চলে' যায়                      শ্রান্তি বোধ নাহি তা'য়  
কভু স্বেদাপ্লুত বদন কমল  
মুছাইয়া বঁধু চুসে অবিরল  
হৃদে ধরি' কভু জুড়ায় হিয়া  
এইরূপে দৌছে নানা রঙ্গ রসে  
মধ্যাহ্ন অবধি কাটায় হরষে  
হ'য়ে শ্রান্ত অতঃপর                      ঘর্ষে সিক্ত কলেবর  
শ্রোতঃস্বতী নীরে ক্লৃতাবগাহন  
ফল মূল নানা করে' আহরণ  
স্বথে সমাপয়ে অশন ক্রিয়া । ৩২

ভোজনান্তে দৌহে বিশ্রাম কারণ  
 ত্র্যগোধ ছায়ার লইলা শরণ  
 একে নিশা জাগরণে                      বিবশাঙ্গ, পর্যটনে  
 পরিশ্রান্ত তাহে, দৌহেতে স্তরায়  
 হৈলা অভিভূত বিঘোর নিদ্রায়  
 পাইয়া পাদপ শীতল ছায়া  
 নিদ্রাভঙ্গ হ'লে উঠিয়া কামিনী  
 সচকিতে চায় আগত যামিনী  
 স্বাপদ সঙ্কুল বনে                      তিলার্কিও বিচরণে  
 দ্বিপদ সম্ভব এতেক গণিয়া  
 যুমন্ত পতির জাগ্রৎ করিয়া  
 বাহিরিল দ্বরা আচার্য্য জাম্বা । ৩৩

শ্রীখণ্ডাভিমুখে ধায় বরাননে  
 পাছু পাছু শিব যায় স্মৃথ মনে  
 শোভনাদী প্রমদার                      বাতুলতা নাহি আর  
 শঙ্কর রূপায় গে'ছে রোগ হরে'  
 এবে সে স্বরূপ বুঝে'ছে অন্তরে  
 শুভাদৃষ্টে কেবা পতি তাহার  
 শাস্তবী মায়ায় বিঘোর স্তম্ভনে  
 জানেনাক শিব যায় কা'র সনে  
 পূর্বস্মৃতি বিস্মরণ                      হ'য়ে বিশ্ববিমোহন  
 মোহিনী রূপেতে হেরি'ছে এখন  
 মাতঙ্গ স্নাতায়, দিয়া বিসর্জন  
 সকল, 'ও সঙ্গ করে'ছে সার । ৩৪

উদ্দেশে নমিয়া ভবানী শঙ্করে  
 উক্লান্থাসে বামা ধায় পথ ধরে'  
 কতক্ষণে উপনীত                      হৈলা যথা বিরাজিত  
 যজ্ঞেশ্বর লিঙ্গ সরসীর তীরে  
 দেউল প্রাঙ্গণে পাশ' ধীরে ধীরে  
 বর্চাস্ত্রে প্রণমি' ব্যাকুলা হ'য়ে  
 ভক্তি ভাবে বামা কৈলা নিবেদন  
 "তব কৃপা বলে পার্শ্বতীরমণ  
 পে'য়েছি সর্বস্ব মম                      সৌম্যকান্তি দেবোপম  
 এসে'ছি সকাশে এবে উমাপতি  
 করুণ অন্তরে কহ গো যুক্তি  
 কি উপায়ে যাই সদনে ল'য়ে" । ৩৫





ক্ষণকালে তথা আইল নাপিত  
 হাতেতে দেউটী, হেরে' আচম্বিৎ  
 অদ্ভুত আলোক রাশি      কৌতূহল বশে আসি'  
 অনিন্দ্য রূপসী আর যোগীবরে  
 দেখিয়া বিস্ময় সাধবস অন্তরে  
 অবাক হইয়া চাহিয়া রয়  
 গিয়াছিল ক্ষুরী কোথা গ্রামান্তরে  
 কার্য্যহেতু এবে ফিরিতেছে ঘরে  
 করে' দৃশ্য নিরীক্ষণ      ভাবে তেঁহ ভীত মন  
 “কেন বা মরিতে আইলু হেথায়  
 পড়িলু বিপাকে কি করি উপায়  
 কে জানে যে ভূত ইহারা নয়”। ৩৮  
 এতেক ভাবিয়া মহাভীতি সনে  
 কাঁপে ঠক্ ঠক্ ধ্যানে ত্রিলোচনে  
 হেরিয়া নাপিত গতি      আশ্বাস-বচনে সতী  
 কহে মুহু ভাষে “কেন কর ভয়  
 নহি ভূত মোরা মানব নিশ্চয়  
 ঞ্জব জেন ক্ষতি নহিবে তব  
 যজ্ঞ পীতি বুঝি নিকটে তোমার  
 স্বামীর আমার করহ সৎকার  
 ঘুচাও মূনির বেশ      ক্ষুদ্র ছিত কর কেশ  
 দেহ অশ্রুপ্রাজি করিয়া মুণ্ডন  
 দিব পুরস্কার মাল্য স্নশোভন  
 হ'বে সুখী পে'য়ে বনিতা তব”। ৩৯

আছে আছে বলি' নাপিত তখন

ক্ষৌরকার্য ত্বর কৈলা সমাপন

“এবে দেবী অনুমতি দেহ যাই দ্রুতগতি

হেরে' গোণ জায়া চিন্তাকুল মন

পুরস্কারে মম নাহি প্রয়োজন

দেহ অনুমতি যাই গো চলে' ”

সসব্যস্তে ক্ষৌরী এতেক কহিয়া

দেবালয় হ'তে নিষ্ক্রান্ত হইয়া

উদ্ধ্বাসে ধে'য়ে যায় ভুলেও না ফিরে' চায়

ভাবে মনে মনে “গিয়াছিল প্রাণ

পিণাচের হাতে পাইলাম ত্রাণ

পিতৃপুণা যাই শঙ্কর বলে” । ৪০

ভয়ে দিবাকীৰ্ত্তি করিলে প্রয়াণ

ভক্তি ভাবে নমি' চরণে ঈশান

মহামূল্য অলঙ্কার কোষের কঞ্চুক আর

একে একে বামা করিয়া মোচন

যজ্ঞসূত্র, মালা ওড়ন পাড়ন

রুদ্রাক্ষের যত পতির গায়

ঐত্তরীয়ে দৃঢ় করিয়া বন্ধন

পরিধান সহ কৈলা নিক্লেপণ

অগাধ শঙ্কর তলে নামিয়া সরসী জলে

নিমজ্জন করি' হ'য়ে পূতমন

গত রাত্রে ত্যক্ত ছিল যে বসন

থণ্ড করি' দৌহে পরিলা তা'য় । ৪১

অমনি আলোক হইল নির্বাণ

কামিনী তখন পুলকিত প্রাণ

নমিয়া গিরিজাপতি

গৃহ পানে দ্রুতগতি

ধায়, পাছু পাছু হ'য়ে অনুগত

যায় শিব ভক্ত সারমেয় মত

মন প্রাণ তনু সৌপিয়া পায়

একে অমাবস্তা ধ্বাস্তময়ী নিশি

তাহে দ্বিপ্রহর গাঢ় মহানিশি

গৃহের ছায়াবে বসি'

স্মরি' পুত্রী মুখশশী

পথ পানে চে'য়ে আকুল অন্তরে

পত্নী সহ প্লব বাক্য নাহি সরে

ভাবি'ছে কতই বিকল প্রায় । ৪২

"দিনান্তে বারেক তনয়া আমার

আসে ফিরে' ঘরে করিতে আহার

আজি এখনো না এল

কিবোদ্দেশে কোথা গেল

ভ্রমি' সারাদিন করি' আহরণ

মনোমত পুষ্প শ্রীদল চন্দন

হাসি হাসি মুখে ভরিয়া সাজী

আহা ! ব্রত করি' ছিল উপবাসী-

ভেবে'ছিলু মনে ভুঞ্জিবে সে আসি'

তুই দিন অনশনে

জানি না কি স্মৃথ মনে

আছে বাছা মোর, দ্বাদশ বৎসর

আসে যায় হেরি নিত্য নিরন্তর

কেন এ ব্যত্যয় হইল আজি" । ৪৩

“হ’ক সে আমার বন্ধ পাগলিনী  
তথাপি সে মম চিত্তবিনোদিনী  
দিনান্তে হেরিয়া তা’রে      থাকি স্মৃতে এ আগারে  
সুখ নিকেতন আজি মরুভূম  
সারা দিন খেটে’ চক্ষে নাহি ঘুম  
কি করি এখন কোথায় যাই  
মনাবেগে বুঝি’ গে’ছে বহু দূর  
তাইতে বিলম্ব হ’তেছে প্রচুর  
কিষ্কা কোন ধুরন্ধরে      অজ্ঞাতে ল’য়েছে হরে’  
কনক মুরাতি অনিন্দ্য রূপসী  
উড়ুগণ মাঝে শোভে যথা শশী  
পড়ে’ছে তনয়া বিপাকে তাই” । ৪৪

এতেক ভাবিয়া মাতঙ্গ তখন  
 স্নেহ ভরে কত করিলা রোদন  
 হ'য়ে রত কুচিস্থায়                      করে প্রব হায় হায়  
 হেন কালে পতি সমভিব্যাহারে  
 জনঙ্গম সূতা প্রবেশিলা দ্বারে  
 অামোদে অধরে ধরে না হাসি  
 ডাকিয়া মায়েরে কহিলা নন্দিনী  
 “আজি হ'তে মাতঃ নহি সন্ন্যাসিনী  
 শঙ্কর কৃপায় তব                      হের সংকুলোদ্ভব  
 \*এনে'ছি জামাতা কর গো সংকার  
 যোগিনীর বেশে যা'ব না মা আর  
 হ'য়েছি গো এবে সংসারবাসী” । ৪৫

ভর্তা সহ স্মৃতা এল ঘরে ফিরে'  
 হেরিয়া দম্পতি ভাসে আঁখি নীরে  
 হরষে উৎফুল্ল হ'য়ে                      সাদরে দুয়ারে ল'য়ে  
 নিষাদ তখন দিলা জামাতারে  
 বসিতে আসন বস্ত্র পরিবারে  
 কত্কা চিবু ধরি' চুঁষিলা কত  
 নিভতে মায়েরে লইয়া নন্দিনী  
 কহে আত্মোপাস্ত যতেক কাহিনী  
 গুনিয়া শিহরে মাতা                      স্মরিয়া জগৎপাতা  
 কৈলা আশীর্ব্বাদ "মাগো পতি সনে  
 জন্মএয়ো হ'য়ে থাক স্মৃথ মনে  
 সাজ এত দিনে সাধনা ব্রত" । ৪৬  
 পত্নী মুখে গুনি' অদ্বুত অখ্যান  
 স্তম্ভিত নিষাদ করিলা বাখান  
 "মেয়ে এ সামান্য নয়                      দেবী কোন নিঃসংশয়  
 শাপব্রষ্ট হ'য়ে নীচ জন্ম ল'য়ে  
 এসে'ছে ধরায় মহান আশয়ে  
 তাই উচ্চ পদ লভে'ছে হেন  
 পুত হ'ল কুল সার্থক জীবন  
 পবিত্র হইল এ নীচ ভবন"  
 "সাবধান" প্রব কহে                      , "কথা যেন ব্যক্ত নহে  
 পুণ্যবতী স্মৃতা করিবে রক্ষন  
 তাই মাত্র যোগী করিবে সেবন  
 দেখ, অগ্র কা'র ভুঞ্জে না যেন" । ৪৭

প্রভাতে নগরে হইল ঘোষণা  
 বিবাহিতা সোনা কিরাত ললনা  
 শুনিয়া বারতা তবে কুতূহলী হ'য়ে সবে  
 পুরাঙ্গনা যত এল দেখিবারে  
 বিশ্বয় অন্তরে প্লব জামাতারে  
 নিষাদ ভবনে লোক না ধরে  
 হেরিয়া প্রশংসা করিলা সবাই  
 কহিলা “সুন্দর হ'য়েছে জামাই  
 সোনা যথা রূপবতী তেমতি পে'য়েছে পতি  
 সুখী হ'ক এবে কিরাত নন্দিনী”  
 এতেক কহিয়া যত সৌমস্ত্রিনী  
 ফিরে' গেল সবে আশিস করে' । ৪৮  
 নিষাদ ভবন সাধু অধিষ্ঠানে  
 ক্রমে উপাচার্য্য উঠে ধন ধানে  
 বাড়ে সজ্জা শৃঙ্গীর দ্বিগুণ ঢালয়ে ক্ষীর  
 বল্লরি ও তরু দেয় বহু ফল  
 বিবিধ অঞ্জলি পূরিত পবল  
 মাঠে শস্ত ফলে অপারিমিত  
 থাকে শিবাচার্য্য স্বস্তর ভবনে  
 মহা সমাদরে পূজকিত মনে  
 হ'য়ে বধু অন্তঃগত অযাচিত অবিরত  
 “ফেরে সাথে সাথে, গৃহকর্মে তা'র  
 হয় সে সহায়, করে মুখ ভার  
 নিবারিলে বামা ক্লান্তিত চিত । ৪৯

নিমেষের তরে সুধাংশু বদন  
না হেরিলে হয় উচ্চাটিত মন  
স্তম্ভন-মদির পানে            বিভোরিত, কোন থানে  
থাকিতে না পারে গেলে কার্য্য তরে  
সমাপিয়া স্বরা আসে দ্রুত ঘরে  
নিরখিয়া পুনঃ বাঁচে গো প্রাণ  
পৃথু কুম্ভ ল'য়ে বারি আনিবারে  
গেলে হেমাজিনী নিবারয়ে তা'রে  
“কি করিয়া হেন ভার            সবে অঙ্গে সুকুমার  
রাখ, ব্যথা পা'বে” এতেক कहিয়া  
তাড়াতাড়ি কক্ষ হ'তে ছিনাইয়া  
               ক্ষুদ্রাধার এনে' করে প্রদান । ৫০

ধে'য়ে গেলে বামা কয় ব্যগ্র মনে  
“ধে'য়ো না ধে'য়ো না বাজিবে চরণে  
হৌচট লাগিলে পায়            পা'বে কষ্ট বেদনায়”  
পরিশ্রম হেতু সম্মাত্ত যখন  
মুছাইয়া অঙ্গ করয়ে ব্যজন  
শ্রবণে না ভরে কামিনী বার  
নির্ম্মাইতে বামা করীষ যখন  
গোময় উৎকর করয়ে দলন  
কহে “হেম কান্তি হেন            গোবিট ঘাঁটিয়া কেন  
করহ মলিন রিষ্ট গন্ধ গায়ে  
পা'বে কেশ বহু হাজা হ'লে পায়  
               হীন কর্ম্ম এ কি সাজে তোমার” । ৫১



ঋগুর শাস্ত্রী হেরে' জামাতার:

ঈদৃশ স্ততার প্রতি ব্যবহার

মনে মনে কত হাসে

আনন্দখুপরকাশে

কহে "বাছা মোর জনম দুঃখিনী

ভাবি নাই হ'বে পতিসোহাগিনী

নিরখিয়া এবে জুড়া'ল আঁখি

আহা ! মনঃখেদে ভ্রমিত যেমন

তদগত স্বামী পে'য়েছে তেমন

বর্ণ শ্রেষ্ঠ যোগীবর

রূপে গুণে মনোহর

থাকুক সে এবে প্রিয় ভর্তা সনে

হ'য়ে পূত্রবতী সদা স্তথ মনে

যাই যেন মোরা দৌহারে রাখি" ৫২

এইরূপে শিব ঋগুর আলয়ে

অধম চণ্ডাল যোনি প্রাপ্ত হ'য়ে

স্বর্ণপ্রভা জায়া সনে

বিহরে প্রফুল্ল মনে

নাহি কর্ম কাজ সংসার ভাবনা

কিসে স্তথী হ'বে স্তথাংগুবদনা

নিয়ত ইহাই ভাবনা তা'র

কোথা সম ভাব স্তথ দুঃখ ক্রম

চিরন্তন এই কালের নিয়ম

নহে কোন বিপর্যয়

আমোদে বৎসরদয়

হ'ল অতিক্রান্ত, নিষাদ ভবনে

মহানন্দে সবে ছিল ঋদ্ধি সনে

অনুমাত্র ক্লেশ ছিল না কা'র । ৫৩

হ'ল অতঃপর মহামারী ভয়  
 ভয়ঙ্কর ব্যাধি ব্যাপ্ত দেশময়  
 ত্রস্ত লোকে চারি ধাম                      বিজন ক্রমশঃ গ্রাস্ত  
 ধনাঢ্য কুটীর করিয়া নির্মাণ  
 স্তদূর প্রান্তরে করে অবস্থান  
 আতঙ্কে ভিষক আসে না কাছে  
 মৃমূষুর রব স্বজন ক্রন্দন  
 চারি দিকে হাহা ধ্বনি অনুরূপ  
 কে কা'র শুশ্রূষা করে                      আর্ত শু'য়ে ঘরে ঘরে  
 যোটেনাক লোক শব বহিবারে  
 যোগে যাগে ফেলে ল'য়ে পল্লী ধারে  
 ভাল মন্দ জাতি কেহ না বাছে । ৫৪  
 হেন দুঃসময়ে প্রব পত্নী সহ  
 হইল আক্রান্ত রোগে ভয়াবহ  
 নন্দিনী জামাতা দৌহে                      অধীর হইয়া মোহে  
 চিকিৎসাদি ক্ষেম করিলা বিস্তর  
 কালে যদি ধরে কোথা গতান্তর  
 অচিরে দম্পতি গতানু হায়  
 ছিল না প্রবের সামান্য বৈভব  
 আশ্রুজারে এবিধে অশিল সে সব  
 পড়িলে সংসার ভার                      বুদ্ধিমতী সোনা আর  
 রাখে না ভর্ত্তারে বসিয়ে এখন  
 হ'য়ে প্রবর্তিত কর্মে অনুরূপ  
 রত থাকে শিব পত্নী আজায় । ৫৫

হল কক্ষে যায় ভূগি কর্ণিবারে  
ফল মূল শস্ত্র আনে ভারে ভারে  
করয়ে গোরুর সেবা                      অন্নজ্ঞা যখন যেবা।

তথ্যনি সে তাহা করে সম্পাদন  
অনুমাত্র ক্লেণ ভাবে না কখন  
পাছে ক্ষণ জায়া তটস্থ সদা

তেমতি বনিতা স্বামীরে কখন  
সামান্য কাজেতে করে না প্রেরণ

হয় যা আপন হ'তে                      মুখাপেক্ষা কোন মতে

করে না ভর্তার, প্রিয় সুখ তরে

তৃপ্তি নাহি পায় প্রাণপণ করে'

পাছে ত্রুটি কোন, সঙ্কোচ সদা । ৫৬

বহু দিন যাব গাঢ় হয় প্রেম

দৌহে ভাবে কিসে দৌহা' স্বস্তি ক্ষেম

নির্জন আবাস পে'য়ে                      প্রমদার মুখ চে'য়ে

দেখিতে দেখিতে বিঘোর স্তম্ভনে

মহোল্লাসে শিব স্তবির নয়নে

ସୁଧାଂଶୁ ବଦନ ନିରାଶି' ରୟ

প্রেম ভরে বামা পতির ডাকিয়া

কহে “কিবা হের এমন করিয়া

যাও না আপন কাজে                      সময় যে যায় বাজে”

হাঠি হাঠি বলে' যোগী সচকিতে

ধায় স্বীয় কাজে ভাবিতে ভাবিতে

ଓ ଶ୍ରୀମାଧୁରୀ କୁଳ ହୃଦୟ । ୧୭

মনের আবেগে আচার্য্য কখন  
 স্নদুর প্রান্তরে রেখে' গোদারণ  
 ধে'য়ে আসে হেরিবারে গোপনেতে প্রমদ্যুরে  
 নিরখিলে বামা হইয়া কাতর  
 কহে “ক্রুদ্ধ নহ করুণ অন্তর  
 ক্ষম অপরাধ, তাড় না মোরে  
 বহুক্ষণ হেরি নাই চন্দ্রাননী  
 আসিয়াছি তাই, যাইব এখনি  
 হেরে' ছবি অনুপম মেটে না পিয়াসা মম  
 তাই ধে'য়ে আসি হেরিতে তোমায়  
 নিবারিতে নারি নৈলে প্রাণ যায়  
 ক্ষম প্রিয়ে রোষ কর না মোরে” । ৫৮  
 এতেক কহিয়া আচার্য্য তখন  
 চলে' যায় পুনঃ কস্মে দেয় মন  
 দৃশ্য এই নিরখিয়া দ্রবীভূত হ'য়ে হিয়া  
 বেগে প্রমদার দরদর ধারে  
 বহে প্রেম নীর নিবারিতে নারে  
 উদ্বেগে হৃদয় মস্থিত হয়  
 আবেগেতে তবে কৃতাজলি হ'য়ে  
 কহে সৌমন্তিনী স্বার' মৃত্যুজয়ে  
 “চরণ কুপায় আমি পে'য়েছি অতুল স্বামী  
 জীবনের সঙ্গী কর প্রভু তা'রে  
 ল'য়ো না কাড়িয়া, দেখ তনয়ারে  
 রেখ প্রভু রেখ করুণাময়” । ৫৯

কখনো বা শিব গেসে প্রণয়িনী  
 শৌচ স্নান তরে পাইয়া সঙ্গিনী  
 পথে ঘাটে তা'র সনে      স্মৃথ দুঃখ আলাপনে  
 করে গোণ যদি বিপদ গণিয়া  
 যায় অশেষণে অধীর হইয়া  
 খিন্নাননে আহা ! কথা না সুরে  
 বাপী তীরে গিয়া তেরিলে কাস্তায়  
 তবে প্রাণ বাঁচে চিন্তা দূরে যায়  
 সুধাইলে কহে "তব      দেখে" গোণ অসম্ভব  
 হইলু অধীর আবিল চিন্তায়  
 ধে'য়ে এমু তাই দেখিতে তোমায়"  
 শুনিয়া বামার হাসি না ধরে । ৬০  
 কাস্তার কি ক'ব গুণের কাহিনী  
 স্বামী পরিচার্য্য্য বিনা সীমন্তিনী  
 জানেনাক ধর্ম্ম আর      স্বামী মাত্র সারাৎসার  
 অটুট যতন সেবা শুশ্রূষায়  
 কমনীয় কাস্তি সহ হুষ্ঠ কায়  
 কিবা শোভে শিব গিরিশ যথা  
 এইরূপে গাঢ় প্রণয়ে দম্পতি  
 বর্ষত্রয় আর করিলা বসতি  
 হ'য়ে দৌহে একপ্রাণ      স্মৃথে কৈলা অবস্থান  
 প্রায় বর্ষ, কিন্তু শিবের মেয়াদ  
 ফুরাইল এবে, প্রায় অবসাদ  
 হ'ল দুগতির নিয়ত যথা । ৬১

ঘেরিল গ্রহণী রোগে প্রমদারে  
 ক্রমে পরিণত জ্বর অতিসারে  
 বাড়ে রোগ দিন দিন                      বলক্ষয় তহু ক্ষীণ  
 নড়িতে না পারে ক্রমে শয্যাগত  
 ঋব মৃত্যু জেনে' ভাবে কাস্তা কত  
 পতির লাগিয়া আকুল হ'য়ে  
 ছিল সে তল্লাটে খ্যাত বৈদ্য যত  
 হইল সবার গুণপনা হত  
 আছিল যা ধন বার                      কপর্দক নাহি আর  
 কর্ম কাজ ভুলি' আশার আশায়,  
 বাধিয়া হৃদয় নিত্য শুশ্রুষায়  
 থাকে ব্যস্ত শিব রোগীয়ে ল'য়ে । ৬২  
 কভু শোকে শয্যা পাশেতে বসিয়া  
 ফেলে আঁখি জল হতাশ হইয়া  
 হেরিয়া সাস্থনা করে                      প্রণয়িনী হাত ধরে'  
 "কেঁদ না কেঁদ না রক্ত মাংস যা'র  
 হয় নাই রোগ জগত মাঝার  
 কেবা কোথা আছে মল্লজ হেন  
 অদৃষ্টের লিপি কে খণ্ডিতে পারে  
 দুঃখনাক প্রভু বিশ্বনিয়ন্তারে  
 ভাগ্যে ভোগ যত দিন                      যাহার যা' আছে ঋণ  
 যা'বেনাক ব্যাধি কর্ত্ত নাহি র'বে  
 কাল পূর্ণ হ'লে, পুনঃ দেহ হ'বে  
 বৃথা তবে শোক করি'ছ কেন" । ৬৩

গুনিয়া কান্তার প্রবোধ বচন

ভাবে সত্য শোক কিসের কারণ

কাহার না ব্যাধি হয়                      চির দিন কোথা রয়

কিন্তু জানে না যে কালেও নিদান

এ রোগেতে কভু হরেনাক জ্ঞান

আশ্বাস নিশ্চয় আরোগ্য হ'বে

আশা ! দুর্ভাগ্যত মহিমা তোমার

তুমি প্রবক্তিকা জীবের আধার

তোমার শরণাপন্ন                      হয় যেই, সেই ধন্ত

হয় জগ মাঝে সেই শান্তি পায়

জড়ভরত যে তোমারে হারায়

জীবের সম্বল তুমিই ভবে । ৬৪

আশার ছলনে ভাবুক ভাবিয়া

থাকে শিবাচার্য আশ্বস্ত হইয়া

বুঝিল না সমীচীন                      এল সে দিনের দিন

পতি পদরেণু লেপিয়া মাথায়

চিরকাল তরে লইয়া বিদায়

অনন্ত শয্যায় শুইলা সতী

আছাড়িয়া শিব বক্ষে ল'য়ে শবে

নারী সম শোকে কাঁদে উচ্চ রবে

আত্মীয় স্বজন তা'রে                      ধরিয়া রাখিতে নারে

হেরে শূন্যময় জগত আঁধার

বিজন অশ্রুশান সোনার সংসার

উভরায় কাঁদে বিকল মতি । ৬৫

আয়াত মণ্ডলী বোঝায় তাহারে  
 “এ গতি সবার লজ্জাবে না কা’রে  
 পুনঃ মোরা দিব বিভা            তেমতি চম্পক নিভা  
 আনিব তরুণী বনিতা তোমার  
 আবার হইবে সুখের সংসার  
           কেন তবে কাঁদ অধীর হ’য়ে  
 কাতরতা হেন প্রবীণ হইয়া  
 জুয়ায় না তোমা’ দেখহ বুঝিয়া  
 কথা রাখ ধৈর্য্য ধর            বুখা শোক নাহি কর”  
 শুনেনাক শিব কাঁদে উভরায়  
 মৃত কোলে ল’য়ে করে হায় হায়  
           পড়ে নেত্র নীর বদন ব’য়ে । ৬৬  
 হেরিয়া শিবের অবস্থা এমন  
 করিয়া যুকতি কহে সর্বজন  
 যতক্ষণ র’বে শব            আচার্য্যের শোকার্ণব  
 উথলিবে সম কভু শাস্ত ন’বে  
 বিধি বিরুদ্ধিতে তূর্ণ ল’য়ে শবে  
           নির্হরণ ক্রিয়া সমাধা করা  
 এতেক চিন্তিয়া তাহারা তখন  
 করিয়া সংগ্রহ প্রভূত ইক্ষন  
 ঋটিতি নির্হার তরে            ইরা হবিঃ ভাণ্ড ভরে’  
 জালিয়া মশাল ল’য়ে দ্রব্য ভার  
 শব স্বক্ষে তুলি’ তাজিয়া আগার  
           নিজ্রাস্ত সবাই হইল দ্বরা । ৬৭



আজি চতুর্দশী সেই জৈষ্ঠমাস  
অবিশ্রান্ত ঘণ্টা বহি'ছে প্রস্থান  
গোধূলি লগ্নেতে কায়্য                  তাজিলা আচার্য্য জান্না  
উত্তীর্ণ প্রদোষ আগত রজনী  
ছাইয়া অম্বর সমগ্র অবনি  
            বিরাজে ভীষণ নিবিড় তম  
পাছু পাছু শিব যায় মনোহরখে  
চিন্তায় মগন কথা নাহি মুখে  
প্রমদার গুণপনা                  ভাবে হ'য়ে আনমনা  
নেত্র পথে সেই সুধাংশু বদন  
নাচি'ছে সত বহি'ছে নয়ন  
            বিরহে উদ্ভাস্ত পাগল সম । ৩৮

অবিলম্বে দ্রুতপাদ বিক্ষেপিয়া  
 আশানেতে তা'রা উত্তরিল গিয়া  
 কৈলা স্থান নির্বাচন                      যথা নিগৃহীত মন  
 করে'ছিলা শিব বিচার সাধনা  
 কপালমালিনী অসিতবরণা  
 বিরূর সহায়ে আরোহি' শবে  
 সাজাইয়া চিতা অর্পিলা আগুন  
 ইরা ঘৃত যোগে জ্বলিল দ্বিগুণ  
 আলোকে আশান ছবি                      হ'ল দৃষ্ট আসোদ্ভবী  
 ভীম রাবে শিবা হাদিল অমনি  
 নাচিল কবজ ছুটিল ধমনী  
 সে দশু হেরিয়া কম্পিত সবে । ৬৯

কণ্টকিত তলু হ'ল মহাত্রাসে  
 সঙ্করিতে নারে সবে উদ্ধ্বাসে  
 পলায় আচার্য্যে ফেলি' শবদাহ অবহেলি'  
 ফিরে' নাহি চায় ধায় অবিরাম  
 আতঙ্কে শিহরি, জপে রাম নাম  
 হাঁপ ছাড়ে গিয়া প্রান্তর পারে  
 চলে' গেল সবে লক্ষ্য নাহি তা'র  
 অভিভূত শিব শোকে দুর্নিবার  
 একলা ভাবি'ছে বসি' প্রমদার মুখশশী  
 কোথা ভয় ডর ব্যাকুলিত প্রাণে  
 স্থির নেত্রে চে'য়ে আছে চিতা পানে  
 নিস্পন্দ নিথর বেদনা ভারে । ৭০

নিরপিল শিব হ'ল বিধ্বংসিত  
 একে একে অঙ্গ কনক নিশ্চিহ্নিত  
 দারুণ বাড়িল শোক শূন্যময় হেরে লোক  
 বিদরে হৃদয় বহে অশ্রু ধার  
 বিরহের জালা নহে সহ্য আর  
 অদীর অস্থির উন্মাদ প্রায়  
 কহে “পুড়ে’ ছাই হেমাঙ্গ সোনার  
 হ'ল, চিহ্ন কোন রহিল না আর  
 কি ল'য়ে ফিরিব ঘরে থাকিব কেমন করে'  
 কে আর আগারে করিবে যতন  
 ষোগাইবে কেবা পানীয় ভোজন  
 এত ভোগ ছিল বৃদ্ধ দশায়” । ৭১



“আপন বলিতে রহিল না কেহ  
 ত্রিসংসারে হায় শূন্য হ’ল গেহ  
 ভাবিবে আপন কেবা            কে আর করিবে সেবা  
 জনমের মত সকলি ফুরা’ল  
 স্বপ্নবৎ সেই কোথায় মিশা’ল  
 স্মৃতি মাত্র রৈল প্রবল হ’য়ে  
 চিত্তভঙ্গ মাখি’ স্মরি’ তা’র নাম  
 গা’ব গুণ তা’র ফিরি’ নানা ধাম  
 যাবৎ বাঁচিয়া থাকি            হৃদয়ে মুরতি আঁকি’  
 করিব পূজন বিরলে বসিয়া  
 মনঃপুষ্প সহ নেত্রোদক দিয়া  
 যা’ব যথা যায় নয়ন ল’য়ে” । ৭৪

“সে রূপমাধুরী কেমনে ভুলিব  
 কি করে’ অশেষ গুণ পাসরিব  
 বলি এ বেদনা কা’য়            অহো ! বুক ফেটে’ যায়  
 দারুণ এ জ্বালা কেমনে নিবারি  
 সে বিনে যে আর থাকিতে না পারি  
 অসহ বেদনা জুড়াই ম’লে  
 সোনা ! কোথা তুমি নয়ন পুতুলি  
 তোমা’ বিনে ওগো আঁধার সকলি  
 তুমি রে আশ্রয় মম            প্রাণাধিক প্রিয়তম  
 জীবন সর্বস্ব সর্বস্ব আমার  
 নিবার আসিয়া ভীষণ অঙ্গার  
 বাঁচি না বাঁচি না বিরহানলে” । ৭৫

এইরূপে শিব শোকাকুল হ'য়ে  
 মুখ-চন্দ্র স্মরি' গুণগাথা ক'য়ে  
 জ্ঞানহারী ক্ষিপ্ত মত                      বিলাপ করয়ে কত  
 উঠে বসে কিম্বা পদ সঞ্চারণ  
 করে মুহ'মুহ ব্যাকুলিত মন  
 আবেগে গভীর উচ্ছ্বাস বয়  
 শোকাধিক্যে কভু তাজিতে জীবন  
 ধায় দীঘী পানে কভু বা জলন  
 আশ্বাসে কখনো ভাবে                      পুনঃ তা'র দেখা পা'বে  
 ক্রমে তমস্বিনী অবসান প্রায়  
 নির্ঝাপিত বহ্নি হইল চিতায়  
 ঘোরাবেশে শিব তেজতি রয় । ৭৬

হেথা বিরূপাক্ষ স্তম্ভর হইয়া  
 অবসর ক্রমে যোগোত্তানে গিয়া  
 বিশ্বস্ত ভূতোরে কয়                      ঘটে যাহা সমুদয়  
 শুনিয়া কাঁদিল প্রবুদ্ধ কিস্কর  
 মায়া বশে আহা ! ব্যথিত অন্তর  
 সমবেদনায় কাঁদিল শুন  
 "অনুমানি গে'ছে তীর্থ পর্য্যটনে  
 হ'য়ে না কাতর রেখ সংগোপনে  
 আসিবে সে গতিমান                      ধ্রুব ইথে নাহি আন  
 শুদ্ধ রেখ ঠাই, পাদপ সকলে  
 সিঞ্চ বারি, নিত্য দিও সন্ধ্যা হ'লে  
 তেজতি মন্দিরে প্রদীপ ধন" । ৭৭

এতেক কহিয়া সারমেয় সনে  
 গাভীদয় বৎস ল'য়ে নিকেতনে  
 গেলা বিরূ মহামতি                      রাখিলা যতনে ভ্রুতি  
 ক্রমশঃ বিরূর আদরে সম্যক  
 প্রভুর বারতা ভুলিয়া শুনক  
 থাকে মনঃস্থখে আপন হ'য়ে  
 পরন্তু বিরূর মনে শাস্তি নাই  
 আচার্য্যের কথা ভাবে একজাই  
 কি উপায় উদ্ভাবনে                      হ'বে দেখা তা'র সনে  
 কোন মতে ভেবে ঠিক নাহি পায়  
 মস্থিত হৃদয় নিয়ত চিন্তায়  
 ধীর ভাবে রয় বেদনা স'য়ে । ৭৮  
 অবসর পে'লে গুরুর সন্ধানে  
 আকুল হৃদয়ে ফেরে নানা স্থানে  
 দেখা যদি তবু তা'রে                      নিয়তে চিনিতে নারে  
 কতবার বিরূ প্রান্তুর মাঝারে  
 যে'তে পথ ব'য়ে দেখিয়াছে তা'রে  
 বৃষভ চালনে লাস্কল সহ  
 ফিরে' আসে ঘরে হতাশ হইয়া  
 ফেলে অঁখি জল বিরলে বসিয়া  
 ডাকে কভু প্রেমভরে                      দেবদেব মহেশ্বরে  
 কভু হত্যা দেয় বিশ্বমূলে গিয়া  
 যাচে মহামায়ে কাতরিত হিয়া  
 “কহ শিব কোথা কহ মা কহ” । ৭৯

এইরূপে পঞ্চ বর্ষ কেটে' গেল  
 তথাপি আচার্য্য ফিরে' নাহি এল  
 আঞ্জি তাই ক্ষুণ্ণ মনে                      পূতদেহ অনশনে  
 ধ্যানে মগ্ন বিরূ বিলম্বলে বসি'  
 ধ্বাস্তময়ী ঘোরা নিশি চতুর্দশী  
 মৃদু মন্দ গতি বহিয়া যায়  
 মরম পীড়ায় সিক্ত অশ্রুণীরে  
 ডাকে মহাদেবী ভবতারিণীরে  
 "মাগো ! গত বহু দিন                      এল না সে উদাসীন  
 ঘুচাও কলঙ্ক কহ ক্রপাময়ী  
 কোথা গুরু দয়া পরবশ হই  
 কাতরে মিনতি করি মা পায়" । ৮০  
 সহসা হৃদয়ে, হ'লে তনময়  
 আশানের ছবি হইল উদয়  
 হেরে বিরূ জলে চিতা                      দহিতেছে তাহে মৃত্যু  
 বামা দেহ কিবা অনিন্দ্য রূপসী  
 শোকাকুল হ'য়ে অদূরেতে বসি'  
 কাঁদে শিব একা অধীর হ'য়ে  
 হেরে' দৃশ্য সেই পলকিত কায়  
 উদ্দেশে নমিয়া দেবী রাজা পায়  
 উত্তরসাদক বেশে                      যে বেশে আশান দেশে  
 গিয়াছিল বিরূ আচার্য্যের সনে  
 ধায় সেই দিকে আশাবিভ মনে  
 ভরিত ভৈরব ত্রিশূল ল'য়ে । ৮১

উত্তরিল এসে' বিরিঞ্চির ধারে  
 দেখিয়া শিবেরে চিনিল তাহারে  
 বহু দিনে নিরখিয়া                      উল্লাসে নাচিল হিয়া  
 হেরিয়া বিরুর ঋষির আকার  
 ভাবে শিব ঋষ আনুকুল্যে তা'র  
 এল দয়াবশে দেবতা কোন  
 কহে “প্রাণ যায় রক্ষ দয়াময়  
 পত্নীর বিরহ আর নাহি সয়”  
 এতেক বলিয়া ধায়                      জড়িয়ে ধরিতে পায়  
 সমবাস্তে বিরূ অবস্থা বুঝিয়া  
 কহে “বাক্সা যদি লভিতে দ্বিতীয়া  
 ধরহ ধৈরজ বচন শুন” । ৮২  
 “হেথা হ'তে তিন ক্রোশ ব্যবধানে  
 ভাগীরথী তীরে বায়ুকোণ পানে  
 বিরাজে বিদ্বল গ্রাম                      তথা শিবাচার্য্য নাম  
 ছিল মহাযোগী তান্ত্রিকপ্রবর  
 মহাবিড়া ঘোরা তারার কিস্কর  
 পঞ্চাশৎ উর্দ্ধ বয়স ন'বে  
 পঞ্চ বর্ষ হ'ল এই পুণ্য ধামে  
 এসে'ছিল সেই শবসন্ধি কামে  
 ভীষণ ত্রিশূল ল'য়ে                      উত্তরসাধক হ'য়ে  
 সঙ্গে বিরূপাক্ষ ছিল শিষ্য তা'র  
 সারা নিশি করে' চিত্ত সমাহার  
 করিলা সাধন বসিয়া শবে” । ৮৩



“জপে বিষ্ণু হেতু ভূত প্রেত নানা  
 অমরা কিন্নরী এল সিদ্ধ দানা  
 পরাস্ত হইয়া সবে            গেল ফিরে’, জেনে’ তবে  
 সমাপ্ত সাধনা উল্লাসিত মন  
 পানাদিক্যে বিরু হ’য়ে অচেতন  
 ঢলিয়া পড়িল রজনী শেষে  
 স্তম্ভোৎথিত হ’য়ে বিস্ময় অন্তর  
 হেরে বিরু তথা নাহি যোগীবর  
 কৈলা বহু অন্বেষণ            ফিরি’ স্থান অগণন  
 আজ সে তাহার না পায় সন্ধান  
 কেহ নাহি জানে সেই মতিমান  
 বিরাজে কোথায় আছে কি বেশে” । ৮৪

“সিদ্ধ যোগী সেই ভুবন মাঝারে  
 মূর্তে প্রাণ দিতে সেই মাত্র পারে  
 ভেবনাক নৃথা আর            করহ সন্ধান তা’র  
 দেখা পাও যদি হয় ভাগ্যোদয়  
 প্রসন্ন হইলে জানিহ নিশ্চয়  
 জীবিত হইবে বনিতা তব”  
 গুনিয়া শিবের ঘুচিল স্তম্ভন  
 বিদূরিত যথা জাগ্রতে স্বপন  
 চাহিয়া বিরুর পানে            পূর্বস্মৃতি জাগে প্রাণে  
 প্রেম ভরে তবে করে’ আলিঙ্গন  
 কহে “বিরু ধন্য ধন্য বাপধন  
 এক মুখে তোর কি গুণ ক’ব” । ৮৫

“ভীষণ নরকে ছিলাম ডুবিয়া  
 করিলি উদ্ধার তুই রে আসিয়া  
 আর কেন ঘাই চলে’ হ’য়ে স্নাত গঙ্গাজলে  
 কালি পাপরাশি জুড়াই রে গিয়া  
 পুণ্য নিকেতনে” এতেক কহিয়া  
 আবেগে শিবের নয়ন বয়  
 “নহ শিষ্য তুমি গুরু আজি হ’তে  
 হেথা থাকা শুভ নহে কোন মতে”  
 এই বলে’ দুই জনে দ্রুতপাদ বিক্ষেপণে  
 যায়, পথে যে’তে কেন এ দুর্গতি  
 কহে শিব, তাহা বিক্রমহামতি  
 শুনিয়া অবাক হইয়া রয় । ৮৬

ইতি শিবাচার্য্যাঠাকুরকাব্যে উদ্ধার নাম  
 ষষ্ঠ সর্গ ।

## সপ্তম সর্গ ।



উর জ্যোতির্ময়ী ভারত গগনে  
মহাশক্তিরূপা প্রসন্ন বদনে  
বিদ্যা প্রভায় জলন্ত কিরণে  
নাশিয়া অজ্ঞান-জলদ রাশি  
উর মহাকালী যোরা ভয়ঙ্করা  
করবাল ধরি' বরাভয়-করা  
অপাঙ্গে সম্মানে চাহ ছঃখহরা  
হও না উদয় হৃদয়ে আসি'

ভৈরব হৃদ্বারে প্রকম্পিত করি'  
সমগ্র মেদিনী ছঃখ ত্রাস হরি'  
হও গো সহায় করুণা বিতরি'  
কাতর সম্মানে করালী বামা  
এস রূপাময়ী ত্রিগুণরূপিণী  
—গুণত্রয়োংকর্য চিত্তপ্রণোদিনী  
শক্তি সঞ্চারি' এসে' উলাঙ্গিনী  
রণরঙ্গে নাচ নাচ গো শ্রীমা । ২

নভস্পর্শী গিরি বারিধি বেষ্টিতা  
 মহাকুটাবৃত বিপিন মণ্ডিতা  
 অসংখ্য নির্ঝর তটিনী শোভিতা  
 দিয়াছ উর্বরা আবাসভূমি  
 বীর্য্যবান বহু শস্ত্রের ভাণ্ডারে  
 রসনালোভ ফল মূল ভারে  
 বিবিধ মঞ্জুল পুষ্প সমাহারে  
 জগতে অতুল ভারত ভূমি । ৩

সমুদ্ভূত যথা উচ্চাঙ্গ দর্শন  
 প্রভাবে যাহার স্তব্ধ জগজন  
 দিয়াছ সকলি তবু কি কারণ  
 ভারত সদাই বিষাদময়  
 কিসের অভাবে ভারত সন্তান  
 হীনবীর্য্য হ'য়ে করে অবস্থান  
 লুটা'য়ে আপন গেহ ধন মান  
 পরমুখাপেক্ষী হইয়া রয় । ৪

বারেক জননী দেখনা চাহিয়া  
 চীরবাসে তা'রা নিরীক্স হইয়া  
 নীরবে গভীর বেদনা সহিয়া  
 কি দশায় দিন যাপি'ছে সবে

এইরূপে মাগো কত দিন আর  
 ভারত সন্তান ব'বে ছুঃখভার  
 সন্ততি কি এরা নহে গো তোমার  
 যদি, অবিচার কেন মা তবে ? ৫

কহ রূপাময়ী নিগূঢ় কাহিনী  
 তুমি যে অভয়া প্রপন্নপালিনী  
 কাতরেতে তা'রা দিবস যামিনী  
 চে'য়ে আছে তব শ্রীমুখ মাতঃ  
 যেই শক্তি বলে অসীম অশ্বরে  
 অনন্ত জগৎ চিরন্ত বিচরে  
 অস্ত্রে খগ উঠে, অগাধ শব্দরে  
 নানা জন্তু স্নেহে বিহরে মাতঃ । ৬

অণু পরমাণু বিন্দু মাত্র তা'র  
 সন্তানের হৃদে কর মা সঞ্চার  
 ঘুচে' যা'ক তরা মোহ অন্ধকার  
 উদ্দীপ্ত হৃদক স্বরূপ জ্ঞান  
 তব বিশ্বরূপ ভাবনা করিয়া  
 বিশ্বপ্রেমে সদা প্রমত্ত হইয়া  
 কর্তব্য সাধনে উঠুক নাতিয়া  
 নিয়ত তা'দের হৃদয় প্রাণ । ৭

জ্ঞান ভক্তি কৰ্ম সমন্বয় করি’

এস ঘোরমায়ী মহা অস্ত্র ধরি’

মৃতসঞ্জীবনী বিলা’য়ে শঙ্করী

রণমদে মত্ত কর গো ভীমা

মহাকর্শ্ববীর হ’য়ে সর্বজনা

অবিশ্রান্ত কৰ্ম করুক সাধনা

ভারতের যশঃ হউক ঘোষণা

ধরনী জুড়িয়া জলধি সীমা । ৮

বহু দিন পরে স্বীয় নিকেতনে

শিবাচার্য্য ফিরে’ এল সুখ মনে

পুনঃ পুণ্যভূমি শোভা দরশনে

আবেগে নয়নে ছুটিল ধারা

হেরে পরিপাটী তেজতি আলয়

ভোগ্য বস্তু নানা সেইমত রয়

তেজতি হরিৎ পাদপ নিচয়

ফল পুষ্প সহ শোভি’ছে তা’রা । ৯

সাধন-মন্দিরে দ্রব্যাদি সকল

যেখানে যা’ ছিল আছে অবিকল

কুসুমদ্রু হ’তে বায়ু পরিমল

সেইমত বহে হরিয়া মন

কুল কুল নাদে ধাই'ছে তেমতি  
 পবিত্র সলিলা গঙ্গা বেগবতী  
 অদূর শ্মশানে উঠয়ে তেমতি  
 চিতাধূম রাশি ছে'য়ে গগন । ১০

প্রভুরে হেরিয়া বহু দিন পরে  
 উল্লাসে ভৃত্যের নয়নাশু ঝরে  
 সুধাইবে কিবা বাক্য নাহি সরে  
 পদধূলি ল'য়ে রহিল চে'য়ে  
 সাধুবাদে শিব করিলা বাখান  
 “হুল'ভ কিঙ্কর তোমার সমান  
 রূপাময়ী তব করুন কল্যাণ  
 ধন্ত হইলাম তোমাতে পে'য়ে” । ১১

পশিল বারতা গ্রামে ঘরে ঘরে  
 এল শিব কিরে' এত দিন পরে  
 বিরূপাক্ষ মাতা আনন্দ না ধরে  
 করিলা আশিস মানস করি'  
 মহাভদ্রানীরে আচার্য্য তখন  
 স্নাত হ'য়ে পূত দেহ শুদ্ধ মন  
 প্রবেশিলা গৃহে কলুষনাশন  
 যোগাচ্ছা চরণকমল স্মরি' । ১২

ভক্ত সারমেয় নাহি ত এখন  
জরাজীর্ণ হ'য়ে তাজে'ছে জীবন  
বার্দ্ধক্য জনিত মৌরভেয়ীগণ

দুগ্ধহীনা এবে হ'য়েছে তা'রা  
অবিলম্বে বিরূ গুরুর কারণ  
ত্রিহায়নী ধেমু কৈ'লা আহরণ  
দোহন মাত্রেই সুরভী যেমন  
ঢালে বহুকীরা পয়সধারা । ১৩

আর ত আচার্য্য করে না সেবন  
তরিতা বা হালা করে'ছে বর্জন  
কলাহারে থাকে কদাচ রন্ধন  
করে সে, আমিষ ভুঞ্জে না আর  
পূর্বস্মৃতি মনে জাগি'ছে সতত  
অনুতাপে হৃদি দহে অবিরত  
দুর্দৃষ্ট গণি' সদা ধ্যানে রত  
চরণপঙ্কজ মহামায়ার । ১৪

করিয়াছে এবে বিষমূল সার  
আকুল হৃদয়ে ভাবে অনিবার  
কি উপায়ে পুনঃ দেখা পা'বে তাঁ'র  
আর কি শবের যোজনা হ'বে



ধ্যানে বসি' যবে করয়ে ভাবনা

কোনমতে হৃদে হয় না ধারণা

অভীষ্ট মুরতি, পাইয়া যাতনা

বেগে অশ্রুধারা বহে গো তবে । ১৫

কহেনাক আর কথা কা'র সনে

বিরূপাক্ষ এলে সজল নয়নে

জ্ঞাপয়ে তাহারে বিরস বদনে

মনের বেদনা অধীর হ'য়ে

কহিতে সে কথা শোকেতে বিকল

বাক্য নাহি সরে বহে নেত্র জল

শুনিয়া তা' বিরূপ সঞ্চারণে বল

সম্যক আশ্বাস-বচন ক'য়ে । ১৬

এইরূপে শিব মায় যত দিন

হয় সমধিক উদাস মলিন

ভাবনায় ক্রমে তনু হয় ক্ষীণ

কোনমতে স্রুতি পায় না মনে

চিন্তায় অনিশ উদ্বেলিত মন

রোচেনাক মুখে পানীয় ভোজন

স্তম্ভদ বিরহে কাতর দেমন

তেমতি দেবীর অদরশনে । ১৭

ভূশা অঙ্গ জলে হইয়া অধীর  
 ভ্রমে ইতস্ততঃ ঢালে হিম নীর  
 জুড়াইতে কভু জলন্ত শরীর

বসে গিয়া স্নিগ্ধ দ্রুমছায়ায়  
 কভু ঘোর দাহে বিকল হইয়া  
 জাহ্নবীর জলে পড়ে ঝাঁপাইয়া  
 থাকে বহুক্ষণ অঙ্গ ডুবাইয়া

তথাপি সে জালা নিবে না হয় । ১৮

ফিরিল বৎসর জ্যৈষ্ঠ চতুর্দশী  
 এল পুনর্ব্বার ছে'য়ে গাঢ় মসী  
 একলা আচার্য্য বিষ্ণুমূলে বসি'

আকুল হৃদয়ে ভাবি'ছে কত  
 একে শুষ্ক কর্ত্ত পেটে অন্ন নাই  
 তাহে স্নান মুখ ভাবে একজাই  
 “কি করিলে মার পুনঃ দেখা পাই”

পূর্ব্বস্মৃতি মনে জাগি'ছে যত । ১৯

মনস্তাপে বহে নয়নের জল  
 হতাশে আঁধার হেরে ভূমণ্ডল  
 পা'বে কি দেখিতে চরণ কমল

অসম্ভব গণি' বিদরে হিয়া

কাতরে তখন পট পানে চে'য়ে  
 কহে "গাঢ়ময়ী তব দেখা পে'য়ে  
 চিনিবু না বলে পাষণের মেয়ে  
 চিরদিন তরে রহিলি গিয়া" । ২০

"সমুচিত দণ্ড প্রভূত দুর্গতি  
 করিয়াছি ভোগ করম যেমতি  
 কৃপা করি' এবে সন্তানের প্রতি  
 বারেক জননী ! দেখ গো চে'য়ে  
 বুঝিতে না পারি কি ঘোর সংশয়  
 কোথা হ'বে মহা শক্তির সঞ্চয়  
 হ'ল কি না যোর পঙ্কিল নিরয়  
 শক্তিরূপা তুমি তোমারে পে'য়ে" । ২১

"তবে কি পে'লেও তব দরশন  
 হয় না যোগীর চূড়ান্ত সাধন  
 এ ঘোর সংশয়ে বিলোড়িত মন  
 কোনমতে কুল পাই না তবে'  
 জটিলরূপিনী কহ প্রকাশিয়া  
 সিদ্ধ নর কিবা ধর্ম আচরিয়া  
 লভেনাক যদি দর্শন পাইয়া  
 সে পদ, কি ফল তোমায় সেবে' " । ২২

“কেহ বলে ব্রহ্ম চিদানন্দময়  
 পরমপুরুষ অমল অব্যয়  
 নিষ্ক্রিয় সদাই কভু লিপ্ত নয়  
 নিরাকার সেই বাসনাহীন  
 কেবা তবে করে অসম্ভ্য সৃজন  
 অব্যক্ত যতনে কে করে পালন  
 সংহরে আবার কেবা অনুক্ষণ  
 কার বলে হয় যামিনী দিন” । ২৩

“কত নদ নদী অপার সাগর  
 অগণিত গিরি মৃত্তিকার স্তর  
 মহাকাণ্ড সহ অগম বিস্তর  
 জীব জন্তু নানা গণে কে তা’য়  
 বসুন্ধরা এই পৃথু ভার ল’য়ে  
 মহাশূন্য মাঝে নিরালস্য হ’য়ে  
 দ্বিবিধ গতিতে অবিশ্রান্ত ব’য়ে  
 অশ্বরের পথে ছুটিয়া ধায়” । ২৪

“বিন্দু মাত্র বারি কদাচ পড়ে না  
 মৃত্তিকার কণা কখনো খসে না  
 স্বীয় বস্তু হ’তে তিলান্ন সরে না  
 ন্যূনাধিক কভু হয় না গতি”

“এইরূপে অহো ! অনন্ত মাঝারে  
 অনন্ত জগৎ শোভে সারে সারে  
 চন্দ্র সূর্য্য কত কে গণিতে পারে  
 কেহ বা অচল কাহার গতি” । ২৫

“পরস্পর তা’রা করে আকর্ষণ  
 কিন্তু সংঘর্ষণ হয় না কখন  
 বিরাট ব্যাপার অদ্ভুত এমন  
 সকাল কি মায়া চক্ষের ন্যায্য  
 উর বিভ্রাময়ী কহ মা স্বরূপ  
 তুমি গো কেমন কিবা তব রূপ  
 কাতরেতে ডাকি হ’য়ে না বিরূপ  
 কর হ্রাণ, হও দয়াদ্রিভাবা” । ২৬

“পুনঃ কেহ বলে ধর্ম্য তব সার  
 অহিংসা ও শুদ্ধ শ্রমণ আচার  
 জানিয়া সংসার ছুঃখের আগার  
 ভিক্ষুধর্ম্য বিনা নাহিক গতি  
 সকলেই যদি ভিক্ষা মেগে’ খায়  
 কে কাহারে ভিক্ষা বল মা যোগায়  
 বুঝিতে না পারি মরি ভাবনায়  
 বুঢ়াও সংশয় উর গো সতী” । ২৭

“আসিবে ও যা’বে পরিপূর্ণ র’বে  
অক্ষয় ভাণ্ডার ইচ্ছা যদি তবে  
তাজিয়া সংসার লোকে যোগী হ’বে •

হয় না ধারণা ধরম বলে’  
চিত্তবৃত্তি হিংসা তোমারি সৃজন  
অধর্ম্য তাহাতে হয় কি কখন  
সৃষ্টি মাত্র যদি মঙ্গল কারণ  
অপূর্ণ সৃজন হিংসা না হ’লে” । ২৮

“স্বয়ং মহাকাল করেন সংহার  
অগণন জীবে নিত্য অনিবার  
ভক্ষ্যে বিনাশিয়া পল্লগ বিসার  
স্বীয় শিশুগণে জঠরে ধরি’  
এইরূপে কত হিংস্র জন্তুগণ  
দুর্ব্বলে বধিয়া করয়ে ভক্ষণ  
কর গো শকাণী সন্দেহ ভঞ্জন  
কিসে হিংসা তবে অনিষ্টকরী” । ২৯

“কেহ বলে মাতঃ আপন তোমার  
এক মাত্র ভবে লইলে তাহার  
শরণ জীবের হইবে উদ্ধার  
নতুবা কৈবল্য কদাপি ন’বে”

“পুনঃ কেহ বলে হইয়া নিষ্কাম  
 ত্যজিয়া সংসার গাঁও হরিনাম  
 নাচ প্রেম ভরে পা'বে মোক্ষধাম  
 আর ধর্ম নাই আসিয়া ভবে” । ৩০

“মহাব্রমে মাগো হ'য়েছি পতিত  
 দুর্জয় সংশয়ে চিত্ত উদ্বেলিত  
 অহানিশি ভাবি থাকি উচ্চাটিত  
 কোনমতে স্থির হইতে নারি  
 কাতরেতে তাই সমস্ত হৃদয়  
 ডাকি মা তোমারে হও গো উদয়  
 তত্ত্বজ্ঞান কহি' ঘুচাও সংশয়  
 দেখা দাও সিদ্ধ করুণা বারি” । ৩১

এইরূপে শিব একান্তে বসিয়া  
 ডাকে মহামায়ে অধীর হইয়া  
 আবেগেতে হৃদি যায় বিদরিয়া  
 দর দর ধারে নয়ন বয়  
 ভাবিতে ভাবিতে হ'ল প্রশমিত  
 উদ্বেগ মনের তবৈ শান্ত চিত  
 মহাদেবী ধ্যানে কৈলা নিয়োজিত  
 ক্রমে নিগৃহীত ইন্দ্রিয়চয় । ৩২

ধ্যানে মগ্ন হ'য়ে মুদিয়া নয়ন

ভাবে শিব রাজ্য শুভদ চরণ

অপরূপ সেই যোগীবিমোহন

মূরতি হৃদয়ে ধারণা করে'—

হইয়া তন্ময় করি'ছে ভাবনা

কপালমালিনী অসিতবরণা

প্রবল ক্রমশঃ দর্শন কামনা

অবিলম্বে গেল চেতনা হরে' । ৩৩

দেখিল আচার্য্য ধ্যানেতে তখন

ভীষণ শ্মশানে করে বিচরণ

চারি দিকে জলে চিতা অগণন

নিনাদে ভৈরব আরাবে শিবা

দলে দলে ক্রমে এল অগণন

সিদ্ধাদি পিশাচ ভূত প্রেতগণ

নাচে গায় কেহ করয়ে বাদন

হিহি অট্ট হাসি বিকট কিবা । ৩৪

হেরে অতঃপর গগন মণ্ডলে

ঘোরদংষ্ট্রা তারা ভাঁলে বহ্নি জলে —

হইয়া উদয় সেই পুণ্য স্থলে

করিল৷ স্বরায় অবতরণ



কোট চন্দ্র জিনি' কিবা সুশীতল  
 সে রূপ মায়ের, জিনি' রক্তোৎপল  
 কিবা অভিবু ছবি আঁহা কি উজ্জল  
 শোভন অঙ্গের নীল বরণ । ৩৫

পাইয়া মায়ের পুনঃ দরশন  
 প্রেমে আচার্যের বহিল নয়ন  
 হ'য়ে আত্মহারা উল্লাসে মগন  
 নয়ন মেলিয়া চাহিলা তবে  
 হেরে যথার্থই বসিয়া শ্মশানে  
 শবাক্রূড়া মহাদেবী সন্নিধানে  
 জ্বলে চিতা কত সত্য ফুল প্রাণে  
 নাচে গায় উপদেবতা সবে । ৩৬

হেরিয়া দেবীর করাল বদন  
 হ'ল না শিবের ভীতি উৎপাদন  
 প্রথমে যেমতি, পুণকে এখন  
 পাদপদ্মে নমি' চাহিয়া রয়  
 অজ্ঞাননাশিনী জ্ঞানের সঞ্চার  
 করিলা আচার্য্য হৃদয়ে এবার  
 তাই যোগীবর নিরখিয়া মার  
 ভৈরব মূর্তি বিবশ নয় । ৩৭

বুঝিল সাধক ভবানীর কেন  
 বিভীষণ রূপ দৃষ্টিদ্রোহী হেন  
 সে নিগৃঢ় তব্ব মানসেতে যেন

আপনি উদ্বুদ্ধ হইল তাঁ'র  
 ঘোরাবিষ্ট হ'য়ে আচার্যা এখন  
 পুনঃ পুনঃ হেরে মায়ের বদন  
 সর্বক্ষেপে হ'ল তুমুল হর্ষণ

ঝরে গগুণ ব'য়ে আনন্দধার । ৩৮

ক্রমে মহাভাবে বাহুজ্ঞান হরে'  
 অনিমেঘ আঁখি পুলক-অন্তরে  
 চে'য়ে রৈল যোগী বাক্য নাহি সরে

পুত্তলিকা মত স্পন্দনহীন  
 হেরিয়া যোগীর বিঘোর স্তম্ভন  
 বুঝিয়া সময় যোগাত্মা তখন  
 বিলাইতে শিবে করিলা মনন

মহাজ্ঞান ত্বরা বিশ্বজনীন । ৩৯

অমনি শরীর বাড়িতে লাগিল  
 দেখিতে দেখিতে আকাশে ঠেকিল  
 তড়িৎ সন্নিভ জলিয়া উঠিল

ত্রিতীয় নয়ন বিশাল ভালে

আবরিল দেহে নিখিল গগন  
নীল কান্ত তা'য় অদ্ভুত বরণ  
করে লহ লহ নীলাশ্র য়েমন

ভালস্থ বিহ্যৎ কিরণজ্বালে । ৪০

সুস্তিত হইয়া হেরে যোগীবর  
বিপুল মায়ের ভীম কলেবর  
উঠে শিহরিয়া হেরে' অতঃপর  
অলৌকিক দৃশ্য বিগ্রহ মাঝে

হেরে অভ্রভেদী গিরি অর্গণত  
বিরাজে দেহেতে তুমারে আবৃত  
গুণ্য তরু লতা তৃণাদ মণ্ডিত

শোভে বনরেখা অতুল সাজে । ৪১

হেরে নদ নদী অম্বুধি ঝরণা  
অখাত কাসার কে করে গগনা  
সৌধ হন্থ্য সহ পুরী সুশোভনা  
জনপদ কত গণে কে তা'য়

নিমেষের মাঝে সে দৃশ্য হরিল  
কটির অঞ্জিন খসিয়া পড়িল  
বিশ্বভাণ্ড সম কুক্ষি দেখা দিল

স্তব্ধ হ'য়ে তবে সাধক চায় । ৪২

নিরখিল যোগী বিশ্বয়-অস্তুর

প্রসবে জননী শরীরী বিস্তর

সুরাসুর নর মৃগ জলচর

পতঙ্গাদি কীট খেচর ষত

কুৎসিত সুন্দর অসম্মা বরণ

প্রসবিলা মাতা জীব অগণন

দেখিতে দেখিতে ছাইল গগন

হেরিয়া যোগীর ধিষণা হত । ৪৩

নিমেষেতে বিশ্বজননী তখন

বৈষ্ণবী মুরতি করিলা ধারণ

সে রূপমাদুরী করিয়া দর্শন

উল্লাসে যোগীর নাচিল হিয়া

হেরে লক্ষাধিক বহে স্তম্ভ ধার

থায় অগণিত শিশু স্নকুমার

বহু ভুজ মাতা করিয়া বিস্তার

তোষয়ে সবারে অশন দিয়া । ৪৪

থায় শ্রেণীবদ্ধ বালকের দল

যুবা বৃদ্ধ নানা বর্ণের সকল

ফল মূল শস্ত্র কত অনর্গল

পশু পক্ষী আদি অনন্ত জীব

নিরামিষভোজী তৃণদ মাংসাশী  
 পরিতোষ সহ হইয়া উল্লাসী  
 যাহার যা' ভক্ষা খায় রাশি রাশি  
 করে জয়নাদ হর্ষে অতীব । ৪৫

প্রত্যাহার করি' সে দৃশ্য তখন  
 ধরিলা জননী করাল বদন  
 নিরখিয়া সেই আশ্রু বিভীষণ  
 আতঙ্কে যোগীর উড়িল প্রাণ  
 হেরে হৃদ সম লোহিত বরণ  
 ভাসে বিশঙ্কট ভীষণ নয়ন  
 কনীনিকা কিবা ঘোর দরশন  
 বনবনারত দ্বীপ প্রমাণ । ৪৬

জলে ভাল মাঝে প্রকাণ্ড অনল  
 উদ্ভাসিত তাহে দিগন্ত মণ্ডল  
 তালকাণ্ড সম পৃথুল কুন্তল  
 লুটায় পড়ে'ছে অবনিতলে  
 পল্লীপ্রান্তে যথা নদী উপকূল  
 দৃষ্ট দূরপারে পাদপসকুল  
 অপক্লপ দৃশ্য তেমতি পৃথুল  
 বিস্তীর্ণ মায়ের ক্রলোমদলে । ৪৭

শৈলাবলি সম নাসিকা লম্বিত

মহারক্ষু তা'য় কন্দর খোদিত

নিশ্বাস প্রশ্বাসে জগৎ মস্থিত

রসাতলে যেন এখনি যায়

ভীষ্ম, মহাব্রত সিঞ্চিলে যেমন

মায়ের বদন ব্যাদান তেমন

শ্বেতধরশ্রেণী সংকাশ দশন

কা'র সাধ্য উহা বারেক চায় । ৪৮

হেরিল সাধক করাল বদনে

লাখে লাখে জীব পড়ে ক্ষণেক্ষণে

ধায় কস ব'য়ে দন্তের পেষণে

হ্রাদিনী সমান রুধির ধারা

মহাভয়ে যোগী মুদিয়া নয়ন

ত্রাহি ত্রাহি ডাকে সর্বাত্মে কম্পন

“সম্বর জননী ও কালবদন

হেরিতে না পারি হই যে সারা” । ৪৯

“বুঝিয়াছি তুমি নহ শবাসনা

নরকপালিনী অলিতবরণা

বাতিকের ঘোরে করিয়া কল্লনা

সাধক তোমায় ভাবে সে রূপে”

“তাই গো মা শবসাধনের কালে  
 হেরে’ ভৌম রূপ জটাজুট ব্যালে  
 গলে মুণ্ডমালা হতশন ভালে  
 হ’ল ভীতি পড়ে’ ভ্রমাক্ষকুপে” । ৫০

“আধকার বিনা পদবী কে পায়  
 তাইতে পড়িয়া অলোক মায়ায়  
 হ’ল অধোগতি মঙ্গল বিদায়  
 কে পারে বুঝিতে মহিমা তব  
 রূপা বশে যদি করিয়া উদ্ধার  
 দেথা দিলে পুনঃ গগনবিস্তার  
 হেরে’ বিভীষণ বদন তোমার  
 আতঙ্কে যে মরি কেমনে সব” । ৫১

“বুঝে’ছি বুঝে’ছি অজ্ঞাননাশিনী  
 বিশ্বরূপা তুমি জগৎব্যাপিনী  
 সৃজন পালন প্রলয়কারিণী  
 পরনা শরীতি অনন্তকায়া  
 স্বয়ম্ভু শ্রীপতি দেব মহেশ্বর  
 মহাজ্ঞানী বুদ্ধ কপিল শঙ্কর  
 পাইল না অন্ত আমি চার নর  
 কেমনে বুঝির তোমার মায়া” । ৫২

“দেখে” ভয়ঙ্করী মূরতি তোমার  
মহাতঙ্কে কাঁপে সর্বান্ন আমার  
সহিতে না পারি কোনমতে আর  
রক্ষ রক্ষ ওগো সাধবস হরা

থাকে যেন পদে অচলা ভকতি  
নাহি ভিক্ষা আর ওগো ভগবতী  
সম্বর সম্বর তৈরব মূরতি

দেহ মা অভয় অভয়করা” । ৫৩

এইরূপে শিব মহাভীতি সনে  
ত্রাহি ত্রাহি ডাকে উদ্বেলিত মনে  
হ’ল অনুমিতি সহসা নয়নে

তড়িতের বিভা, সাধক তবে  
নয়ন মেলিয়া করে নিরীক্ষণ  
অলৌকিক দৃশ্য যোগীবিমোহন  
সাধনাচরম সর্বোচ্চ দর্শন

সদানন্দপ্রদ ছলভ ভবে । ৫৪

হেরে নভ মাঝে বিদ্যা প্রভায়  
জলে মহাদ্যাতি অসংখ্য ছটায়  
জলে উদ্ভ্রমুখে অতুল বিভায়

অম্বর ভাতিয়া সবিতা কত



হেরে যোগী আর বেষ্টিয়া তপনে  
নাহি লেখা জোখা অনন্ত গগনে  
ঝলসিয়া আঁধি সম্পৃক্ত কিরণে

শোভে শশী তারা গ্রহাদি যত । ৫৫

কঠোর সাধনে নহে লব্ধ গেই  
নিরখিয়া দৃষ্ট অলৌকিক সেই  
সাধকপুঙ্গব নাচে গেই গেই  
লোমাঞ্চরীর উল্লাস ভরে

হেরে' অনুপম ছবি মনোহর  
প্রেমে নেত্র বারি বহে দরদর  
বিভোর হইয়া পুলক-অস্তর  
নাচে যোগীবর চেতনা হরে' । ৫৬

বিঘোর স্তম্ভনে দেউল চত্বরে  
বহির্গত হ'য়ে নাচে প্রেমভরে  
অনিমেঘ আঁধি উর্দ্ধে মুখ করে'

অবিরত হেরে সে রূপরাশি  
কে বর্ণিতে পারে কি স্তম্ভ অপার  
সে সৌভাগ্য কভু হয় নাই যা'র  
নাচে একজাই নয়নের ধার

বহে অবিরল বয়ান ভাসি । ৫৭

অপহৃত হ'ল সে দৃশ্য, তখন  
হেরে যোগী যথা ফিরায় নয়ন  
জ্যোতিবিন্দু সেই অপূর্বদর্শন

জলে জলে স্থলে পাদপ দলে

বিঘোরে সাধক মন্দির ত্যজিয়া  
ভ্রমে ইতস্ততঃ বিবস্ত্র হইয়া  
সারা নিশি ফেরে হেরে ফুল হিয়া

সম সেই জ্যোতিঃ সর্বত্র জলে । ৫৮

বিগত রজনী বিরূপাক্ষ এসে'  
বিশ্বমূলে শিবে হেরে' ঘোরাবেশে  
করেনি' সাহস যাইতে সদেশে

গিয়াছিল ফিরে' সদনে তাই

দেখে নাই বিরূ জীবনে কখন  
এবজুত শিবে ধ্যানেতে মগন  
আসীন উপল মুরতি যেমন

অনুমাত্র অহো ! চেতনা নাই । ৫৯

সে কারণে বিরূ প্রত্যাষে উঠিয়া  
অবিলম্বে প্রাতঃকৃত্য সমাপিয়া  
লইতে ভারত। অধীর হইয়া

উত্তানাভিমুখে ছুটিয়া যায়

অস্তিকেতে গিয়া দেখে যোগীবর

ভাগীরথী তীরে হ'য়ে দিগম্বর

আছে দাঁড়াইয়া, ব্যাকুল অন্তর

সেই দিকে বিরু অমনি ধায় । ৬০

দূর হ'তে শিব বিরূরে দেখিয়া

মহাভাবে পুনঃ বিভোর হইয়া

নাচিতে লাগিল ছ' বাহু তুলিয়া

হ'য়ে জ্ঞানহারা বাতুল প্রায়

সর্বাস্ত্র প্রাবিয়া নয়নের ধার

তিতিয়া মেদিনী বহে অনিবার

রোগাশ্রিত তনু আনন্দে অপার

অনিমেস আঁখি চাহি'ছে কা'য় । ৬১

কতক্ষণে স্বপ্ন পাউলে চেতনা

ভাষে গদগদ হঠিয়া বিমনা

শুঁকি দিব রে বিরু মাগের তুলনা

বিশ্বরূপা যিনি আকাশময়ী

যে দিকেতে বিরু ফিরাই নয়ন

হেরি রূপরাশি হৃদয়রঞ্জন

করিয়া অপূৰ্ণ ছটা বিকীরণ

নৃত্য করে শ্রামা আনন্দময়ী" । ৬২

“দেখ্না রে বিরূ নয়ন মেলিয়া  
 অল্পপম মার কান্তি কমণীয়া  
 হেরিয়া যেমন হ্লাদে মম হিয়া  
 হয় না কি তোর তেমন ওরে  
 জলে স্থলে বৃক্ষে অনন্ত আকাশে  
 সর্বত্রই মার সম পরকাশে  
 সেই গঞ্জু ছবি সেই জ্যোতিঃ ভাসে  
 দেখ্না কেমনে বুঝাব তোরে” । ৬৩

“তুচ্ছ পর্ণশালে প্রাসাদভবনে  
 পৃতি নর্দমায় নন্দনকাননে  
 মল মূত্র মাঝে অগুরু চন্দনে  
 দেখ্ সম স্থখে বিহরে বামা  
 দেব দানবাদি পশু পক্ষী নর  
 পতঙ্গাদি কীট সর্প জলচর  
 সকলি স্বরূপ মাত্র রূপান্তর  
 সর্ব দেহে দেখ্ বিরাজে শ্রামা” । ৬৪

“দেখিনাক স্থান ভুবন মাঝারে  
 যথা শ্রামা নাই হেরি সর্বাধারে  
 ব্যাপিয়া তোমায় তেমতি আমারে  
 তেমতি সকল জগৎজনে”

“দেখ্ দেখ্ পুনঃ কেন্দ্রীভূতা মায়  
 অচিন্ত্য শকতি অপূৰ্ণ প্রভায়  
 আছে আকর্ষিয়া অনন্ত বিহায়  
 কোটি কোটি সূর্য্য গ্রহাদিগণে” । ৬৫

“এ বৃহৎ কাণ্ড কিসের লাগিয়া  
 কোথা হ’তে আসে কোথা মিশে গিয়া  
 নিদর্শন কেহ পায় না ভাবিয়া  
 চিন্তার অতীত মহিমা তাঁ’র  
 কিস্ত মাতা তা’রে দেন দরশন  
 জ্ঞান-বলে যেই করে নিরীক্ষণ  
 হেরে স্বীয় মুখ মকুরে যেমন  
 নিয়ত তাঁহাতে ভকতি যা’র” । ৬৬

“পুনঃ বিক্স মায়ে কর্ রে দর্শন  
 মহাকর্মান্বীকপে রত অগ্নুক্ষণ  
 তিলেকের তরে বিশ্রাম কখন  
 নাহি রে তাঁহার রজনী দিনে  
 দেখ্না রে মার প্রকাণ্ড উদর  
 প্রসবিছে সদা শয়ীরী বিস্তর  
 পু’বি’ছে বৈষ্ণবীকপে নিরন্তর  
 রাখে না কা’রেও অদন বিনে” । ৬৭

“পুনঃ দেখে ওরে করাল বদন  
 ক্ষণে ক্ষণে জীবে করি’ছে হনন  
 ভাঙ্গে গড়ে রাখে কন্ম অনুক্ষণ  
 অনুমাত্র কভু বিরাম নাই  
 ক্ষুদ্র জীব মোরা নাই সে শকতি  
 ক্ষেমবিধায়িনী দেবী ভগবতী  
 শ্রান্তি দূর তরে হ’য়ে স্নেহবতী  
 নিদ্রার সৃজন করিলা তাই” । ৬৮

“খাই দাই মোরা সুখে নিদ্রা যাই  
 অবশিষ্ট কাল অকাজে কাটাই  
 ধর্ম কন্ম কিবা খুঁজিয়া না পাই  
 ঘুরিয়া বেড়াই পশুর মত  
 তাই রে মোদের এ হেন দুর্গতি  
 ঘুচিয়ে সর্বস্ব অধীনে বসতি  
 অন্ন বস্ত্র নাই, পেটের সঙ্গতি  
 করিতে সদাই কুকর্মে রত” । ৬৯

“দিন বয়ে যায় প্রবাহের মত  
 কাল সনে ক্ষয় আশু অবিরত  
 কুহকে পড়িয়া হ’য়ে বুদ্ধিহত  
 ভাবি কি সময় জীবন বলে’ ”

“মহামূল্য নিধি জীবন সময়  
 ছু’দিনের তরে এসে’ অপচয়  
 কর না রে জেন নিত্য কিছু নয়  
 বিনাশ চরম জগতীতলে” । ৭০

“আত্মার অচিন্ত্য শক্তি আলোড়নে  
 পরিবর্ত মহা ঘটে ক্ষণে ক্ষণে  
 নিত্য নব নব ক্রমে পরাতনে  
 নীত হ’য়ে কোথা বিলীন হয়  
 সৃষ্টি মাত্র যদি ধ্বংস প্রাপ্ত হ’বে  
 এত যত্ন যা’রে দেহ নাহি র’বে  
 দেহ যদি নহে আপনার তবে  
 অত্যাশ্রয় কভু আপন নয়” । ৭১

“দারা স্ত্রী আদি ধন পরিজন  
 সুখ বস্তু কেহ নহে ত আপন  
 আপন কেবল প্রযুক্তিতে মন  
 আসক্তিতে হয় অশেষ দুঃখ  
 লভিয়া উত্তম মানব জনম  
 অবিশ্রান্ত পাল’মনুষ্য ধরম  
 ঐচ্ছিত্য বিধায় সংসার নিয়ম  
 আচরহ কা’র চেও না মুখ” । ৭২

“সেই শক্তি বিন্দু হৃদয়ে তোমার  
নিয়ত বিরাজে জ্ঞানে ইত্যাকার  
যাবৎ চেতনা আনন্দে অপার

কর রে অর্চনা মানসে তাঁ’র  
প্রেম তব যথা আপনার প্রতি  
সর্ব দেহে নৃত্য করে সে শক্তি  
হ’য়ে জ্ঞাত সম রাখিয়া ভক্তি  
বিশ্বব্যাপীরূপ নিরর্থ মার” । ৭৩

“কিবা নিত্য হেথা সকলি নশ্বর  
অনাসক্ত হ’য়ে তাই নিরন্তর  
আচরহ সর্বলোকহিতকর

মনুজ ধরম হৃদয়ে ধরে’  
হের কর্ম্য মার সৃষ্টি স্থিতি লয়  
আদর্শ করিয়া উক্ত গুণত্রয়  
জগতের সূত্র ভুঞ্জ সমুদয়  
অবিশ্রান্ত কর্ম্য সাধনা করে” । ৭৪

“কর্তব্যপালন ধর্ম্যতত্ত্ব সার  
কর্ম্য বিনা গতি নাহি রে কাহার  
কর্ম্যই প্রধান সূত্রে আগার  
হ’ত কি স্রজন কর্ম্য না হ’লে”



এতেক কহিয়া পূলকে ভরিয়া  
 পুনঃ মহাযোগী উদ্বাহ হইয়া  
 নাচিতে লাগিল চেতনা হরিয়া  
 তিতিয়া বয়ান নয়ন জলে । ৭৫

বিমূঢ়িত হ'য়ে শিবের বচন  
 অনুক্রমে বিরূ করিলা শ্রবণ  
 শুনিতে শুনিতে হৃদয়ে তখন  
 উক্কু হইল স্বরূপ জ্ঞান  
 উল্লাসে বিরূর লোমাঙ্কশরীর  
 হ'ল, নেত্র কোণে এল প্রেমনীর  
 কর্ণকুহরেতে ঝঙ্কারে তঙ্গীর  
 বাজিতে লাগিল মধুর গান । ৭৬

এইরূপে বিরূ হইয়া স্তম্ভিত  
 রৈল কতক্ষণ পরে আচম্বিত  
 জাগরিল মনে “এবে কি উচিত  
 আচার্য্যের যদি অবস্থা হেন  
 মাতোয়ারা যোগী পূর্ণ ব্রহ্মজ্ঞানে  
 শক্তিরূপা মায়ে হেরে সর্ব স্থানে  
 কত যে আনন্দ সেই মাত্র জানে  
 সকলি দেখি'ছে অদ্ভুত যেন ।” ৭৭

“এ অবস্থা যদি কিছু দিন রয়  
হ’বে দেহপাত নাহিক সংশয়  
থাকিলে জীবের মঙ্গল নিশ্চয়

যাহে রক্ষা পায় বিধেয় মম”

মহামতি বিরূ এতেক চিন্তিয়া  
কর্তব্য জ্ঞানেতে প্রেরিত হইয়া  
উদ্ধানাভিমুখে যায় থিন্ন হিয়া

লইয়া আচার্য্যে সাধকোত্তম । ৭৮

মন্দির চত্বরে ল’য়ে মতিমান  
হিম কুপোদকে করাইলা স্নান  
পরাইয়া বাস দিলা স্নিগ্ধ পান

করিলা ব্যঞ্জন অনবরত

ক্রমে তন্দ্ৰা ঘোরে বিবশ হইয়া  
সাধকপূজব পড়িল ঢলিয়া  
বিরূপাক্ষ তবে স্নযোগ পাইয়া

রক্ষনে ত্বরায় হইলা রত । ৭৯

সময়োপযোগী করিয়া রক্ষন  
ভূজাইয়া বহু প্রয়াসে তখন  
মৃদু স্পর্শে করি’ অঙ্গ সংবাহন

করিলা নিদ্রিত সাধকবরে

থেকে' থেকে' যোগী উঠে চমকিয়া

বকে সেইমত উন্নত হইয়া

প্রাণপণে বিরূ রাখে সম্ভারিয়া

সুস্থ হ'লে পুনঃ শয়ন করে । ৮০

এইরূপে বিরূ গুরুর সেবায়

হইলা নিরত সম্ভাহ সেথায়

রাখে আগলিয়া যেখানে সে যায়

বিশ্বস্ত ছাবালরক্ষক মত

প্রকৃতিস্ত ক্রমে হ'ল যোগীবর

হাসি হাসি মুখ কুল নিরন্তর

সৌম্যকান্তি যেন শোভে দিগম্বর

হ'য়ে নিত্যভোগ সমাধি গত । ৮১

কৃষ্ট মনে বিরূ গৃহে গেল তবে

অনুমানি আর আচার্যের ন'বে

বৈকল্য মনের, যদি বা সম্ভবে।

কখনো হ'বে না অধিকস্থায়ী

থাকে শিবাচার্য স্বীয় নিকেতনে

আপনার ভাবে মহানন্দ মনে

রাঁধে বাড়ে খায় ভ্রমে সুখ মনে

দুঃখা ছেদ রাগ কাহারে নাই । ৮২

এইরূপে গত হ'ল কিয়দিন  
একদা আচার্য্য হইয়া আসীন  
সাধন মন্দিরে ভাবে সমীচীন

জগতের কিসে কল্যাণ হ'বে  
সহসা মনেতে হইল উদয়  
কি ফল রাখিয়ে হেথায় নিলয়  
আছে স্থান জুড়ে' ওষধি নিচয়  
দিলে, নিত্য ফল অর্পিবে সবে । ৮০

এতেক চিন্তিয়া আচার্য্য তখন  
ভাজিয়া মন্দির করিলা কর্তন  
পুষ্পতরুরাজি, কৈলা উত্তোলন

বিষবৃক্ষ, যত নিখাত তুলি'  
শাক সজ্জি নানা করিলা বপন  
মণ্ডপ আলায় কৈলা স্নোভন  
প্রাচীর সন্নিধে করিয়া রোপণ  
বাছিয়া কুসুম পাদপ গুলি । ৮৪

শিবাচার্য্য এবে থাকে অম্লক্ষণ  
কর্ম্মে রত কভু করে না ক্ষেপণ  
অবৈধ সময়, কাজের ক্ষুরণ  
হয় না, নিয়ত বাড়য়ে কত

বার্দ্ধক্য জনিত কিঙ্কর এখন  
 পারেনাক আর খাটিতে তেমন  
 তথাপি সে কভু করে না হেলন  
 থাকে ব্যস্ত সদা সম্ভবমত । ৮৫:

অর্পিয়া ভূত্যেরে লঘু কশ্ম ভার  
 গুরু কার্যে স্বয়ং ব্যস্ত অনিবার  
 থাকে যোগীবর স্মরি' যোগাত্মার  
 চরণপঙ্কজ প্লক ভরে  
 গাভী পরিচর্যা উদ্ধান কর্ষণ  
 সারাদি বহন পাদপ সিঞ্চন  
 প্রয়োজন মত করে সম্পাদন  
 সর্বৈব সাধক যতন করে' । ৮৬:

কৃষির উৎকর্ষে করে উৎপাদন  
 লতাদ্রুমরাজি বৃহদায়তন  
 ফল মূল নানা নিত্য অগণন  
 পরিপূর্ণ সদা ভাণ্ডার তা'য়  
 সিদ্ধহস্ত এবে আচার্য্য রন্ধনে  
 নিত্য নব নব গড়ে সুখ মনে  
 উপাদেয় নানা, মিষ্টান্ন ব্যঞ্জনে  
 নাহি খাজানাব পাকশালার । ৮৭:

সাধিতে যে কাজ দেয় যোগী মন  
করিতে তাহার উৎকর্ষ সাধন  
প্রয়াস ঘটন করে প্রাণ পণ

কখনো বিরত হয় না তা'য়  
মহাশক্তি যা'র হৃদে জাগরিত  
অবিলম্বে বুদ্ধি হয় বিকশিত  
সর্বোৎকর্ষ হয় অভিমত

হেরিয়া সাধক লোমাঞ্চকায় । ৮৮

পূর্ণ থাকে গেহ বিবিধ অশনে  
থায় ভূত্যে দেয় বিলায় গোপনে  
যোগ্য পাত্র বুঝি' পুরবাসীগণে

দেখিতে না পারে দারিদ্র্য কা'র  
নাহি রোগ শোক মান অভিমান  
সমাধিস্থ সদা ফুল মতিমান  
ক্রমে দেহ হ'ল কলভ সমান

গৌর কাস্তি সহ শোভে অপার । ৮৯

গৃহকর্ম্ম সেরে হইলে সময়  
আপনার ভাবে নিত্য সদাশয়  
যেখানে সেখানে পল্লী সমুদয়

করয়ে ভ্রমণ প্রমোদ সনে

কিবা হয় সত্য মনুজ ধরম  
 কি করিলে লোক হয় দেবোপম  
 কিসে কুসংস্কার অপনীত ভ্রম  
 সুখ পাশ্চি কিসে জগৎ জনে । ৯০

এই তোলাপাড়া হৃদে অনুক্ষণ  
 অতি সূক্ষ্মভাবে করে নিরীক্ষণ  
 প্রকৃতির গতি জড়াদি চেষ্টন  
 এ দিক সে দিক ভ্রমিয়া সদা  
 তন্ন তন্ন কার' গানব প্রকৃতি  
 হেরে জাতিভেদে স্পৃহা রীতি নীতি  
 কোনমতে যোগী পায়নাক প্রীতি  
 থিন্ন হ'য়ে ডাকে গঙ্গল প্রদা । ৯১

মৃগভঙ্গী কভু প্রশান্ত বদন  
 কভু অর্দ্ধদৃষ্টি বিকচ নয়ন  
 রোষ ভরে কভু ঘরষে রদন  
 কখনো বা হাসে উল্লাস ভরে  
 পাত্র বুঝে' যোগী কা'রে মিষ্ট ভাষে  
 ব্যবহারে কা'র ক্রোধ পরকাশে  
 কা'রে গালি পাড়ে যত মনে আসে  
 কা'র বা শুণের বাখান করে । ৯২

ভদ্রাভদ্র নাই ধনী হুঃখী আর  
 সকলের সনে সম ব্যবহার  
 করে প্রতিবাদ হেন সাধ্য কা'র  
 সশঙ্কিত হেরে' বিপুল দেহ  
 কহে শিব যাহা মর্মে ব্যথা দিয়া  
 বাতগ্রস্ত কেহ উদ্গাদ ভাবিয়া  
 ভরেনাক কাণে দেয় উড়াইয়া  
 স্বরূপ তাঁহারে বোঝে না কেহ । ৯৩

এইরূপে যোগী ভাবেতে আপন  
 বিভোর হইয়া করয়ে ভ্রমণ  
 নগরে প্রান্তরে যথা লয় মন  
 নিশামুখে গৃহে ফিরিয়া যায়  
 শীত বর্ষা হিম নিদাঘ প্রথর  
 বাছেনাক কভু পুলক-অস্তর  
 ভ্রমে এই মত নিতা নিরন্তর  
 হ'য়ে যত্নবান আত্মরক্ষায় । ৯৪

প্রত্যাগত হ'য়ে মণ্ডপে বসিয়া  
 তানপুরা সহ বিভোর হইয়া  
 মহালয়ে যোগী লয় মিশাইয়া  
 গায় ঋবপদ মধুর গান



বিরু ভিন্ন কা'র আসিতে সেথায়  
 নাহিক সাহস ছন্দু'র বিধায়  
 দূর হ'তে যা'রা মন্ত্রমুগ্ধ প্রায়  
 করয়ে শ্রবণ, মুদিত প্রাণ । ২৫

ক্রমে দিন যার, একদা সাধক  
 সন্ধ্যার প্রাক্কালে বসিয়া একক  
 জাহ্নবীর কূলে ভাবি'ছে সম্যক  
 জগতের হিত বিভোর হ'য়ে  
 সহসা মনেতে হইল উদয়  
 এই যে জ্যোতিক অস্ত্রে দৃষ্ট হয়  
 একৈক ব্রহ্মাণ্ড তাহারা নিশ্চয়  
 ক্রমে স্বীয় পথে নিয়ত ব'য়ে । ২৬

কেমন সে স্থান বসতি কাহার  
 কি রূপ তাদের, আচার বিচার  
 শয়ন ভোজন কেমন বিহার  
 কোন দেবতায় অর্চয়ে তা'রা  
 মনে মনে যোগী এতেক চিন্তিয়া  
 ডাকে মহাশায়ে তন্ময় হইয়া  
 “দেখাও জননী দিবা চক্ষু দিয়া  
 মহা কোতূহলে হ'তেছি সারা” । ২৭

“পূরাও বাসনা উর বিভাময়ী  
জানে না এ ধুই ছেলে তোমা বই  
বড় দয়া মোরে তাইতে না কই  
বারেক সে দৃশ্য দেখাও ত্বরা”  
ভাবিতে ভাবিতে উৎসুক অন্তর  
সমাধিস্থ ত্বরা হ’লা যোগীবর  
দেখিলা ধ্যানেতে ভেদিয়া অম্বর  
বেগেতে উড্ডীন তাজিয়া ধরা । ৯৮

নিমেষেতে গিয়া হ’লা উপনীত  
অপর জগতে দেখিলা ত্বরিত  
নানা স্থানে ভ্রমি’ কোন মতে চিত  
হ’লনাক তৃপ্ত নিরখি’ তা’য়  
মনোময়ী শ্রামা লইলা তখন  
অন্যৈক জগতে, করিয়া দর্শন  
তথাকার ছবি পুলকিত মন  
ফিরে’ এল যোগী ছিল যথায় । ৯৯

ধ্যান ভঙ্গ হ’লে মনের উল্লাসে  
অবিলম্বে যোগী ধায় নিজ বাসে  
হেরে গিয়া তথা বিরু তাঁ’র আশে  
জনাশ্রয়ে বসে’ ব্যাকুল হ’য়ে

প্রেমভরে কহে সাধক তখন  
 “ব্যস্ত আমি” তরে হেরি কি কারণ  
 কোথা অমঙ্গল শ্রামা যা’র ধন

মরি তোর বাপ নিছনি ল’য়ে” । ১০০

“কৌতূহল বশে অদীর হইয়া  
 গিয়াছিহু বিক্র মায়েরে কহিয়া  
 অপর জগতে আইহু ফিরিয়া  
 এই মাত্র, গৌণ হ’ল রে তাই  
 ভেবে’ছিহু কত করিব দর্শন  
 অপরূপ যাহা হেরিনি’ কখন  
 যে আহ্লাদ মনে ওরে বাপধন

হ’য়েছিল তা’র অবধি নাই” । ১০১

“গেলাম প্রথমে অসীম আকাশে  
 যেথায় মঙ্গল গ্রহ পরকাশে  
 নিরখিব কত অলৌকিক আশে  
 অবাক হইহু কি ক’ব তোরে  
 দেখিহু তেমতি হেথায় যেমন  
 জল স্থল তরু লতা গুল্ম বন  
 অদ্রিরাঙ্গি উৎস ধুনী অগগন

সকলি যেমতি হেথায় ওরে” । ১০২

“থাকে নরনারী বাঁধিয়া বসতি

পরিজন সহ হেথায় যেমতি

আহারে বিহরে ঘুমায় এমতি

এই মত মায়ে পূজয়ে সবে

এমতি আশ্রিত গ্রাম্য পশুগণ

ডালে বসে পাখী করয়ে কুজন

এইরূপ যত হিংস্র আচরণ

হইলু হতাশ জননী তবে” । ১০৩

“লইলা যথায় করে বিচরণ

বুধগ্রহ, গিয়া করিলু দর্শন

নাই ভিন্ন কিছু সকলি তেমন

ফিরে’ এলু দেখে’ পুলক ভরে

অতি হৃদ্য তুই জগৎ মাঝারে

কহিলু রে তোরে বলিব কাহারে

ছুরাধায়া যিনি বুঝিবে তাঁহারে

কোথা সে শক্তি ভ্রমাস্ক নরে” । ১০৪

এতেক কহিয়া মহোন্মাদ ভরে

নাচে যোগীবর বাহু জ্ঞান হরে’

দর দর ধারে প্রেম অশ্রু বারে

বদনে না সরে বচন আর

গৌরকান্তি উরু দেহেতে তখন  
 কি মধুর শোভা করিল ধারণ  
 প্রেমোচ্ছ্বাস সহ আহা সে নর্তন  
 স্তম্ভিত কিবা কি চমৎকার । ১০৫

ক্রমে একদিন প্রভাত সময়ে  
 বাস্তব হবে ঋষি পুষ্পদ্রুম ল'য়ে  
 সিঞ্চনাদি নানা কার্য্যে জনাশ্রয়ে  
 মুখে গুণ গুণ মহিমা গান  
 হেন কালে তথা হ'লা উপনীত  
 জটনক সন্ন্যাসী বয়ঃ মধ্যবিত্ত  
 জটাজুট শিরে গলে উপবীত  
 সংস্কার সম্প্রাপ্ত অশেষ জ্ঞান । ১০৬

সাদরে আচার্য্য লইয়া তাঁহারে  
 নগুপে আসন দিলা বসিবারে  
 স্তম্ভাইলা তবে ব্রাহ্মণ কুমারে  
 কিবোধেন্দ্রে তথা শুভাগমন  
 জ্ঞাপিলে বারতা বৃন্দিলা, সন্ন্যাসী  
 একাদশী হেতু আছে উপবাসী  
 কলা হ'তে তাই পাশ্র্ণ প্রত্যাশী  
 হ'য়েছে অতিথি বিপ্রসদন । ১০৭

করাইয়া তূর্ণ পাদ প্রক্ষালন  
 অবিলম্বে শিব কৈলা আহরণ  
 ফল মূল মিষ্ট পানীয় ভোজন  
 উপস্থিত যাহা আছিল ঘরে

নানা উপচারে করিয়া রন্ধন  
 অভ্যাগতে পুনঃ করিলা তোষণ  
 রাখিলা আগ্রহে আপন ভবন

সে নিশায় তা'রে যতন করে' । ১০৮

রজনীর যোগে বসিয়া ছ'জনা  
 করিলা বহুল শাস্ত্র আলোচনা  
 দেখে' সৃষ্টিছাড়া শিবের সাধনা

বিশ্বয়ে অবাক হইল যোগী  
 পুনঃ পুনঃ শিব দেয় উপদেশ  
 কোন মতে চিন্তে হয় না নিবেশ  
 মরমে না পশে ভাবিয়া অশেষ

একাধারে হ'বে ত্যাগী ও ভোগী । ১০৯

বিরক্ত হইয়া আচার্য্য তখন  
 রোষ ভরে কহে পরুষ বচন  
 “যুগব্যাপী ওরে করিয়া ভ্রমণ

আত্মবোধ আজ হ'ল না তোর”

“মহাতীর্থ এই শরীর মাঝারে  
খুঁজিয়া না পেলি নিত্য যোগাঙ্গারে  
পুণ্য স্থানে গিয়া হেরিবি তাঁহারে

উপল বিগ্রহে কি ভ্রম ঘোর” । ১১০

“দিনেক যদি না ঘোটে রে আহার  
হের চতুর্দশ ভুবন আঁধার  
হয়নাক ক্লেশ ব’য়ে দেহ ভার  
যত ভার বোধ অর্জন তরে

পর-অন্নভোজী কুকুর সমান  
হইয়া অলস হরে’ লজ্জা মান  
ভ্রান্ত পদগর্বে ভ্রম নানা স্থান  
ধারণা মেদিনী পবিত্র করে’ ” । ১১১

“গৃহে তোর কত আত্মীয় স্বজন  
তাজিয়া তাদের বুঝে’ছ আপন  
করিবে অন্তরে ধন্ত তোর পণ

ধন্ত রে প্রগলভ, রে মুঢ়মতি  
মল্লজ ধরম উৎকর্ষ সাধন  
প্রথমে আত্মার পরে স্বীয় জন  
সাধ্য অমুযায়ী ক্রমে অস্ত্র জন  
কর্ম্ম বিনা কভু হয় না গতি” । ১১২

কহিতে কহিতে সর্কান্ধ কাঁপিল

শম্পা সম আঁখি জলিয়া উঠিল

রোষ ভরে মুখে কথা না স্মরিল

দেখিয়া সাধুর উড়িল প্রাণ

আতঙ্কে সন্ন্যাসী মুদিয়া নয়ন

জড় সড় হ'য়ে করিল শয়ন

যোগে যোগে নিশি করিয়া যাপন

প্রভাত না হ'তে করে প্রয়াণ । ১১৩

একদা আচার্য্য প্রান্তর দর্শনে

বহির্গত হ'য়ে বিভোরিত মনে

আসিতেছে ফিরে' ত্বরিত গমনে

গোবিন্দ মন্দির সরণী দিয়া

যামাতীত বেলা বসন্ত সময়

মলয় অনিল ঝুর ঝুর বয়

নিবিড় শাখায় ডাকে পিক চয়

যায় ঋষিরাজ পুলকহিয়া । ১১৪

দূর হ'তে শিব করে নিরীক্ষণ

পূত নীরে স্নাত হ'য়ে পৌরজন

পূজিতে বৈকুণ্ঠ পদ্মার চরণ

শ্রীমন্দির পানে চলি'ছে সবে



হেরে' দৃশ্য সেই অতি মনোহর  
ভক্তি রসে সিক্ত হ'য়ে যোগীবর  
দেউল সন্নিধ আসিয়া সত্তর

ভ্রগোধ ছায়ায় বসিলা তবে । ১১৫

হত্যাগ্নি স্বর্গন্ধি নানা দ্রব্যোৎখিত  
সুমধুর গন্ধবহ প্রমোদিত  
বিপ্রগণ বেদগান বিধ্বনিত

কিবা মনোরম এবে সে স্থান

ঈদৃশ আসঙ্গে সাধকপুঙ্গব  
বিশ্বনিয়ন্তীর অতুল বৈভব  
মাতাঙ্গী অপার করে অন্তরভব

উল্লাসে মগন বিভোর প্রাণ । ১১৬

হেনকালে বৃদ্ধ চবন সম্মাসী  
কমনীয় কান্তি সদা মুখে হাসি  
গোবিন্দ বিগ্রহ দর্শন প্রয়াসী

হ'ল উপনীত মন্দির দ্বারে

কহে শুভকেশ—“আনি দরবেশ  
বাসনা মন্দিরে করিয়া প্রবেশ  
হেরিব মুরতি যে দিবে আদেশ

জ্ঞাপহ দ্বারিক প্রার্থনা তা'রে” । ১১৭

অধ্যক্ষ দ্বারীর বচন শুনিয়া  
ক্রোধে রূঢ় ভাবে দ্বারেতে আসিয়া  
“অপরূপ শুনি যবন হইয়া

হিন্দুর মন্দিরে পশিতে সাধ  
ম্লেচ্ছের হেথায় নাহি অধিকার  
বুদ্ধ বেঁট রক্ষা, নতুবা হে পার  
পেতে না কখনো বলিব কি আর

চলে' বাও বুথা কর না বাধ" । ১১৮

কহে দরবেশ প্রকাশিয়া খেদ  
“আল্লার আলয়ে হয় ভেদাভেদ  
শুনি নাই কভু নাহি মম জেদ

চ'লে যাই তব আদেশ যথা  
এতেক কহিয়া উত্তত গমনে  
সন্ন্যাসী যখন মধুর বচনে  
নিবারিল শিব, কহে “ক্ষুণ্ণ মনে  
ফিরে' যা'বে পে'য়ে মরম ব্যথা” ।

“অবশ্য বাসনা পূরিবে তোমার  
দেখিব কে লজ্জ্য অকুজ্ঞা আমার  
মহাতত্ত্ব তুমি ভক্তির আধার

বারে কে তোমার পশিতে হেথা”

রোষ ভরে তবে অধ্যাক্ষের প্রতি  
কহে যোগীবর "আরে রে দুর্ন্যতি  
রোধিস্ এ পথ কি তোর শক্তি

হ'বে স্থায়্যাপেত আচার্য্য বেথা" । ১২০

"বিরাজেন যিনি জগৎ জুড়িয়া  
সীমাবদ্ধ তাঁ'রে কি ভ্রমে পড়িয়া  
করি'ছ রে মূঢ় মন্দিরে থুইয়া

বলিহারি জ্ঞান প্রতীতি ঘোর

গঠিত মানব একই আধারে  
জানি না কি বোধে ভিন্ন দেখ তা'রে  
ধার্মিক ভাবিয়া ঘৃণা কর যা'রে

কোথায় সে ধর্ম সাধনা তোর" । ১২১

"কেড়ে নিল ওরে ভুজবলে যা'রা  
সর্বস্ব তোদের হ'ল কি না তা'রা  
ঘৃণ্য হয় জাতি ত'য়ে আত্মহায়া

প্রাধান্য গরবে ফাটিয়া মর

জাতীয়ত্ব শুণে যারা একপ্রাণ  
ত্রিসন্ধা যে পূজে সর্বশক্তিমান  
উপাস্ত তোদের তা'রে হয় জ্ঞান

জানি না দুর্ন্যতি কি বলে কর" । ১২২

মহাজ্ঞানী শিব এতেক কহিয়া

দরবেশ সহ মন্দিরে পশিয়া

দেখাইলা তা'রে মুক্তি কমলীয়া

সঙ্ক্ষেপে কহিলা মরম তা'র

করে' প্রণিপাত আছলাদে তখন

গম্য পথে যোগী করিলা গমন

গেলা ঋষিরাজ আপন ভবন

রেখিবে এ শক্তি হ'ল না কা'র । ১২৩

এইরূপে শিব কিয়দিন পরে

প্রত্যাবৃত্ত যবে ভ্রমিয়া প্রান্তরে

হেরিল জনতা বিস্ময় অন্তরে

রাজবস্ত্র ধারে তিস্তিড়ী মূলে

শশব্যাস্তে শিব ধায় সেই দিকে

দেখে গিয়া তথা জনৈক পথিকে

পীড়িত দশায়, ব্যাপৃত অন্তিকে

তাহারি প্রসঙ্গে জনসঙ্কুলে । ১২৪

পড়িয়া আতুর করে ছটফট

জরীবকারেতে, থাকিয়া উৎকট

করয়ে চীৎকার, বিষম সঙ্কট

তথাপি না কেহ নিকটে যায়

দারুণ পিপাসা, ফেটে' যায় ছাতি  
 উঠিতে না পারে কাটায়েছে রাতি  
 আর্ন্ত মলুবাহী অতি হীন জাতি

তাইতে না কেহ ছুঁইতে চায় । ১২৫

হেরে দৃশ্য সেই দয়াক্ষ হইয়া  
 লোকসজ্জ পানে আচার্য্য চাহিয়া  
 আচারে তাদের সন্তপ্ত হইয়া

দ্রবায় বচন কহিলা হেন  
 “ভদ্রেতর হেথা সমবেত হ'য়ে  
 কাটাইছ কাল বৃথা বাক্য বায়ে  
 আশ্রয়েতে কোন ভরা যাও ল'য়ে

কথায় আরোগ্য হ'বে না জেন” । ১২৬

“জড় এই দেহ সবার সমান  
 এ দেহপিঞ্জরে যতক্ষণ প্রাণ  
 মান অভিমান ভাল মন্দ জ্ঞান

ম'লে মড়া বই অজ্ঞাখ্যা নাই  
 কর্ম্ম হেতু জীব অবজ্ঞা বিধেয়  
 দেহের কি দোষ যা'রে কর হেয়  
 সানাত্ত এ যদি নহে অমুমের

কোথায় কৈবল্য ভাবি গো তাই”

“যথাযথ দান অথবা বিধান  
 মনুজধরম কর প্রণিধান  
 পিতা মাতা প্রতি হ’বে ভক্তিমান  
 মানীর সম্মান ভুল না কদা  
 শ্বেহবান ভৃত্য সন্তানের প্রতি  
 প্রীতি আশ্রিতেরে গুরুজনে নতি  
 দীন হীনে দয়া স্বামী স্ত্রীতে রতি  
 আতুরে সহায় হইবে সদা” । ১২৮

“দিবে প্রতিদান যে কার্য্য যেমন  
 ভৃষ্টের দমন শিষ্টের পালন  
 ইত্যাদি কতই করিব বর্ণন  
 যখন যেমন সাধিবে কাজ  
 পরাঙ্গুথ কভু কর্তব্য সাধনে  
 হ’বে না দেখিবে দৃঢ় প্রাণপণে  
 করিয়া যুক্তি বিবেকের সনে  
 কর্তব্য সাধিতে কর না ব্যাজ” । ১২৯

“ঝটিত আন্তের কর প্রতিকার  
 নতুবা বাঁচান হ’বে মহাভার  
 সময় ক্ষেপণ করনাক আর  
 অবিলম্বে রক্ষ আশ্রয় দিয়া”

শুনিয়া এতেক সমবেতগণ  
 পরস্পর তা'রা করে নিরীক্ষণ  
 কুসংস্কারে সদা কলুষ যে মন

উদ্ভব কি ভরা হয় সে হিয়া । ১৩০

হেরে' লোকগতি আচার্য্য তখন  
 পৃষ্ঠে তুলি' তা'রে ত্বরিত গমন  
 লইলা আগারে, কৈলা সদর্পণ

চিকিৎসার ভার বৈছেরে আনি'

করিল গুরুষা ঘটনে অপার  
 তুলিলা যে কত মল মূত্র তা'র  
 জ্ঞানবলে যেই নিত্য নীলকর

সমসেবা তা'র নিখিল প্রাণী । ১৩১

ক্রমে রথ সংজ্ঞা পাইল যখন  
 শুনে নাই কভু দেখেনি' কখন  
 হেরিয়া শিবের হেন আচরণ "

প্রেমে সিক্ত হ'য়ে নয়ননীরে

ধরিয়া চরণ কহে "তুমি নর  
 নহ দয়াময় সাক্ষাৎ শঙ্কর  
 ছিলে দেউ প্রভু তাই মহত্তর

পাইল অধম জীবন ফিরে' " । ১৩২

যাবৎ সবল নহিল মেথর  
 রাখিলা যতনে তা'রে যোগীবর  
 সঞ্চারিল বল ভোগেতে বিস্তর  
 পরিপুষ্ট তরা হইল দেহ  
 কার্যক্ষম শিব হেরিল যখন  
 করিলা বিদায় দিয়া বস্ত্র ধন  
 হ'য়ে গদগদ বন্দিয়া চরণ  
 করিলা প্রয়াণ গন্তব্যে তেঁহ । ১৩৩

একদা আচার্য্য নিশ্চিত হইয়া  
 উষার বৈকালে ভদ্র পত্নী দিয়া  
 আপন ভাবেতে বিভোর হইয়া  
 স্তম্ভেরম গতি চলিয়া যায়  
 সহসা তাঁহার দৃষ্টি আকর্ষণ  
 হ'ল নিরখিয়া বৃহদায়তন  
 রস্তাতরু এক কিবা সুশোভন  
 স্তবকে স্তবকে সুফল তা'র । ১৩৪

পাদপ সন্নিধ হেরে যোগীবর  
 সারকুড় যা'র বৃক্ষমূলে থর  
 পড়ে'ছে ঢলিয়া তাইতে নধর  
 ফল পত্র সহ কদলীদ্রুম



অদূর মণ্ডপে হেরিল সাধক  
 বিবিধ ক্রিড়ার বসে'ছে বৈঠক  
 কেহ খেলে তাস কেহ বা পাশক  
 মহারোলে চলে খেলার ধুম । ১৩৫

এল গৃহস্থানী শশবাস্ত হ'য়ে  
 দেখিয়া যোগীনে আশঙ্কা কি ক'য়ে  
 এখনি উৎসন্ন পিতৃমাতৃ ল'য়ে  
 করিবে, এ ক্ষেপা হুমুখ বড়  
 কহে শিব “এই বৃক্ষ নিরাখিয়া  
 পেলাম সন্তোষ কিম্ব বাজে হিরা  
 দেখিয়া তোমারে অলস বসিয়া  
 নরধর্ম্য কাজে হইবে দড়” । ১৩৬

“ওই তরু সনে করিলে তুলনা  
 কত যে প্রভেদ দেখে’ কি দেখ না  
 স্তূপাকারে সার ইহা কি জ্ঞান না  
 দিলে তা’র মূলে বাড়িত সম  
 স্রষ্ট বস্তু হ’তে শিক্ষা আমাদের  
 সম্পূর্ণ সৃজন কিম্ব মানবের  
 অসম্পূর্ণ ক্রিয়া তা’বলে তা’দের  
 উৎকর্ষ নাহিবে মহা এ ভ্রম” । ১৩৭

“কি কৌশলে চীশ করিলা সৃজন  
 কিসে পরিবর্ত্ত হয় সংঘটন  
 অত্যাশ্চর্য্য বটে তথাপি কখন  
 বিমূঢ়িত হ’য়ে নিশ্চেষ্ট ন’বে  
 মানবের ধর্ম্ম করিবে সন্ধান  
 সন্ধিৎসু বতই শক্তির মহান  
 হ’বে উপলব্ধি তত প্রাপ্ত জ্ঞান  
 ততই কর্ম্মের উৎকর্ষ হ’বে” । ১৩৮

“বতই মানব হ’বে ধাবমান  
 উৎকর্ষের পানে বাড়িবে বিজ্ঞান  
 বিজ্ঞান যে দেশে সে দেশ প্রধান  
 কৃষি ও শিল্পের উন্নতি সেথা  
 ভনে’ছি ভারতে ছিল ব্যোমযান  
 ছিল শব্দভেদী আর অগ্নিবাণ  
 হায় হায় এবে কোথা সেই জ্ঞান  
 তুঙ্গে এককালে আছিল হেথা” । ১৩৯

“অল্প স্থান নহে র’য়েছে পতিত  
 দিলে বৃক্ষ লতা স্নুফল ফলিত  
 বিবিধ প্রকারে গৃহস্থে ভূষিত  
 অর্থের সন্সার হইত কত”

“বৃথা কেন কাল করি’ছ ক্ষেপণ

করহ সাধনা হও বিচক্ষণ”

এতেক কহিয়া আচার্য তখন

চলে’ গেল স্বীয় ভাবেতে রত । ১৪০

কিয়দিন পরে পূর্ণ জ্যোৎস্নায়

বহির্গত শিব একদা নিশায়

ভ্রমিতে ভ্রমিতে নগর সীমায়

উপনীত রম্য সরসী যথা

নানা ফলক্রমে সমাচ্ছন্ন তীর

মৃদু মন্দ বহে মলয় সন্নীর

হইল বাসনা জুড়া’তে শরীর

ঘাটের চত্বরে বসিবে তথা । ১৪১

দূর হ’তে লক্ষ্য করিলা সাধক

বাঁপা ঘাটে বসি’ কয়েক যুবক

বারনারী সহ আমোদস্থচক

প্রসঙ্গেতে ঈরা পানেতে রত

বুঝিলা ঠাঁহারে দেখিতে পাইয়া

প্রমত্তেরা সত্ত্বঃ যন্ত্রলুকাইয়া

বৃক্ষ অন্তরালে যাইতে বলিয়া

বামারে, বসিলা সাধুর মত । ১৪২

সুধাইলা যোগী আসিয়া তথায়  
কি হেতু এখানে এ হেন নিশায়  
সস্তাবিলা তা'রা কপট কথায়

“সমীর সেবনে এসে'ছি মোরা”

শুনিয়া আচার্য্য অনৃত বচন  
সম্বরিয়া ক্রোধ কহিলা তখন  
“ভদ্র বংশে জন্ম করিয়া গ্রহণ

মিথ্যা ক'য়ে মোরে ভুলাবি তোরা” । ১৪৩

“একে কুকর্মেতে আছ রত হ'য়ে  
বাড়াইছ পাপ তাহে মিথ্যা ক'য়ে  
সে প্রবৃত্তি কোথা শ্রেষ্ঠ জন্ম ল'য়ে

যে কাজের তরে এসে'ছ ভবে

এ মাতৃভূমির তোদের উপর  
শুভাশুভ ওরে করি'ছে নির্ভর  
পন্থাচারে রত, হ'য়ে যদি নর

কোথায় দেশের মঙ্গল তবে ।” ১৪৪

“মনুষ্যের মহাশুণ সত্যভাষ  
হয় আত্মোন্নতি করিলে অভ্যাস  
সর্ব্ব কল্যাণ হয় সত্যের বিকাশ

পাপস্পর্শ কড় করিতে নারে”

“সত্য অল্পাণে দূরদৃষ্টি হয়  
 চিন্তে প্রসন্নতা জন্মে অতিশয়  
 যে গুণেতে লোক নির্ভীক দুর্জয়  
 ক্ষণস্থায় তরে হেলি’ছ তা’রে” । ১৪৫

“ঐষধার্থে বিধি নদিয়া সেবন  
 প্রমোদের তরে নহে কদাচন  
 শুভ প্রদ তাহা হয় কি কখন  
 স্বাভাবিক জ্ঞান বিনষ্ট যা’য়  
 পানাদিকা হ’লে জ্ঞান ভ্রষ্ট হ’বে  
 আমোদ প্রমোদ কোথা পড়ে’ র’বে  
 অমূল্য সময় বুঝা যা’বে তবে  
 জেনে’ গুনে’ কেন প্রমত্ত তা’য়” । ১৪৬

“কান ক্রোধ আদি খাত রিপু ছয়  
 নহে অরি তা’রা মনোরথ হয়  
 জ্ঞান-বরা দিয়া টানিলে নিশ্চয়  
 কদাপি কুপথে যায় না তা’রা  
 মান অভিমান লজ্জা গ্লান আর  
 হিংসা ভয় শোক অসজ্জা বিকার  
 দৈনন্দিন কশ্মে স্বতঃ অনিবার  
 সদত হৃদয় পীড়য়ে যা’রা” । ১৪৭

“জগৎ নিয়ন্তা করিলা সৃজন

সকলি এ জেন মঙ্গল কারণ

সম্যক সংসার করিতে চালন

আহামরি কিবা কৌশল তাঁ’র

কিস্ত মানবের মনোরত্তি হ’তে

রক্ষা করা ধর্ম চিন্তে বিধিমতে

করম যেমতি তেমতি জগতে

ফলাফল নাহি নিকৃতি কা’র” । ১৪৮

“মানসেতে হয় কর্মের উৎপত্তি

বুদ্ধি করে তা’র কার্যে পরিণতি

পরন্তু বিবেক নামেতে শক্তি

চৈতন্য স্বরূপ হৃদয়ে রাজে

হিতাহিত সেই করে নির্বাচন

কর্মারম্ভ অগ্রে অবশ্য শরণ

লইবে তাহার, যুক্তি নিবন্ধন

পশ্চাত্তাপ কভু হ’বে না কাজে ।” ১৪৯

“কামাসক্ত হ’য়ে বারাজনা সনে

রতি অভিলাষ, স্বা’রে নানা জনে

করয়ে সন্তোষ, হয় না কি মনে

ঘৃণা তব স্পর্শ করিতে তা’রে”

“পুরুষেরা যদি না দিত প্রশ্রয়  
কভু কি বেঞ্জার হ’ত অভাদয়  
কোপ্তিতে যাদের লেখেনি’ প্রণয়  
সেই আশা কর, দিক্ তোমারে” । ১৫০

“কভু কি ছন্দতি দেখে’ছ ভাবিয়া  
জগৎনিয়ন্তা কিসের লাগিয়া  
করিলা সজ্জন দ্বিঃ জাতি করিয়া  
প্রপঞ্চ জুড়িয়া শরীরীগণে  
কেন নর নারী পরস্পর প্রতি  
হয় আকর্ষিত কেন বলবতী  
আসঙ্গ লালসা যাহে ভ্রষ্ট মতি  
কেন নাই প্রেম শব্দের সনে” । ১৫১

“সাদের সংসার নিত্য পূর্ণ র’বে  
এই ইচ্ছা তাঁ’র এসে’ তাই ভবে  
মমুজ ধরম পরিণীত হ’বে  
ঈশ সাক্ষী করে বীধিবে ঘর  
চাহিবে না কভু অগ্র মুখ পানে  
দোহে দোহা’ প্রতি সমাসক্ত প্রাণে  
যাচিবে কুশল বিভূ সরিধানে  
তবে সে প্রেমিকা প্রেমিক নর” । ১৫২

“নহে বিধি কভু অপাত্রেতে দান  
 দ্বিতীয়ার গর্ভে হ’বে স্তসন্তান  
 ভর্তার ঔরসে ঋদ্ধি বশঃ মান  
 কুলের গরিমা বর্দ্ধিত বা’য়  
 উৎপাদিকা শক্তি নরের যাবৎ  
 গর্ভ ধারণের বানার তাবৎ  
 হ’বে পরিণীত সম্যক জগৎ  
 র’বে শৌর্য্যশালী নিয়ত তা’য়” । ১৫৩

“মত্ত পানে রত কহ মিথ্যা বাণী  
 মত্ত অম্পর্শীয়া ল’য়ে বারবাণী  
 জেনে’ শুনে’ কর আপনার হানি  
 দিক্ জন্মে তব কি ক’ব আর”  
 চলে’ গেল শিব এতেক কহিয়া  
 কেবা কাণে ভরে তেমতি মিলিয়া  
 যুবাবন্দ পুনঃ গণিকা লইয়া  
 মদে মত্ত, ঢালে মদিরা ধার । ১৫৪

এইরূপে গেল কত দিন ব’য়ে  
 সায়াহ্নে একদা প্রাম্ভট সময়ে  
 ভ্রমনাস্তে শিব বিভোরিত হ’য়ে  
 পল্লী মধ্য দিয়া আসি’ছে ফিরে’



সঙ্গে এক যোগী হেরে কোন ঠাঁই

প্রাচীরের ধারে চালে খড় নাই

বারিবার জল বসিয়াছে তাই

চৌদিক বেড়িয়া গৃহপ্রাচীরে । ১৫৫

অধাইয়া জ্ঞাত হ'লা যোগীবর

ঘরামীর সেই হয় ভগ্ন ঘর

ছাইতে নিলয় গে'ছে গ্রামান্তর

রোজবৃদ্ধি যেই বরিষা তরে

রুদ্ধ ভাবে শিব করে নিরীক্ষণ

অবস্থা ঘরের আইল তখন

গৃহস্বামী হেরে' হ'ল ভীত মন

দ্বারে অকস্মাৎ সাধকবরে । ১৫৬

কহিলা আচার্য্য তা'রে সঙ্ঘোধিয়া

“এ ছরু' কি কেন ঘরামী হইয়া

পর বেগ্ন লাগি' আপন ত্যজিয়া

নিত্য দে'য়ে যাও কড়ীর লোভে

নাহি জ্ঞান এ যে প্রাবৃট্ সময়

মুখল ধারেতে যদি বৃষ্টি হয়

কোন দিন, আর যদি রে নিলয়

হয় ভূমিসাৎ মরিবি কোভে” । ১৫৭

“হ’বে বহুবায় নিশ্চা’তে আবার

অনবধানতা দেখিয়া তোমার

কতই আক্ষেপ হ’তেছে আমার

তিলান্ধ ভাবনা নাহি কি তোর

না করুন ঈশ যদি রে নিশায়

অচেতন যবে বিঘোর নিদ্রায়

হয় দুর্ঘটনা কা’র প্রাণ যায়

ভাব্ দেখি সেই বিপদ যোর” । ১৫৮

“ক্ষুধা তৃষ্ণা ব্যাধি শীত উষ্ণ আর

বাসনাদি হ’তে রক্ষা অনিবার

মনুজ ধরম দেহ আপনার

দেহ রক্ষা হ’লে সকলি হয়

তথা নৈসর্গিক ক্রিয়া বলাৎকার

অনবধানতা রাজবিধি আর

অপচয় আদি হ’তে অনিবার

বিত্ত রক্ষা মুখ্য ধর্ম নিশ্চয়” । ১৫৯

“কালি সর্ব কর্ম করে’ পরিহার

অচিরে গৃহের কর সমস্কার

ক্ষণমাত্র ব্যাজ করনাক আর

উপেক্ষা করিলে বিপদ তা’য়”

সাধকপুঙ্গব এতেক কহিয়া  
 স্বীয় ভাবে পুনঃ বিভোর হইয়া  
 মস্থর গমনে পুলকিত হিয়া  
 উজ্জানের পথে চলিয়া যায় । ১৬০

এই ভাবে ক্রমে কিছু দিন যায়  
 দিনান্তে আচার্য্য ঘুরিয়া বেড়ায়  
 আপনার ভাবে পুলকিত কায়  
 যখন বেখানে বাসনা হয়  
 বিস্ময়ে একদা হেরে কোন থানে  
 জনৈক গৃহস্থ বাড়ী সন্নিদানে  
 লোকে লোকারণ্য, সেই দিক পানে  
 ধায় ঘোড়িবর দ্যস্ত হৃদয় । ১৬১

দেখে প্রাস্ত ল'য়ে চক্ষু লজ্জা খে'য়ে  
 অমানুষী দ্রব্দে রত ছুই ভেয়ে  
 সমবেত যা'রা সবে বাপা পে'য়ে ।

বুঝায় তাদের নানান মত  
 ভদ্র বংশে জন্ম কায়স্থ সন্তান  
 কমলার রূপা দৌহ্যুরে সমান  
 ছোদে পড়ি দৌছে হয়ে হতজ্ঞান

সামান্য কারণে বিবাদে রত । ১৬২

ঈদৃশ তাদের দেখে' আচরণ  
 কোণ্ঠিত অন্তরে আচার্য্য তখন  
 সম্বোধিয়া দৌহে কহিলা বচন  
 নিরপেক্ষ ভাবে উচিত যেবা  
 "সামঞ্জস্য করে' লহ মিটাইয়া  
 তুচ্ছ বস্তু তরে বিরোধ করিয়া  
 দুর্গতিরে কেন আনি'ছ ডাকিয়া  
 এ যদি না বুঝ বুঝাবে কেবা" । ১৬৩

কনিষ্ঠ যে কহে হ'য়ে ম্রিয়মাণ  
 "পৃথক্ যাবৎ চিহ্নিত এ স্থান  
 বাসনা হেথায় করিব বাগান  
 লক্ষ্য পরিমাণ অংশ আমার  
 লইয়াছি ঘিরে' কঞ্চা বেড়া দিয়া  
 কিবা দোষ তা'র, অগ্রজ আসিয়া  
 কন্দম্বল হ'তে ক্রোধাক্ত হইয়া  
 কহে বেড়া তোল, কি দার্টা তাঁ'র" । ১৬৪

কহিল অগ্রজ "আমারে না ক'য়ে  
 অনুমান বেশী মদমত্ত হ'য়ে  
 ল'য়েছে ঘিরিয়া থাকিব কি স'য়ে  
 রক্ত মাংস দেহে নাহি কি মম"

ভাষে শিব “যদি হয় অহুমিতি  
ল’য়েছে অধিক বাহাতে সম্প্রীতি  
থাকে কৰ তাহা, পুনঃ যথারীতি  
মাপিয়া কৰনা বিভাগ সম” । ১৬৫

কহিলা অনুজ সদৰ্পে তখন  
“বিনা অপরাধে কৰ্কণ বচন  
প্রয়োগিলা মোরে আক্ৰোশে যখন  
কভু না সহিব এ অপমান  
কেনই বা পুনঃ মাপিতে যাইব  
বিনা যুদ্ধে কভু সূচাগ না দিব  
লগু ভগু হ’ব সব যুচাইব  
তবু বাক্যে কা’র দিব না কাণ” । ১৬৬

কহিল আচাৰ্য্য শুনিয়া বচন  
তথাপি সে ক্ৰোধ কৰে’ সম্বরণ  
উগ্র ভ্রাতৃদ্বয়ে কৈলা সম্বোধন  
পুনঃ বুদ্ধিগৰ্ভ ভাষিতে হেন  
“অবশ্য মনুজ দম্ব বিধিমতে  
বিন্দরক্ষা কৰা বলাৎকার হ’তে  
পরাপহরণ কিস্তি কোনমতে  
নরদম্ব নহে নিশ্চয় জেন” । ১৬৭

“বিপদে সম্পদে যে হয় সহায়  
তা’র সনে বোধ কভু না জুয়ায়  
সোদরেতে যদি প্রীতি নাহি হয় •

হয় কি গ্রামস্থ স্বদেশী সনে  
গৃহবিসম্বাদ যেখানে সতত  
বলক্ষয় সেথা ধন অপগত  
কদাপি সে দেশ হয় না উন্নত  
ডুবে যায় ক্রমে অতল বনে” । ১৬৮

“দেখনা ভারতে কৌরব পাণ্ডবে  
গৃহবৃদ্ধ করি’ ম’ল সবাক্ষবে  
রহিল না কেহ সে রণবৈভবে  
বিলাইতে পুনঃ সন্তানগণে  
ঘুণায় অকৃতি সন্তানের প্রতি  
চাহে না জননী স্নেহে তেমতি  
ভোগ্য বস্তু দানে সদাই বিরতি  
ঢালেনাক স্খা সেরূপ স্তনে” । ১৬৯

“হায় রে ভূমিষ্ট হইল যেথায়  
যে ধূলি শৈশবে লৌপলি মাথায়  
বাধিয়া বসতি ভুঞ্জ এবে যা’য়  
মরিলে যে কোলে জুড়া’বে দেহ”

“নিজস্ব যে ধন যাহাতে গৌরব  
কোথা হ’তে কা’রা এসে’ পরাভব  
করিয়া তোদের কেড়ে’ নিল সব  
চিরদিন তরে ভাঙ্গিল গেহ” । ১৭০

“সূচাগ্র মেদিনী দিব না সে পণ  
আছিল কোথায় আসিয়া যখন  
লাখী মেরে’ কেড়ে’ লইল যবন  
হইল কণ্টক সকল স্তূথে  
মুষ্টিমেয় প্রাণী নিয়ত শাসায়  
কোটি কোটি লোকে লজ্জা নাহি তা’য়  
গোলাম যে জাতি তা’র কি জুয়ায়  
শোঁধা বীঁধা বাণী ও কালানুধে” । ১৭১

কহিতে কহিতে বেদনার ভারে  
মহাক্রোধ যোগী সধরিতে নারে  
কোনমাতে স্থির থাকিতে না পারে  
উঠিল কাঁপিয়া বিপুল দেহ  
বিদ্যুতের বিভা ছুটিল নয়নে  
গৌর কাস্তি নীত তপত কাঞ্চনে  
ভীমরূপ পানে সমবেতগণে  
ক্ষণিক না পারে চাহিতে কেহ । ১৭২

পরুষ বচনে সাধক তখন  
উঠিল গর্জিয়া স্তনিত যেমন  
শুনিয়া সে বাণী ভীত সর্বজন

হেঁট মুখে কা'র কথা না সরে  
কহে ক্রুদ্ধ যোগী “আরে রে দুশ্মতি  
মতিচ্ছন্ন তো'র ধনগর্বে অতি  
অভিমান বশে অধর্ম্মেতে রতি  
সংযুক্তি দিলে মনে না ধরে” । ১৭৩

“কেন স্তম্ভ দানে করিলা পোষণ  
কালসর্পে মাতা কেন সেইক্ষণ  
জনমিলি যবে হ'ল না মরণ

কেন নরদেহ করিল ধাতা  
যেথা যাই হায় হেরি পশ্চাচার  
দেখিতে কেবল মনুষ্য আকার  
জানিনাক কেন এই পাপ ভার  
এখনো সহি'ছে ভারতমাতা” । ১৭৪

“আত্মরক্ষা বোধ নাহি যে জাতির  
কিবা ফল ধরে' মানক শরীর  
যাক্ ধ্বংস হ'য়ে ভার পৃথিবীর  
হউক লাঘব জুড়াক্ স্বরা”



“কোথা মহামারী কোথা মনস্তর  
 দিগ্বাপী কোথা বহি যোরতর  
 এস ঝাঁকে ঝাঁকে নাশহ সত্তর  
 অধম্মীরে, স্তম্ভ হউক ধরা” । ১৭৫

“শিহর মেদিনী কর ভূমিসাৎ  
 জনপদ যত কোথা উল্লাপাত  
 এস লাথে লাথে নিবার উৎপাত  
 অচিরে নিপাত কর সবার  
 নিনাদ অশনি ভৈরব গজ্জনে  
 অজস্র সম্পাতে অমান্বিকগণে  
 কর দগ্ধ ত্বরা, নিম্নত কৰ্মণে  
 এ পাপ নিলয় কর বিদার” । ১৭৬

“উগল উদপি পর্কিত সমান  
 ভেসে যাক সব হ'ক অবসান  
 পুণ্য ক্ষেত্রে অহো ! করে অবস্থান  
 শৃগাল কুকুর অদম জাতি  
 যে জাতি জানেনা মর্যাদা কি ধন  
 উৎকর্ষে বাদেয় দায়নাক মন  
 কি কাজ থাকিয়ে হউক নিধন  
 কেহ যেন দিতে থাকে না বাতী” । ১৭৭

এইরূপে শিব পরম্ব বচনে  
 করিলা দিক্কাব শ্রোতৃবৃন্দগণে  
 নৈল সাধ্য কা'র বেগ সম্বরণে  
 একে একে তা'রা পলায় সবে  
 জনশূন্য স্থান হ'ল নিরখিয়া  
 নিমেষেতে যোগী ক্রোধ সম্বরিয়া  
 স্বীয় ভাবে পুনঃ বিভোর হইয়া  
 নির্দ্বারিত পথে চলিলা তবে । ১৭৮

কিয়দূরে গিয়া হেরে যোগীবর  
 জনৈক ব্রাহ্মণ বাণিত অন্তর  
 বহির্দ্বারে বসি' ভাবে ঘোরতর  
 কা'রে দৃষ্টি নাই বধির যেন  
 সম্ভাষিলা যোগী নিরখিয়া তা'রে  
 “তাড়িয়াছে বুঝি আলয়ে তোমারে  
 মনঃখেদে তাই বেদনার ভারে  
 একান্তে বসিয়া ভাবি'ছ হেন” । ১৭৯

“সমর্থ হইয়া নাহি চেষ্টা যা'র  
 উপার্জন তরে হয় সবাকার  
 গৃহকর্ম তাহে ক্রটি যদি তা'র  
 আর কি তাহার নিস্তার আছে”

“মনুজ ধরম করিবে অঙ্জন  
সতপায়ে কোন, সতত আপন  
ক্ষমতা যাবৎ করিবে পোষণ

প্রত্যাশী হ'বে না কাহার কাছে” । ১৮০

“পূর্ণ যুবা তুমি বিবাহিত তা'ম  
কত দিন ভার ব'বে বাপ মায়  
ধর স্তম্ভ দেহ, তাবহ উপায়

অলস বসিয়া থেক না কভু

লেখা পড়া শিক্ষা হয় নাই বলে  
কর্মের অভাব এ জগতীতলে  
দৃঢ় যদি মন জেন তাগ হ'লে

আপনি সহায় হবেন প্রভু” । ১৮১

“কর কৃষিকাজ হও সুপকার  
কিষা তন্তুবায় কাঁসারি কামার  
ভৃত্যাকর্ষ কর কিষা বহ ভার

কত আছে কাজ কে সন্ধ্যা তা'ম

তাজহ বিবাদ তৎপর হউয়া  
যেবা ইচ্ছা কাজে হও ব্রতী গিয়া  
ঘৃণা যদি বোধ ব্রাহ্মণ বলিয়া

দুঃখ কষ্ট বল কেবা ঘুচায়” । ১৮২

“উপলব্ধ মহাশক্তি যাহার  
 নরধর্ম যেবা হ’য়ে জ্ঞাতসার  
 কর্মোদ্যুক্ত সদা বিপ্র নাম তার  
 বংশগত বিপ্র কভু না হয়  
 কর্তব্য সাধনে হও যত্নবান  
 যত হ’বে রত বাড়িবেক জ্ঞান  
 ধন ধাত্ত্ব সহ হ’বে ভাগ্যবান  
 ভূজিবে সংসার সুখনিচয়” । ১৮৩

এতেক কহিয়া যায় যোগীবর,  
 রজনীর মুখে ভ্রমিয়া প্রান্তর  
 প্রত্যাগত যবে হইয়া নগর  
 মৃদু মন্দ গতি নিয়ত যথা  
 হেরে এক স্থানে শিষ্যগণ সনে  
 সঙ্গীতজ্ঞ কোন রত অধ্যাপনে  
 সুরভ্রংশ দেখে’ কোথাও মূর্ছনে  
 থমকিয়া যোগী দাঁড়ায় তথা । ১৮৪

কহিলা সাধক গায়কে তখন  
 “শিষ্যগণে শিক্ষা দিতেছ ইমন  
 দেখে’ উচ্চ পদ জৈশ্বর কীর্তন  
 বড় সাধ তুক গুনিব সব”

“কৃপা বশে যদি কর আলাপন  
 আছোপান্ত শুনে’ জুড়াই শ্রবণ”  
 পুলকে গায়ন গায়িলা তখন  
 দেপাইয়া তা’র নানা কর্তব । ১৮৫

হুট হ’ল যোগী করিয়া শ্রবণ  
 কিন্তু শিষ্য সনে কপটাচরণ  
 নিরখিয়া তা’রে হ’য়ে ক্ষুব্ধ মন  
 কহিতে লাগিলা বচন হেন  
 “আহা ! কি মধুর শুনা’ল সঙ্গীত  
 তাল মানে রাগ পূর্ণ বিকশিত  
 মূর্ছনায় তবে সুর বিশ্লেষিত  
 শিক্ষাদান কালে পাইলু কেন” । ১৮৬

“লভিয়াছ বিদ্যা কতট যতনে  
 ভেবে’ দেখ কিছ বা’বে দেহ সনে  
 অকপট চিত্তে তাই বিদ্যা-ধনে  
 মনুজ ধরম করিবে দান  
 আসে নাহি কেহ অমর তইয়া  
 দু’ দিনের পেলা এতেক ভাবিয়া  
 পরিতৃপ্ত হ’বে যোগ্য পাত্রে দিয়া  
 সম্যক যাহায় বাড়িবে জ্ঞান” । ১৮৭

“স্বীয় যশঃ লাগি’ সঙ্কুচিত মনে  
 গুরু অংশ’ যেই রাখে সংগোপনে  
 নারকী সে বৈর সাধে নিজ সনে  
 কদাপি মুক্তি নাহিক তা’র  
 গোপনে বিচার হয় অধোগতি  
 দিলে অকাতরে যেবা তীক্ষ্ণমতি  
 আয়াসে তাহার হ’য়ে ক্রমোন্নতি  
 দেশের মঙ্গল সাধে অপার” । ১৮৮

সাধকপুঙ্গব এতেক কহিয়া  
 মহাবিভা ধ্যানে বিভোর হইয়া  
 গেল নিকেতনে, বিরূপাঙ্কে গিয়া  
 জ্ঞাপিলা বারতা ঘটিল যাহা  
 এইরূপে শিব নিত্য এসে’ কয়  
 অসঙ্গত যেবা পথে দৃষ্ট হয়  
 মহামতি বিরূ রাখে সমুদয়  
 হৃদয়ে গ্রহিত করিয়া তাহা । ১৮৯

ক্রমে এক দিন প্রভাত সময়ে  
 সেইমত ভাবে বিভোরিত হ’য়ে  
 অলকনন্দার উপকূল ব’য়ে  
 যায় ঋষিরাজ মস্থর গতি

কৈলা লক্ষ্য যোগী সুসজ্জিত চিতা

অদূর অশানে, হ'তে সহমৃত

বহু জন সহ তথা পরিবৃত

অনিদ্য রূপসী বিরাজে সতী । ১১০

ধাইল সাধক হেরিতে ব্যাপার

সদেশেতে গিয়া দেখিয়া আকার

বুঝিলা নৃশংস ঘোর অত্যাচার

নিরীহ নবীনা অবলা প্রতি

নহিবে ষোড়শী এখনো সোহিনী

কচি মুখ যেন মুকুরে নলিনী

আসন্ন মরণ জানিঃ। কামিনী

ভয়ে প্রকম্পিতা বিহ্বলা অতি । ১১১

পাছে ভীকু কোথা যায় পলাইয়া

কিধা সাধে বাধ কোপনা চইয়া

সতর্কিতে তাই আছে আগলিয়া

অস্ত শস্ত সহ স্বজন যত

নিরখিয়া দৃষ্ট সে লোমহর্ষণ

স্নেহে আচার্য্যের বহিল নয়ন

ক্রোধে সর্বদ্বন্দ্বিতে হইল কম্পন

কলিক যোগীর ধিষণা হত । ১১২

সৃষ্টি মধ্যে যা'র জগৎ সংসার  
ইচ্ছা কৈলে যোগী বাগার উদ্ধার  
হ'ত অনায়াসে অসাধ্য শক্তি তাঁ'র •

নিরন্ত কেবল কালমারায়  
প্রেরিত যে জন লোকশিক্ষা তরে  
লোকাভীত তেঁহ কভু না আচরে  
লোকপুঞ্জ শক্তি যাবৎ না ধরে

কোন ফলোদয় হয় না তা'র । ১৯৩

নিমেষেতে যোগী রোষ সম্বরণ  
করিয়া যৌক্তিক বচনে তখন  
সহকারীগণে করে' সম্বোধন

কহিতে লাগিলা ব্যথিত হ'য়ে  
“কোন অপরাধে নবীর পুতলী  
দিতেছ তোমরা অনলে অঞ্জলি  
কাহার উদ্দেশে দাও নরবলি  
লেশ মাত্র দয়া নাই হৃদয়ে” । ১৯৪

“যা'র ইচ্ছা হ'বে যা'বে পতি সনে  
ইচ্ছা নাই যা'র তা'রে কি কারণে  
জীয়েন্তে নিক্ষেপ কর হতাশনে  
এই কি তোদের ধরম জ্ঞান”



“যে রমণী হ’তে পালিত সংসার

সুখ শান্তি দান দম্ব কস্ম যার

মঙ্গলদায়িনী হেন ললনার

যে দেশে দুর্দশা কোথা কল্যাণ”। ১৯৫

“কোন দেশে নাই অকাল মরণ

বিধির নিবন্ধ কে করে গণ্ডন

কিস্ত কোনখানে বিধবা পীড়ন

হয় না এমন ভারতে যথা

পুরুষের যদি বিদি পুনর্ব্বার

দারপরিগ্রহে কেন বিধবার

নাহি পত্যন্তরে কি দোষ তাহার

তউক বিধবা বিবাহ প্রথা”। ১৯৬

“আরে ! কমলারে জীয়ন্তে মের না

হেন অকল্যাণ কদাপি কর না

জগৎনিয়মী তইলে কোপনা

যা’বে ছারপারে নিশ্চয় জেন

কোথা দম্বপাল দুর্দম রাজন

অচিরে পাষণ্ডে করিয়া দলন

এ পাপ পঙ্কাজ কর নিবারণ

প্রজা হিতে তব ঔদাস্য কেন”। ১৯৭

কে শুনে শিবের কাকুতি মিনতি  
নিষ্কেপিল ল'য়ে মমুষ্য সংহতি  
জলন্ত চিতায় কনক মুগ্ধতি

অবিলম্বে পুড়ে' হইল ছাই  
ধিকারিয়া বোগী যতেক পামরে  
মুছিয়া নয়ন গেল নিজ ঘরে  
দেশের মঙ্গলে ব্যথিত অন্তরে  
করিল কামনা মায়ের ঠাই । ১৯৮

ক্রমে এক দিন প্রাপ্তুর ভ্রমিয়া  
আপনার ভাবে বিভোর হইয়া  
নিশামুখে যবে গ্রাম্য পথ দিয়া

ফিরে' যায় যোগী পুলক মনে  
গুনিল জনৈক ধনাঢ্য আলয়ে  
বালকের দল সম্মিলিত হ'য়ে  
পারশু ভাষায় পাঠ্য গ্রন্থ ল'য়ে  
করে অধ্যয়ন সম্পূর্ণ স্বনে । ১৯৯

উত্তরিল যোগী গৃহে প্রবেশিয়া  
গৃহস্বামী যথা আছিল বসিয়া  
সসম্মুখে ধনী সাধকে দেখিয়া

কৈলা অভ্যর্থনা উঠিয়া তাঁ'র

কহিল সাধক ধনাঢ্যে তখন

“উচ্চ পদ আশে লয় নম মন

বালকেরা তব করি’ছে শীলন

এখন হইতে রাজভাষ্য” । ২০০

“অবশ্য পারসী ভাষাশীলন

উচিত যেহেতু নৃপতি যবন

কিন্তু তাহে গ্রন্থ নাহিক এমন

জ্ঞানের বৰ্দ্ধন সম্যক যা’য়

বালাকালে যদি শিক্ষা নাহি হয়

সংসারের ভাৱে যৌবনে সময়

হয় না, আজন্ম পাছু পড়ে’ রয়

প্রকৃতি গঠন হইলে তা’য়” । ২০১

“পুনঃ সংশোধন হয় স্নকঠিন

থাকে এক ভাবে, বয়সে প্রবীণ

হ’লেও লভে না জ্ঞান সমীচীন

কুসংস্কাৰে মন কলুষ সদা

বন্ধমূল কিবা বয়ঃপ্রাপ্ত হ’লে

মল্লজ ধৰম, যেই শিক্ষা বলে

নিরন্তর লোকে সত্য পথে চলে

তা’রে বলি শিক্ষা মঙ্গলপ্রদা” । ২০২

“যে শিক্ষায় হৃদে হয় অমৃতব  
সদা পরমেশে, সমান মানব  
বোধে পরস্পারে প্রীতির উদ্ভব

সকলি ভঙ্গুর জ্ঞান যাহায়  
যাহে অনাসক্ত কর্ম্মপরায়ণ  
সত্যবাদী লোক, যা'য় অনুক্ষণ  
উৎকর্ষ সাধনে উদ্বেলিত মন

নহে পরাভূত কৰ্ত্তব্যাত্ম” । ২০৩

“যে শিক্ষায় দেহ সদা সুরক্ষিত  
বিন্ত রক্ষা যাহে চিত্ত সংযমিত  
দেহাদি রক্ষার্থ বহু পরিমিত

আবশ্যক বস্তু উপজে যা'য়  
তা'রে শিক্ষা বলি দাও শিক্ষা হেন  
এখন হইতে উদাসীন কেন  
পারসী শিখা'য়ে নাই ফল যেন

বাড়িবে কেবল গোলামি তা'য়” । ২০৪

গেল যোগীবর এতেক কহিয়া  
মহাদেবী ধ্যানে তন্ময় হইয়া  
জ্ঞাপিলা বারতা বিক্রে আশিয়া

শুনিয়া তা' বিক্ৰ বুকিল সার

ত্রয়বিংশ বর্ষ এইরূপে গত  
সমভাবে শিব ভ্রামি' ইতস্ততঃ  
দিলি উপদেশ অবস্থা সঙ্গত

বুঝিল না কেহ মরম তা'র । ২০৫

প্রিয় ভৃত্য আর বিক্রর জননী  
প্রবুদ্ধ হইয়া তাজে'ছে অবনি  
গে'ছে পূর্ব ভাব বিক্রর ঘরনী

ভক্তিগাতী এবে শিবের প্রতি  
গৃহকর্ম্য সেরে নিত্য বিক্র আসে  
নিশার প্রাকালে গুরুর সকাশে  
শুনে উপদেশ মনের উল্লাসে

রাখে তা'র হৃদে যতনে অতি । ২০৬

বুদ্ধ এবে শিব পূর্ণ বায়ান্তর  
রাখী পোর্ণমাসী এল অতঃপর  
অনমিলা যেই দিনে যোগীবর

উঠিয়া প্রত্যাষে শুভ বাসরে  
প্রাতঃকৃত্য সেরে' কৃত্যবগাহন  
জাহ্নবীর নীরে পুলকিত মন  
অগ্নি' মহামায়া অভয় চরণ

গেলা ঋষিরাজ শিষ্যের ধরে । ২০৭

কহিলা বিক্রে “মাগের আদেশে  
রাখিব এ দেহ বিভাবরী শেষে  
পাঠাইলা মোরে যে কন্স, উদ্দেশে  
এত দিনে সাঙ্গ হইল সব

বিষয়াদি বাহা আছে বাপধন  
সমুদায় তোরে করি রে অর্পণ  
রহিল না কিছু অদত্ত এখন

দিয়াছি অমোঘ জ্ঞানবৈভব” । ২০৮

এতেক কহিয়া স্বীয় নিকেতনে  
গিয়া যোগীবর বসি’ যোগাসনে  
গর্ভাগার দ্বারে সমাহিত মনে  
হইলা নিরত দেবীর ধ্যানে

হ’য়ে গদগদ ডাকে যোগীবর  
বিশ্বজননীরে হইয়া কাতর  
“এম গাঢ়ময়ী করুণ অস্তুর

বারেক মা দেখা দাও নিদানে” । ২০৯

“নিরূপিত কন্স হ’ল সমাপন  
লও কোলে তুলে জননী এখন  
মিশি’ রূপাকালে জুড়াই জীবন

উর বিভাময়ী অনাত্মা শ্রামা”

“পশুবৎ ভ্রমে ভারত সন্তান  
উর ভাবময়ী দেহ উচ্চজ্ঞান  
অচিরে উদ্ধ হ'ক মন প্রাণ

হও মা তা'দের মঙ্গলকামা” । ২১০

“অসীম শক্তির কণা মাত্র তারা !  
বিতর সন্তানে, হ'য়ে মাতোয়ারা  
লোকহিতকর কার্যে যেন তা'রা

হয় গো অগ্রণী জগৎ মাঝে  
স্বর্ণগর্ভা মাগো হউক ধরণী  
ফল পুষ্প শস্যে শোভনা অবনি  
সুধাধোত হর্ম্যে পৃথক জননী

রাজ্য ভারত অতুল সাজে” । ২১১

“এই ভূমণ্ডলে আছে মা বিস্তর  
অর্ধাচীন জাতি অসভ্য বর্ষর  
অর্প মা তাদের জ্ঞানের আকর

কেহ নাতি থাকে হইয়া কম  
অচিরে সবার হর মা অজ্ঞান  
সকলেই স্ব স্ব হউক প্রধান  
জ্ঞান ভক্তি প্রেমে জগৎ সন্তান

হউক সবাই দেবতা সন” । ২১২

এইরূপে শিব নিঃস্বার্থ হইয়া  
জগতের ক্ষেম কেবল ভাবিয়া  
ডাকে যোগমায়ে তন্ময় হইয়া

চরম সময়ে অধীর হ'য়ে  
নাহি সাধকের বাচঞ! অপূর  
কৃতাজ্জলি সহ ব্যাকুল অন্তর  
ডাকে মঙ্গলারে সাধক প্রবর

ঝরে প্রেম বারি কপোল ব'য়ে । ২১৩

ভাবিতে ভাবিতে হইল উদয়  
মানসের পটে সেই জ্যোতির্ময়  
অলৌকিক রূপ, লুপ্ত ভাব চয়

চে'য়ে রৈল যোগী পুন্তলী মত  
হেরিয়া সে ছবি বাক্য নাহি সরে  
কণ্টকিত দেহে আনন্দ না ধরে  
অচিরে সাধক বাহু জ্ঞান হরে'

হ'ল নির্ঝিকর সমাধি গত । ২১৪

হেথা বিরূপ গুনে' আচার্য্য বচন  
না পে'য়ে রোগেই কোনও লক্ষণ  
ভাবে মাঝে মাঝে নিরখে যেমন

চিন্তের বিকার বুঝি বা তেন



কিন্তু বিরুজায়া করিলা সংশয়  
কহে “সিদ্ধ যোগী সদা নিরাময়  
রাখিবেন দেহ জানিহ নিশ্চয়

চিত্তভ্রংশ কভু হয় না হেন” । ২১৫

রক্ষন ভোজন তুর্গ সনাপিয়া  
তাড়াতাড়ি দৌহে উত্তানে আসিয়া  
হইলা স্তম্ভিত দৃশ্য নিরখিয়া

‘অসাড় সাধক ছুয়ারে বসে’  
যোগাসনে বসি’ নিষ্পন্দ নিথর  
স্থিরনেত্র যোগী হিম কলেবর  
যুগ্ম কর হস্ত চরণ উপর

কটী হ’তে বাস পড়ে’ছে খসে’ । ২১৬

প্রাণপণে বিরু করিয়া আশ্বাস  
সংজ্ঞা উৎপাদনে পাইলা প্রয়াস  
বৃথা মনোরথ নিশ্বাস প্রয়াস

বহিল না আর যোগীবরের  
হতাশেতে বিরু বুকিলা তখন  
অনিবার্য্য এবে দেহের পতন  
যতনেতে তাঁ’রে করিলা রক্ষণ

রুদ্ধ করি’ দ্বার চতুর্দিকের । ২১৭

দেখিতে দেখিতে দিবা অবসান

আইল রজনী শশী দীপ্যমান

গৃহদ্বারে বসি' হ'য়ে ত্রিয়মাণ

সময় প্রতীক্ষা করিলা দৌহে

পূর্বস্মৃতি যত মনেতে জাগিয়া

হর হর হৃদি উঠিল কাঁপিয়া

বহিল বিরূর ছই চক্ষু দিয়া

‘অরি’ গুণগাথা প্রেমাষু মোহে । ২১৮

ক্রমে নিশা গতে উষাগম হ'লে

দৃষ্ট শুভ দ্রুতি বদন মণ্ডলে

বারত্ৰয় যোগী তারা তারা বলে’

হইলা নীরব জন্মের মত

ব্রহ্মরক্ষ ভেদ করিয়া অমনি

নিঃসরিল প্রাণ বিছাৎ যেমনি

মহাবুদ্ধ শিব হংস চূড়ামণি

মহাকাশে মিশি' সাযুজ্যে গত । ২১৯

অবিলম্বে বিরূ করিলা সংকার

আহরণ করি' বহু গন্ধসার

কুস্তপূর্ণ হবিঃ গন্ধরাশি আর

স্বাসে পূরিল সমগ্র স্থান

পশিল বারতা নগরে ত্রায়  
ক্রেপা শিব আর নাহিক ধরায়  
শুনিয়া সনাই করে হায় হায়

গৌড়ামি যা'দের পুলক প্রাণ । ২২০

করিলা ঘোষণা বিরূপাক্ষ তবে  
কাঙ্গালী বিদায় হ'বে দিন যবে  
পাঠিয়া সংবাদ দীন ভুখী সবে

এল দলে দলে প্রসাদ ভরে

করাইলা বিরূ সবারে ভোজন  
পরিতোষ সহ, দিলা বস্ত্র ধন  
জয়নাদে তা'রা বিদারি গগন

করিলা প্রয়াণ আনন্দ ভরে । ২২১

ছিল না বিরূর সম্মান সম্মতি  
দম্পতি এখন জরৎ জরতী  
যোগোত্তানে এসে' করিলা বসতি  
অবশিষ্ট দিন যাপিলা সুখে

গুরুর জীবন আদর্শ করিয়া  
উপদেশ তাঁর হৃদয়ে গাঁথিয়া  
থাকে মহামতি উল্লাসে ভরিয়া

গুণগান তাঁ'র সদাই মুখে । ২২২

মহাযোগী শিব নিয়ত ভ্রমিয়া  
দিলে উপদেশ অবস্থা বুঝিয়া  
নরধর্ম কিবা, পাগল ভাবিয়া

শুনিল না কেহ বচন তাঁ'র

উঠিল গগনে সে মাজল বাণী  
ধরিয়া যতনে খুইলা শর্যাবানী  
বীজভাণ্ডে তাহা, সময়ে কল্যাণী

छड़ाइते पुनः विन्ममाकार । ২২৩

বুঝিলা কেবল বিরূ মহামতি  
বিরাজেন এক পরমা শক্তি  
অনন্ত জুড়িয়া ছরারামা অতি

জ্ঞানাতীত কাব্যকলাপ যা'র

কেন্দ্রীভূত হ'য়ে অনন্ত মাঝারে  
বিরাজেন তিনি অনন্ত আকারে  
হইয়া প্রকট এ বিশ্বসংসারে

चिन्तार अतीत महिमा তাঁ'র । ২২৪

কল্পনার বলে সাধকেরা তাঁ'রে '  
করয়ে ভাবনা নির্দিষ্ট আকারে  
ঘুরে' মরে কভু বুঝিতে না পারে  
স্বীয় মদে মত্ত হরিণ যথা

কিন্তু ছদি মাঝে যে করে দর্শন

সেই মাত্র বুঝে স্বরূপ কেমন

হেরে জগজ্জনে নিছেরে যেমন

সেই ভক্তিমান নহে অত্যা। ২২৫

সে মহাশক্তির নিত্য আলোড়নে

পরিবর্ত্ত মহা বটে ক্ষণে ক্ষণে

ক্রিয়ায় প্রকৃতি ছড় উৎপাদনে

প্রকৃতি পুরুষ বিকাশ তাঁ'র

সৃষ্টি স্থিতি লয় প্রকৃতি নিয়ম

এব ধ্বংস যা'র হ'য়েছে জনম

দেহ যদি যা'বে বুঝিয়া মরম

কি হেতু আসক্তি কেবা কাহার। ২২৬

ইত্যাকার জানে প্রবুদ্ধ হইয়া

নরধর্ম কিবা সমাক বুঝিয়া

আচরিলে তাহা নিঃসঙ্গ হইল

কর্ম বিনা কা'র মুক্তি নাই

ছ' দিনের তরে আসিয়া সময়

জীবন স্বরূপ বোধে অপচয়

করনাক কভু জানিহ নিশ্চয়

কাল সনে আয়ুহ্যাস সদাই। ২২৭

শয়ন ভোজন মৈথুন এ তিন

প্রাণীর ধরম সবাই অধীন

কিন্তু মানবের আর সমীচীন

ত্রিবিধ ধরম প্রধান যেই

শক্তোপলব্ধি বা উৎকর্ষসাধন

আর সত্যবাক কর্তব্যপালন

অসম্পূর্ণ তা'র মনুষ্য জীবন

আচরে না ধর্ম এ তিন যেই । ২২৮

বলি ধর্ম শক্তি উপলব্ধি তা'র

সাধনে বাহার মানবেরা পায়

কার্যাকরী সৃষ্টি জ্ঞান সমুদায়

সর্ব কাজে হয় বাহাতে দড়

সৃষ্ট বস্তু হ'তে শিক্ষা মানুষের

সম্পূর্ণ সৃজন, কিন্তু মানবের

অসম্পূর্ণ ক্রিয়া তা' বলে তাদের

উৎকর্ষ হ'বে না এ ভ্রান্তি বড় । ২২৯

কি কৌশলে জঁশ করিলা সৃজন

কিসে পরিবর্ত্ত হয় সংঘটন

সকলি অদ্ভুত তথাপি কখন

থেক না বসিয়া হতাশ মনে

মমুজ ধরম করিবে সন্ধান  
 সন্ধিৎসু যতই শক্তির মহান  
 হ'বে উপলব্ধি তত প্রাপ্ত জ্ঞান  
 কন্ঠের উৎকর্ষ জ্ঞানের সনে । ২৩০

যতই মানব হ'বে দাবমান  
 উৎকর্ষের পানে বাড়িবে বিজ্ঞান  
 বিজ্ঞান যে দেশে সে দেশ প্রধান  
 কৃষি ও শিল্পের উন্নতি সেথা  
 বিজ্ঞানের বলে বহু পরিমিত  
 অল্প শ্রম ব্যয়ে দ্রব্য উৎপাদিত  
 দারিদ্র্য সেখানে কদাপি লক্ষিত  
 হয় না, দ্রব্যের প্রাচুর্য্য সেথা । ২৩১

মমুষ্যের মহাগুণ সত্যভাষ  
 হয় আত্মোন্নতি করিলে অভ্যাস  
 সর্ব্ব কন্ঠে হয় সত্যের বিকাশ  
 পাপস্পর্শ কভু করিতে নারে  
 সত্য অমুঠানে দূরদৃষ্টি হয়  
 চিন্তে প্রসন্নতা জন্মে অতিশয়  
 যে গুণেতে লোক নিভীক হুর্জয়  
 যতনে আয়ত্ত করিবে তা'রে । ২৩২

কঠিন ধরম কর্তব্য পালন  
 হয় উপস্থিত সময় এমন  
 হিতাহিত কিবা হুর্কোষ্য তখন  
 তথাপি এরূপ সাধিবে তা'য়  
 মানসেতে হয় কর্মের উৎপত্তি  
 বৃদ্ধি করে তায় কার্যো পরিণতি  
 কিন্তু হৃদে রাজে বিবেক শক্তি  
 উদ্ধৃত লোকের চেতনা যা'য় । ২৩৩

হিতাহিত সেই করে নির্বাচন  
 কন্মারম্ভ অগ্রে লইলে শরণ  
 তাহার, নিশ্চয় যুক্তি নিবন্ধন  
 পশ্চাত্তাপ কাজে হ'বে না কভু  
 সাধিবে কর্তব্য করে' প্রাণপণ  
 পরাভুত তা'য় হ'বে না কখন  
 কর্তব্য সাধনে নীত যা'র মন  
 সদাই তাহার সহায় প্রভু । ২৩৪

কর্তব্যতা মাঝে এ ছয় প্রধান  
 রক্ষা বিধিমতে, শিক্ষা, শিক্ষাদান  
 যথাযথ দান অথবা বিধান  
 সন্তানোৎপাদন অর্জন আর



প্রথমেতে দেহ রক্ষিবে সতত  
 বিত্তরক্ষা পুনঃ দেহ যেই মত  
 প্রাণপণে চিত্ত করিয়া সংযত

উৎকর্ষ সাধিবে পবিত্রতার । ২৩৫

ক্ষুধা তৃষ্ণা ব্যাধি শীত উষ্ণ আর  
 ব্যসনাদি হ'তে রক্ষা অনিবার  
 পরম ধরম দেহ আপনার

দেহ রক্ষা হ'লে সকলি হয়

তথা নৈসর্গিক ক্রিয়া বলাৎকার  
 অনবধানতা রাজ্যবিধি আর  
 অপচয় আদি হ'তে অনিবার

বিত্তরক্ষা মুখ্য ধর্ম নিশ্চয় । ২৩৬

কান ক্রোধ আদি খ্যাত রিপু ছয়  
 নহে অরি তা'রা মনোরথ হয়  
 জ্ঞান-বল্লা দিয়ে টানিলে নিশ্চয়

কদাপি কুপথে যায় না তা'রা

মান অভিমান লজ্জা ঘৃণা আর  
 হিংসা ভয় শোক অসম্মা বিকার  
 দৈনন্দিন কর্মে স্বতঃ অনিবার

সঙ্গত হৃদয় পীড়য়ে যা'রা । ২৩৭

জগৎনিয়ন্তা করিলা সৃজন  
সকলি জীবের মঙ্গল কারণ  
সম্যক সংসার করিতে চালন

আহামরি কিবা কোণল তাঁ'র

কিস্ত মানবের মনোবৃত্তি হ'তে  
রক্ষা করা ধর্ম চিত্তে বিধিমতে  
করম যেমতি তেমতি জগতে

ফলাফল নাহি নিষ্কৃতি কা'র । ২৩৮

শিক্ষা বলি যাহে দেহ সুরক্ষিত  
বিত্তরক্ষা আর চিত্ত সংযমিত  
দেহাদি রক্ষার্থ বহু পরিমিত

অাবশ্যক বস্তু উপজে যা'য়

মানব মাত্রেই সবাই সমান  
শিক্ষা দোষ গুণে জ্ঞানী ও অজ্ঞান  
কদাপি না কা'রে কর হেয় জ্ঞান

দীক্ষাগুণে পাপী দেবত্ব পায় । ২৩৯

লব্ধ শিক্ষা যাহা অকপট চিত্তে  
করিবে প্রদান জগতের হিত্তে  
মুক্ত হস্ত হ'বে সদা বিলাইতে

কর না গোপন পড়িয়া ভ্রমে

যত বিলাইবে হইবে কল্যাণ

কুরাইবে ম'লে নিত্য রেখ ধান

প্রাণ খুলে' সদা কর বিজ্ঞা দান

সমুন্নতি যাহে বংশানুক্রমে । ২৪৫

শিক্ষা প্রাপ্ত হ'লে করিবে অর্জন

সুস্থপায়ে বসে' র'বে না কখন

সতত আপন করিবে পোষণ

প্রত্যাশী কখনো হ'বে না কা'র

পরমুখাপেক্ষী হয় যেই জন

সুখ শান্তি সেই পায় না কখন

দুগাচক্ষে লোকে করে দরশন

বিনষ্ট স্বাধীন প্রকৃতি তা'র । ২৪৬

হটলে সম্যক উপার্জনক্ষম

হ'বে পরিণীত, সংসার পরম

আচারিয়া সুখে প্রকৃতি নিয়ম

নিয়ত পালিবে সম্ভান তরে

প্রাণীর ধরম যোগ বলে যা'রা

করয়ে নিরোপ, মনুষ্যাত্মহারা

হটয়া উপল মূর্ত্তি সম তা'রা

নামে মাত্র থাকে শরীর ধরে' । ২৪৭

নহে বিধি কভু অপাত্রেতে দান  
দ্বিতীয়ার গর্ভে হ'বে স্রসস্তান  
ভর্তার ঔরসে ঋদ্ধি যশঃ মান ।

কুলের গরিমা বদ্ধিত যা'র  
উৎপাদিকা শক্তি নরের যাবৎ  
গর্ভধারণের বামার তাবৎ  
হ'বে পরিণীত সম্যক জগৎ  
র'বে শৌর্যশালী নিয়ত তা'র । ২৪৩

যথাযথ দান অথবা বিধান  
বালি ধর্ম্ম যাচে সর্ব্বসমাধান  
পিতা মাতা প্রতি হ'বে ভক্তিমান  
মানীর সম্মান ভুল না কদা  
স্নেহবান ভ্রাতা সন্তানের প্রতি  
প্রীতি আশ্রিতেরে গুরুজনে নতি  
দীন হীনে দয়া স্বামী স্ত্রীতে রতি  
আত্মরে সহায় হইবে সদা । ২৪৪

দিবে প্রতিদান যে কাথ্য যেমন  
ছুষ্টের দমন শিষ্টের পালন  
ইত্যাদি বিধান কত অগণন  
যখন যেমন সাধিবে কাজ

পরাঙ্কুথ কভু কর্তব্য সাধনে

হ'বে না, দেখিবে দৃঢ় প্রাণপণে

করিয়া যুক্তি বিবেকের সনে

কর্তব্য সাধিতে কর না ব্যাজ । ২৪৫

ইতি শিবাচার্য ঠাকুরকাব্যে সমাধি নাম

সপ্তম সর্গ ।

গ্রন্থ সমাপ্ত ।

আষাঢ়, ১৩১২ ।

## ভ্রমসংশোধন পত্র ।

পৃষ্ঠা	ছন্দ	ছন্দের লাইন	অশুদ্ধ	শুদ্ধ
৩	১০	২	হম্মা	হম্মা
৪	১৬	২	সুভ	শুভ
৯	৪৩	১	উছানে	উছানে
১৭	৮২	২	সসবাস্তে	শশবাস্তে
২৯	১৪০	৩	সঙ্গিক	সঙ্গীক
৫০	২৪৮	১	অনন্তরূপিনী	অনন্তরূপিনী
৫২	১৫৬	১	সমাহত	সমন্বিত
৫৩	২৭৪।	১	প্রোঢ়	প্রোঢ়
৮৫	১০৬	২	ভিক্ষারীর	ভিক্ষারীর
৯০	১৩০	২	সসবাস্তে	শশবাস্তে
১২২	১৭	৬	ত্রিগুণরূপিনী	ত্রিগুণরূপিনী
১২৯	৩০	২	রুদ্র	রুদ্র
ঐ	৩১	৩	সসবাস্তে	শশবাস্তে
১৩৯	৫০	১	দারুণ	দারুণ
১৪২	৫৬	৮	কাকুতি	কাকুতি
১৫৫	৮৩	৪	স্বরূপিনী	স্বরূপিনী
১৬৯	৯	৪	আপ্নুত	আপ্নুত
১৭০	ঐ	৯	নীথর	নিথর
১৮০	২৪	১৪	উজ্জল	উজ্জল
১৮৭	৩৫	৭	হরগৌরী	হরগৌরী

পৃষ্ঠা	ছন্দ	ছন্দের লাইন	অশুদ্ধ	শুদ্ধ
১৮৯	৩৮	৭	সন্ন্যাসিন	সন্ন্যাসিনী
১৯৫	৪৭	১৫	সমে	সনে
১৯৯	৫৪	৬	মঞ্জু	মঞ্জু
২০০	৫৮	১৬	শিবোহঃ	শিবোহঃ
২০২	৩	৪	মঞ্জু	মঞ্জু
২০৪	৬	৮	দরপনে	দরপণে
২১৮	৩৪	৬	দুমে	দুমে
২২১	৪১	২	অনন্তরূপিনী	অনন্তরূপি
২২৪	৪৬	৬	অনিন্দ	অনিন্দা
২৩০	৫৯	৮	সুপোস্তোম	সুপোস্তোম
২৩৪	৬৬	৪	ভাঁক	ভাঁক
২৩৫	৬৯	৬	মঞ্জু	মঞ্জু
২৪৭	৬	১১	অকৃতি	অকৃতি
২৫৪	২১	১২	বুটল	বুটল
২৭১	৫৫	৮	অশিল	অশিল
২৭৮	৬৮	১১	সত	সতত
২৮৫	৮২	১০	সসব্যস্তে	শশব্যস্তে
৩০০	৩১	৩	অহনিশি	অহনিশি
৩০৮	৫১	৫	উদ্ধার	উদ্ধার
৩৪৬	১৪৭	৮	সদত	সতত
৫৭৯	২২৮	৫	শক্তোপলক্ষি	শক্ত্যুপলক্ষি











